

ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ

ОЛИЙ ТАЪЛИМ ТИЗИМИ ПЕДАГОГ ВА РАҲБАР КАДРЛАРИНИ
ҚАЙТА ТАЙЁРЛАШ ВА УЛАРНИНГ МАЛАКАСИНИ ОШИРИШНИ
ТАШКИЛ ЭТИШ БОШ ИЛМИЙ - МЕТОДИК МАРКАЗИ

ТОШКЕНТ ДАВЛАТ ИҚТИСОДИЁТ УНИВЕРСИТЕТИ ҲУЗУРИДАГИ
ПЕДАГОГ КАДРЛАРНИ ҚАЙТА ТАЙЁРЛАШ ВА УЛАРНИНГ
МАЛАКАСИНИ ОШИРИШ ТАРМОҚ МАРКАЗИ

“МОЛИЯ”
йўналиши

“ХАЛҚАРО БАНК ИШИ ВА
МОЛИЯ”

модули бўйича

ЎҚУВ-УСЛУБИЙ МАЖМУА

Тошкент – 2017

Мазкур ўқув-услубий мажмуа Олий ва ўрта махсус таълим вазирлигининг 2017 йил 24 августдаги 603-сонли буйруғи билан тасдиқланган ўқув режа ва дастур асосида тайёрланди.

Тузувчилар: ТДИУ “Банк иши” кафедраси доценти, и.ф.н. Тожиев Р.Р.
И.ф.д., профессор Жумаев Н.
И.ф.н., доцент Алимардонов Э.

Тақризчилар: Каримов Ф., Тошкент Халқаро Вестминстер университети,
Ph.d.
Рахимов М., Тошкент Халқаро Вестминстер университети,
Ph.d.

**Ўқув-услубий мажмуа Тошкент давлат иқтисодиёт университети
Кенгашининг 2017 йил _____даги ___-сонли қарори билан нашрга
тавсия қилинган.**

МУНДАРИЖА

I. ИШЧИ ДАСТУР	3
II. МОДУЛНИ ЎҚИТИШДА ФОЙДАЛАНИЛАДИГАН ИНТРЕФАОЛ ТАЪЛИМ МЕТОДЛАРИ.....	8
III. НАЗАРИЙ МАТЕРИАЛЛАР	16
IV. АМАЛИЙ МАШГУЛОТ МАТЕРИАЛЛАРИ	Ошибка! Закладка не определена.
V. КЕЙСЛАР БАНКИ.....	132
VI. МУСТАҚИЛ ТАЪЛИМ МАВЗУЛАРИ	140
VII. ГЛОССАРИЙ	142
VIII. АДАБИЁТЛАР РЎЙХАТИ.....	147

I. ИШЧИ ДАСТУР

Кириш

Мазкур ишчи дастур “Банк иши” қайта тайёрлаш ва малака ошириш йўналиши учун хорижий тажрибалар асосида ишлаб чиқилган ва Олий ва ўрта маҳсус таълим вазирлигининг 2016 йил 6 апрелдаги 137-сонли буйруғи билан тасдиқланган ўқув режа ва дастурга мувофиқ шакллантирилган.

Жумладан, Ўзбекистон Республикаси Президенти томонидан 2017 йил 20 апрелда имзоланган “Олий таълим тизимини янада ривожлантириш чора-тадбирлари тўғрисида”¹ги қарорда “ҳар бир олий таълим муассасаси жаҳоннинг етакчи илмий-таълим муассасалари билан яқин ҳамкорлик алоқалари ўрнатиш, ўқув жараёнига халқаро таълим стандартлариiga асосланган илғор педагогик технологиялар, ўқув дастурлари ва ўқув-услубий материалларини кенг жорий қилиш, ўқув-педагогик фаолиятга, мастер-класслар ўтказишига, малака ошириш курсларига хорижий ҳамкор таълим муассасаларидан юқори малакали ўқитувчилар ва олимларни фаол жалб қилиш, уларнинг базасида тизимли асосда республикамиз олий таълим муассасалари магистрант, ёш ўқитувчи ва илмий ходимларининг стажировка ўташларини, профессор-ўқитувчиларни қайта тайёрлаш ва малакасини оширишни ташкил қилиш”¹ вазифалари алоҳида таъкидланган.

Дастур мазмуни олий таълимнинг норматив-хукуқий асослари ва қонунчилик нормалари, илғор таълим технологиялари ва педагогик маҳорат, таълим жараёнларида ахборот-коммуникация технологияларини қўллаш, амалий хорижий тил, тизимли таҳлил ва қарор қабул қилиш асослари, маҳсус фанлар негизида илмий ва амалий тадқиқотлар, технологик тараққиёт ва ўқув жараёнини ташкил этишнинг замонавий услублари бўйича сўнгги ютуқлар, педагогнинг касбий компетентлиги ва креативлиги, глобал Интернет тармоғи, мультимедиа тизимлари ва масофадан ўқитиши усусларини ўзлаштириш бўйича янги билим, кўникма ва малакаларини шакллантиришни назарда тутади.

Ушбу дастурда халқаро банк иши, хусусан халқаро валюта бозори, жаҳон валюта тизимининг ривожланиш хусусиятлари, евробозор шаклланиш муаммолари баён этилган.

Модулнинг мақсади ва вазифалари

Мазкур предметнинг мақсадлари Ўзбекистон Республикаси Президентининг 2017 йил 7 февралдаги ПФ-4947-сонли “Ўзбекистон

¹Ўзбекистон Республикаси Президентининг 2017 йил 20 апрелдаги “Олий таълим тизимини янада ривожлантириш чора-тадбирлари тўғрисида”¹ги 2909-сонли Қарори. “Халқ сўзи” газетаси, 2017 йил 21 апрель.

Республикасини янада ривожлантириш бўйича харакатлар стратегияси тўғрисида”ги фармонидан келиб чиқсан ҳолда белгиланади².

“Халқаро банк иши ва молия” модулининг мақсади: педагог кадрларни қайта тайёрлаш ва малака ошириш курс тингловчиларини халқаро молия ва унинг концептуал асосларини, халқаро молия ва банк ишининг замонаций тенденцияларини бўйича кўникма ва малакаларини таркиб топтириш.

“Халқаро банк иши ва молия” модулининг вазифалари:

- халқаро валюта бозори, жаҳо валюта тизимининг ижтимоий-иктисодий мазмуни, ташкилий тамойилларини ёритиб бериш;

- евромолия бозорининг шаклланиш тарихи, замонави й шароитларда жаҳон молия тизимида ушбу бозорларнинг тутган ўрнини, тараққиёт тенденцияларини аниқлаш ва асослаш;

- халқаро қарз ва кредит тизимининг назарий ва амалий асосларини хорижий тажриба асосида ёритиш;

Модул бўйича тингловчиларнинг билими, кўникмаси, малакаси ва компетенцияларига қўйиладиган талаблар

“Халқаро банк иши ва молия” модулини ўзлаштириш жараёнида амалга ошириладиган масалалар доирасида:

Тингловчи:

- халқаро банк ишининг замонавий назариялари;
- халқаро валюта бозорининг ишлаш механизми;
- жаҳон валюта тизимининг ривожланиш эволюцияси;
- евробозордаги молиявий операцияларга хос хусусиятлар ҳақида билимларга эга бўлиши;

Тингловчи:

- валюта дилинги ва форекс тизимида ишлаш;
- халқаро пул ўтказмалари, банкнинг халқаро вакиллик муносабатларини ўрнатиш;
- халқаро молиявий ресурслардан банк амалиётида фойдаланиш бўйича кўникма ва малакаларини эгаллаши;

Тингловчи:

- халқаро молия бозорида валюта битимларини тузиш;
- халқаро валюталар барқарорлигини баҳолаш;
- улгуржи молиявий хизматлар бозоридан ресурсларни жалб қилиш компетенцияларни эгаллаши лозим.

Модулни ташкил этиш ва ўтказиши бўйича тавсиялар

“Халқаро банк иши ва молия” модули маъруза ва амалий машғулотлар

² Ўзбекистон Республикаси Президентининг 2017 йил 7 февралдаги ПФ-4947-сонли “Ўзбекистон Республикасини янада ривожлантириш бўйича харакатлар стратегияси тўғрисида”ти фармони

шаклида олиб борилади.

Курсни ўқитиши жараёнида таълимнинг замонавий методлари, педагогик технологиялар ва ахборот-коммуникация технологиялари қўлланилиши назарда тутилган:

- маъруза дарсларида замонавий компьютер технологиялари ёрдамида презентацион ва электрон-дидактик технологиялардан;
- ўтказиладиган амалий машғулотларда техник воситалардан, экспресс-сўровлар, тест сўровлари, ақлий ҳужум, гурухли фикрлаш, кичик гурухлар билан ишлаш ва бошқа интерактив таълим усулларини қўллаш назарда тутилади.

Модулнинг ўқув режадаги бошқа модуллар билан боғлиқлиги ва узвийлиги

“Халқаро банк иши ва молия” модули мазмуни ўқув режадаги “Замонавий банк иши”, “Монетар сиёсат” ва “Банк рискларини бошқаришда қарорлар қабул қилиш” ўқув модуллари билан узвий боғланган ҳолда педагогларнинг халқаро банк иши ва молия бўйича касбий педагогик тайёргарлик даражасини оширишга хизмат қиласди.

Модулнинг олий таълимдаги ўрни

Модулни ўзлаштириш орқали тингловчилар халқаро банк иши ва молияни ўрганиш, амалда қўллаш ва баҳолашга доир касбий компетентликка эга бўладилар.

Модул бўйича соатлар тақсимоти

№	Модул мавзулари	Тингловчининг ўқув юкламаси, соат					Мустакил таълим	
		Хаммаси	Аудитория ўқув юкламаси		Назарий	Амалий машғулот		
			Жами	жумладан				
1.	Халқаро валюта бозори	9	8	4	4	4	1	
2.	Жаҳон валюта тизими	6	6	2	4	4		
3.	Евромолия бозори	6	4	2	2	2	2	
4.	Халқаро қарз ва кредит	7	6	2	4	4	1	
	Жами:	28	24	10	14	4		

НАЗАРИЙ МАШҒУЛОТЛАР МАЗМУНИ

1 - мавзу: Халқаро валюта бозори

Халқаро валюта савдоси ҳажми. Хорижий валюта курслари шаклланишининг географияси. Спот валюта курси. Валюта арбитражи. Қисқа муддатли валюта курсларининг ўзгариши. Узоқ муддатли валюта курсларининг ўзгариши. Халқаро савдо билан боғлиқ валюта курси индекслари. Халқаро валюта савдоларини амалга оширувчи етакчи дилерлар.

2 - мавзу: Жаҳон валюта тизими

Олитн стандарти (1880-1914 йиллар). Биринчи ва иккинчи жаҳон урушлари оралиғи даври (1918-1939 йиллар). Бреттон Вудс келишуви (1944-1973 йиллар). Бреттон Вудс келишуви даврида марказий банк интервенцияси. Бреттон Вудс келишувининг инқирози. 1971-1973 йиллардаги ўтиш даври. Халқаро захира валюталар. 1973 йилдан ҳозирги кунгача бўлган сузуб юрувчи валюта курслари. Валюта Кенгашлари ва “долларлашув”. Валюта курси тизимини танлаш. Оптимал валюта зоналари. Европа валюта тизими ва евро. Алоҳида мамлакатларнинг жорий валюта амалиётлари.

3 - мавзу: Евромолия бозори

Оффшор банк ишини юзага келиш сабаблари. Либор халқаро фоиз ставкаси. Фоиз ставкаларидағи фарқ (спред) ва риск. Халқаро банк иши. Оффшор банк амалиёти. Евровалюта бозорига хос хусусиятлар. Еврокредит бозори. Евровалютадаги қимматли қоғозлар бозори.

4 - мавзу: Халқаро қарз ва кредит

Халқаро капитал ҳаракати. Халқаро қарз ва инқироз. Халқаро қарз ва буюк депрессия. Халқаро валюта фонди шартлари. Мамлакатлари тизимли риск таҳлили. Халқаро кредит ва унинг тамойиллари. Халқаро кредит турлари. Халқаро лизинг. Халқаро кредитнинг валюта-молиявий ва тўлов шартлари.

АМАЛИЙ МАШҒУЛОТ МАЗМУНИ

1-амалий машғулот: Халқаро валюта бозори

Халқаро валюта бозори савдоси ва географияси. Валюта курслари ва унга таъсир этувчи омиллар. Қисқа муддатли валюта курсларининг ўзгариши. Узоқ муддатли валюта курсларининг ўзгариши. Халқаро савдо билан боғлиқ валюта курси индекслари.

2-амалий машғулот: Халқаро валюта бозори

Хорижий валюта операцияларининг мазмуни. Жорий валюта операциялари. Капитал ҳаракати билан боғлиқ валюта операциялари. Ўзбекистонда валюта операцияларини ривожлантириш муаммолари. Мустақиллик йилларида Ўзбекистон миллий валюта тизимининг шаклланиши ва ривожланиши. Валюта захиралари.

3-амалий машғулот: Жаҳон валюта тизими

Миллий ва жаҳон валюта тизими. Жаҳон валюта тизимининг ривожланиш босқичлари ва унинг хусусиятлари. Париж, Генуя, Бреттонвуд, Ямайка жаҳон валюта тизимларининг ўзига хос жиҳатлари.

4-амалий машғулот: Жаҳон валюта тизими

Европа валюта тизими. Европа валюта тизимининг асосий элементлари ва ривожланиши босқичлари. Валюта паритети. Валюта интервенцияси. Халқаро валюта муносабатларида олтиннинг тутган ўрни.

5-амалий машғулот: Евромолия бозори

Евровалюталар ва банк кредитларининг улгуржи бозори, еврооблигация ва глобал акциялар бозори. Евровалюталар бозорини кенгайишини эмитент-давлатлар пул муомаласи ва тўлов балансларига таъсири. Евроноталар, еврооблигациялар, евроакциялар, евровекселлар. LIBOR ставкалари ва уларни қўлланилиши. Кредит рейтинги ва уни аниқлаш. Давлат ва тијорат банкларининг кредит рейтинглари.

6-амалий машғулот: Халқаро қарз ва кредит

Инвестицион муҳит ва кредит рейтинги. Халқаро кредит ва унинг тамойиллари. Халқаро кредит турлари. Халқаро лизинг. Халқаро кредитнинг валюта-молиявий ва тўлов шартлари. Халқаро молия ташкилотлари билан ҳамкорлик.

7-амалий машғулот: Халқаро қарз ва кредит

Халқаро капитал ҳаракати. Халқаро ссуда капиталининг ҳаракат қилиш шакллари. Ўзбекистонда чет эл инвесторларига бериладиган имтиёзлар ва уларнинг аҳамияти. Чет эл капиталини қимматли қофозлар бозори орқали жалб этиш муаммоси.

ҮҚИТИШ ШАКЛЛАРИ

Мазкур модул бўйича қуидаги ўқитиш шаклларидан фойдаланилади:

- маъruzалар, амалий машғулотлар (маълумотлар ва технологияларни англаб олиш, ақлий қизиқиши ривожлантириш, назарий билимларни мустаҳкамлаш);
- давра сухбатлари (кўрилаётган лойиха ечимлари бўйича таклиф бериш қобилиятини ошириш, эшитиш, идрок қилиш ва мантиқий хulosалар чиқариш);
- баҳс ва мунозаралар (лойиҳалар ечими бўйича далиллар ва асосли аргументларни тақдим қилиш, эшитиш ва муаммолар ечимини топиш қобилиятини ривожлантириш).

БАҲОЛАШ МЕЗОНИ

№	Баҳолаш мезони	Максимал балл	Изоҳ
1	“Халқаро банк иши ва молия” модули бўйича	2.5	Лойиҳа (кейс топшириғи билан бирга) – 1.5 балл Тест – 0.5 балл Мустақил таълим – 0.5 балл

II. МОДУЛНИ ЎҚИТИШДА ФОЙДАЛАНИЛАДИГАН ИНТРЕФАОЛ ТАЪЛИМ МЕТОДЛАРИ

“SWOT-таҳлил” методи.

Методнинг мақсади: мавжуд назарий билимлар ва амалий тажрибаларни таҳлил қилиш, таққослаш орқали муаммони ҳал этиш йўлларни топишга, билимларни мустаҳкамлаш, такрорлаш, баҳолашга, мустақил, танқидий фикрлашни, ностандарт тафаккурни шакллантиришга хизмат қиласди.



Намуна: Форекс валюта савдоси тизимининг SWOT таҳлилини ушбу жадвалга туширинг.

S	Форекс валюта савдоси тизимининг кучли томонлари	Дастурларнинг истеъмолчилар талабидан келиб чиқиб ишлаб чиқилганлиги ва фойдаланувчилар сонининг кўплиги...
W	Форекс валюта савдоси тизимининг кучсиз томонлари	Мамлакатлардаги айрим банклари ва кредит ташкилотларининг тизимга қўшилмаганлиги, тизимни юқори тезликдаги интернет орқали самарали ишлаши...
O	Форекс валюта савдоси тизимининг имкониятлари (ички)	Кичик сумма билан катта ҳажмли валюта операциялари амалга ошириш мумкин, фойда ва зарарларни автоматик тарзда ҳисоблаб кўрсатиб бориши ...
T	Тўсиқлар (ташқи)	Форекс бозоридаги рискнинг юқорилги ҳисобига чекловларнинг кўплиги...

«Хулосалаш» (Резюме, Веер) методи

Методнинг мақсади: Бу метод мураккаб, кўптармоқли, мумкин қадар, муаммоли характеристидаги мавзуларни ўрганишга қаратилган. Методнинг моҳияти шундан иборатки, бунда мавзунинг турли тармоқлари бўйича бир хил ахборот берилади ва айни пайтда, уларнинг ҳар бири алоҳида аспектларда муҳокама этилади. Масалан, муаммо ижобий ва салбий томонлари, афзаллик, фазилат ва камчиликлари, фойда ва зарарлари бўйича ўрганилади. Бу интерфаол метод танқидий, таҳлилий, аниқ мантиқий фикрлашни

муваффақиятли ривожлантиришга ҳамда ўқувчиларнинг мустақил ғоялари, фикрларини ёзма ва оғзаки шаклда тизимли баён этиш, ҳимоя қилишга имконият яратади. “Хулосалаш” методидан маъруза машғулотларида индивидуал ва жуфтликлардаги иш шаклида, амалий ва семинар машғулотларида кичик гурухлардаги иш шаклида мавзу юзасидан билимларни мустаҳкамлаш, таҳлили қилиш ва таққослаш мақсадида фойдаланиш мумкин.

Методни амалга ошириш тартиби:



тренер-ўқитувчи иштирокчиларни 5-6 кишидан иборат кичик гурухларга ажратади;



тренинг мақсади, шартлари ва тартиби билан иштирокчиларни таништиргач, ҳар бир гурухга умумий муаммони таҳлил қилиниши зарур бўлган қисмлари туширилган тарқатма материалларни тарқатади;



ҳар бир гурух ўзига берилган муаммони атрофлича таҳлил қилиб, ўз мулоҳазаларини тавсия этилаётган схема бўйича тарқатмага ёзма баён қиласди;



навбатдаги босқичда барча гурухлар ўз тақдимотларини ўтказадилар. Шундан сўнг, тренер томонидан таҳлиллар умумлаштирилади, зарурий ахборотлр билан тўлдирилади ва мавзу якунланади.

Намуна:

Форекс савдо платформалари

Libertex		MetaTrader4™		StartFX		Rumus	
Афзал-лиги	Камчи-лиги	Афзал-лиги	Камчи-лиги	Афзал-лиги	Камчи-лиги	Афзал-лиги	Камчи-лиги

Хулоса:

“Кейс-стади” методи

«Кейс-стади» - инглизча сўз бўлиб, («case» – аниқ вазият, ҳодиса, «stadi» – ўрганмоқ, таҳлил қилмоқ) аниқ вазиятларни ўрганиш, таҳлил қилиш асосида ўқитишни амалга оширишга қаратилган метод ҳисобланади. Мазкур метод дастлаб 1921 йил Гарвард университетида амалий вазиятлардан иқтисодий бошқарув фанларини ўрганишда фойдаланиш тартибида кўлланилган. Кейсда очик ахборотлардан ёки аниқ воқеа-ҳодисадан вазият сифатида таҳлил учун фойдаланиш мумкин. Кейс ҳаракатлари ўз ичига қуйидагиларни қамраб олади: Ким (Who), Қачон (When), Қаерда (Where), Нима учун (Why), Қандай/ Қанақа (How), Нима-натижা (What).

“Кейс методи” ни амалга ошириш босқичлари

Иш босқичлари	Фаолият шакли ва мазмуни
1-босқич: Кейс ва унинг ахборот таъминоти билан таништириш	якка тартибдаги аудио-визуал иш; кейс билан танишиш(матнли, аудио ёки медиа шаклда); ахборотни умумлаштириш; ахборот таҳлили; муаммоларни аниқлаш
2-босқич: Кейсни аниқлаштириш ва ўқув топшириғни белгилаш	индивидуал ва гуруҳда ишлаш; муаммоларни долзарблик иерархиясини аниқлаш; асосий муаммоли вазиятни белгилаш
3-босқич: Кейсдаги асосий муаммони таҳлил этиш орқали ўқув топшириғининг ечимини излаш, ҳал этиш ўйларини ишлаб чиқиш	индивидуал ва гуруҳда ишлаш; муқобил ечим йўлларини ишлаб чиқиш; ҳар бир ечимнинг имкониятлари ва тўсиқларни таҳлил қилиш; муқобил ечимларни танлаш
4-босқич: Кейс ечимини ечимини шакллантириш ва асослаш, тақдимот.	якка ва гуруҳда ишлаш; муқобил вариантларни амалда қўллаш имкониятларини асослаш; ижодий-лойиха тақдимотини тайёрлаш; якуний хулоса ва вазият ечимининг амалий аспектларини ёритиши

Кейс. Тижорат банки хориждаги хамкор банкининг вакиллик ҳисобвараfiga ўз мижози топшириғига кўра ўтказган 1 млн. АҚШ долларидаги пули белгиланган тартиб бўйича ўтмади, яъни хорижий банк ҳисобвароғида кўринмади.

Кейсни бажариш босқичлари ва топшириқлар:

- Кейсдаги муаммони келтириб чиқарган асосий сабабларни белгиланг(индивидуал ва кичик гуруҳда).
- пул ўтказиш билан боғлиқ ишлар кетма-кетлигини белгиланг (жуфтликлардаги иш).

«ФСМУ» методи

Технологиянинг мақсади: Мазкур технология иштирокчилардаги умумий фикрлардан хусусий хулосалар чиқариш, таққослаш, қиёслаш орқали ахборотни ўзлаштириш, хулосалаш, шунингдек, мустақил ижодий фикрлаш кўнималарини шакллантиришга хизмат қиласи. Мазкур технологиядан маъруза машғулотларида, мустаҳкамлашда, ўтилган мавзууни сўрашда, уйга

вазифа беришда ҳамда амалий машғулот натижаларини таҳлил этишда фойдаланиш тавсия этилади.

Технологияни амалга ошириш тартиби:

- қатнашчиларга мавзуга оид бўлган якуний хуроса ёки ғоя таклиф этилади;
- ҳар бир иштирокчига ФСМУ технологиясининг босқичлари ёзилган қофозларни тарқатилади:



- иштирокчиларнинг муносабатлари индивидуал ёки гурӯхий тартибда тақдимот қилинади.

ФСМУ таҳлили қатнашчиларда касбий-назарий билимларни амалий машқлар ва мавжуд тажрибалар асосида тезроқ ва муваффақиятли ўзлаштирилишига асос бўлади.

Намуна.

Фикр: “АҚШ доллари - ҳалқаро валюталардан бири”.

Топшириқ: Мазкур фикрга нисбатан муносабатингизни ФСМУ орқали таҳлил қилинг.

“Ассесмент” методи

Методнинг мақсади: мазкур метод таълим оловчиларнинг билим даражасини баҳолаш, назорат қилиш, ўзлаштириш кўрсаткичи ва амалий кўникмаларини текширишга йўналтирилган. Мазкур техника орқали таълим оловчиларнинг билиш фаолияти турли йўналишлар (тест, амалий кўникмалар, муаммоли вазиятлар машқи, қиёсий таҳлил, симптомларни аниқлаш) бўйича ташҳис қилинади ва баҳоланади.

Методни амалга ошириш тартиби:

“Ассесмент” лардан маъруза машғулотларида талабаларнинг ёки қатнашчиларнинг мавжуд билим даражасини ўрганишда, янги маълумотларни баён қилишда, семинар, амалий машғулотларда эса мавзу ёки маълумотларни ўзлаштириш даражасини баҳолаш, шунингдек, ўз-ўзини баҳолаш мақсадида индивидуал шаклда фойдаланиш тавсия этилади. Шунингдек, ўқитувчининг ижодий ёндашуви ҳамда ўқув мақсадларидан келиб чиқиб, ассесментга қўшимча топшириқларни киритиш мумкин.

Намуна. Ҳар бир катақдаги тўғри жавоб 5 балл ёки 1-5 балгача

баҳоланиши мумкин.



Тест

- 1. Халқаро валюта бозори одатда 1 кунда неча соат ишлайди?
 - A. 8 соат
 - B. 12 соат
 - C. 24 соат



Қиёсий таҳлил

- Жаҳон валюта тизими боқичларини ўзаро солиштирган ҳолда таҳлил қилинг?



Тушунча таҳлили

- Девальвация нима?
- ISO қисқармасини изоҳланг...



Амалий қўнирма

- Хорижий банк билан вакиллик муносабатини ўрнатиш учун шартнома шартларини белгиланг?
- StartFX дастурий платформани ўрнатинг?

“Инсерт” методи

Методнинг мақсади: Мазкур метод ўқувчиларда янги ахборотлар тизимини қабул қилиш ва билимларни ўзлаштирилишини енгиллаштириш мақсадида қўлланилади, шунингдек, бу метод ўқувчилар учун хотира машқи вазифасини ҳам ўтайди.

Методни амалга ошириш тартиби:

- ўқитувчи машғулотга қадар мавзунинг асосий тушунчалари мазмуни ёритилган инпут-матнни тарқатма ёки тақдимот кўринишида тайёрлайди;
- янги мавзу моҳиятини ёритувчи матн таълим оловчиларга тарқатилади ёки тақдимот кўринишида намойиш этилади;
- таълим оловчилар индивидуал тарзда матн билан танишиб чиқиб, ўз шахсий қарашларини маҳсус белгилар орқали ифодалайдилар. Матн билан ишлашда талабалар ёки қатнашчиларга қуидаги маҳсус белгилардан фойдаланиш тавсия этилади:

Белгилар	1-матн	2-матн	3-матн
“V” – таниш маълумот.			
“?” – мазкур маълумотни тушунмадим, изоҳ керак.			
“+” бу маълумот мен учун янгилик.			
“–” бу фикр ёки мазкур маълумотга қаршиман?			

Белгиланган вақт якунланғач, таълим олувчилар учун нотаниш ва тушунарсиз бўлган маълумотлар ўқитувчи томонидан таҳлил қилиниб, изоҳланади, уларнинг моҳияти тўлиқ ёритилади. Саволларга жавоб берилади ва машғулот якунланади.

“Тушунчалар таҳлили” методи

Методнинг мақсади: мазкур метод талабалар ёки қатнашчиларни мавзу буйича таянч тушунчаларни ўзлаштириш даражасини аниқлаш, ўз билимларини мустақил равишда текшириш, баҳолаш, шунингдек, янги мавзу буйича дастлабки билимлар даражасини ташхис қилиш мақсадида қўлланилади.

Методни амалга ошириш тартиби:

- иштирокчилар машғулот қоидалари билан таништирилади;
- ўқувчиларга мавзуга ёки бобга тегишли бўлган сўзлар, тушунчалар номи туширилган тарқатмалар берилади (индивидуал ёки гурӯхли тартиба);
- ўқувчилар мазкур тушунчалар қандай маъно англатиши, қачон, қандай ҳолатларда қўлланилиши ҳақида ёзма маълумот берадилар;
- белгиланган вақт якунига етгач ўқитувчи берилган тушунчаларнинг туғри ва тўлиқ изоҳини ўқиб эшиттиради ёки слайд орқали намойиш этади;
- ҳар бир иштирокчи берилган тўғри жавоблар билан узининг шахсий муносабатини таққослайди, фарқларини аниқлайди ва ўз билим даражасини текшириб, баҳолайди.

Намуна: “Халқаро банк иши ва молия” модулидаги айрим таянч тушунчалар таҳлили”

Тушунчалар	Сизнингча бу тушунча қандай маънени англатади?	Қўшимча маълумот
Фоизли своп (interest rate swap)	Фоизли тўловлар, ёки фоизли битимлар ва ҳ.к.	
Дисконт сиёсати (discount policy)	Чегирмалар сиёсати, ҳисоб сиёсати ва ҳ.к.	
Девальвация (devaluation, depreciation)	Эскириш; Пасайиш; Қайта баҳолаш ва ҳ.к.	

Изоҳ: Иккинчи устунчага қатнашчилар томонидан фикр билдирилади. Мазкур тушунчалар ҳақида қўшимча маълумот глоссарийда келтирилган.


Вени Диаграммаси методи

Методнинг мақсади: Бу метод график тасвир орқали ўқитишини ташкил этиш шакли бўлиб, у иккита ўзаро кесишиган айлана тасвири орқали ифодаланади. Мазкур метод турли тушунчалар, асослар, тасавурларнинг анализ ва синтезини икки аспект орқали қўриб чиқиш, уларнинг умумий ва фарқловчи жиҳатларини аниқлаш, таққослаш имконини беради.

Методни амалга ошириш тартиби:

- иштирокчилар икки кишидан иборат жуфтликларга бирлаштириладилар ва уларга кўриб чиқилаётган тушунча ёки асоснинг ўзига хос, фарқли жиҳатларини (ёки акси) доиралар ичига ёзиб чиқиши таклиф этилади;
- навбатдаги босқичда иштирокчилар тўрт кишидан иборат кичик гурухларга бирлаштирилади ва ҳар бир жуфтлик ўз таҳлили билан гурух аъзоларини таништирадилар;
- жуфтликларнинг таҳлили эшитилгач, улар биргалашиб, кўриб чиқилаётган муаммо ёхуд тушунчаларнинг умумий жиҳатларини (ёки фарқли) излаб топадилар, умумлаштирадилар ва доирачаларнинг кесишган қисмига ёзадилар.

Намуна: Милий, худудий ва жаҳон валюта тизимлари бўйича



“Блиц-ўйин” методи

Методнинг мақсади: ўқувчиларда тезлик, ахборотлар тизмини таҳлил қилиш, режалаштириш, прогнозлаш кўникмаларини шакллантиришдан иборат. Мазкур методни баҳолаш ва мустаҳкамлаш мақсадида қўллаш самарали натижаларни беради.

Методни амалга ошириш босқичлари:

1. Дастреб иштирокчиларга белгиланган мавзу юзасидан тайёрланган топшириқ, яъни тарқатма материалларни алоҳида-алоҳида берилади ва улардан материални синчиклаб ўрганиш талаб этилади. Шундан сўнг, иштирокчиларга тўғри жавоблар тарқатмадаги “якка баҳо” устунига белгилаш кераклиги тушунирилади. Бу босқичда вазифа якка тартибда бажарилади.

2. Навбатдаги босқичда тренер-ўқитувчи иштирокчиларни уч кишидан иборат кичик гурухларга бирлаштиради ва гурух аъзоларини ўз фикрлари билан гуруҳдошларини таништириб, баҳслашиб, бир-бирига таъсир ўтказиб, ўз фикрларига ишонтириш, келишган ҳолда бир тўхтамга келиб, жавобларини “гурух баҳоси” бўлимига рақамлар билан белгилаб чиқиши топширади. Бу вазифа учун 15 дақиқа вақт берилади.

3. Барча кичик гурухлар ўз ишларини тугатгач, тўғри ҳаракатлар кетма-

кетлиги тренер-ўқитувчи томонидан ўқиб эшиттирилади, ва ўқувчилардан бу жавобларни “тўғри жавоб” бўлимига ёзиш сўралади.

4. “Тўғри жавоб” бўлимида берилган рақамлардан “якка баҳо” бўлимида берилган рақамлар таққосланиб, фарқ бўлса “0”, мос келса “1” балл қўйиш сўралади. Шундан сўнг “якка хато” бўлимидаги фарқлар юқоридан пастга қараб қўшиб чиқилиб, умумий йиғинди ҳисобланади.

5. Худди шу тартибда “тўғри жавоб” ва “гурух баҳоси” ўртасидаги фарқ чиқарилади ва баллар “гурух хатоси” бўлимига ёзиб, юқоридан пастга қараб қўшилади ва умумий йиғинди келтириб чиқарилади.

6. Тренер-ўқитувчи якка ва гурух хатоларини тўплланган умумий йиғинди бўйича алоҳида-алоҳида шарҳлаб беради.

7. Иштирокчиларга олган баҳоларига қараб, уларнинг мавзу бўйича ўзлаштириш даражалари аниқланади.

Жаҳон валюта бозорида энг қўп айирбошланадиган валюталар жуфтлигини кетма-кет жойлаштиринг. Бунда энг қўпи 1, навбатдагиси 2 ва х.к. Ўзингизни текшириб қўринг!

Ҳаракатлар мазмуни	Якка баҳо	Якка хато	Тўғри жавоб	Гурух баҳоси	Гурух хатоси
USD/JPY					
USD/EUR					
EUR/JPY					
USD/CHF					
USD/UZS					
USD/GBP					

“Брифинг” методи

“Брифинг”- (инг. briefing-қисқа) бирор-бир масала ёки саволнинг муҳокамасига бағишлиланган қисқа пресс-конференция.

Ўтказиш босқичлари:

1. Тақдимот қисми.
2. Муҳокама жараёни (савол-жавоблар асосида).

Брифинглардан тренинг яқунларини таҳлил қилишда фойдаланиш мумкин. Шунингдек, амалий ўйинларнинг бир шакли сифатида қатнашчилар билан бирга долзарб мавзу ёки муаммо муҳокамасига бағишлиланган брифинглар ташкил этиш мумкин бўлади. Талабалар ёки тингловчилар томонидан халқаро пул ўтказмаларининг тақдимотини ўтказишида ҳам фойдаланиш мумкин.

III. НАЗАРИЙ МАТЕРИАЛЛАР

1-мавзу: Халқаро валюта бозори

Режа

- 1.1. Валюта курси ва унинг турлари
- 1.2. Халқаро валюта бозоридаги операциялар
- 1.3. Глобал валюта бозоридаги асосий тенденциялар
- 1.4. Ўзбекистонда валюта операцияларини амалга ошириш тартиби

Таянч иборалар: *Валюта курси, тўғри ва тескари котировка, кросс-курс, валюталарнинг харид қобилияти паритети, валюта курсига таъсир этувчи омиллар, валюта конвертацияси, валюта бозори, маркет-мейкер, спот операцияси, валюта позициялари, арбитраж, муддатли битимлар, жорий халқаро операциялар, капитал ҳаракати билан боғлиқ валюта операциялари, чет эл валютасидаги ҳисоб-китоблар ва тўловлар, валюта биржаси.*

1.1. Валюта курси ва унинг турлари

Валюта курси (exchange rate) бир мамлакат пул бирлигининг иккинчи бир мамлакат валютасига нисбатан баҳоси ҳисобланади.

Валюта ёки айрибошлиш курси маълум бир мамлакатни ташки дунё билан боғлаб туради, шунингдек миллий иқтисодиёт ҳолатини ташки дунё билан таққослаш, халқро иқтисодий операциялар самарадорлигини баҳолаш имконини беради. Валюта курси мамлакатнинг жорий иқтисодий, ижтимоий ва сиёсий ҳолати ва истиқболдаги режалари тўғрисидаги барча маълумотларни ўзида мужассам этади. Иқтисодиёти нисбатан очик мамлакатлар учун валюта курси муҳим кўрсаткичлардан ҳисобланади. Чунки унинг иқтисодиётга бевосита ёки билвосита таъсир этиши, валюта курсидаги кескин ўзгаришлар эса, миллий иқтисодиётда инқизорзли ҳолатларни юзага келтириши мумкин. Хусусан, валюта курсининг ўзгариши мамлакатдаги умумий талаб ҳажмига, нархлар даражасига, фоиз ставкалар ўзаришига, мамлакат ичидаги даромадлар тақсимотига, ва иқтисодиётнинг бошқа соҳаларига ҳам ўз таъсирини кўрсатади.

Миллий валюта курсини амалдаги замонавий талаблар ва қонунчилик меъёрларига мос равишда ўрнатиш тартиби **валюта котировкаси** (currency quotation) дейилади. Жаҳон амалиётида 2 хил турли валюта котировкаларидан фойдаланилади.

1. Хорижий валюта бирлигининг маълум миқдордаги миллий валютага тенглаштирилиши **тўғри котировка** дейилади. Масалан, Ўзбекистонда 1 АҚШ доллари (USD) 2200 сўм (UZS) этиб белгиланиши (UZS/USD), ёки АҚШда 1 евро (EUR) маълум миқдордаги АҚШ доллари(USD)га тенглаштирилиши (USD/EUR) тўғри котировка ҳисобланади. Тўғри котировка жаҳоннинг кўп мамлакатларида кўлланилади.

2. Агар миллий валюта бирлигининг маълум миқдордаги хорижий валютага тенглаштирилса **тескари котировка** дейилади. Масалан, Буюк Британияда 1 фунт стерлинг (GBP) маълум миқдордаги АҚШ доллари(USD)га тенглаштирилиши (USD/GBP), тескари котировка ҳисобланади.

Маълум бир даврий оралиқда, белгиланган тартибда аниқланган валюта курсининг энг кичик кўрсаткичлари ўртасидаги фарқ “**пункт**” деб юритилади. Масалан, 1 АҚШ долларининг сўмга нисбатан курси 2236,66 сўмдан 2243,49 сўмга ортса, валюта курси мазкур ҳолат бўйича 683 пунктга ортган бўлади.

Тўғри ва тескари котировкалар орасида қўйидаги боғлиқлик мавжуд: $S(UZS/USD) = 1/S(USD/UZS)$

Турли англашилмовчиликларни содир эттаслик учун мавзуга тегишли кейинги ҳолатларни изоҳлашда тўғри котировкадан фойдаланамиз.

Халқаро ҳисоб-китобларда **кросс-курслардан** кенг фойдаланилади. Кросс-курс учинчи валюта (USD) орқали икки валюта (UZS, JPY, GBP) ўртасидаги курсни аниқлашдир.

Кросс-курслар икки хил усулда аниқланади. Бунда базавий валюта (USD ва ҳ.к.) ва котировка қилинаётган валюталар(UZS, JPY, GBP ва ҳ.к.)дан фойдаланилади. Яъни валюта курсидаги 1 бирликка тенг валюта базавий, бошқа маълум қийматга тенг валюта эса, котировка қилинаётган валютадир. Масалан, 1 USD (базавий) = 2200 UZS (котировка қилинаётган), ёки 1 GBP (базавий) = 1,4 USD (котировка қилинаётган)

1. Маълум икки валюта курсининг базаси бир хил валюта бўлса, бунда ушбу курсларнинг ўзаро нисбати орқали учинчи валюта курси топилади. Масалан, 1 АҚШ долларига 2200 сўм (UZS/USD) ёки 150 Япон йенаси (JPY/USD) алмаштириб берилса, унда $150 \text{ JPY} = 2200 \text{ UZS}$ бўлади ва бундан $1 \text{ JPY} = 14,67 \text{ UZS}$ келиб чиқади, яъни $1 \text{ JPY}/\text{UZS} = 14,67$ ёки $1 = 14,67 \text{ UZS}/\text{JPY}$

Шундай қилиб, 1 ҳолат бўйича: Кросс курс $(UZS/JPY) = \frac{\text{UZS}/\text{USD}}{\text{JPY}/\text{USD}} = \text{UZS}/\text{JPY}$

2. Кросс курсни топиш учун ишлатиладиган учинчи валюта маълум икки валюта курсининг бирида базавий иккинчисида котировка қилинаётган валюта бўлса, бунда ушбу курсларни ўзаро кўпайтириш орқали учинчи валюта курси топилади. Масалан, 1 АҚШ доллари 2200 сўм (UZS/USD) ва 1 Буюк Британия фунт стерлинги 1,4 АҚШ доллари (USD/GBP) бўлса, унда $1 \text{ GBP} = 1,4 * 2200 \text{ UZS}$ бўлади ва бундан $1 \text{ GBP} = 3080 \text{ UZS}$ келиб чиқади, яъни $1 \text{ GBP}/\text{UZS} = 3080$ ёки $1 = 3080 \text{ UZS}/\text{GBP}$

Шундай қилиб, 2 ҳолат бўйича: Кросс курс $\left(\frac{\text{UZS}}{\text{GBP}}\right) = \frac{\text{USD}}{\text{GBP}} * \frac{\text{UZS}}{\text{USD}}$

Валюталарни олди-сотди қилиш бўйича битим тузатётганда спот ва форвард валюта курсларидан фойдаланилади. Жорий алмашув курси бу бугун алмаштирилаётган бир пулнинг иккинчи валютадаги қиймати. Валюта курслари кун давомида GMT (Greenwich Mean Time) соатига қараб соат 4да ўзгаради³.

³ Michael Melvin and Stefan C. Norrbom. International money and finance. 8th edition. Elsevier Inc. 2013 P.7

Спот курс (spot rate) – валюта олди-сотди битимини түзиш пайтида белгиланган, валюта бозоридаги талаб ва таклиф асосида шаклланган, жорий валюта курси бўлиб, бу курс бўйича тузилган битимларда унинг иштирокчилари келишилган валюталарни қисқа вақт (битим тузилган кундан бошлаб 2 иш куни) ичида етказиб беришни ўз зиммаларига оладилар.

Форвард (муддатли) валюта курси (forward rate) – келажакда, одатда, 2 иш кунидан ортиқ муддатда валюталарни ўзаро айирбошлиш учун фойдаланиладиган, жорий валюта курси асосида белгиланган муддат учун тахминий ҳисобланган валюта курсидир. Шартномада белгиланган муддат келганда, битимда кўрсатилган курсдан жорий курс фарқ қилса, бундан бир томон фойда олади, бошқа томон эса, зарар кўради.

Валюталар билан тузиладиган битимлардан иккита мақсад кўзланган бўлиши мумкин, яъни:

- битим иштирокчиларини катта зарар кўришидан ҳимоялаш, ёки сұғурталаш;
- валюта курслари (форвард ва спот курслари) фарқидан спекулятив фойда олиш.

Ҳозирги кунда барча турдаги ҳалқаро ҳисоб-китоблар бевосита банклар орқали амалга оширилади. Ҳалқаро ҳисоб-китоб операциялари банк даромадларини ошириш манбаларидан бири ҳисобланиб, банклар ўз мижозларига валюталарни сотиш ёки улардан сотиб олишда, 2 турли валюта курсларини белгилашади, яъни улар **валюталарни сотиш ва сотиб олиш курсларидир**. Банкнинг валюталарни сотиш ва сотиб олиш курслари ўртасидаги фарқ маржа ёки спред деб номланади ва ушбу фарқ банкнинг валюта операциялари билан боғлик операцион харажатларини қоплаши ҳамда унга фойда келтириши лозим. Валюта курслари бўйича спред ҳажми банкларда турли валюталар ва мижозлар бўйича битим ҳажмига қараб турлича бўлиши мумкин.

Ҳалқаро бизнес натижалари нафақат тегишли мамлакатлар валюта курслари, балки миллий ва хорижий бозорлардаги аниқ бир маҳсулот ва хизматлар турининг нархи билан ҳам экспорт ва импорт операциялари ҳажми қиймати аниқланиб, ўзаро таққосланади. Шу жиҳатдан, валюта курсларининг икки тури, яъни реал ва номинал валюта курслари фарқланади.

Валюта курслари ўзгаришининг эркинлик даражасига кўра валюта курслари қатъий белгиланган, чегараланган эгилувчан, сузуви валюта курсларига бўлинади.

Қатъий белгиланган валюта курсида миллий валюталар ўртасидаги расман ўрнатилган нисбатаинг вақтинчалик 2,25 фоиздан ошмаган миқдорда тебранишга рухсат берилади.

Чегараланган эгилувчан валюта курсида миллий валюталар ўртасидаги расман ўрнатилган нисбатаинг белгиланган қоидага мувофиқ катта бўлмаган миқдорда тебранишига рухсат берилади.

Сузувчи валюта курси талаб ва таклиф таъсирида эркин ўзгарадиган алмашув курси бўлиб, маълум шароитларда давлат валюта интервенцияси орқали унга таъсир ўтказиши мумкин.

Биз 1973 йилдан кўллаб келинаётган валюта алмашув курсини сузуб юрувчи валюта курс сифатида ҳисобласакда, аслида айрим мамлакатларгина бутунлай ушбу курсни бозор механизми орқали белгиланишига йўл берадилар.⁴

Номинал валюта курси (nominal exchange rate) – бир миллий валюта бирлигининг хорижий валюта бирлигига ифодаланган бозордаги баҳоси, ёки икки валюта ўртасидаги жорий курсдир.

Реал валюта курси (real exchange rate) – номинал валюта курси асосида икки мамлакатдаги бир хил турдаги товар ва маҳсулотлар нархлари даражасини ўзаро нисбати орқали ҳисобланган валюта курсидир. Реал айирбошлиш курси халқаро иқтисодий назарияда “савдо шартлари” (terms of trade)дан бирини ўзида намоён этади. Жаҳон иқтисодиётида миллий иқтисодиётларни, хусусан, ЯИМ, ЯМД (Ялпи миллий даромад)ни ўзаро солиштириш одатда, реал валюта ёки валюталарнинг харид қуввати паритети (PPP) бўйича ҳисобланган курслари орқали амалга оширилади.

Реал айирбошлиш курси қўйидаги формула асосида ҳисобланади:

$$S^* = S \frac{P_f}{P_d}$$

Бу ерда, S – номинал валюта курси; P_d – миллий пул бирлигига ифодаланган ички бозордаги нархлар даражаси; P_f – чет элдаги нархлар даражаси (хорижий валютада ҳисобланган).

Реал валюта курсининг моҳиятини қўйидаги мисол орқали тўлиқроқ тушунтишга ҳаракат қиласиз. Маълум бир турдаги маҳсулот (1 кг қорамол гўшти)нинг нархи Ўзбекистонда 15 000 сўм бўлса, АҚШда 30 доллар, номинал валюта 1 USD/UZS = 2000. Мазкур ҳолатда реал валюта курси қўйидагига teng:

$$S^* = 2000 \frac{UZS}{USD} * \frac{30 USD}{15 000 UZS} = 4$$

Бу АҚШдаги маълум бир турдаги маҳсулот (1кг қорамол гўшти) нархига Ўзбекистонда 4 бирлик шу турдаги маҳсулот (4 кг қорамол гўшти)ни олиш мумкинлиги англаатади.

Шунингдек, реал валюта курси мамлакатдаги у ёки бу маҳсулотнинг нисбий нархларини ўзида акс эттирган ҳолда, мамлакатнинг халқаро савдодаги рақобатбардошлиқ даражасини ҳам ифодалайди.

Юқорида келтирилган мисолдаги маълум бир товарлар нархлари даражаси ўрнига фоизларда, ёки коэффицентларда ифодаланган мамлакатларнинг истеъмол нархлари индекси (consumer price index, CPI)ни, ёки инфляция

⁴ Michael Melvin and Stefan C. Norrbom. International money and finance. 8th edition. Elsevier Inc. 2013 P.39

даражасини тегишли равища кўйсак, мамлакатлар бўйича реал валюта курсини ҳисобган бўламиз.

Масалан, А мамлакатда номинал валюта курси ўсиб бораётган бир шароитда реал валюта курси тушиб бораётган бўлиши мумкин. Яъни, 1 ой давомида А мамлакатда инфляция даражаси 8.5%, Б мамлакатда 0.4%, номинал валюта курси эса, Б мамлакат бир пул бирлигининг А мамлакат пул бирлигига нисбатан баҳоси 4700 дан 5000га, хусусан валютасининг қадри 6.4% ((5000*100/4700)-100)га тушганлиги кузатилган бўлса, реал валюта курси 1.6% (100-(4626.73*100/4700))га ортган.

$$S^* = 5000 \frac{\text{А мамлакат пул бирлиги (A)}}{\text{Б мамлакат пул бирлиги (Б)}} * \frac{100.4\%}{108.5\%} = 4626.73 \frac{\text{A}}{\text{B}}$$

Реал валюта курси, номинал валюта курси ва хорижий мамлакатлардаги истеъмол нархлари индексига тўғри, миллий иқтисодиётдаги истеъмол нархлари индексига эса тескари пропорционал равища ўзгаради.

Реал валюта курсининг ортиши (яъни ҳақиқатда камайиши, юқоридаги мисол бўйича 4 баробар 3 баробарга тушиши) бу мамлакатда ишлаб чиқарилган маълум бир товар нархининг бошқа мамлакатга нисбатан ортганлигини, яъни қимматлашганлигини англатади. Бу эса, ўз навбатида, ушбу мамлакатнинг мазкур маҳсулот тури бўйича халқаро рақобатбардошлигини пасайланлигидан далолат беради.

Реал валюта курсининг пасайиши (яъни ҳақиқатда ортиши юқоридаги мисол бўйича 4 баробар 5 баробарга ўсиши) бу миллий пул бирлигига ифодаланган хорижий маҳсулотлар баҳосининг ортишини англатиб, миллий иқтисодиётнинг халқаро рақобатбардошлигини ошириб, маҳсулотлар экспортини янада кенгайишига сабаб бўлади.

Агар мамлакатлардаги истеъмол маҳсулотларини ва хизматларнинг нархлар даражаси бир хил бўлса, реал валюта курси номинал валюта курсига teng бўлади.

Миллий валютани қандай валютага котировка қилинишига қараб валюталар курси турлича бўлиши мумкин. Яъни миллий валюта курси маълум бир турдаги хорижий валютага нисбатан ортса, бошқа бир турига нисбатан пасаяди. Валюта курсининг маълум бир турдаги хорижий валютага эмас, балки котировка қилинган барча турдаги, ёки маълум бир гурух валюталарга нисбатан ошиши ёки тушишига, яъни динамикасига баҳо бериш учун самарали валюта курслари ҳисобланади. Мазкур валюта курсини ҳисоблашда мамлакатнинг асосий ташқи савдо ҳамкорлари бўлган мамлакатлар валюталари олинади, чунки экспортёрлар ўзларининг маҳсулотлари ва хизматлари учун тўловларни асосан ушбу валюталарда қабул қиласи, шунингдек бозорда импортёрлар томонидан уларга талаб кўп бўлади.

Номинал самарали валюта курси (nominal effective exchange rate, NEER) – бу мамлакатдаги валюта операцияларида ташқи савдода асосий ҳамкор

бўлган мамлакатлар валюталарининг салмоини инобатга олган ҳолда ҳисобланган, индекс кўринишидаги валюта курсидир.

Реал самарали валюта курси (real effective exchange rate, REER). Номинал самарали валюта курсидан реал тенденцияларни аниқлаш, яъни инфляция кўрсаткичларини чиқариб ташлаган ҳолда мамлакатлардаги ишлаб чиқариш, истеъмол харажатларини солиштириш учун реал самарали валюта курси ҳисоб-китоб қилинади.

Валюталарнинг харид қобилияти паритети (purchasing-power parity (PPP)) асосида ҳисобланган валюта курси – турли мамлакатлардаги сифати, миқдори ва бошқа хусусиятлари бир хил бўлган маҳсулотлар ва хизматларнинг миллий валютада ифодаланган қийматни ўзаро тенглаштириш орқали аниқланадиган валюта курсидир.

Харид қобилияти паритети бўйича кўриладиган бўлса марказий банк икки йўналишдан бири танланиши лозим- алмашув курси ёки ички нархлари даражаси ўртасидаги боғлиқлик.⁵

Масалан, Ўзбекистонда 1 кг олий сортли буғдой унининг нархи 2200 бўлса, худдий шундай сифатли ва сортли буғдой унининг нархи АҚШда 1 доллар бўлса, унда валюталарнинг харид қобилияти бўйича курси 1 USD = 2200 UZS бўлади. Валюталарнинг харид қобилияти паритети ва бозор курслари ўзаро бир-биридан фарқ қилиши мумкин.

Валюталарнинг харид қобилияти бўйича курслар одатда, истеъмол савати товарлари нархлари бўйича ҳисобланади, яъни:

$$PPP = \frac{P_A}{P_B}$$

Бу ерда, P_A – А мамлакат истеъмол саватидаги товарлар ва хизматларнинг жами баҳоси; P_B – В мамлакат истеъмол саватидаги товарлар хизматларнинг баҳоси.

Кўйидаги жадвал маълумотлари асосида валюталарнинг харид қобилияти паритети бўйича курсини аниқлаш керак бўлсин.

1.1-жадвал

Валюталарнинг харид қобилияти паритети бўйича курсини аниқлаш

Истеъмол саватидаги маҳсулотлар	Ўлчов бирлиги	Мамлакат					
		Ўзбекистон (сўм)			АҚШ (доллар)		
		Бирлик баҳоси	Миқдори	Сумма	Бирлик баҳоси	Миқдори	Сумма
Гўшт	кг	21000	1,5	31500	9,0	1,5	13,50
Гурунч	кг	4000	4,0	16000	1,5	4,0	6,00
Картошка	кг	1800	10,0	18000	0,9	10,0	9,00
Ўсимлик	литр	5900	1,0	5900	2,8	1,0	2,80

⁵ Michael Melvin and Stefan C. Norrbom. International money and finance. 8th edition. Elsevier Inc. 2013 P. 276

ёғи							
Пиёз	кг	1000	1,5	1500	0,5	1,5	0,75
Олий сортли буғдой уни	кг	2100	3,0	6300	0,8	3,0	2,40
Сабзи	кг	1200	3,0	3600	0,5	3,0	1,50
Шакар	кг	3500	2,0	7000	1,5	2,0	3,00
Жами	-	-	-	89800	-	-	38,95

Мазкур маълумотлари асосида, валюталарнинг харид қобилияти паритети бўйича бир АҚШ долларининг ўзбек сўмига нисбатан курси:

$$38,95 \text{ USD} = 89800 \text{ UZS}; 1 \text{ USD/UZS} = 2305,52.$$

Бироқ, валюталарнинг харид қобилияти паритети валюта курслари билан боғлиқ ўзгаришларини ўзида тўлиқ акс эттира олмайди. Бунинг асосий сабабларини қўйидаги ҳолатлар билан изоҳлаш мумкин:

1. Ҳар икки мамлакат истеъмол саватидаги ўхшаш товарларни бир хил деб ҳисобланиши (уларни етиштириш, яратиш ёки тайёрлаш технологиялари ва шароитлари турлича бўлиши, натижада сифати ва нархи ҳам фарқ қилиши мумкин);

2. Мамлакатлар истеъмол саватидаги таварлар ва хизматлар турлари сонининг ҳар хиллиги (бир мамлакатда 100 хил товар ва хизматлар истеъмол саватига кирса, солиштириладиган бошқа мамлакатда 500 хил ва ҳ.к.)

Валюталарнинг харид қобилияти (ёки товар) паритети билан бирга мамлакатларинг валюта муносабатлари тараққиётида **валюталарнинг олтин ва валюта паритетлари** ҳам амалда бўлган. **Валюта курсига таъсир этувчи омиллар**. Валюта курсига таъсир этувчи фундаментал омилларнинг 4 турини алоҳида ажратиб кўрсатиш мумкин. Хусусан:

1. *Иқтисодий омиллар*. Иқтисодий омилларнинг асосийлари сифатида мамлакатнинг иқтисодий ривожланиши тўғрисидаги маълумотлар(ЯИМ, Саноатнинг ўсиши, ишсизлик ва аҳолининг меҳнат билан бандлиги, инфляция, фоиз ставкалар ва ҳ.к.)нинг ўзгариши (**2-жадвалга қаранг**), мамлакатлар марказий банклари бошлиқларининг чиқишилари ва йиғилишидаги қарорлар, валюта интервенцияси, молия бозорининг валютадан ташқари бошқа бозорларидағи ўзгаришларни қайд этиб ўтиш мумкин.

2. *Сиёсий омиллар*. Сиёсий омилларнинг асосийлари сифатида президент, давлат ва ҳукумат бошлиқларини сайлаш жараёни ва унинг натижалари, уларнинг истеъфога чиқиши, шунингдек, марказий банклар ёки пул-кредит сиёсати билан шуғулланувчи давлат органлари раҳбар кадрлар алмашинуви, геосиёсий тўқнашув ва инқирозларни кўрсатиш мумкин.

3. *Турли хабарлар ва кутишлар*. Глобал валюта бозорида инвесторларни харакатга келтирувчи шундай ибора бор, яъни “турли хабарлар, миш-миш

гаплар, овозалар асосида валюталарни сотиб ол ва факт (далил, исбот)ларга асосланган ҳолда уларни сот”. Глобал валюта бозорида олтин қоидага айланган ушбу ибора, шунингдек бошқа психологик омиллар инвесторларнинг бозордаги ҳаракатини фаоллаштириши ёки сусайтириши мумкин.

4. Форс-мажор ҳолатлари. Фавқулотда содир бўлган ҳодисалар, масалан, сув тошқини, зилзила, йирик қўламли ёнғин, турли зарарли эпидемияларни, газ ва бошқа зарраларни оммавий тарқалиши, кучли тўфон ёки довуллар ва ҳ.к.лар натижасида турли даражадаги вайронагарчилликни юзага келиши. Шунингдек, мамлакатда террористик хуружларни, хужум ва ҳаракатлари содир этилиши ҳам валюта курслари ўзгаришига ўз таъсирини кўрсатади.

Валюталарнинг энг асосий хусусиятларидан бири бу унинг конвертацияси, яъни айирболаниш қобилияти ҳисобланади. **Валюта конвертацияси** бу миллий валютанинг хорижий валютага эркин айирбошланиш, хорижий маҳсулот ва хизматларни тўлаш қобилиятидир.

АҚШНИНГ ИҚТІСОДИЙ РИВОЖЛАНИШ КҮРСАТКИЧЛАРИНИ МИЛЛИЙ ВАЛЮТА КУРСИ(ҚАДРИ)ГА ТАЬСИРИ

Күрсаткичлар	Эълон қилиш даври	Күрсаткичнинг ўзгариши	Миллий валюта курси (қадри)нинг ўзгариши	Иқтисодий мазмуни ва таъсир күрсатиши
Ялпи ички маҳсулот (ЯИМ) (GDP - Gross domestic product)	Хар чорак	Ўсиши	Ошади	Мамлакатнинг инвестицияларни жалб этиш жозибадорлиги ортади
Савдо баланси (Trade balance)	Хар ой	Салбий қолдик (сальдо)нинг ўсиши (дефицитнинг кўпайиши)	Пасаяди	Марказий банк ва хукуматнинг пул сиёсатига, экспорт ва импорт операциялари билан шугулланувчи компаниялар даромадига таъсир кўрсатади
Истемол нархлари индекси (Consumer price index (CPI))	Хар ой	Ўсиши	Пасаяди	Чакана савдо маҳсулотлари нархида инфляция даражасини кўрсатади
Саноат маҳсулотлари нархи индекси (Producer price index (PPI))	Хар ой	Ўсиши	Пасаяди	Улгуржи савдо маҳсулотлари нархида инфляция даражасини кўрсатади
Иқтисодиётнинг қишлоқ ҳўжалигидан ташқаридаги тармоқларида яратилган янги иш ўринлари миқдори (Nonfarm payrolls)	Хар ой	Ўсиши	Ошади	Мамлакатдаги аҳолининг меҳнат билан бандлигини кўрсатади ва ишсизлик даражасидан дарак беради
Ишсизлик даражаси (Unemployment rate)	Хар ой	Ўсиши	Пасаяди	Мамлакатдаги аҳолининг меҳнат билан бандлигини кўрсатади
Ишсизлик бўйича нафака олиш учун берилган аризалар (Jobless claims (Initial claims))	Хар ой	Ўсиши	Пасаяди	Мамлакатдаги аҳолининг меҳнат билан бандлигини кўрсатади
Чакана савдо (Retail sales)	Хар ой	Ўсиши	Ошади	Истемолчиларнинг харажатларини ва унга мос равишда даромадларини, шунингдек корхоналар фойдасини кўрсатади.

Узок муддатли (одатда 3 йилдан ортик) фойдаланиш учун мұлжалланған (қиммат) маҳсулотларга буюртмалар (Durable goods orders)	Хар ой	Үсиши	Ошади	Истеъмолчилар даромадларини, корхоналар фойдасини, шунингдек уларнинг узок муддат давомида даромад, ёки фойда олишларига ишончини ифодалайди.
Янги туар-жой, уйларни қуриш (Housing starts)	Хар ой	Үсиши	Ошади	Истеъмолчиларнинг узок муддатли даврий оралиқда күп даромад олишларини англатади
Саноат соҳасида маҳсулотлар ишлаб чиқариш (Industrial production)	Хар ой	Үсиши	Ошади	Мамлакатдаги ишлаб чиқариш даражасини кўрсатади ва унга инвестицияларни жалб этиш жозибадорлигини оширади
Чикагодаги менежерлар уюшмасининг (Chicago PMI index) ⁶ , Филадельфиядаги Федерал захири банкининг (Philadelphia Fed index) ⁷ иш фаоллиги, Мичиган университетининг истеъмолчиларнинг иқтисодий рухияти* (Michigan consumer sentiment Index), шунингдек, истеъмолчиларнинг ишонч* (Consumer confidence index) индекслари	Хар ой	Үсиши	Ошади	Валюта бозори иштирокчилари ва инвесторлар психологиясига таъсир кўрсатади
Фонд бозори индекслари: DJI - (The Dow Jones Industrial); S&P – 500; NASDAQ-100; FTSE; Xetra DAX; Nikkei-225	Доимий	Үсиши	Ошади	Бозор иқтисодиётининг “барометри” бўлиб, уларда мамлакат иқтисодиётига таъсир этувчи барча ходисалар ўз аксини топади
Федерал захири тизимининг қайта молиялаш ставкаси (Federal funds and Discount rates, иқтисодий кўрсаткичларни баҳолашда асосий фойланыладигани - Federal funds rate)	Доимий	Үсиши	Ошади	Кредитлаш ҳажси қискаради, муомаладаги доллар миқдори камайиб, унинг қадри ортади

⁶ Purchasing Manager Index PMI – харид бўйича менежерларнинг кутиши индекси бўлиб, саноат, янги буюртмалар, таклифлар ва иш билан бандлик индексларидан ташкил топади ва Чикаго Менеджерлар Ассоциацияси томонидан эълон қилинади. Агар индекс кўрсатгичи 50 пунктдан ортиқ бўлса иш фаоллиги юкорилигидан далолат беради. Ушбу кўрсаткич Чикагода компанияларнинг маҳсулотлар ишлаб чиқариш фаоллигини башоратлаш ва улар бўйича инвестицион қарорлар қабул қилиш имкониятини тақдим этади.

⁷ Philadelphia Fed Index , - Филадельфиядаги Федерал захири банкининг иш фаоллиги индекси бўлиб, АҚШнинг Пенсильвания, Нью-Джерси ва Делавер худудларида умумий иқтисодий ҳолатни кўрсатувчи индекс ҳисобланади. У жорий иқтисодий ҳолатга худуддаги ишлаб чиқарувчиларнинг муносабатини ифодалайди, сўровномалар натижасида ҳар ойда эълон қилинади. Агар индекс “0”дан юкори бўлса, худудда иқтисодий фаоллик ортаётганидан, агар индекс манфий, яъни “0”дан кичик бўлса, аксинча иқтисодий фаолликнинг пасайиб бораётганидан далолат беради. Индекс сармоядорлар томонидан инвестицион қарорлар қабул қилишда муҳим роль ўйнайди.

* Охирги ҳар иккала индекс истеъмолчиларнинг жорий иқтисодий ҳолатга ишончини ва бугунги кундаги харажатларга мойиллиги ёки хоҳишини ифодалайди. Истеъмолчилар харажатларининг ортиши иқтисодий ўсишни рағбатлантиради.

1.2. Халқаро валюта бозоридаги операциялар

Валюта бозорларида банклар ва компаниялар валюта операцияларини, яъни валюталарнинг олди-сотдисини амалга оширадилар.

Валюта бозорлари - бу талаб ва таклиф асосида турли хил валюталар олди-сотди қилинадиган расмий марказлардир. Яъни, валюта бозори - бу чет эл валютасини олди-сотдисини ва чет эл валютасидаги қимматбаҳо қоғозларни, ҳамда валютавий капитални инвестиция қилиш муносабатларини амалга оширувчи иқтисодий муносабатларни намоён қилувчи марказ ҳисобланади. Валюта бозори молия бозорининг муҳим ва асосий қисмини ташкил қилади.

Валюта бозори дунёдаги энг катта молиявий бозор ҳисобланади. 2010 йилнинг апрел ойида Халқаро ҳисоб-китоблар банки (БИС) ўтказган тадқиқотларда бутун дунё бўйлаб савдо ҳажми ҳар бир иш куни учун \$ 3.981 миллиардни ташкил қилган⁸.

Валюта бозорларидаги операцияларнинг асоси бўлиб, ташки савдо бўйича халқаро ҳисоб-китоблар, халқаро туризм, капиталлар ва кредитларнинг давлатлараро ҳаракати ҳамда чет эл валютасини олди-сотди қилиш билан боғлиқ бошқа ҳисоб-китоб операциялари ҳисобланади.

Шуни алоҳида таъкидлаб ўтиш жоизки, миллий иқтисодиётни факат шу мамлакатда ишлаб чиқарилган маҳсулотлар билан барча эҳтиёжларни қондириб бўлмайди. Демак, мамлакатлар ўртасида экспорт-импорт операциялари албатта амалга ошиши юз беради.

Хозирги замон валюта бозорларининг ўзига хос хусусиятларидан бири шундаки, улар замонавий электрон алоқалар орқали бир-бири билан узвий боғланган. Турли мамлакатларда жойлашган халқаро валюта бозорлари валюталарни олди-сотди қилиш жараёнида бир-бирига нисбатан доимий таъсирида бўлади. Жаҳон валюта бозорлари асосан валюта вий чеклашлар бўлмаган ёки заиф тарзда мавжуд бўлган мамлакатларда жойлашган.

Валюта бозорларининг, асосан, З турини кўрсатиш мумкин, улар миллий, худудий ва жаҳон валюта бозорларидир.

Валюта бозорида сотиб оловчи сифатида - талаб ва сотувчи сифатида - таклиф, бир-бири билан учрашади. Сотиб оловчи ёки сотувчи сифатида қатнашаётган ҳар қандай иқтисодий субъект, яъни давлат, хўжалик субъекти ёки фуқаро ўзининг молиявий қизиқишиларига эга бўлади. Бу молиявий қизиқишилар бир-бири билан мос келиши ҳам, мос келмаси ҳам мумкин. Манфаатлар бир-бири билан мос келган тақдирда, валюта қимматликларини олди-сотдиси ҳақида битим тузилади. Шунинг учун, валюта бозори валюта қимматликларини сотувчи ва харидорнинг қизиқишиларини намоён қилувчи ўзига хос иқтисодий инструмент ҳисобланади.

Функционал нуқтаи назардан қараганда, валюта бозорлари ўз вақтида халқаро ҳисоб-китобларни, валюта рискларини суғурталашни, валюта захираларини диверсификациялашни, валюта интервенциясини амалга


⁸ Michael Melvin and Stefan C. Norrbin. International money and finance. 8th edition. Elsevier Inc. 2013 P.3

оширадиган ва валюта бозорида қатнашувчиларнинг курслари ўртасидаги фарқ натижасида келадиган даромадни ўзида намоён қиласи.

Институционал нұқтаи назардан қараганда, валюта бозорлари ваколатли банкларнинг, инвестицион компанияларнинг, биржалар, брокерлик идоралари, чет эл банклари томонидан амалга ошириладиган валюта операцияларини ўзида намоён қиласи. Ташкилий-техник нұқтаи назардан қараганда, валюта бозори жаҳоннинг турли мамлакатлари билан халқаро ҳисоб-китоблар ва бошқа валюта операцияларини бир-бирини ўзаро боғловчи телеграф, телефон, телекс, электрон алоқа воситалари ва шу каби коммуникация тизимлари йиғиндисини ўзида намоён қиласи.

Валюта бозорида сотувчи ва харидор ўртасида чет эл валютасини олди-сotdi қилишда даллол бўлиб, фақатгина **банклар** қатнашадилар. Валюта бўлимининг асосий вазифаси бўлиб, ўзининг мижозларига маълум бир валютадаги актив ва капиталларини бошқа бир хорижий валютага конвертирашни таъминлаш ҳисобланади. Бу жараён “нақд битим”, яъни спот операцияси ёки “муддатли битимлар”, яъни уларнинг кенг тарқалган шакли - форвард операциялари шаклида бўлиши мумкин.

Валюта бозори 24-соат бозор ҳисобланади. Валюталар курси узлуксиз равишда бериб борилади⁹. Бунга асосий сабаб, жаҳон худудий валюта бозорларининг турли соат милларида жойлашганлиги билан боғлиқдир. Ҳозирги вақтда Осиё - Токио, Гонконг, Сингапур, Мельбурндаги марказлари билан, Европа - Лондон, Франкфурт-на Майне, Цюрих, Америка - Нью-Йорк, Чикаго, Лос-Анджелес валюта бозорлари жаҳон валюта бозорларининг асосий қисмини эгаллаган (расмга қаранг).



⁹ Michael Melvin and Stefan C. Norrbom. International money and finance. 8th edition. Elsevier Inc. 2013 P.4

1.1-расм. Жаҳондаги халқаро валюта бозорининг вақтлар оралиғида ишлаш механизми

Хорижий валютадаги битимлар дунёнинг кўплаб банкларида, тахминан, эрталаб соат 9⁰⁰ да бошланади, бироқ, дилерларнинг иш фаолияти бу битимларни тузишдан камида бир соат олдин бошланади. Ҳар куни эрталаб, чет эл валютаси бўйича масъул ходим (бўлим бошлиғи) ўзининг ходимларини битимлар тузиш бўйича меъёрий ҳужжатлар, ҳамда зарурий маълумотлар ва янгиликлар билан таъминлайди.

Бозор “микроструктурасини” тушуниш бизга бир сутка давомидаги валюта бозорининг фаолиятини тушуниш имконини беради. Унга кўра биржা трейдерлари ўзларининг сотиш ва сотиб олиш бўйича позицияларини иш куни давомида аниқлаштирадилар¹⁰.

Жаҳоннинг худудий валюта бозорларида одатда барча валюталар котировка қилинмайди, балки фақатгина, ушбу бозорда қатнашаётганларга керакли бўлган валюталар, яъни маҳаллий пул белгилари ва бир қатор етакчи эркин конвертиранадиган валюталар, биринчи навбатда, захира валюталар (АҚШ доллари, Япония иенаси, евро, Швейцария франки ва шу каби валюталар)дан кенг фойдаланилади.

Бозор иқтисодиёти ривожланган мамлакатларда, курс асосан, йирик банклар, халқаро молиявий ташкилотларнинг маркет-мейкерлари томонидан, кутилаётган талаб ва таклиф ўртасидаги фарқقا боғлиқ ҳолда ўрнатилади.

Маркет-мейкерлар - бу турли валюталарни битимлар бўйича сотиб олиш ва сотиш курслари котировкасини доимий равишда амалга оширувчи молия муасассалари ҳисобланади.

Албатта, маркет-мейкерлар фақатгина чет эл валюталарини миллий валюта билан солиштирмайдилар, балки улар миллий валютага тегмаган ҳолатда чет эл валюталарини ўзларини котировкаларини ҳам амалга оширишлари мумкин.

Умуман, маълум бир валюталарни эмитенти бўлган мамлакатларда шу валюта бўйича маркет-мейкерлар мазкур мамлакатда жойлашган бўлади. Евро бўйича етакчи маркет-мейкерларни Германиядан, Швейцария франки бўйича эса, Швейцариядан топиш мумкин. Маркет-мейкерлар ўзи мутахассис бўлиб ҳисобланган валютани олди-сотди курси котировкасини амалга оширади.

Нисбатан кам банклар, бутун дунё бўйича валюта котировкасини берадилар, шундай бўлсада, Буюк Британиянинг кенг тармоқли клиринг банклари кабилар ўз мижозларига кенг кўламда котировкаларини таклиф этади.

Валюта бозорида кам учрайдиган валюта билан боғлиқ операцияларни тижорат банкларида дилинг бўлимини ўзи эмас, балки қўшимча бўлимлар амалга оширадилар. Кам учрайдиган валюталар, асосан, валюта бозори ривожланмаган мамлакатларда ёки чет эл валютаси билан боғлиқ операцияларга маълум бир чекловлар қўйилган мамлакатларда учрайди. Албатта, бундай чекловлар мамлакат ҳудудига валюта кириб келишига эмас, балки кўпроқ чиқиб кетишига жорий қилиниши кенг қўлланилади. Агар,

¹⁰ Michael Melvin and Stefan C. Norrbom. International money and finance. 8th edition. Elsevier Inc. 2013 P.14

банклар ушбу (кам қўлланиладиган) валюталар бўйича мижозларнинг талабларини бажара олмаса, улар ўзларининг филиаллари ёки бошқа валюталарда пул қабул қилиш ёки тўловни амалга ошириш мақсадида вакиллик банклардан фойдаланадилар.

Нақд касса битими деганда, одатда, спот операциялари тушунилади.

Спот операцияси, қоида бўйича, битим кунини ҳисобга олмаган ҳолатда, икки иш куни давомида валютани айирбошлаш битимини билдиради.

Шуни алоҳида қайд этиб ўтиш лозимки, валюта операциялари ичидаги энг кўп қўлланиладигани спот операцияларидир ва ушбу бозорларда тижорат банкларининг улуши сезиларли даражада. Тижорат банклари томонидан амалга оширилаётган валюта операцияларининг таркибига қараладиган бўлса, унда спот операциялари ҳажми жами валюта операцияларининг 80 фоиз миқдорини ташкил этади.

Шунинг билан бирга, спот операциялари тижорат банкларининг валюта операциялари ичидаги энг кўп рискка тортилгани бўлиб ҳисобланади. Бунга асосий сабаб, спот операцияларининг қисқа муддатлилиги ва уларни суғурталашнинг имкониятини йўқлигидир. Шу сабабли, тижорат банкларига **валюта позициялари бўйича лимитлар** жорий этилган.

Ваколатли банкларнинг очиқ валюта позицияси юритилиши ҳақидаги ҳисботни таҳлил қилишнинг зарурати Марказий Банк томонидан республикадаги мавжуд ваколатли банкларнинг валютавий рисклари камайтирилишига қаратилган сиёсати билан изоҳланади.

Валюта позициясига лимит ҳар бир давлатнинг иқтисодий ҳолати ва мамлакат молиявий тизимининг ўзига хослигидан келиб чиқиб ўрнатилади.

Хорижий валюталар қатор сабабларга кўра спот шартлари асосида олди-сотди қилинади. Хусусан, импорт маҳсулотлари, шунингдек чет эл активлари (облигация, кўчмас мулк ва ҳ.к.) учун тўловларни амалга ошириш, чет элга саёҳат ёки хизмат сафарларини молиявий таъминлаш ва бошқ. Спот операциялари орқали банклар ўз мижозларининг хорижий валютадаги эҳтиёжларини қондиради, арбитраж (спекулятив) операцияларни амалга оширади, хорижий валютадаги қисқа муддатли капитал ҳаракатини юзага келтиради.

Спот шартлари асосида валюталар савдосида кенг тарқалган усуллардан бири маржа асосидаги савдо ҳисобланади. Спот битимида маржа бошланғич капитал вазифасини бажариб, дилерлик ёки клиринг, биржа, савдо маркази учун ўтказиладиган операцияларга гаров ролини бажаради. Савдо ташкилотчисига тақдим этилганидан сўнг уни кредит “елкаси” ёки “ричаги” орқали бир неча баробар (1:30, 1:40, 1:50 ёки 1:100 ва ҳ.к.)га оширган ҳолда валюталар савдосини амалга ошириш мумкин. Натижада, қўйилган суммадан бир неча баробар катта маблағ билан валюталар олди-сотди операциялари амалга ошириб, қўйилган маржадан кўп бўлмаган зарар билан катта миқдордаги фойдани олиш мумкин бўлади. Курслар ўзгаришидан кўрилган зарар ҳажми биржага қўйилган маржадан чегириб (айриб) олинади, натижада гаров таъминотингиз камайиб боради. Аксинча, спот битимида валюта

курслари тебранишидан фойда ола бошласангиз, улар маржа устига кўшилиб боради.

Арбитраж операциялари – валюта курслари фарқидан фойда олиш мақсадида амалга оширадиган спекулятив операциялардан биридир. Бунда одатда, арбитражёр маълум бир қисқа вақт оралиғида турли жойлардаги валюта бозорларида шаклланган бир турли валюта курслари фарқидан фойда олади. Яъни, бир жойдан валютани арzon сотиб олиб, бошқа бир жойда қимматроқса сотади. Бу каби, қисқа муддатли валюта арбитражи операцияларида риск даражаси узоқ муддатли валюта операцияларига нисбатан кам бўлади. Арбитражёrlар валюта бозордаги курсларнинг ўзгариш тенденцияларини аниқлаш мақсадида доимо уларни кузатиб борадилар, йирик банклар фаолияти натижаларини прознозлаш, бозорга кескин таъсир кўрсатувчи омилларни таҳлил қилиш қобилиятига эга бўладилар.

Валюталар курслари дунё бўйлаб тенг бўлиши кераклигини ҳисобга олсан. Бундай бўлмаган ҳолатларда, яъни, бир вақтнинг ўзида бир валютани бозорда сотиш ва сотиб олиш натижасида фойда кўриш имконияти мавжуд бўлади.¹¹

Айни бир ёки турли молия марказида маълум бир қисқа вақт оралиғида бозор курси ўртача курсдан сезиларли даражада фарқ қилса, у ҳолда турли нархлар натижасида фойда олиш мақсадида жараённи амалга оширувчи валюта арбитражи операцияларининг давомийлиги орқали курслар мувозанатга келтирилади, яъни ўзаро тенглаштирилади, тартибга солинади. Шу орқали валюта бизнеси пул тизимини муҳим тартибга солувчиси сифатида ҳаракат қиласди.

Агар арбитражда иккита валюта иштирок этса, икки томонлама, учта валюта иштирок этса, уч томонлама арбитраж деб номланади. Уч томонлама арбитраж кросс-курслар натижасида аниқланган, турли бозорлардаги валюта курсларининг ўзаро мос келмаслиги ҳисобига амалга оширилади ва ундан фойда олинади.

Масалан, бир бозорда қуйидаги валюта курслари шаклланган: 1 USD = 1.6 CHF (Швейцария франки); 1 USD = 27.5 RUR (Россия рубли); 1 CHF = 16.5 RUR. Мазкур ҳолат бўйича қуйидаги тартибда арбитраж операциясини амалга ошириб фойда олиш мумкин:

1. АҚШ долларини Россия рублига сотилади (1 USD = 27.5 RUR).
2. Россия рублига Швейцария франки сотиб олинади ($1.67 \text{ CHF} / 27.5 / 16.5 = 27.5 \text{ RUR}$).
3. Швейцария франкига яна АҚШ доллари сотиб олинади $1.67 \text{ CHF} = 1.04 \text{ USD} (1.67 / 1.6)$.

Ушбу операциядан кўрилган фойда 0.04 АҚШ долларини ташкил этади. Бу қиймат битим суммаси қанчалик катта бўлса, шунчалик йириклиш боради.

Икки томонлама арбитраж каби уч томонлама арбитраж ҳам қайси молиявий марказда валюта курси паст бўлса, шу ерда валютага бўлган талабни

¹¹ Michael Melvin and Stefan C. Norrbin. International money and finance. 8th edition. Elsevier Inc. 2013
P.11

доимо ортиб боришига сабаб бўлади. Қаерда валюта курси қиммат бўлса, шу ерда валюталар таклифи ортиб боради. Натижада, валютавий ажбитраж операциялари оқибатида глобал валюта бозорида мовозанатли курс шаклланиб боради, молиявий марказларда валюта курслари ўртасидаги фарқларнинг йўқолиши ҳисобига уларнинг ўзаро интеграцияси янада кучайяди ва ягона халқаро валюта бозорининг кўламини ортишига шароит яратилади.

Халқаро компанияларнинг молиявий менежерлари кам харажат ва риск билан валюта бозоридаги қисқа ва узок муддатли арбитраж операциялари орқали компанияга қўшимча фойда келтиришлари мумкин.

Арбитаж турли ҳудулардаги айирбошлиш нархлари шу қадар яқин бўлганда яъни тафовут сезиларли бўлмаганда ва нархлар сотиш ёки сотиб олиш учун мақул бўлмагунча давом этади. Қачонки бу ҳолат содир бўлса, биз кўрсаткичлар келишувлар яқин деймиз. Айирбошланаётган валюталар ўртасидаги ҳар қандай оғиш ҳеч қандай қўшимча арбитраж келишувлари харажатларини қопламайди, шу йўсинда арбитраж келишуви тугайди.¹²

Муддатли битимлар билан боғлиқ операциялар. Тижорат банкларининг муддатли битимлари деб, белгиланган муддатда, аммо икки иш кунидан кейин амалга ошириладиган операцияларга айтилади.

Амалиётда муддатли битимларнинг кенг тарқалган қўйидаги турлари мавжуд:

- форвард валюта битимлари;
- молиявий фьючерс битимлари;
- валюта опциони;
- своп операциялари.

Форвард валюта битими - бу, валюта бўйича битим имзоланган санадан бошлаб, икки иш кунидан кейин амалга ошириладиган тўловни назарда тутувчи битимдир. Бу битим аниқ бир санада, ёки икки сана орасида амалга оширишни назарда тутиши мумкин.

Қўйидагилар ушбу битимнинг айрим ўзига хос бўлган жиҳатлари мавжуд:

а) бу воз кечиб бўлмайдиган ва мажбурий шартномадир. Битим тузилгандан кейин мижоз битимдан воз кечишига ҳаққи йўқ. Мижоз шартномада кўрсатилган чет эл валютасини сотиб олиши ёки сотиши шарт.

б) бу битим чет эл валютасидаги аниқ бир суммани ташкил этади. Мижоз битимда кўрсатилган суммадан қўпроқ валютани сотиб олишга ҳам, сотишига ҳам ҳаққи йўқ.

в) битим келажакдаги аниқ бир санада бажарилиши шарт (иккита аниқ сананинг орасида). Мижозда форвард битими бажарилиш санасини узоқлаштиришга ҳам, яқинлаштиришга ҳам ваколат йўқ.

Форвард валюта битимининг шартлари қаттиқ ҳисобланади, ва агар мижоз унинг шартларини бажара олмаса, банк мижознинг форвард валюта битимидағи мажбуриятларни бажармасдан кетиб қолишига йўл қўймайди, балки битимнинг

¹² Michael Melvin and Stefan C. Norrbin. International money and finance. 8th edition. Elsevier Inc. 2013
P.11

муддатини “узайтиради” ёки банк ўз ҳисобидан мажбурий равища “сўндиради”.

Форвард валюта битими қатъий белгиланган, ёки опционли бўлади.

а) **қатъий белгиланган форвард валюта битими** — бу, келажакдаги аниқ бир санада бажарилиши шарт бўлган битимdir. Масалан, 1 сентябрда тузилган қатъий белгиланган икки ойлик форвард валюта битими, яъни икки ойдан сўнг амалга ошириладиган битим;

б) **опционли форвард битими** — бу, мижознинг ҳоҳишига кўра, ёки битим тузилган вақтдан унинг бажарилишигача бўлган даврнинг ичидаги ҳоҳлаган вақтда, ёки иккита аниқ сана давомида амалга ошириладиган битимdir.

Қайд этиб ўтиш лозимки, форвард валюта битими соф валюта опционларидан фарқ қиласди. Валюта опциони мижозга келишилган битим шартларини бажариш ва бажармаслик хуқуқларини беради. Форвардли опцион эса, мижозга уни бажармаслик хуқуқини бермайди.

Валюталар бўйича фьючерс битимлари - бу келажакдаги маълум бир санага маълум ҳажмдаги валютани олдиндан белгиланган курс бўйича олдисотди қилиш битимиdir. Бу жиҳатлари билан улар форвард валюта битимларига ўхшайдилар, бироқ, форвард битимларидан фарқли ўлароқ, улар:

а) жуда оддий тарзда бекор қилинади;

б) валюталар савдоси бўйича битим қатъий белгиланган стандарт суммага тузилади (масалан, АҚШ долларига фьючерс бўйича 25000 фунт стерлинг, АҚШ долларига фьючерс бўйича 125000 евро ва х.к.);

в) расмий биржаларда сотилади;

г) фьючерс сотувчилари фьючерс мажбуриятлари бажарилишини кафолатлаш учун биржа дилерларига “пуллик маржа”ни тўлашни кўзда тутишлари керак.

Битимнинг тугалланишигача қайта баҳоланиш натижасида юзага келувчи тақчилликни қоплашга киритилиши лозим бўлган **маржа тизими** — кафолатнинг аъзолик бадали таъминлайди.

Фючерс бозорлари халқаро савдо фаолияти билан шуғулланувчи компаниялар учун рискларни суғурталаш воситаси билан бирга нархлар ўзгариши натижасида фойда олиш имкониятини ҳам беради. Ушбу компаниялар маълум бир валюталарнинг келажакда баҳоси тузилган битимнинг жорий қийматидан сезиларли даражада (траназакция харажатларидан кўпроқ) ўзгаришини тўғри прогноз қила олишса даромад олишлари мумкин¹³.

Биржага аъзо бўлиш ёки биржада операцияларни амалга ошириш истагини билдирган ҳар қандай томон биржада битимларни амалга оширишининг хуқуқий ва амалий жиҳатлари билан танишиши лозим. Яна шуни ҳисобга олиш керакки, ташкилот ёки расмий шахс номидан биржада қатнашаётган биржа аъзоси ўзининг биржага биринчи киритган маржасидан кўпроқ маржани талаб этиши мумкин. Бунга сабаб, ҳар куни маржага керак бўлган маблағни сўраб,

¹³ Michael Melvin and Stefan C. Norrbom. International money and finance. 8th edition. Elsevier Inc. 2013 P.92

ташкilotни безовта қилмасликдир. Бу асосан, бозор ниҳоятда тез ўзгарувчан ва нобарқарор ҳолатда бўлганида намоён бўлади.

Валюта опциони. Валюта опциони унинг харидорига маълум бир ҳукуқни беради, айни пайтда, унинг зиммасига келажакдаги маълум муддатда белгиланган нарх бўйича хорижий валютанинг муайян миқдорини харид қилиш ёки сотиш мажбуриятини юкламайди. Опционни сотувчи харидор олдида келажакдаги муайян муддатда қатъий белгиланган нарх бўйича муайян миқдордаги хорижий валюталарини харид қилиш ва сотиш мажбуриятларини ўз зиммасига олади. Опцион харидори (шунингдек, опцион эгаси деб номланади) ушбу операцияни амалга ошириш ҳукуқини олиш эвазига белгиланган миқдордаги пулни - воситачилик ҳақини тўлайди. Опцион олдиндан белгиланган муддатгача кучга эга бўлади. Ушбу муддат **экспирация санаси** деб аталади.

Валюта опциони биринчи марта 1982 йили Филадельфия биржасида амалга оширилган эди. Опциондан инвестиция портфелининг муҳим элементи ва суғурталашнинг самарали усули сифатида фойдаланиш учун унинг қандай ишлашини билиш лозим.

Опционларнинг қуйидаги *иккита асосий тури* мавжуд:

- “*колл-опцион*” ёки харид қилиш учун опцион;
- “*пут-опцион*” ёки сотиш учун опцион.

Масалан, колл-опционнинг харидори 1 АҚШ долларига 2300 сўм нисбатдаги курс бўйича 100 АҚШ долларини сотиб олиш ҳукуқига эга бўлади. Пут-опционнинг харидори эса, худди ўша шартларда олдиндан белгиланган муддатда, масалан, жорий ойнинг 30 санасига қадар ушбу нархлар бўйича АҚШ долларини сотиш ҳукуқига эга. Опционнинг сотувчиси колл-опцион ҳолатида опционни бажариши, яъни сотиши лозим. Пут-опцион ҳолатида эса, опцион харидори буни талаб қилса, муайян товарни сотиб олиши шарт, “ҳисоб-китоб” опциони бажарилган ҳолда фойда (заарлар) пул шаклида ҳисобланади.

Валюта опционлари валюта рискини камайтириш ва олдини олиш мақсадида фойдаланилади.

Агар айрбошланиш курсининг яхши томонга ўзгариши юз берса, опцион импорт қилувчи (экспорт қилувчи) ундан даромад олиш имкониятини туғдиради (бунда у форвард валюта битимларидан импорт қилувчи(экспорт қилувчи)нинг қатъий белгиланган курсга боғланиб қолишининг олдини олади).

Шунингдек, опционларнинг америка ва европа турлари мавжуд.

Америка опциони деб, одатда, опционни ҳаракат муддатини ҳоҳлаган вақтида бажарилишига айтилади. Шунинг учун, опционни ҳаракат муддати унинг биринчи ва охирги ҳисоб-китоб санаси орасида ўрнатилади.

Европа опциони деб, одатда опционнинг фақат ҳисоб-китобнинг маълум бир охирги аниқ даврида бажарилишига айтилади. Опцион битими бўйича ҳисоб-китобни амалга ошириш учун икки иш куни олинади.

Валюта опционлари турли молия институтларида расмийлаштирилиши мумкин, хусусан банкнинг мижозлари учун ёзиладиган - **биржадан ташқари**

опционлар ва опцион биржаларидан сотиб олиш мумкин бўлган - **биржа опционлари**.

Биржадан ташқари опционлар одатда банк томонидан ишбилармон мижозга ёзилиб, уларнинг энг асосий камчилиги - муомаласининг йўқлиги ҳисобланади. Мижоз опционни бажарилиш санаасигача ушлаб туриши ёки уни бажариши, ёки унинг муддатини ўтиб кетишига йўл қўйиши керак.

Валюта опционларининг оммабоплиги ўсиб, ундан фойдаланиш борган сари кенгайиб бормоқда. Банклар ўз мижозларига уларни сотища фаол қатнашишга ҳаракат қиласидилар.

Валютавий своп операциялари – валюталарни қайта сотиб олиш шарти билан сотиш, яъни маълум бир муддат валюталарни ўзаро алмашиниш операциясидир. Валюталарни харидорга дастлабки сотиш жорий, яъни спот курс бўйича, қайта сотиб олиш операцияси эса, форвард курси бўйича амалга оширилади. Келажакдаги форвард валюта курси LIBOR (**London Interbank Offered Rate - LIBOR**, Лондон банклараро фоиз ставкаси) орқали ҳисобланади. Своп битимида валюталарни сотиш ва уларни қайтариб сотиб олиш курсларининг ҳар иккаласи ҳам кўрсатилади.

Ривожланаётган мамлакатлар Марказий банклари ўзининг валюта захиралари ва курсининг барқарорлигини таъминлаш, валюта интервенцияларини амалга мақсадида бошқа мамлакатлар Марказий банклари билан турли шаклдаги своп операцияларини амалга оширадилар. Голд-своп операциялари бунга мисол бўлади. Бунда баъзи мамлакатлар марказий банклари валюта курси барқарорлигини таъминлаш мақсадида бошқа жаҳонда етакчи марказий банклар билан своп линияларини йўлга қўйишган.

Своп битимининг ўзига хос афзалликлари билан бир қаторда, камчиликлари ҳам мавжуд. Хусусан уларни қўйидагиларда кўриш мумкин.

1. Своп битимини тузишни хоҳловчи, яъни валюталарни қайта сотишни хоҳловчи контрагентни топишнинг қийинлиги.

2. Келишув икки томонлама битим шаклида расмийлаштирилганлиги боис, уни тўхтатиш, ёки бекор қилиш икки томоннинг розилиги билан амалга оширилади.


3. Своп бозорида битимни кафолатловчи томон бўлмайди. Бу эса, томонлар ўзаро бир-бирларининг тўловга қобиллигига ишонч ҳосил қилган ҳолда битимни тузиши кераклигини кўрсатади.

4. Бозордаги якка, кичик иштирокчилар учун своп битимини тузиш имконияти ҳар доим ҳам бўлмайди. Своп битими одатда, йирик трансмиллий ташкилотлар, давлатлар вахалқаро молиявий институтлар ўртасида тузилади.

1.3. Глобал валюта бозоридаги асосий тенденциялар

Валюта бозорлари ривожланишининг умумий қонуниятлари, шартшароитларини тадқиқ этиш, унинг замонавий тенденцияларини омилли баҳолаш молиявий глобаллашувнинг мамлакатлар миллий валютасига таъсирида муҳим аҳамият касб этади.

2014 йилга келиб, жаҳондаги расмий валюта захиралари ҳажми қарийб 11,6 трлн. АҚШ долларига етди (2-расмга қаранг). Бу эса 2005 йилга нисбатан 2,7 баробар кўп демакдир.



2.2-расм. Жаҳон хорижий валюта захиралари ҳажмининг ўзгариш динамикаси, млрд. АҚШ доллари¹⁴

Айни пайтда, жаҳон валюта захиралари таркибида АҚШ долларининг етакчилиги сақланиб қолаётган бўлсада, унинг салмоғида пасайиш тенденцияси кузатилган. Чунончи, 2005 йилда АҚШ долларининг халқаро валюта захиралари таркибидаги салмоғи 66,5 фоизни ташкил этган бўлса, 2014 йилга келиб бу кўрсаткич 3,6 ф.п.га пасайган. Евронинг жаҳон хорижий валюта захираларидағи улуши 2014 йилга келиб, 22,2 фоизни ташкил этиб, 2009 йилда евро зонада юзага келган инқироз натижасида 5,4 ф.п.га. пасайган (3-жадвал). Шунингдек, 2014 йилда фунт стерлинг, япон иенаси, швейцария франки, Канада ва Австралия долларларининг валюта захираларидағи салмоғи, мос равишда, 3,8, 4,0, 0,3, 1,9, 1,8 фоизни ташкил қилган.

Таъкидлаш ўринлики, сўнгги йилларда, бошқа валюталарнинг салмоғи ҳам сезиларли даражада ошмоқда. Масалан, бошқа валюталарнинг жами валюта захираларидағи улуши 2005 йилда 1,8 фоиз бўлган бўлса, 2014 йилга келиб бу кўрсаткич 3,1 фоизга етган.

1.3-жадвал

Валюталарнинг жаҳон хорижий валюта захираларидағи салмоғи динамикаси¹⁵

	Йиллар							
	2007	2008	2009	2010	2011	2012	2013	2014
АҚШ доллари	63,9	63,8	62	61,8	62,4	61,3	61,2	62,9
Фунт стерлинг	4,8	4,2	4,2	3,9	3,8	4	4	3,8

¹⁴ ХВФ хисобот маълумотлари асосида тузилган.

¹⁵ ХВФ хисобот маълумотлари асосида тузилди.

Япон иенаси	3,2	3,5	2,9	3,7	3,6	4,1	3,9	4,0
Швейцария франки	0,2	0,1	0,1	0,1	0,1	0,2	0,2	0,3
Канада доллары	0	0	0	0	0	1,4	1,7	1,9
Австралия доллары	0	0	0	0	0	1,5	1,6	1,8
Евро	26,1	26,2	27,7	26,0	24,7	24,2	24,4	22,2
Бошқа валюталар	1,8	2,2	3,1	4,5	5,4	3,3	3,0	3,1
Жами	100	100	100	100	100	100	100	100

Эътироф этиш жоизки, ривожлананаётган мамлакатларнинг жаҳон валюта захираларидағи улуши ўсиш тенденциясига эга бўлмоқда. Хусусан, 2014 йилда жаҳон валюта захираларининг 67 фоизи ривожлананаётган мамлакатлар ҳиссасига тўғри келган (3-расмга қаранг). Ваҳоланки, бу кўрсаткич 2005 йилда 52 фоизни ташкил этган эди. Аксинча, ривожланган давлатларнинг жаҳон валюта захиралари таркибидаги улуши йил сайин камайиб бормоқда. Чунончи, ривожлананаётган мамлакатларнинг жаҳон валюта захираларидағи салмоғи таҳлил этилаётган даврда 15 ф.п.га камайган.



3-расм. Ривожланган ва ривожлананаётган давлатларнинг жаҳон хорижий валюта захираларидағи салмоғи динамикаси, трлн. АҚШ долларида¹⁶

Бу ҳолат ҳам замонавий валюта тизими доирасида ривожлананаётган мамлакатларда мустақил монетар сиёсатни амалга ошириш учун катта миқдордаги валюта захиралари талаб этилаётганлигига далолат қиласи.

Халқаро валюта бозоридаги операцияларнинг кунлик ҳажми 1992 йилда 880 млн. АҚШ долларини ташкил этган бўлса, 2013 йилга келиб бу кўрсаткич 5,3 трлн. АҚШ долларига етган. Кўпчилик экспертларнинг баҳолашича, ушбу юқори ҳажмли операцияларнинг 80 фоиздан ортиги спекулятив операциялар ҳиссасига, 20 фоиздан камроғи эса халқаро савдо ва инвестицион капитал билан боғлиқ битимларга тўғри келади.

Шунга қарамай, халқаро валюта бозоридаги дилерлараро савдо ҳажми пасайиш тенденциясига эга бўлган. Хусусан, кунлик айланма таркибида

¹⁶ ХВФ хисобот маълумотлари асосида тузилган.


дилерларо савдоларнинг салмоғи 1998 йилдаги 64 фоиздан 2013 йилга келиб, 39 фоизга пасайган ва 2,1 трлн. АҚШ долларини ташкил этган.

Бундай пасайишнинг асосий сабаблари сифатида ривожланган мамлакатлар банк секторидаги консолидациялашув жараёнларининг қучайиши, шунингдек, дилерлар ва бошқа молия институтлари (хедж-фонdlар, инвестиция банклари ва бошқ.) ўртасида амалга ошириладиган валюта операциялари хажмининг ортиши кабиларни келтириш мумкин.

Халқаро валюта бозори иштирокчилари турли-туман бўлишига қарамасдан, улар орасида спекулянтларнинг улуши юқори бўлмоқда (4-расмга қаранг). Хусусан, фундаменталистлар гарчи валюта бозори хусусидаги фундаментал ахборотларни тезкор таҳлил қилиш қийин бўлсада, иерархик тарзда ташкил этилган аналитиклар, дилерлар ва трейдерлардан ташкил топган жамоага эга. Бу гурухга йирик халқаро банклар Barclays Capital, JP Morgan, Citigroup, UBS ва бошқаларни киритиш мумкин.

Савдо оқими модели такидлайдики, валюта курси мамлакатлар томонидан сотилаётган товарларга бўлган талабга мосравища бўлади. Савдо оқими модели айирбошлиш кўрсаткичларининг икки мамлакатдаги маҳсулотларга бўлган талаб натижасида ўзгаришини кўрсатиша фойдали модел бўлиб хизмат қиласди.¹⁷

Тадқиқотларимиз кўрсатишича, дилерлар ўртасидаги савдоларда йирик банкларнинг роли қучайиб, концентрациялашув даражаси ортмоқда. Масалан, 2000 йилда дунё бўйича дилерларо валюта савдоларининг қарийб 22 фоизи йирик учта банк хиссасига тўғри келган бўлса, 2008 йилнинг май ойига келиб бу кўрсаткич 45 фоиздан ортган. Хусусан, биргина Буюк Британия мисолида (унинг хиссасига умумий валюта айланмасининг 35,8 фоизи тўғри келади) концентрациялашув сезиларли даражада кучайган бўлиб, 2001-2007 йиллар мобайнида 10 та йирик банкнинг валюта операцияларидаги салмоғи 58 фоиздан 70 фоизга ортган¹⁸.



1.4-расм. Халқаро валюта бозори иштирокчиларининг таснифи¹⁹

¹⁷ Michael Melvin and Stefan C. Norrbom. International money and finance. 8th edition. Elsevier Inc. 2013 P.18

¹⁹ Тадқиқот натижалари асосида шакллантирилган.

Аутрайт форвардлар ҳажми эса таҳлил этилаётган даврда 5,3 марта ошган ва 2013 йилда 680 млрд. АҚШ долларига етган. Аутрайт форвардларнинг умумий валюта битимлари таркибидаги салмоғи 1998 йилдаги 8 фоиздан 2013 йилга келиб, 12 фоизга ошган. Ва ниҳоят, опционлар ва бошқа битимлар ҳажми ҳисобот даврида 3,8 марта ошган.

4-жадвал

Глобал валюта битимлари таркиби ва ҳажмининг ўзгариш динамикаси (млрд. АҚШ долларида)²⁰

Валюта битими турлари	Йиллар					
	1998	2001	2004	2007	2010	2013
Валюта битимлари (кунлик айланма)	1 527	1 239	1 934	3 324	3 971	5 345
Спот	568	386	631	1 005	1 488	2 046
Аутрайт форвардлар	128	130	209	362	475	680
Валюта своплари	734	656	954	1 714	1 759	2 228
Айирбошлаш своплари	10	7	21	31	43	54
Опционлар ва бошқа битимлар	87	60	119	212	207	337
Валюта битимлари 2013 апрелдаги валюта курси бўйича	1 718	1 500	2 036	3 376	3 969	5 345

Энди глобал валюта бозорининг контрагентлар бўйича таркибини кўриб чиқамиз.

Глобал валюта бозоридаги валюта операциялари таркибида дилерлар билан тузилган валюта битимлари салмоғи 1998-2013 йилларда кескин пасайган. Жумладан, 1998 йилда дилерлар билан битимлар салмоғи 63,0 фоизни ташкил этган бўлса, 2013 йилга келиб 38,7 фоизга тушган (1.5-жадвал). Шунга қарамай, дилер билан битимлар ҳажми таҳлил қилинаётган даврда 2,1 марта ошган.

1.5-жадвал

Глобал валюта бозорининг контрагентлар бўйича таркиби²¹

	Йиллар											
	1998		2001		2004		2007		2010		2013	
	микдор	%										
Умумий кунлик айланма	152	100,7	123	100,0	193	100,4	332	100,0	397	100,1	534	100,5
Жумладан: дилерлар билан	961	63,0	719	58,1	1018	52,6	1392	41,9	1544	38,9	2070	38,7

²⁰ Халқаро ҳисоб-китоблар банки маълумотлари асосида тузилди.

²¹ Халқаро ҳисоб-китоблар банки маълумотлари асосида ишлаб чиқилди.

бошқа молия муассасала ри билан	299	19,6	346	27,9	634	32,8	133 9	40,3	189 6	47,7	280 9	52,6
номолияви й мижозлар билан	265	17,4	173	14,0	276	14,3	593	17,8	532	13,4	465	8,7

Глобал валюта бозоридаги муҳим ўсиш тенденцияси бошқа молия муассасалари билан битимлар ҳажмида кузатилган. 2013 йилга келиб, бошқа молия муассасалари билан битимларнинг умумий валюта битимлари таркибидаги улуши 52,6 фоизни ташкил этган ва 1998 йилга нисбатан 33 ф.п.га ошган. Мазкур битимлар ҳажми эса ҳисобот даврида 9,3 марта ошган.

Айни пайтда, номолиявий мижозлар билан битимлар салмоғи 1998-2013 йилларда 8,7 ф.п.га пасайган.

Глобал валюта бозорида АҚШ долларининг гегемонлиги скланиб қолмоқда. Хусусан, 1998-2013 йилларда жами валюта бозори айланмасида ўртача 86%ни ташкил этмоқда. Кейинги ўринларни ўз навбатида евро, Япония иенаси ва Буюк британия фунт стерлинги 2013 йилда мос равишда 33%, 23% ва 12% билан эгаллашган (1.6-жадвалга қаранг). Таҳлил натижасида аниқландики, Хитой иқтисодиётнинг жаҳон иқтисодиётининг асосий қисмига айланадиганлиги унинг миллий валютасининг халқаро рейтингини ортишига ҳам сабаб бўлмоқда. Хусусан, 2001-2013 йилларда Хитой юанининг халқаро рейтинги 26 погонага кўратилиб, жорий йилда 9 ўринни эгаллаган.

1.6-жадвал

Глобал валюта бозорининг савдо объекти бўлган валюталарнинг салмоғи ва халқаро рейтинги²²

Валюталар	Йиллар											
	1998		2001		2004		2007		2010		2013	
	Улуши (y) %	Рейтинги (P)	(y) %	(P)								
USD	86,8	1	89,9	1	88,0	1	85,6	1	84,9	1	87,0	1
EUR	...	32	37,9	2	37,4	2	37,0	2	39,1	2	33,4	2
JPY	21,7	2	23,5	3	20,8	3	17,2	3	19,0	3	23,0	3
GBP	11,0	3	13,0	4	16,5	4	14,9	4	12,9	4	11,8	4
AUD	3,0	6	4,3	7	6,0	6	6,6	6	7,6	5	8,6	5
CHF	7,1	4	6,0	5	6,0	5	6,8	5	6,3	6	5,2	6
CAD	3,5	5	4,5	6	4,2	7	4,3	7	5,3	7	4,6	7
MXN	0,5	9	0,8	14	1,1	12	1,3	12	1,3	14	2,5	8
CNY	0,0	30	0,0	35	0,1	29	0,5	20	0,9	17	2,2	9
Бошқа валюталар	5,2		20,0		19,8		25,8		22,9		21,6	
Жами	200,0		200,0		200,0		200,0		200,0		200,0	

²² Халқаро ҳисоб-китоблар банки маълумотлари асосида ишлаб чиқилди.

Жаҳон валюта бозоридаги асосий масалалардан бири бу қайси валюта жуфтлиги (параси) билан савдолар кўп амалга оширилади деган саволга жавоб топишдир. Таҳлилларимиз кўрсатадики, глобал валюта бозорида фойдаланиланидан асосий валютавий паралар USD/EUR, USD/JPY, USD/GBP ҳисобланиб, уларнинг жаҳон валюта савдо айланмасидаги улуши мос равища 24,1, 18,2 ва 8,8 фоизни ташкил этган. Энг кўп фойдаланиладиган USD/EUR параси 2001-2013 йилларда жами глобал валюта савдоси айланмасидаги улуши 5,9 ф.п. пасайган бўлиб, унинг ўрнини бошқа турдаги валюта жуфтликлари эгалламоқда (1.7-жадвалга қаранг).

Тадқиқотларимиз кўрсатишича, дунё бўйича хорижий валюта савдосининг энг йирик қисми Буюк Британия ҳиссасига тўғри келиб, 2001-2013 йиллар мобойнида мазкур давлатнинг салмоғи ўсиш тенденциясига эга бўлган (8-жадвалга қаранг). Хусусан, Буюк Британиянинг умумий валюта савдоларидағи ҳиссаси 2013 йилда 2004 йилга нисбатан 8,2 ф.п.га ортган. Қизифи шундаки, Буюк Британия ва АҚШ ҳиссасига барча валюта савдоларининг қарийб 60% тўғри келган.

Осиё қитъасида Япония, Сингапур, Гонг-Конг, Жанубий Корея мамлакатларида валюта бозорларининг ривожланиш суръати юқори ҳисобланади.

Япония валюта бозорларидаги битимларнинг жаҳон валюта бозори битимлари ҳажмидаги салмоғи пасайиш тенденциясига эга бўлган. Хусусан, 2001 йилда валюта битимлари ўртача кунлик айланмасининг 9,1 фоизи Япония ҳиссасига тўғри келган бўлса, 2013 йилга келиб у 5,6%га тушиб қолган.

1.7-жадвал

Глобал валюта бозори фойдаланиладиган асосий валюта курси жуфтлиги²³

Валюта паралари	2001		2004		2007		2010		2013	
	миқдори (млрд. АҚШ долл.)	%								
USD/EUR	372	30	541	28	892	26,8	1098	27,7	1289	24,1
USD/JPY	250	20,2	328	17	438	13,2	567	14,3	978	18,3
USD/GBP	129	10,4	259	13,4	384	11,6	360	9,1	472	8,8
USD/AUD	51	4,1	107	5,5	185	5,6	248	6,3	364	6,8
USD/CAD	54	4,3	77	4	126	3,8	182	4,6	200	3,7
USD/CHF	59	4,8	83	4,3	151	4,5	166	4,2	184	3,4
EUR/JPY	36	2,9	61	3,2	86	2,6	111	2,8	147	2,8
EUR/GBP	27	2,1	47	2,4	69	2,1	109	2,7	102	1,9
EUR/CHF	13	1,1	30	1,6	62	1,9	71	1,8	71	1,3
Бошқа валюта паралари	248	20,1	401	20,6	931	27,9	1059	26,5	1538	28,9

²³ Халқаро ҳисоб-китоблар банки маълумотлари асосида ишлаб чиқилди.

Жами	1239	100	1934	100	3324	100	3971	100	5345	100
------	------	-----	------	-----	------	-----	------	-----	------	-----

Валюта курсларининг кўп хиллиги олтин монометализмининг бекор қилиниши ва валюта чекловлари киритилганидан сўнг 1929-1933 йиллар иқтисодий инқизози даврларида биринчи бор қўлланилган эди. Кўпчилик валюта хисоб вараклари музлатилганлиги ва улардан эркин фойдаланиш даражаси турлича бўлганлиги сабабли валюта расмий курсига нисбатан дисконт 10%-дан 90%-гача тебраниб турар эди (Германияда).

Жаҳон амалиётида 1976 йилдан бошқариладиган, сузуб юрувчи валюта тизимига ўтгач, пулнинг олтин мазмуни йўқолиб, асосан АҚШ доллари етакчи валютага айлангач, унинг муомалага чиқарилишини назорат қилиб бўлмай қолди. Кейинги йилларда глобаллашув жараёнининг жадаллашуви таъсирида ҳалқаро иқтисодий алоқаларда қатъий валютага бўлган талабнинг янада кучайиши АҚШ томонидан ҳеч қандай товар билан таъминланмаган пулларнинг муомалага чиқарилиш жараёнини янада тезлатиб юборди. Маълумотларга кўра, муомаладаги пул массаси (нақд, кредит пуллар ва турли тўлов воситалари)нинг товар ва хизматлар ишлаб чиқариш реал ҳажмидан деярли 10 баравар, агар пулнинг айланиш тезлигини ҳам ҳисобга олинса, муомала учун зарур бўлган пул миқдоридан, яъни пулга бўлган талабдан бир неча ўн баравар кўпайиб кетганлигини англатади.

1.4. Ўзбекистонда валюта операцияларини амалга ошириш тартиби

Республикада “Ўзбекистон Республикасининг Марказий банки тўғрисида”ги (21.12.1995 й.), “Валютани тартиба солиш тўғрисида”ги (11.12.2003 й.), “Банклар ва банк фаолияти тўғрисида”ги (25.04.1996 й.) Ўзбекистон Республикасининг Қонунлари, Президент Фармонлари ва Вазирлар Маҳкамасининг қарорлари, Марказий банкнинг валюта операцияларини амалга ошириш учун хукуқий асос бўлиб хизмат қиласи.

Хусусан, Ўзбекистон Республикасининг “Валютани тартиба солиш тўғрисида”ги Қонунида мамлакатимизда амалга ошириладиган валюта операцияларини амалга ошириш соҳасидаги муносабатларни тартиба солишнинг асосий меъзонлари белгилаб берилиган.

Мамлакатимизда валюта операцияларига қуйидагилар киради:

1. Валюта бойликларига бўлган мулк хукуқининг ва бошқа хукуқларнинг ўзга шахсга ўтиши ҳамда валюта бойликларини тўлов воситаси сифатида ишлатиш билан боғлиқ операциялар;
2. Валюта бойликларини Ўзбекистон Республикасида олиб кириш ва жўнатиш, шунингдек Ўзбекистон Республикасидан олиб чиқиш ва жўнатиш;
3. Ҳалқаро пул жўнатмаларини амалга ошириш;
4. Резидентлар ва норезидентлар ўртасида миллий валютадаги операциялар.

Валюта операциялари жорий халқаро операцияларга ҳамда капитал ҳаракати билан боғлиқ валюта операцияларига бўлинади.

Ўзбекистон Республикаси ҳудудида соф қўйма олтин муомаласи тартиби қонун ҳужжатлари билан белгиланади.

Жорий халқаро операцияларга қўйидагилар киради:

1. Ташқи савдо, бошқа жорий фаолият олиб борилиши, шу жумладан хизматлар кўрсатилиши муносабати билан, шунингдек одатдаги қисқа муддатли банк ва кредит механизмлари ишлаши муносабати билан тўланиши зарур барча тўловлар;

2. Фоизлар ва бошқа даромадлар кўринишида, шу жумладан банк омонатлари, кредитлар ҳамда лизинг бўйича олинадиган фоизлар ва бошқа даромадлар шаклида, шунингдек бошқа инвестициялардан олинадиган соф даромад шаклида тўланиши зарур тўловлар;

3. Кредитларни, қарзларни узиш учун ёки тўғридан-тўғри инвестициялар амортизацияси учун мақбул суммаларни тўлаш;

4. Савдо билан боғлиқ бўлмаган пул жўнатмаларининг мақбул суммалари.

Савдо билан боғлиқ бўлмаган пул жўнатмаларига қўйидагилар киради:

1. Иш ҳақи, стипендиялар, пенсиялар, алиментлар тўлаш;

2. Ходимларни Ўзбекистон Республикасидан ташқарига хизмат сафарига юбориш билан боғлиқ харажатларни тўлаш;

3. Таълим ва даволаниш учун ҳақ тўлаш;

4. Ўзбекистон Республикасининг хорижий давлатлардаги дипломатия ва бошқа ваколатхоналари, шунингдек Ўзбекистон Республикасининг давлатлараро ёки ҳукуматлараро ташкилотлар ҳузуридаги доимий ваколатхоналари таъминоти учун ҳақ тўлаш;

5. Нотариал ва тергов ҳаракатлари билан боғлиқ тўловлар, шунингдек бундай ҳаракатларни амалга ошириш ва ишларни судларда кўриш муносабати билан давлат божи тўлаш;

6. Суднинг, арбитражнинг, шунингдек тергов ва бошқа ҳукуқни муҳофаза қилувчи органларнинг қарорлари асосида пул маблағлари тўлаш;

7. Халқаро конгресслар, симпозиумлар, конференцияларда, спорт ва маданий тадбирларда, шунингдек бошқа халқаро учрашувлар, кўргазмалар ва ярмаркаларда иштирок этганлик учун тўловлар, инвестиция билан боғлиқ ва моддий ҳаражатлар бундан мустасно;

8. Дафн қилиш билан боғлиқ тўловлар;

9. Муаллифлик ҳақини тўлаш, патент божларини тўлаш ва интеллектуал мулк соҳасидаги лицензия шартномаларининг мажбуриятлари бўйича ҳақ тўлаш;

10. Халқаро нотижорат ташкилотларига бадаллар;

11. Ўзбекистон Республикаси марказий банки томонидан белгиланадиган бошқа операциялар.

Мамлакатимизда жорий халқаро операциялар ва чет эл валютасини улар билан боғлиқ ҳолда сотиб олиши ёки сотиш чекловларсиз амалга оширилади.

Капитал ҳаракати билан боғлиқ валюта операцияларига жорий халқаро операциялар ҳисобланмайдиган барча операциялар, шу жумладан:

1. Инвестиция фаолиятини амалга ошириш;
2. Кредитлар олиш ва бериш, лизинг операцияларини амалга ошириш;
3. Кўчмас мулкни сотиб олиш ва сотиш;
4. Хорижий давлатлардан маблағларни ҳисобвараклар ва омонатларга жалб этиш ҳамда хорижий давлатларда маблағларни ҳисобвараклар ва омонатларга жойлаштириш киради.

Ўзбекистон Республикасига тўғридан-тўғри хорижий инвестицияларни жалб этиш ва уларни репатриация қилиш, шунингдек тўғридан-тўғри хорижий инвестицияларни амалга ошириш муносабати билан олинган ҳукуқлардан фойдаланиш чекловларсиз амалга оширилади.

Ўзбекистон Республикасининг дипломатия ва бошқа ваколатхоналари эҳтиёжлари учун **Ўзбекистон Республикасидан ташқарида кўчмас мулк объектларини олиш ва уларни кўриш бўйича капитал ҳаракати билан боғлиқ валюта операциялари** Ўзбекистон Республикаси Вазирлар Маҳкамаси қарорига биноан амалга оширилади.

Ўзбекистон Республикаси худудида норезидентлар томонидан кўчмас мулкни олиш ва сотиш тартиби Ўзбекистон Республикаси Вазирлар Маҳкамаси томонидан белгиланади.

Ўзбекистон Республикаси худудида чет эл валютасидаги қимматли қоғозлар муомаласи, резидентлар томонидан чет эл валютасидаги қимматли қоғозлар сотиб олиниши, шунингдек резидентлар чиқарган қимматли қоғозларнинг норезидентлар томонидан сотиб олиниши тартиби қимматли қоғозлар бозорини тартибга солиш бўйича ваколатли давлат органи томонидан Ўзбекистон Республикаси Марказий банки билан биргаликда белгиланади.

Чет эл валютаси билан боғлиқ бўлган ҳосила молиявий воситалар (валюта деривативлари) чет эл валютаси олди-сотдиси бўйича шартномалар бўлиб, уларда белгиланган мажбуриятлар муайян муддат ўтгач ёки чет эл валютасининг қийматига ёхуд унинг курси ўзгаришига боғлиқ равишда бажарилиши мумкин.

Чет эл валютаси билан боғлиқ бўлган ҳосила молиявий воситалар бўйича операциялар:

- ваколатли банклар томонидан ўзаро ёки чет эл банклари билан чекловларсиз, очиқ валюта мавқеи лимити доирасида;
- агар шартнома тузиш жорий халқаро операцияларни ўтказиш билан боғлиқ бўлса, банкларнинг мижозлари томонидан ваколатли банклар орқали амалга оширилади.

Валюта операцияларини амалга оширишга доир чекловлар жиной фаолиятдан олинган даромадларни легаллаштиришга ҳамда терроризмни молиялаштиришга қарши қурашиб мақсадида белгиланиши мумкин. Ўзбекистон Республикаси Марказий банки иқтисодий хавфсизликка таҳдид юзага келганда валюта операцияларини амалга оширишни вақтинча тўхтатиб қўйишга ёки уларга доир чекловлар жорий этишга ҳақли.

Миллий валютанинг чет эл валютасига нисбатан курси. Ўзбекистон Республикаси ҳудудида чет эл валютасини сотиб олиш ва сотиш бўйича операциялар миллий валютанинг чет эл валютасига нисбатан чет эл валютасига бўлган талаб ҳамда таклифнинг жорий нисбати асосида шаклланадиган алмашув курси бўйича амалга оширилади.

Ўзбекистон Республикаси Марказий банки валюта операциялари бўйича бухгалтерия ҳисоби, статистика ҳисботи ҳамда бошқа ҳисбот мақсадлари учун, шунингдек Ўзбекистон Республикаси ҳудудида божхона ва бошқа мажбурий тўловларни ҳисоблаш учун миллий валютанинг чет эл валютасига нисбатан курсини мунтазам равишда белгилаб боради.

Чет эл валютасида операцияларни амалга ошириш учун лицензияга эга бўлган банклар **ваколатли банклардир**. Ваколатли банклар:

– Ўзбекистон Республикаси ҳудудида очик валюта мавқеи лимити доирасида чет эл валютасини сотиб олиш ва сотиш бўйича, шу жумладан ҳосила молиявий воситалар асосида чет эл валютасини сотиб олиш ва сотиш бўйича бевосита ўзаро, ўз мижозлари билан ҳамда валюта биржалари орқали, шунингдек халқаро бозорларда операцияларни амалга оширишга;

– Ўзбекистон Республикасининг банкларида ва чет эл банкларида вакиллик ҳисобварақларига ҳамда бошқа ҳисобварақларга эга бўлишга;

– нақд чет эл валютасини ҳамда чет эл валютасидаги тўлов ҳужжатларини жисмоний шахслардан сотиб олиш ва уларга сотиш операцияларини амалга ошириш учун айирбошлиш шохобчаларини очишига ҳақлидир.

Ваколатли банклар қонун ҳужжатларига мувофиқ бошқа ҳуқуқларга ҳам эга бўлиши мумкин.

Ўзбекистон Республикаси ҳудудида чет эл валютасини сотиб олиш ва сотиш юридик шахслар томонидан ваколатли банклар орқали, жисмоний шахслар томонидан ваколатли банклар, уларнинг филиаллари ва айирбошлиш шохобчалари орқали амалга оширилади.

Ўзбекистон Республикаси ҳудудида барча ҳисоб-китоблар ва тўловлар миллий валютада амалга оширилади. Бироқ, **мамлакатимиз ҳудудида ҳисоб-китоблар ва тўловларни чет эл валютасида амалга оширишга қўйидаги ҳолларда йўл қўйилади**:

1. Қонун ҳужжатларида белгиланган тартибда кредитларни олиш ва қайтаришда;

2. Ваколатли банклардаги омонатларга пул маблағлари қўйишида, омонатлар бўйича фоизлар тўлашда;

3. Банкнинг чет эл валютасидаги операциялар бўйича воситачилик ҳақини ундиришда;

4. Чет эл валютасида ифодаланган банк кафолатларини бериш ва улар юзасидан тўловларни амалга оширишда;

5. Ваколатли банклар, уларнинг филиаллари ва айирбошлиш шохобчалари орқали чет эл валютасини сотиб олиш ва сотишка;

6. Юридик шахсларнинг устав фондига (устав капиталига) қонун хужжатларида белгиланган тартибда валюта бойликларини киритишида;

7. Хайрия мақсадларида амалга ошириладиган операцияларда;

8. Мерос ҳуқуқи бўйича валюта бойликларини олишда;

9. Божсиз савдо дўконларидағи ҳисоб-китоблар, шунингдек ҳалқаро йўналишларда ташишида транспорт воситаларининг қатнов йўлларида йўловчиларга товарлар сотиш ва хизматлар кўрсатишидағи ҳисоб-китоблар билан боғлиқ операцияларда;

10. Норезидентлар билан товарларни бошқага ўтказиш, ишлар бажариш, хизматлар кўрсатиш, ахборотни, интеллектуал фаолият натижаларини, шу жумладан уларга бўлган мутлақ ҳуқуқларни бошқага ўтказиш тўғрисида шартномалар тузиш ва уларни бажариш билан боғлиқ хизматлар комиссиянерлар (агентлар) томонидан кўрсатилаётганда комиссиянерлар (агентлар) ва комитетлар (принципаллар) ўртасида амалга ошириладиган операцияларда;

11. Ўзбекистон Республикасидан олиб чиқилаётган ёки Ўзбекистон Республикасига олиб кирилаётган юкнинг транзити, уни ташиш билан боғлиқ хизматлар экспедитор, ташувчи ва фрахтчи томонидан кўрсатилаётганда транспорт экспедицияси, ташиш ҳамда чартер (фрахтлаш) шартномалари бўйича операцияларда;

12. Қимматли қоғозларни қонун хужжатларида назарда тутилган ҳолларда сотиб олиш ва сотишида;

13. Резидентлар томонидан резидентлар ҳамда норезидентлардан пластик тўлов ва кредит карточкалари бўйича тўловларни қабул қилишда;

14. Қонун хужжатларида белгиланган тартибда суғурта ва қайта суғурта шартномалари бўйича ўзаро ҳисоб-китобларни амалга оширишида;

15. Қонун хужжатларида белгиланган бошқа ҳолларда.

Жисмоний шахсларнинг Ўзбекистон Республикаси ҳудудига нақд чет эл валютасини олиб кириши чекловларсиз амалга оширилади.

Резидент жисмоний шахслар нақд чет эл валютасини олиб чиқиши ҳуқуқини тасдиқловчи хужжатларни кўрсатмасдан қонун хужжатларида белгиланган миқдордаги нақд чет эл валютасини Ўзбекистон Республикасидан бир йўла олиб чиқиши мумкин.

Қонун хужжатларида белгиланган миқдордан ортиқ бўлган нақд чет эл валютасининг резидент жисмоний шахслар томонидан олиб чиқилиши уларда Ўзбекистон Республикаси Марказий банки ёки ваколатли банклар томонидан бериладиган, Ўзбекистон Республикасидан нақд чет эл валютасини олиб чиқиши ҳуқуқини тасдиқловчи хужжатлар бўлган тақдирда амалга оширилади.

Норезидент жисмоний шахслар божхона декларациясига мувофиқ олиб кирилган нақд чет эл валютаси миқдоридаги нақд чет эл валютасини, шунингдек, Ўзбекистон Республикаси Марказий банки ва ваколатли банклар томонидан бериладиган, уларнинг нақд чет эл валютасини олиб чиқиши ҳуқуқини тасдиқловчи хужжатлар бўлган тақдирда эса олиб кирилган нақд чет

эл валютасидан кўп бўлган миқдордаги нақд чет эл валютасини Ўзбекистон Республикасидан бир йўла олиб чиқишилари мумкин.

Ваколатли банклар томонидан нақд чет эл валютаси ва миллий валютани олиб кириши ҳамда олиб чиқиши Ўзбекистон Республикаси Марказий банкининг рухсатномаси бўлган тақдирда амалга оширилади.

Ўзбекистон Республикаси Марказий банки, Молия вазирлиги, Давлат солик қўмитаси ва Давлат божхона қўмитаси **Ўзбекистон Республикасида валютани назорат қилувчи органлардир.**

Ўзбекистон Республикаси Президентининг 2013 йил 30 январда ПҚ-1914-сонли “Жисмоний шахсларга хорижий валютани сотиш тартибини янада либераллаштириш чора-тадбирлари тўғрисида”ги Қарори қабул қилиниб, мазкур қарор талаблари асосида Ўзбекистон Республикаси Марказий банки ва тижорат банкларининг 2013 йил 1 февралдан бошлаб Ўзбекистон Республикасининг резидентлари - **жисмоний шахсларга ваколатли банклар томонидан хорижий валютани халқаро тўлов карталаридан фойдаланган ҳолда нақдсиз шаклда сотиш механизми** жорий этилди. Бунда Ўзбекистон Республикасининг резидентлари - жисмоний шахсларга нақдсиз хорижий валютани сотиш ваколатли банклар ва уларнинг филиалларида қуидаги тартибда амалга оширилиш белгилаб қўйилган:

1. Ўзбекистон Республикасининг резиденти - жисмоний шахс ваколатли банкда ўрнатилган тартибда халқаро тўлов картасини очади;

2. Ўзбекистон Республикасининг резиденти - жисмоний шахс хорижий валютани сотиб олиш учун ваколатли банкка шахсни тасдиқловчи хужжат (паспорт, яшаш гувоҳномаси ёки ҳарбий хизматчилар учун ҳарбий билет)ни, шунингдек валюта айирбошлиш операциясини амалга ошириш учун депозит ҳисобида миллий валютадаги зарур пул маблағлари мавжуд бўлган шахсий пластик банк картасини тақдим этади;

3. Ваколатли банк шахсий пластик банк картасида миллий валютадаги пул маблағлари етарли эканлигини текширади, хорижий валютани операция амалга оширилган куни белгиланган айирбошлиш курси бўйича халқаро тўлов картасига ўтказади ҳамда жисмоний шахсга хорижий валютани сотиб олганлигини тасдиқловчи белгиланган шаклдаги маълумотномани беради;

4. Ўзбекистон Республикасининг резидентлари - жисмоний шахслардан ва норезидентлардан хорижий валютани сотиб олиш ваколатли банклар томонидан, қоида тариқасида, ваколатли банклар ва уларнинг филиаллари биноларида, аэропортларда, темир йўл вокзалларида, меҳмонхоналарда, ички ишлар органларининг кириш, чиқиш ва фуқароликни белгилаш бошқармалари (бўлимлари)да, шунингдек божхона постларида жойлашган айирбошлиш шохобчалари орқали чекланмаган миқдорда амалга оширилади.

Республика валюта биржаси. 1992 йил 12 май куни Ўзбекистон Республикаси Марказий банки хузурида “Ўзбекистон Республикаси валюта биржаси” (ЎЗРВБ) ёпиқ акциядорлик жамияти ташкил этилди. Марказий банк билан бир қаторда Ўзбекистон Республикаси ташқи иқтисодий фаолият Миллий банки, “Ўзсаноатқурилишбанк” ва бошқа банк тузилмалари валюта

биржасининг таъсисчилари бўлди. Республика валюта биржасида дастлабки валюта савдолари 1992 йилнинг 22 июлида ўтказилган эди. Сўнгра улар ҳар ҳафтада ўтказиладиган бўлди. Кейинчалик валюта бозорининг ривожланиши ва операциялар ҳажмининг кенгайиши валюта савдоларини ҳар куни ўтказишга имкон берди.

ЎзРВБнинг устувор вазифалари республика иқтисодий манфаатларини ҳимоялаш, ички ва ташқи валюта бозори конъюнктурасига тезкор муносабат билдиришдан иборат.

ЎзРВБ фаолиятининг асосий йўналишлари хорижий валютани сотиб олиш ва сотиш бўйича банклараро савдоларни ташкил этиш ва ўтказиш, хорижий валютага нисбатан талаб ва таклиф мутаносиблигини таъминлашда миллий валюта курси учун қайд этилган савдоларни белгилаш, давлат қимматли қоғозлари билан савдоларни ташкил этиш ва ўтказиш, давлат қимматли қоғозлари бўйича депозитар фаолиятни амалга ошириш, хосила молиявий воситалар билан биржа савдолари ўтказиш ҳисобланади. Унинг вазифалари жумласига хорижий валюталарнинг банклараро савдолари, шунингдек, давлат қимматли қоғозлари савдолари якупнларини расмийлаштириш учун турдош шартнома ва битимларни ишлаб чиқиш, миллий ва хорижий валюталарда биржада тузилган битимлар бўйича ҳисоб-китобларни амалга ошириш киради.

2000 йилда ЎзРВБда замонавий талабларга жавоб берувчи, электрон техник ускуналар билан жиҳозланган валюта операциялари ўтказиш учун савдо зали ташкил этилди. Орадан бир йил ўтгач, “Ўзбекистон Республикаси валюта биржасида банклараро савдо сессияларини ўтказиш қоидаси” ишлаб чиқилди. Ушбу қоидага мувофиқ, АҚШ доллари курси савдоларда хорижий валютани сотиб олиш ва сотишга берилган буюртмаларнинг суммали ҳажмини мувозанатлаш принципи асосидаги “фиксинг” услуги орқали белгиланмоқда. ЎзРВБ кундалик савдолар якупланганидан сўнг қайд этилган курс ҳақидаги ахборотни Марказий банк ва тижорат банкларига маълумот тариқасида ҳавола этади. Биржа мутахассислари, бундан ташқари, ҳар куни савдоларда қайд этилган хорижий валюталарнинг сўмга нисбатан ўртacha қийматини ҳисоблаб чиқади. Мазкур маълумотлардан Марказий банк миллий валютанинг расмий курсини белгилашда фойдаланади.

Назорат саволлари

1. Валюта курсининг моҳиятини ва унинг турларини айтиб беринг?
2. Валюта курсининг қайдай котировкаларини биласиз?
3. Номинал ва реал валюта курси тўғрисида нимани биласиз?
4. Валюталарнинг харид қобилияти паритети нимани англатади?
5. Валюта курсига қандай асосий омиллар таъсир этади.
6. Валюталарнинг конвертация нима ва укандай шаклларда амалга оширилади. Валюта курсларини прогнозлаш (башоратлаш)нинг қандай йўлларини биласиз?
7. Валюта бозори нима ва унинг функционал ва институционал нуқтаи назардан қандай турларга ажратиш мумкин.

8. Маркет-мейкерлар қандай фаолият билан шуғулланади?
9. Спот операцияси қандай амалга оширилади?
10. Валюта позициясига лимитнинг ва валютавий чеклашларнинг яна қандай турларини биласиз?
11. Арбитраж операцияларининг моҳиятини айтиб беринг?
12. Муддатли битимлар билан боғлиқ қандай операцияларни биласиз, уларга изох беринг?
13. Валюта сиёсати нима, унинг қандай турлари ва шакллари бор?
14. Валюта интервенцияси, девальвация, ревальвация тушунчаларига изох беринг?
15. Валюта курси режими нима ва унинг хвф томонидан қайд этилган қандай турлари бор?
16. Мамлакат валюта сиёсатини олиб бориш бўйича қандай иқтисодий назарияларни биласиз?
17. Ўзбекистонда валюта операцияларини қандай тартибда амалга оширилади?
18. Жорий халқаро операциялар, шунингдек савдо билан боғлиқ бўлмаган пул жўнатмалари турларини айтиб беринг?
19. Капитал ҳаракати билан боғлиқ валюта операциялари амалга ошириш тартибини айтиб беринг?
20. Мамлакатимизда миллий валютанинг чет эл валютасига нисбатан курси қандай белгиланади?
21. Ўзбекистон Республикаси марказий банки валютани тартибга солиш доирасида қандай вазифаларни бажаради?
22. Чет эл валютасида операцияларни амалга ошириш учун лицензияга эга бўлган ваколатли банклар қандай валюта операцияларини амалга ошириши мумкин?
23. Ўзбекистон Республикаси ҳудудида чет эл валютасини сотиб олиш ва сотиши тартиби қайдай амалга оширилади?
24. Мамлакатимиз ҳудудида қандай ҳисоб-китоблар ва тўловлар чет эл валютасида амалга оширилиши мумкин?
25. Ўзбекистон Республикасида валютани назорат қилувчи органларни айтиб беринг?
26. Республика валюта биржаси тўғрисида нималарни биласиз?

Фойдаланилган адабиётлар

1. Ўзбекистон Республикасининг “Валютани тартибга солиш тўғрисида”ги (11.12.2003 й.) Конуни.
2. Ўзбекистон Республикасининг “Банклар ва банк фаолияти тўғрисида”ги (25.04.1996 й.) Конуни.
3. Ўзбекистон Республикасининг “Ўзбекистон Республикасининг Марказий банки тўғрисида”ги (21.12.1995 й.) тўғрисидаги Конуни.
4. Мирзиёев Ш.М. Танқидий таҳлил, қатъий тартиб-интизом ва шахсий жавобгарлик – ҳар бир раҳбар фаолиятининг кундалик қоидаси бўлиши керак.

Ўзбекистон Республикаси Вазирлар Маҳкамасининг 2016 йил якунлари ва 2017 йил истиқболларига бағишиланган мажлисидаги Ўзбекистон Республикаси Президентининг нутқи. // Халқ сўзи газетаси. 2017 йил 16 январь, №11.

5. Мирзиёев Ш.М. Эркин ва фаровон, демократик ўзбекистон давлатини биргалиқда барпо этамиз. – Тошкент : Ўзбекистон, 2016. - 56 б.

6. Мирзиёев Ш.М. Қонун устуворлиги ва инсон манфаатларини таъминлаш – юрт тараққиёти ва халқ фаровонлигининг гарови. – Тошкент: “Ўзбекистон”, 2017. – 48 б

7. Мирзиёев Ш.М. Буюк келажагимизни мард ва олижаноб халқимиз билан бирга қурамиз. – Тошкент: : “Ўзбекистон”, 2017. – 488 б.

8. Ўзбекистон Республикаси Президентининг 2013 йил 30 январда ПҚ-1914-сонли “Жисмоний шахсларга хорижий валютани сотиш тартибини янада либераллаштириш чора-тадбирлари тўғрисида”ги Қарори.

9. International money and finance / by Michael Melvin and Stefan Norrbin. – 8th ed. 2013 Elsevier Inc. 316 pp.

10. Bank for International Settlements, Triennial Central Bank Survey; Report on Global Foreign Exchange Market Activity in 2013, Basel, September, 2013.

11. Berger, D.W., Chaboud, A.P., Chernenko, S.V., Howorka, E., Wright, J., 2008. Order flow and exchange rate dynamics in electronic brokerage system data. J. Int. Econ. 75 (1), 93-109.

12. Evans, M., Lyons, R., 2002. Order flow and exchange rate dynamics. J. Polit. Econ. Vol. 110 (No. 1), 170-180.

13. The Foreign Exchange Market in the United States, Federal Reserve Bank of New York, <http://www.newyorkfed.org/education/addpub/usfxm/>

14. Leeson, Nick, 2011. www.nickleeson.com.

15. Lyons, R.K., 1995. Tests of microstructural hypotheses in the foreign exchange market. J. Financ. Econ. 39, 321-351.

16. Norrbin, S., Pipatchaipoom, O., 2007. Is the real dollar rate highly volatile? Econ. Bull. Vol. 6 (No. 2), 1-15.

Режа

- 2.1. Жаҳон валюта тизими ва унинг функциялари.
- 2.2. Жаҳон валюта тизимининг ривожланиш босқичлари.
- 2.3. Европа валюта тизими.

Таянч иборалар: *Валюта тизими, валюта савати, ЭКЮ, олтин паритети, Триффен диллемаси, олтин демонетизацияси, олтин девиз андозаси, валюта интервенцияси.*

2.1. Жаҳон валюта тизими ва унинг функциялари

Халқаро молия муносабатлари ривожланишида валюта тизимининг самарали ташкил этилиши ва унинг барқарорлиги муҳим ўрин тутади. Валюта тизими деганда, валюта муносабатларини ташкил этишнинг ташкилий-хукуқий шакли тушунилади. Халқаро валюта бозорларини кўриб чиқищдан олдин валюта тизимлари келиб чиқиши тарихини кўриб чиқишимиз зарур. Халқаро валюта бозорлари валюталар олди-сотти қилина бошланганидан сўнг юзага келган бўлсада, халқаро пул-кредит бозорлари тарихи XIX асрнинг охиридан бошланади деган мулоҳазалар мавжуд. Ушбу даврга келиб олтин стандарти даври вужудга келган.²⁴

Валюта тизимининг ҳолати мамлакатда валюта муносабатларини бошқариш ва тартибга солиш жараёнига бевосита боғлиқ бўлади.

Валюта тизимининг учта асосий шаклини ажратиб кўрсатиш мумкин:

- Миллий валюта тизими – маълум бир мамлакат худудида валюта муносабатларини ташкил этиш, тартибга солиш билан боғлиқ тадбирлар мажмуасини ифодалайди.
- Минтақавий валюта тизими – муайян бир минтақа доирасидаги мамлакатлар ташаббусига кўра ташкил этилган валюта тизимини ифодалайди.
- Жаҳон валюта тизими – мамлакатлар ўртасидаги валюта муносабатларини амалга ошириш учун ташкил этилган, инструментлар, шартномалар, тартиб-қоидалар ва ташкилотларнинг мажмуасидир.

Жаҳон валюта тизимининг асосий вазифаси, халқаро савдо жараёнида ва турли валюталардаги ҳисоб-китобларда халқаро валюта ликвидлигини таъминлаш иборат.

Жаҳон валюта тизими қуйидаги асосий функцияларни бажаради:

- тартибга солиш – валюталар ўртасидаги муносабатларга таъсир кўрсатувчи тўлов балансида юзага келадиган номутаносибликларни бартараф этиш;

²⁴ Michael Melvin and Stefan C. Norrbom. International money and finance. 8th edition. Elsevier Inc. 2013 P.25

– ликвидлилик – заҳира бирликларини аниқлаш ҳамда тўлов балансининг номутаносибликларини қоплаш учун уларни қўллаш имкониятлари ва ташкил этиш шаклларини белгилаш;

– бошқариш – халқаро молиявий институтларни ташкил этиш ва уларнинг ваколатлари орқали ҳисоб-китобларнинг узлуксизлигини таъминлаб бориш.

Жаҳон валюта тизимининг асосий мақсадлари бўлиб қўйидагилар ҳисобланади:

– мамлакатлар ўртасидаги халқаро ҳисоб-китобларнинг узлуксизлигини таъминлаш;

– мамлакатлар миллий валютаси барқарорлигини таъминлашни қўллаб-куватлаш;

– жаҳон хўжалигининг турли иқтисодий тизимлари ўртасида самарали меҳнат тақсимотини таъминлаш;

– жаҳон ишлаб чиқариши умумий ҳажмининг ўсишига ва ахоли бандлик даражасининг ошишига эришиш;

– миллий иқтисодиётларда барқарор иқтисодий ўсишни таъминлаш;

– инфляцияни жиловлаш ва ташқи иқтисодий мувозанатни ушлаб туриш ва бошқ.

Валюта тизимлари муайян элементларни ўзига қамраб олган ҳолда фаолият юритади.

Миллий валюта тизими қўйидаги элементларни ўзида мужассамлаштиради:

– миллий валюта;

– миллий валютанинг алмашиниш режими;

– миллий валюта паритети;

– миллий валюта курс режими;

– валюта чекловлари ҳолати;

– мамлакатнинг халқаро валютавий ликвидлигини тартибга солиш;

– миллий валюта бозорида операцияларни юритиш тартиби.

Жаҳон валюта тизимиға эса қўйидаги элементлар киради:

– халқаро тўлов воситаси;

– валюта курсларини белгилаш ва сақлаб туриш механизми;

– валюталарни конвертациялаш шартлари;

– валютавий чеклашларни давлатлараро тартибга солиш;

– халқаро валютавий ликвидликни таъминлаш ва тартибга солиш;

– халқаро ҳисоб-китоб шаклларини умумлаштириш;

– олтин ва валюта бозорларида ишлаш режимлари;

– валюта муносабатларини тартибга солувчи давлатлараро институтларнинг ҳуқуқ ва мажбуриятлари.

Мамлакатлар ўртасидаги икки томонлама иқтисодий муносабатларнинг кўп томонлама муносабатлар сифатида ривожланиши билан жаҳон валюта тизимининг аҳамияти янада орта бошлади. Чунки, мамлакатлар ўртасидаги халқаро савдо, кредит, инвестиция ва капитал ҳаракати билан боғлиқ бўлган

молиявий муносабатлар жаҳон валюта тизими доирасида белгиланган муайян тамойиллар асосида амалга ошириларди.

2.2. Жаҳон валюта тизимининг ривожланиш босқичлари

Жаҳон валюта тизимининг самарали ҳамда барқарор фаолият кўрсатиши унинг жаҳон хўжалиги тузилмаси ва ҳолатига мувофиқлик даражасига бевосита боғлиқ бўлади. Халқаро молиявий мухитда юзага келган бир қатор ўзгаришлар ҳамда мамлакатлар ўртасидаги иқтисодий муносабатлар ривожланишининг таъсири натижасида жаҳон валюта тизимининг амал қилиш тамойиллари ҳам ўзгарди.

Жаҳон валюта тизими ривожланиш жараёнида қуйидаги босқичларини босиб ўтди:

- Париж валюта тизими (1867-1914 й.й.);
- Генуя валюта тизими (1922-1929 й.й.);
- Бреттон-вудс валюта тизими (1945-1976 й.й.);
- Ямайка валюта тизими (1976 йилдан ҳозирги давргача).

Жаҳон валюта тизимининг дастлабки босқичларида олтин андозаси (стандарт) тизими амал қилди. Олтин андозаси тизимида мамлакатлар пул бирликлари қийматига тенг бўлган олтиннинг муайян миқдори расмий тарзда ўрнатилди, пуллар эса олтин танга ёки банкнота шаклига эга бўлди. Улар исталган пайтда расмий ўрнатилган курс бўйича олтинга алмашиниши мумкин эди. Олтин андозасининг тўлиқ амал қилиши учун иккита асосий шарт бажарилиши лозим эди: биринчидан, пул-кредит муассасаларига миллий валютани олтинга исталган миқдорда аниқ ставка бўйича алмаштириш мажбурияти юклатилди, иккинчидан, алоҳида шахслар учун олтинни экспорт ва импорт қилиш ҳуқуқининг мавжудлиги эди. Одатда, пул-кредит муассасалари танга зарб қилиш харажатларини қоплаш учун олтинни сотиш ва сотиб олиш нархлари ўртасида маълум бир фарқни ўрнатган эдилар. Ушбу даврда олтин андозасининг учта шакли амалда бўлди:

– олтин танга андозаси. Мазкур босқичда олтин тангалар фаол тарзда муомалада ўрин эгаллади.

– олтин қуйилма андозаси. Бу босқичда олтин тангалар муомалада бўлмади ҳамдва уларни эркин тарзда зарб қилиш амалга оширилмади, пул-кредит муассасаларининг мажбурияти эса олтин қуйилмаларни сотишдан иборат бўлди.

– олтин валюта андозаси. Ушбу босқичда пул-кредит муассасалари миллий пулларни хорижий валюталарга олтин андозаси асосида алмаштирилар.

Олтин андозаси тизимининг ўзига хос бўлган томонлари қуйидагича эди:

– ҳар бир валюта олтин таркибига эга бўлиб, валюта бирлиги муайян миқдорда олтинга тенглаштирилди²⁵;

²⁵ Michael Melvin and Stefan C. Norrbom. International money and finance. 8th edition. Elsevier Inc. 2013 P.25

- валюталарнинг олтин таркибига кўра уларнинг олтин паритетлари ўрнатилди, шунга мувофиқ валюталарнинг ўзаро курси белгиланди;
- алоҳида давлат ичида ва ундан ташқарида валюталарнинг олтинга эркин алмашинуви таъминланди. Давлат паритет қийматига кўра олтинни сотиш ва сотиб олиш мажбуриятини олди.
- олтин умумжаҳон пули сифатида тан олинди;
- олтиннинг эркин тарзда экспорт ва импорти йўлга қўйилди;
- пулга бўлган ички талаб ва миллий олтин заҳираси ўртасидаги мувофиқлик сақлаб турилди.

Ушбу даврда олтин андозасига асосланган халқаро ҳисоб-китоблар механизми қатъий белгиланган курс режимини ўрнатди.

Биринчи жаҳон валюта тизими XIX асрда олтин монометаллизми асосида, олтин танга андозаси шаклида шаклланган. **Париж валюта тизимида** олтин ягона жаҳон пули сифатида қабул қилинган. Мазкур валюта тизими, расмий равишда 1867 йилда Париж конференциясида тан олинди ва амал қила бошлади.

Олтин андозаси талабига асосан банклар миллий валюта бирлигига олтин асосини бериб, миллий валютани олтинга сотиш ва сотиб олиш мажбуриятини олганлар.

Олтин танга андозасига тегишли хусусиятлар қуйидагилардан иборат эди: товарлар нархининг олтинда ҳисобланиши, олтин тангаларнинг эркин муомалада бўлиши ва давлат зарбхонлари томонидан чекланмаган тарзда тангаларни зарб этилиши, номиналга кўра кредит пулларининг олтин тангаларга эркин алмашинуви, олтинни олиб кириш ва олиб чиқишида чекловлар ўрнатилмаганлиги, ички бозорларда қофоз пуллар олтин тангалар билан бир қаторда муомалада бўлиши. Олтин андозаси амалда бўлган даврларда олтин паритетидан фойдаланилган.

Олтин паритети – расмий олтин таркибига кўра турли мамлакатлар пул бирликларининг ўзаро нисбатини ифодалайди. Олтин паритети валюта курсларини аниқлашда асос бўлиб хизмат қилган ва 1976 йилда ХВФ томонидан бекор этилган. Яъни,

АҚШда 1 троя унция олтин (31, 1 г.) = 20, 672 USD (\$)

Буюк Британияда 1 троя унция олтин= 4,248 GBP (£)

Олтиннинг валюталардаги қиймати валюта курсини аниқлашга хизмат қиласиди:

$$\$ 20, 672 / £ 4,248 = 4, 866 , \text{ яъни } £ 1 = \$ 4, 866$$

Париж валюта тизими қуйидаги тамойилларга асосланган эди:

- тизим асосини олтин танга андозаси ташкил этиши;
- миллий пул бирликларининг олтин таркиби ўрнатилди (Буюк Британия – 1816 йилдан, АҚШ – 1837 йилдан, Германия- 1875 йилдан, Франция – 1878 йилдан);
- олтинга умумий тўлов воситаси сифатида жаҳон пули функцияси берилди;

- марказий банклар томонидан эмиссия қилинган муюмаладаги банкноталар олтинга эркин алмаштирилган. Алмашинув олтин паритетлари асосида амалга оширилган.
- валюталар курси монета паритетидан “олтин нұқталари” чегарасида оғиши мүмкін эди ($\pm 1\%$ амалда қастьй белгиланган валюта курслари бўлган);
- олтиндан ташқари халқаро айланмада Англия фунт стерлинги тан олинган;
- миллий олтин захиралари ва ички пул таклифи ўртасидаги ўзаро нисбат ушлаб турилган;
- тўлов баланслари тақчиллиги олтин билан қопланган.

Мазкур даврда валюта курсарининг барқарорлигини мамлакатлар ўртасида олтиннинг эркин ҳаракати таъминлаган. Олтин андозасининг жорий этилиши ҳар бир иштирокчи давлатдан ўз валютасини олтинга қастьй белгиланган курс бўйича конвертация қилишни талаб этарди. Олтин таркибини ҳисоблаш ёрдамида аниқланган валюта айирбошлиш курси ҳар бир валюта учун олтин паритетини белгилайди.

Париж валюта тизими амал қилган шароитда олтин ички бозорларда танга кўринишида муюмалада бўлган, бундан ташқари тижорат банкларининг захиралари шаклида ҳам хизмат қилган.

Олтин андозаси мамлакатларда тўлов балансини, пул муюмаласини, халқаро захираларни, ташқи иқтисодий алоқаларни ҳамда ишлаб чиқаришни бир маромда тартибга солиша мухим рол ўйнаган. Париж валюта тизимида ташкил этилган олтин танга андозаси биринчи жаҳон урушига қадар, тўлов баланси ва валюта курсини тартибга солишнинг бозор механизми амалда қўлланган даврда бирмунча самарали фаолият кўрсатган.

Тўлов балансида тақчиллик мавжуд бўлган мамлакатлар дефляцион сиёsat ўтказишга мажбур бўлганлар, бунда пул массасини олтинни чегарадан ташқарига чиқариш орқали қисқартиришга эришганлар.

Олтин андозасининг афзалликлари сифатида қуидагиларни кўрсатиш мүмкін:

- валюта курслари кескин тебранишининг мавжуд эмаслиги;
- паст инфляция даражаси.

Париж валюта тизими доирасида ташкил этилган олтин андозаси бир қатор камчиликларга эга бўлган. Олтин андозаси жаҳон иқтисодиётидаги муюмаладаги пул массаси билан олтин қазиб олиш ва ишлаб чиқариш ўртасида боғлиқликни юзага келтириди. Ушбу шароитда янги олтин конларини очиш ва уни қазиб олишни кўпайтириш трансмиллий инфляцияга олиб келган. Аксинча, агар олтин ишлаб чиқариш ҳажми ишлаб чиқаришнинг реал ҳажми ўсишидан орқада қолса нархлар дарражасининг ялпи пасайиши қузатилган.

Шунингдек, олтин андозаси амал қилган даврда миллий иқтисодиётнинг ички муаммоларини бартараф этишга йўналтирилган мустақил пул-кредит сиёсатини амалга оширишнинг имкони бўлмаган. Олтинга конвертирунгларни ушлаб турган ҳолда пул эмиссияси орқали харажатларни молиялаштиришга ҳаракат қилган ҳоҳлаган мамлакатда олтин

захирадининг хорижга чиқиб кетиши ҳолати рўй берган. Бу ҳолат, барча Европа мамлакатларини биринчи жаҳон урушида даврида олтин андозасидан воз кечишга мажбур этди. Чунки, уруш харажатларини молиялаштиришни фақат қоғоз пуллар эмиссияси ҳисобига амалга ошириш мумкин эди.

Уруш харажатларини қоплашда солиқлар, заёмлар билан бирга олтин ҳам жаҳон пули сифатида сарфланди. Кўпгина мамлакатлар томонидан валюта чекловлари ўрнатилди. Валюта курслари мажбурий тарзда ўрнатилган бўлиб, шу боисдан нореал эди. Уруш бошланиши билан марказий банклар олтинни алмаштиришни тўхтатди ва харажатларни қоплаш учун эмиссияни оширидилар. 1920 йилга келиб АҚШ долларига нисбатан фунта стерлинг 1/3 қисмга, француз франки ва италия лираси —2/3, немис маркаси эса - 96%га қадрсизланди.

Олтин андозаси бозор иқтисодиёти шароитларига ва ривожланиб бораётган хўжалик алоқалари кўламига жавоб бермаганлиги туфайли астасекинлик билан барҳам топган. Олтин танга андозаси пул ва валюта тизими сифатида амал қилишни тўхтатган ва жаҳон валюта тизимини бошқа шаклда шакллантиришга эҳтиёж сезилган.

Хўкумат пулларининг олtinga нисбатан доимий қийматини сақлашлари шарт экан, пул таъминоти олтин таъминоти томонидан чекланади. Нарҳлар олтин маҳсулотлари тебранишлари ва иқтисодий ўсиш таъсирида кўтарилиши ва тушиши мумкин, бироқ тенденсиялар узоқ барқарор поғонага қайтиши шарт.²⁶

Биринчи жаҳон урушидан кейин мамлакатлар ўртасидаги ташқи иқтисодий алоқаларнинг қайта тикланиши натижасида жаҳон валюта тизимининг янги тамойилларини ишлаб чиқишига зарурат туғилди. Биринчи жаҳон уруши олтин стандартига барҳам берди. Ҳалқаро молия муносабатлари уруш туфайли қалтис тус олди, негаки савдогарлар ва банкирлар айрим давлатнинг ҳалқаро капитал оқимини тўхтатиш эҳтимолини борлигидан хавотирда эдилар²⁷.

Ушбу даврдан жаҳон валюта тизими ривожланишининг янги босқичи амал қила бошлади. Мазкур босқич олтин қуйилма андозаси ёки **Генуя валюта тизими** сифатида ном олди.

1922 йилда Генуядаги ўтказилган молиявий ва иқтисодий масалалар бўйича ҳалқаро конференцияда ривожланган мамлакатлардаги олтин заҳиралари ташқи савдо ва бошқа операциялар бўйича ҳисоб-китобларни тартибга солиш учун етарли эмас деб таъкидланди. Ҳалқаро айланмада олтин ва фунт стерлингдан ташқари АҚШ долларидан ҳам кенг фойдаланиш тавсия этилди. Ҳалқаро тўлов воситаси ролини бажаришга йўналтирилган иккала валюта ҳам девиз номини олди. Германия, Австралия, Дания, Норвегия каби кўпгина мамлакатлар олтин девиз стандартига қўшилишди.

Генуя валюта тизимининг асосий тамойиллари ҳам олдинги Париж валюта тизими тамойилларига ўхшиш эди. Мазкур тизимда ҳам олтин охирги жаҳон

²⁶ Michael Melvin and Stefan C. Norrbom. International money and finance. 8th edition. Elsevier Inc. 2013 P.26

²⁷ Michael Melvin and Stefan C. Norrbom. International money and finance. 8th edition. Elsevier Inc. 2013 P.27

пули сифатидаги ролини сақлаб қолди, шу билан биргаликда олтин паритетлари ҳам қолдирилди.

Генуя валюта тизими қуйидаги тамойилларга асосланиб фаолият күрсатган:

1. Тизим асосини олтин ва девиз валюталар ташкил этди. Ушбу даврда 30 та мамлакатнинг пул тизими олтин-девиз стандартига асосланди. Бироқ, захира валюта мавқеи расмий жиҳатдан ҳеч бир валютага берилмади, фунт стерлинг ва АҚШ доллари ушбу соҳада етакчилик учун рақобатлашди.

2. Олтин паритетлари сақлаб қолинди. Валюталарнинг олtinga алмашинуви нафакат бевосита йўл билан (АҚШ, Франция, Б.Британия) балки билвосита, хорижий валюталар орқали ҳам амалга оширилди.

3. Эркин сузувчи валюта курслари режими қайта тикланди.

4. Валютани тартибга солиш фаол валюта сиёсати шаклида халқаро конференцияларда амалга оширилди.

Олтин девиз андозаси олтин андозасининг муайян шаклини ифодалаб, бунда алоҳида миллий банкноталар олtinga эмас балки бошқа мамлакатларнинг валюталарига (олтин қуйилмаларга алмашинувчи девизларга) алмаштирилар эди.

Мазкур шароитда, миллий валюталарни олtinga алмаштиришнинг иккита асосий усули шаклланди:

1. Бевосита – девиз ролини бажарувчи (фунт стерлинг, АҚШ доллари) валюталар учун;

2. Билвосита – мазкур тизимнинг қолган барча валюталари учун.

Ушбу жаҳон валюта тизимида эркин сузувчи валюта курслари тамойили қўлланилган. Генуя тизимининг тамойилларига мувофиқ аъзо мамлакатларнинг марказий банклари миллий пул бирликлари валюта курсларининг мумкин бўлган тебранишларини валютани тартибга солиш усулларини (асосан валюта интервенцияси) қўллаган ҳолда ушлаб туришлари лозим эди.

Олтин девиз андозасининг кенг тарқалиши бир мамлакатни бошқаларига боғлиқлигини кучайтирди. Бироқ, олтин андозасининг девиз шакли кўп амал қилмади. 1929-1931 йиллардаги жаҳонда рўй берган инқироз мазкур тизимни бутунлай издан чиқарди. Инқироз ўз навбатида, девиз валюталарга ҳам салбий таъсирини кўрсатди. 1931 йилга келиб Буюк Британия олтин андозасини бекор қилишга мажбур бўлди, фунт стерлинг эса девальвация қилинди. Шунингдек, валюта ва иқтисодий муносабатларда Англияга боғлиқ бўлган бир қатор Европа давлатлари, Миср, Малайзия, Хиндистон мамлакатларининг валюталари муваффақиятсизликка учради. Кейинчалик бу тизим Япония ва Франция томонидан бекор қилинди. 1933 йилда эса АҚШ ҳукумати банкноталарни олtinga алмаштиришни ҳамда олтиннинг чегарадан чиқарилишини тақиқлади, доллар эса 41%га девальвация қилинди.

1930 йилларнинг ўрталарига келиб жаҳон валюта тизимининг бекарорлиги кучайди ва кўпгина мамлакатлар ўз валюталарини девальвация қилишди. Валюта соҳасидаги инқироз ҳолати жаҳон валюта тизимида ислоҳотларни амалга оширишни тақозо этди.

1926-1936 йиллардаги жаҳон валюта инқирозининг асосий хусусиятлари қўйидагилардан иборат эди:

- даврийлик хусусияти: валюта инқирози жаҳон иқтисодий ва пул-кредит инқирози билан қўшилиб кетди;
- тузилмавий хусусияти: жаҳон валюта тизими тамойиллари – олтин девиз андозаси ҳалокатга учради;
- давомийлиги: 1929 йилдан 1936 йилгача.
- таъсир даражаси: қатор валюталар курси 50-84%гача пасайди.
- ривожланиш ҳолати: инқироз турли пайтда турли таъсир орқали барча мамлакатлар иқтисодиётини издан чиқарди.

Генуя валюта тизими доирасидаги жаҳон валюта инқирозининг босқичлари:

Биринчи боосқич (1929-1930 йиллар), аграр ва мустамлака мамлакатлар валюталарининг қадрсизланиши орқали намоён бўлди ҳамда жаҳон бозорида хом-аёшга бўлган талаб кескин қисқарди.

Иккинчи босиқчда (1931 йилнинг ўрталарида) жаҳон валюта тизимининг кучсиз бўғини хорижий капиталнинг қайтиши, расмий олтин заҳирасининг камайиши ва банкларнинг банкротликка учраши туфайли Германия ва Австрияда юзага келди. Германия валюта чекловларини жорий этган ҳолда ташқи қарз бўйича тўловларни ва маркани олтинга алмашинувини бекор қилди. Амалда мамлакатда олтин андозаси бекор қилиниб, марканинг расмий курси “музлатилди”

Учинчи босқич, жаҳон иқтисодий инқирозининг кучайиши туфайли 1931 йилда Буюк Британияда олтин андозасининг бекор этилиши орқали юзага чиқди. Бу ҳолатнинг бевосита сабаби тўлов баланси ҳолатининг ёмонлашуви ва товарлар экспортининг ҳамда “кўринмас” операциялардан тушумнинг кескин қисқариши туфайли мамлакат расмий олтин заҳирасининг камайиши бўлди. 1931 йилнинг 21 сентябрига келиб фунт стерлингнинг олтин қуйилмаларга алмашинуви бекор қилинди, унинг курси эса 30,5%га пасайди. Бир вақтнинг ўзида Британия ҳамдўстлик давлатлари (Канададан ташқари) ҳамда Буюк Британия билан яқин савдо алоқаларига эга бўлган мамлакатлар валюталари девальвация қилинди. Германиядан фарқли равишда, Буюк Британияда фунт стерлингнинг қадрини ҳамда Лондоннинг жаҳон молиявий маркази сифатидаги мавқеини ушлаб туриш мақсадида валюта чекловлари жорий этилмади. Ушбу даврда Буюк Британия девальвациядан муваффақият қозонди, яъни Англия экспортёрлари девальвацион мукофот ҳисобига валюта демпингини амалда кенг қўлладилар ва натижада Буюк Британия тўлов балансининг пассив сальдоси қисқарди.

Валюта инқирозининг тўртинчи босқичида олтин андозаси иқтисодий инқирознинг шиддали авж олиши натижасида АҚШда бекор қилинди. Ушбу ҳолатнинг бевосита сабаби нархларнинг нотекис ва шиддатли пасайиши бўлди ва оммавий банкротликни келтириб чиқарди. Банкларнинг йирик қисми (мамлакат банклари умумий сонининг 40%) банкротликка учраши туфайли АҚШда пул-кредит тизими издан чиқди ва доллар банкноталарини олтинга

алмаштириш бекор этилди. АҚШ миллий корпорациялари рақобатбардошлигини ошириш мақсадида валюта урушларини жорий этиш учун олтин сотиб олиш йўли билан доллар курсини пасайтириш сиёсатини ўтказдилар. 1934 йил январига келиб доллар олтинга нисбатан 40%га қадрсизланди ва 41%га девальвация қилинди, олтиннинг расмий нархи эса 1 троя унциясига 20,67 доллардан 35 долларга кўтарили. АҚШ ўз миллий валютасининг халқаро ўрнини мустаҳкамлаш мақсадида хорижий марказий банклар учун олтинни долларга мазкур нархда алмаштириш мажбуриятини олди. Мазкур даврда амалга оширилган долларнинг девальвацияси АҚШ экспортини бирмунча рафбатлантириди, лекин иқтисодий турғунлик шароитларида мамлакатда маҳсулотлар нархи бирқадар ошиб кетди.

Бешинчи босқичда, 1936 йил охирларига келиб валюта инқирозининг маркази бошқа мамлакатларда қараганда олтин андозасини кўпроқ қўллаб-қувватлаган Францияда юзага келди. Жаҳон иқтисодий инқирози Францияни бошқа мамлакатларга нисбатан кечрок ўз домига тортди ҳамда бу мамлакатда фунт стерлинг ва долларларни олтинга алмаштириш жараёни тезлик билан амалга оширилди. Ошиб бораётган олтин заҳирасига таянган ҳолда Франция олтин андозасини сақлаб қолиш мақсадида олтин блокига етакчилек қилди. Франциянинг олтин андозасига тарафдорлиги унинг тарихий ривожланиш хусусиятлари билан изоҳланади.

Иқтисодий инқироз тўлов баланси пассивлигини, давлат бюджети тақчиллигини ҳамда мамлакатдан олтиннинг чиқиб кетиш ҳолатларини юзага келтириди. Олтин андозасининг сунъий ушлаб турилиши фирмаларнинг рақобатбардошлигини пасайишига сабаб бўлди. Франция экспорти ҳажми кескин қисқариб кетди ва натижада ҳукумат томонидан банкноталарни олтин қўйилмаларга алмаштириш бекор этилди, франк эса 25%га девальвацияга қилинди.

Инқироз натижасида Генуя валюта тизими барқарорлигини йўқотди. Ички айланмада банкноталарни олтинга алмашинуви бекор қилинишига қарамасдан, АҚШ, Франция, Буюк Британия марказий банкларининг келишувига кўра олтиннинг валютага ташки алмашинуви сақлаб қолинди.

Олтин валюта андозасининг инқирози валютавий чалкашликлар даврида, хусусан, долларнинг девальвацияси ҳамда Лондон халқаро иқтисодий конференцияси доирасидаги музокараларда муваффақиятсизликларнинг кучайиши туфайли содир бўлди.

Жаҳон валюта тизими валюта блокларига ажралди. Валюта блоки – халқаро иқтисодий муносабатлар соҳасида ягона сиёсат олиб борувчи етакчи мамлакат бошчилигидаги молиявий, иқтисодий муносабатларда ўзаро алоқадор мамлакатлар гуруҳидир.

Валюта блоклари учун қўйидаги хусусиятлар хосдир:

- боғлиқ бўлган валюталар курси гуруҳга бошчилик қилувчи мамлакатлар валютасига бириктирилди;
- блокга киравчи мамлакатнинг халқаро хисоб-китоблари етакчи мамлакат валютасида амалга оширилди;

– блокга киравчи мамлакатларнинг валюта заҳиралари етакчи мамлакатда сақланди.

Асосий валюта блоклари – фунт стерлинг блоки – 1931 йилда ҳамда доллар блоки эса 1933 йида Буюк Британия ва АҚШ олтин стандартидан воз кечганидан кейин юзага келди. Стерлинг блоки таркибига Канада ва Ньюфундленддан ташқари Британия иттифоқига киравчи мамлакатлар киришди. Шунингдек, мазкур блокга Сянган ҳудуди ҳамда Британия билан иқтисодий жиҳатдан алоқадор яқин бўлган мамлакатлар – Миср, Ироқ ва Португалия ҳам киришди. Кейинчалик унга Дания, Норвегия, Швеция, Финландия, Греция ва Эрон ҳам кўшилишди. Доллар блокига эса, АҚШ, Канада ҳамда Марказий ва Жанубий Американинг кўпгина америка капитали кенг тарқалган давлатлари киришди.

1933 йилда Лондон халқаро иқтисодий конференциясида олтин стандартини сақлашга ҳаракат қилаётган мамлакатлар (Франция, Бельгия, Голландия, Швейцария, Италия, Чехословакия, Польша) олтин блокини ташкил қилишди. Ушбу блок иштирокчилари ўзларининг валюталарини ўзгармас олтин таркибини сұйний ушлаб туришди ва олтин стандартидан воз кечган ҳамда валюталарини девальвация қилган мамлакатларнинг валюта демпингидан зарага учрашди. Олтин блоки аста-секинлик билан 1935 йилда парчаланди ва Франция 1936 йилда олтин стандартидан воз кечиши билан ўз фаолиятини бутунлай тўхтатди. Валюта урушларининг воситаларидан бири бўлиб барқарорлаштириш фондлари хизмат қилди, мазкур фондлардан экспортни рағбатлантириш мақсадларида миллий валюта курсини пасайтиришда фойдаланилган. Бундай фондлар Буюк Британияда 1932 йилда, АҚШда 1934 йилда, Бельгияда 1935 йилда, Канадада 1935 йилда, Голландияда 1936 йилда ташкил этилган.

Иккинчи жаҳон уруши халқаро валюта ва иқтисодий муносабатларнинг тўлиқ издан чиқишига сабаб бўлди. Халқаро савдо ва халқаро молия муносабатларининг асоси буткул ўзгариб кетди. Мазкур ўзгаришлар натижасида мамлакатлар томонидан янги жаҳон валюта тизимини ташкил этишга ташаббус қилинди.

Бреттон-Вудс валюта тизими (*Bretton Woods system*) – иккинчи жаҳон урушидан кейин шаклланган ва миллий валюта тизимларини етакчи мамлакатлар валюта тизимига мослаштиришга асосланган жаҳон валюта тизимиdir. Мазкур жаҳон валюта тизими 1944 йилда Бреттон-Вудсдаги (Нью-Хэмпшир штати) халқаро конференцияда қабул қилинди.²⁸ Шунингдек, ушбу тизим доирасида Халқаро валюта фонди ва Халқаро тикланиш ва тараққиёт банки каби ташкилотларни ташкил этиш қарори қабул қилинди.

Бреттон-Вудс тизими – савдо хисоб-китоблари ва пул муносабатларини ташкил этишнинг халқаро тизимиdir. Бу олтин девиз андозасидан эркин савдо орқали валюталарнинг талаб ва таклифи мувозанатини ўрнатувчи Ямайка

²⁸ Michael Melvin and Stefan C. Norrbom. International money and finance. 8th edition. Elsevier Inc. 2013 P.28

тизимиға ўтиш босқичи бўлди. Бреттон-Вудс тизимида олтин билан бир қаторда АҚШ долларига жаҳон пули функцияси берилди.

Иккинчи жаҳон уруши ниҳояси арафасида халқаро пул тизимини манфаатли келишувлар ва эркин конвертация қилинадиган валюталар асосида қайта тиклашга ҳоҳиш пайдо бўлди.²⁹

Бреттон-Вудс тизимини ташкил этишдан мақсад:

- халқаро савдо ҳажмини қайта тиклаш ва ошириш;
- ташқи савдо балансидаги вақтингчалик қийинчиликларга барҳам бериш учун давлатларга молиявий ресурслар ажратиш;
- барқарор алмашув курсларига эга бўлган, халқаро валюта тизимини ташкил этиш;
- қаттиқ валюта назорати бекор қилиниши ва барча валюталарнинг конвертирланишига эришиш.

Бреттон-Вудс тизимининг оқибати: мамлакатлар иқтисодиётининг долларлашуви, ушбу ҳолат пул массасини миллий назорат остидан чиқиб кетишига олиб келди.

Бреттон-Вудс тизими қуидаги асосий тамойилларга кўра амал қилди:

- халқаро хисоб-китобларда олтин ўзининг охирги пул функциясини сақлаб қолди;
- доллар ёки олтингдаги қаътий белгиланган валюта паритетлари ўрнатилди;
- асосий валютанинг курси (АҚШ доллари) олтинга нисбатан қаътий белгиланди;
- асосий валютага нисбатан иштирокчи мамлакатлар валюталари учун қаътий белгиланган алмашинув курслари ўрнатилди;
- марказий банклар миллий валюталарнинг асосий валютага нисбатан барқарор курсини ($\pm 1\%$) валюта интервенциялари ёрдамида сақлаб туришди;
- валюта курсларини ревальвация ёки девальвация орқали ўзгартириш мумкин эди;
- тизимнинг ташкилий бўғинлари сифатида Халқаро валюта фонди ва Халқаро тикланиш ва тараққиёт банки ташкил этилди.

АҚШ доллари учун 1 троя унция 35 доллар нисбатда олтин стандарти ўрнатилди. Натижада АҚШ заифлашган рақобатчиси Буюк Британияни ортда қолдирган ҳолда валюта устунлигини олди. Амалда халқаро валюта тизимининг доллар устунлигига асосланган доллар стандарти юзага келди.

ХХ асрнинг ўрталарида жами дунё олтин заҳирасининг 70% АҚШга тегишли бўлди. Доллар – олтинга алмашинувчи валюта заҳира активлари, валюта интервенциялари ва халқаро хисоб-китобларда устунлик қиласидиган восита ҳамда валюта паритетларида асос бўлди. Бир вақтнинг ўзида АҚШнинг миллий валютаси жаҳон пули сифатида фаолият кўрсатди.

АҚШ долларининг барқарорлиги сўзсиз равишда АҚШнинг иқтисодий етакчилиги ҳамда унинг олтин заҳираларига монопол тарзда эгалиги орқали

²⁹ Michael Melvin and Stefan C. Norrbom. International money and finance. 8th edition. Elsevier Inc. 2013 P.28

таъминланди. Валюталарнинг бозор курси паритетдан 1% чегарада тебраниши мумкин эди. Бреттон-Вудс валюта тизими барқарор, кескин тебранишларга учрамайдиган валюта курсларини ўрнатиш асосида юзага келди.

Халқаро валюта фондига аъзо мамлакатлар ўзларининг валюта курсларини долларга ёки олтинга нисбатан белгиладилар, ўз навбатида доллар олтинга боғланган эди. Шунинг учун олтиннинг доллардаги баҳоси барча нарх хисобкитоблари учун асос бўлди. Барча жаҳон нархлари долларда белгилана бошлади. Халқаро тўлов воситалари асосий заҳира валютаси сифатида АҚШ доллари ва олтиндан ташкил топган бўлиши керак эди. Марказий банклар ўзларидаги долларни АҚШ ғазначилигидан қаътий белгиланган курс бўйича олтинга алмаштиришлари мумкин эди.

Одатда, Бреттон-Вудс тизими 1944 йилдан 1971 йилгача давр мобайнида мавжуд бўлган бўлса ҳам, ҳақиқатда мазкур тизим 1959 ва 1968 йиллар ўртасидагина муваффақиятли фаолият кўрсатган холос. 1946 йилдан 1959 йил январгача валюта курслари барқарорлаштириш кредитлари хисобига ушлаб турилган.

Халқаро валюта фонди тизим жараёнларини назорат қилиш ва тўлов балансида вақтингчалик қийинчиликларга дуч келган мамлакатларга қисқа муддатли қарзлар билан таъминлаш мақсадида ташкил этилган. Бундай қарзлар ҳалқаро валюта фонди шартларига тўлов баланси мувозанатини тиклашга йўналтирилган ички иқтисодий ўзгартириш мақсадларига ажратилган³⁰.

1959 йилдагина Ғарбий Европа мамлакатларининг валюталари эркин конвертацияланиши билан Бреттон-Вудс тизими тўлиқ миқёсда фаолиятини бошлаган.

Бреттон-Вудс валюта тизимининг инқирозга учраш сабаблари:

– АҚШ иқтисодиётининг берқарорлиги ва у билан боғлиқ зиддиятларнинг ривожланиши. 1967 йилда иқтисодий ўсишнинг пасайиши билан содир бўлган валюта инқирозининг бошланиши.

– Инфляциянинг кучайиши жаҳон нархлари ва компанияларнинг рақобатбардошлигига салбий таъсири кўрсатди ҳамда “иссиқ” пулларнинг спекулятив кўчишини рағбатлантириди. Турли мамлакатларда инфляциянинг турли суръатлари валюта курслари динамикасига таъсир кўрсатди, пулларнинг харид қобилиятини пасайиши эса курсларнинг кескин ўзгаришига шароит яратди.

– 1970 йилларда спекулятив операциялар мамлакатлар ўртасидаги “иссиқ” пуллар ҳаракатини тезлаштирган ҳолда валюта инқирозини янада кучайишига сабаб бўлди. “Иссиқ” пулларнинг шиддатли оқими қўринишидаги доллар ортиқчалиги бир мамлакатдан бошқасига кириб келиши валюта бозорларида кескин ўзгаришларни келтириб чиқарди. Шунингдек, мазкур даврда миллий тўлов балансларида беқарорлик ҳолати кучайди. Битта мамлакатдаги сурункали тақчиллик (айниқса АҚШ, Буюк Британия) ва

³⁰ Michael Melvin and Stefan C. Norrbom. International money and finance. 8th edition. Elsevier Inc. 2013 P.29

бошқаларидаги (Германия, Япония) ижобий қолдиқнинг юзага келиши валюта курсларининг кескин тебранишини кучайтириди.

– Бреттон-Вудс тизими тамойилларининг жаҳон майдонида кучлар нисбати ўзгаришига номувофиқлиги. Миллий валюталарни қўллашга асосланган валюта тизими жаҳон хўжалиги байнамиллашуви билан қарама-қаршиликка келди. Ушбу қарама-қаршилик АҚШ ва Буюк Британия иқтисодий ҳолатининг заифлашишига мувофиқ кучайиб борди. Чунки улар захира валютаси мавқеидан фойдаланган ҳолда тўлов балансларининг тақчиллигини миллий валюта эмиссияси эвазига пасайтиришди. Бу ҳолат, айниқса ривожланаётган мамлакатларнинг манфаатларига зид бўлди.

– ТМКларнинг валюта соҳасидаги роли: ТМК турли валюталардаги йирик миқдордаги қисқа муддатли активларга эга бўлади, мазкур активлар улар фаолият кўрсатаётган мамлакатлар марказий банкининг валюта заҳираларидан ҳам ортиқ бўлиши мумкин. Ушбу маблағлар миллий назоратдан чиқиши ва оқибатда фойда кўриш мақсадида валютавий спекуляцияларда иштирок этиши мумкин.

Бир томондан халқаро савдо учун кенгайиб бораётган эҳтиёжлар йирик миқдордаги пул массасини талаб этди, бошқа томондан эса, ушбу пул массаси олтин валюта заҳираси билан таъминланган бўлиши керак эди. Ушбу зиддиятнинг моҳияти Триффен диллемаси (Triffin Dilemma) ёки парадокси сифатида ифодаланган. 1960 йиллар бошларида Роберт Триффин Бреттон-Вудс тизимининг муҳим зиддиятини баён этганди. Унинг моҳияти қуйидагича эди: асосий валютанинг эмиссияси эмитент мамлакатнинг олтин заҳирасига мувофиқ бўлиши керак. Олтин заҳираси билан таъминланмаган ҳаддан ташқари эмиссия асосий валютани олтинга алмашинувига зарар етказиши ҳамда унга бўлган ишончни пасайишига олиб келиши мумкин. Лекин, асосий валюта халқаро шартномаларнинг ўсиб бораётган миқдорига хизмат кўрсатиш учун халқаро пул массаси кўпайишини таъминлашга етарли миқдорларда чиқарилиши лозим. Шунинг учун, унинг эмиссияси эмитент мамлакатнинг чекланган олтин заҳираси ўлчамига қарамасдан содир бўлиши керак.

Бреттон Вудс тизими 1950 ва 1960 йиллар давомида фаолият олиб борди, 1960 йилларга келиб доллар инқирози содир бўлди. Бунинг сабаби АҚШнинг тўлов балансида 1950 йилларнинг охирларидан бошлаб йирик миқдорда дефицит юзага келиши натижасида хорижий мамлакатлардаги доллардан заҳира валюта сифатида сақловчилар томонидан олтинга бўлган талаб ошиб кетганлиги бўлди³¹.

Шундай экан, тобора жадаллашиб борган қарама-қаршилик мавжуд валюта тизими асосини ислоҳ этиш заруриятини юзага келтирди. 1944 йилда ўрнатилган тузилмавий тамойиллар 60-йиллар охирига келиб жаҳон иқтисодиётида кучлар нисбати ўзгаришига, жаҳон савдоси ҳамда ишлаб чиқариш шароитларига жавоб бермай қўйди.

³¹ Michael Melvin and Stefan C. Norrbom. International money and finance. 8th edition. Elsevier Inc. 2013 P.32

Инқирознинг фундаментал сабаблари нималарда намоён бўлди?. Мазкур тизим АҚШнинг олтин заҳираси хорижий долларларни олтинга алмашинувини таъминлаган ҳолдагина фаолият кўрсатиши мумкин эди. АҚШнинг олтин заҳираси мамлакатдан йирик миқдорда чиқиб кета бошлади, ҳукумат томонидан олтин чиқиб кетишини тўхтатишга қаратилган турли чораларни қўлланилишига қарамасдан, мазкур жараён ташқи омиллар таъсирида янада тезлашарди. Долларларни олтинга алмаштириш имконияти бутунлай чекланган эди, уни фақат расмий даражада ва фақат битта жойда АҚШ Ғазначилигига амалга ошириш мумкин эди. Хусусан, 1949 йилдан 1970 йилгача бўлган давр оралигига АҚШ олтин заҳираси ҳажми икки барорбардан ортиқ даражада камайиб кетди. Мазкур жараён АҚШ ва Франция ҳукумати ўртасида долларни олтинга алмаштириш хусусидаги музокаралардан кейин янада авж олди. Қўлланилган барча ҳимоя тадбирларига қарамасдан АҚШ ҳукумати долларнинг олтин билан таъминланиши бўйича қабул қилинган халқаро мажбуриятини бир томонлама бекор қилди.

70 йилларнинг бошларида олтин заҳираларини Европа фойдасига қайта тақсимлаш батамом содир бўлди, халқаро айланмада эса кўп миқдорда нақд ва нақдсиз кўринишдаги АҚШ доллари муомаласи сақланиб қолди.

Бреттон-вудс валюта тизими инқирозининг юзага келиш шакллари:

- халқаро ликвидлилик муаммоларининг қучайиши;
- “валютавий спекуляция операцияларининг қучайиши”, бекарор валюталарни уларнинг девальвацияси кутилганда ёппасига сотиш ҳамда ревальвацияга номзод бўлган валюталарни сотиб олиш;
- “олтин билан боғлиқ спекуляцион операцияларининг қучайиши”, бекарор валюталардан олтинга қочиш ҳамда унинг нархини ўз-ўзидан ошиши;
- расмий олтин валюта заҳираларини кескин тебраниши;
- фонд биржаларидаги ва валюта курсларидаги кескин ўзгаришлар, кутилганда қимматли қофозлар курсининг пасайиши;
- миллий ва давлатлараро даражада валютани тартибга солишининг фаоллашуви;
- валюталарнинг ёппасига ревальвация ва девальвация қилиниши;
- марказий банкларнинг фаол валюта интервенцияси, жумладан, бир нечта мамлакатлар ўртасида келишилган ҳолда амалга оширилиши.

Инқироз ривожланишининг муҳим саналари:

1. 1968 йил 17 март. Олтиннинг иккиласми бозори ўрнатилди. Хусусий бозорларда олтиннинг нархи талаб ва таклифга мувофиқ тарзда эркин белгиланди. Мамлакатлар марказий банклари учун расмий битимлар бўйича долларнинг олтинга расмий курс бўйича 1 троя унцияси 35 доллардан алмашинуви сақланди.

2. 1971 йил 15 август. АҚШ президенти Р.Никсон марказий банклар учун расмий курс бўйича долларни олтинга конвертацияси вақтинчалик тақиқланганлигини эълон қилди.

3. 1971 йил 17 декабр. Долларнинг олтинга нисбатан девальвацияси 7,89% ташкил этди. Олтиннинг расмий баҳоси 1 троя унцияга 35 доллардан 38 долларга, долларнинг олтинга мазкур курс бўйича қайта алмашинувисиз ошди.

4. 1973 йил 13 феврал. 1 троя унцияга 42,2 долларгача доллар девальвацияланди.

5. 1976 йил 8 январ. Ямайканинг Кингстон шаҳрида ХВФ аъзоларининг йигилишида янги жаҳон валюта тизимини ташкил этиш тўғрисидаги янги битими қабул қилинди.

Бреттон-вудс тизими амал қилган даврда жаҳон иқтисодиёти жуда тез суръатларда ривожланди. Ушбу давр “иқтисодий мўжиза” йиллари бўлди: инфляция паст даражада сақланди, ишсизлик даражаси қисқарди, аҳоли турмуш даражаси яхшиланди. Лекин, бир вақтнинг ўзида мазкур тизимнинг асоси барбод бўлди. АҚШ саноатида меҳнат унумдорлиги Европа ва Японияга қараганда паст бўлди. Бу эса, АҚШга Европа ва Япония товарлари экспортини ўсишига олиб келди. Натижада, Европада “евродоллар”нинг йирик микдори тўпланди. Гарбий Европа банклари эса, уларни америка ғазначилик қоғозларига сарфлашди. Бу ҳолат, АҚШнинг ташки қарзи ўсишига олиб келди. “Евродоллар”нинг бир қисми 60 йилларнинг охирида тақдим этилди, АҚШнинг олтин заҳираси эса камайиб кетди ва натижада долларни олтинга нисбатан эркин алмашинуви бекор бўлди.

Ямайка валюта тизими – замонавий жаҳон валюта тизими бўлиб, алоҳида мамлакатларнинг валюта тизимларига эмас, балки ҳукуқий мустаҳкамланган давлатлараро тамойилларга асослангандир. Ямайка валюта тизимининг ўзига хос хусусияти эркин сузуб юрувчи валюта курсларини жорий этилиши бўлди.

Бреттон-вудс тизимининг инқирози валюта ислоҳотларининг кўпгина лойиҳаларини келтириб чиқарди: жумладан, жамоавий заҳира бирликларини ташкил этиш, товар ва олтин билан таъминланган жаҳон валюталарини чиқариш ва олтин стандартига қайтиш лойиҳалари.

Монетаризм тарафдорлари давлат аралашувига қарши бозор томонидан тартибга солишни ёқлашди, тўлов балансини автоматик тарзда ўз-ўзидан тартибга солиниш ғоясига асосланган ҳолда сузувчи валюта курслари режими жорий этишини таклиф қилишди (М. Фридман, Ф. Махлуп ва бош.). Неокейнсианчилар Ж.М.Кейнснинг халқаро валюта ташкил этиш тўғрисидаги олдинги ғоясига қайтишди (Р. Триффин, У. Мартин, А. Дей. Ф. Перу, Ж. Денизе). АҚШ олтинни тўлиқ демонетизация қилиш ва долларнинг мавқенини қўллаб-қувватлаш мақсадида халқаро ликвид воситани ташкил этиш йўлини тутди. Гарбий Европа, айниқса Франция долларнинг етакчилигини чеклаш ва ХВФ кредитларини кенгайтириш сари ҳаракат қилди.

Валюта инқирозидан чиқишига бағишлиб жаҳон миёсида бир қатор конференциялар ўтказилди. 1972-1974 йилларда ХВФ жаҳон валюта тизимини ислоҳ қилиш лойиҳасини тайёрлади.

Мазкур лойиҳа 1976 йилда ХВФга аъзо мамлакатларнинг келишувига кўра Кингстонда ўтказилган конференцияда расмий жиҳатдан кучга кирди. Ямайка валюта тизими асосига олтин стандартидан тўлиқ воз кечиш тамоили қўйилди.

Мазкур тизимга мувофиқ валюта муносабатлари қўйидаги тамоилларга асосланган ҳолда амалга оширилиши лозим:

- олтин андозаси тизими расман бекор қилинди;
- олтин демонетизацияси белгиланди, унинг жаҳон пули функцияси бекор қилинди;
- валютани олтинга боғловчи олтин паритетлари тақиқланди;
- марказий банкларга бозор баҳоси бўйича олтинни оддий товар сифатида сотиш ва сотиб олишга рухсат этилди;
- SDR (Special Drawing Rights) стандарти жорий этилди, ундан жаҳон пули сифатида, шунингдек, валюта алмашинув курсларини ўрнатиш ҳамда расмий активларни баҳолашда фойдаланиш кўзда тутилди.
- алоҳида марказий банкларга ички пул сиёсатини мустақил ўтказиш имконияти кенгайтирилди. Мамлакатларнинг марказий банклари валютанинг қаътий белгиланган паритетини ушлаб туриш учун валюта бозорлари фаолиятига аралашибга мажбур эмаслар. Бироқ, улар валюта курсларини барқарорлаштириш учун валюта интервенцияларини амалга оширадилар.
- заҳира валюталари сифатида АҚШ доллари, Германия маркаси, фунт стерлинг, швейцария франки, япония иенаси, француз франки расман тан олинди (евро муомалага киритилишига қадар);
- эркин сузувчи валюта курслари режими ўрнатилди, шунингдек, уларни жаҳон бозорида талаб ва таклиф асосида шакллантириш белгиланди;
- давлатларга валюта курси режимини мустақил белгилашга рухсат этилди.

Ямайка битимининг барча иштирокчи мамлакатлари асосида валюталарнинг олтин таркиби ётган қаътий белгиланган валюта курсларидан валюта бозорларидаги талаб ва таклиф таъсирида муайян чегараларда эркин ўзгарувчан сузувчи валюта курсларига ўтишди.

СДР ўзида халқаро шартли ҳисоб пул бирликларини ифодалайди. СДРнинг эмиссияси ХВФ томонидан амалга оширилади. СДР ХВФ тўлов бирликлари сифатида ва маҳсус ҳисоб рақамларда ёзиш йўли билан халқаро нақдиз ҳисоб-китобларни амалга оширишда қўлланилади. СДР функциясига, тўлов балансларини тартибга солиш, расмий валюта заҳираларини тўлдириш, миллий валюталар қийматини таққослаш кабилар киради. СДР ҳеч қандай валюта ёки қарз мажбурияти ҳисобланмайди. Ушбу тўлов воситаси 1969 йилда аъзомамлакатларнинг мавжуд заҳира активларига қўшимча сифатида ХВФ томонидан ташкил этилганди. Ташкил этишдан асосий мақсад, Бреттон-вудс валюта тизими доирасида Триффин парадоксини бартараф қилиш эди.

SDR курси ҳар куни эълон қилинади ва тўртта етакчи валютадан ташкил топган саватнинг доллар қиймати асосида аниқланади. Ушбу валюталар, АҚШ доллари, евро, иена ва фунт стерлингдан иборат. Евро муомалага киргунига

қадар курс бешта валютадан ташкил топган саватга боғланган эди, улар, АҚШ доллары, немис маркаси, француз франки, иена ва фунт стерлингдир. Валюталарнинг саватдаги оғирлиги ҳар беш йилда кўриб чиқилади.

Генуя валюта тизими доирасида эгилувчан алмашинув курсларига ўтишдан қўйидаги асосий мақсадлар кўзда тутилди:

- турли мамлакатларда инфляция суръатларини жиловлаш;
- тўлов балансларини мувозанатга келтириш;
- марказий банклар мустақил ички пул сиёсатини амалга ошириши учун имкониятларни кенгайтириш.

2.1-жадвал

Асосий жаҳон валюталарининг СДРга нисбатан курси (қавс ичида СДР валюта савати таркибида миллий валюталар улуши ифодаланган)³²

Давр	USD	DEM	FRF	JPY	GBP
1981-1985	0,540 (42%)	0,460 (19%)	0,740 (13%)	34,0 (13%)	0,071 (13%)
1986-1990	0,452 (42%)	0,527 (19%)	1,020 (12%)	33,4 (15%)	0,089 (12%)
1991-1995	0,572 (40%)	0,453 (21%)	0,800 (11%)	31,8 (17%)	0,081 (11%)
1996-1998	0,582 (39%)	0,446 (21%)	0,813 (11%)	27,2 (18%)	0,105 (11%)
Давр	USD	EUR		JPY	GBP
1999-2000	0,582 (39%)	0,228 (21%) 0,352 (32%)	0,124 (11%)	27,2 (18%)	0,105 (11%)
2001-2005	0,577 (44%)		0,426 (31%)	21,0 (14%)	0,098 (11%)
2006-2010	0,632 (44%)		0,410 (34%)	18,4 (11%)	0,09 (11%)
2011-2015	0,660 (41,9)		0,423 (37,4%)	12,1 (9,4%)	0,111 (11,3%)

Замонавий валюта тизимининг фаолият кўрсатиш механизмини қўйидагича ифодалаш мумкин. ХВФга аъзо мамлакатлар фонднинг асосий капиталидаги улушкига кўра СДРнинг маълум улушкига эга бўлишади. СДР фақат ҳисоб бирлиги сифатида фаолият кўрсатади, муайян шароитларда уни миллий валютага айлантириш мумкин. Валюталарнинг солишишим оғирлиги валюталарнинг халқаро савдо ва тўловлардаги солишишим оғирлигига мувофиқ аниқланади. ХВФ таснифига кўра мамлакат валюта курсларининг қўйидаги режимларини танлаши мумкин: қаътий белгиланган, сузуб юрувчи ёки аралаш.

Қаътий белгиланган валюта курс режими бир қатор турларга бўлинади:

- Миллий валюта курси битта ихтиёрий танланган валютага нисбатан қаътий белгиланади. Миллий валюта курси таянч курсга мутаносиб равишда автоматик ўзгаради. Одатда, мамлакатлар миллий валютаси курсини АҚШ доллари ва еврода нисбатан қаътий белгилайди.
- Миллий валюта курси СДРга нисбатан белгиланади.
- “Саватли” валюта курси. Миллий валюта курси сұнний равишида тузилган валюта саватига боғланади. Одатда, валюта саватига мазкур мамлакатнинг асосий савдо шериклари бўлган мамлакатларнинг валюталари киритилади.

АҚШ, Канада, Буюк Британия, Япония, Швейцария ва қатор мамлакатларнинг валюталари “эркин сузиш” режимига асосланган. Лекин, мазкур мамлакатларнинг марказий банклари валюта курсларини уларнинг

³² <http://ru.wikipedia.org/w/index.php?title=Специальные права заимствования> – маълумотлари асосида тайёрланган.

кескин тебранишини олдини олишга қаратилган чора-тадбирларни амалга оширишади. Айнан шунинг учун валюта курсларининг “бошқариладиган” сузиш режими қайд етилади.

Яマイка валюта тизими моҳиятига кўра Бреттон-вудс тизимиға қараганда бирмунча эгилувчан, валюта курслари ҳамда тўлов баланслари бекарорлигига тезда мослашувчан бўлиши керак эди. Бироқ, сузувчи валюта курсларини жорий этилишига, доллар асосий тўлов воситаси мавқеидан расман маҳрум бўлишига қарамасдан амалда у мазкур ролда қолди, бу ҳолатни, бошқа мамлакатларга қиёслаш бўйича АҚШнинг бирмунча қудратли иқтисодий, илмий-техник салоҳияти таъминлади.

2.3. Европа валюта тизими

Европа валюта тизими – бу минтақавий валюта тизими бўлиб, Европа иқтисодий интеграцияси доирасида миллий валюталар ҳаракати билан боғлиқ иқтисодий муносабатлар мажмуасини ўзида ифодалайди. Европа валюта тизими замонавий жаҳон валюта тизимининг муҳим таркибий қисми хисобланади. У учта асосий элементни ўз ичига олади:

– ЭКЮ (European currency unit) стандарти. ЭКЮ – шартли жамоавий валюта бўлиб, Европа иттифоқига кирувчи, Европанинг етакчи мамлакатларининг 12 та валютасига асосланади. Ҳар бир валютанинг саватдаги оғирлиги аъзо давлатнинг Европа иттифоқи ЯММда ва иттифоқ ичидаги экспортдаги улушига боғлиқ ҳолда аниқланади.

– Биргалиқда сузувчи валюта курси, мазкур курсни $\pm 2,25\%$ чегарада тебраниши белгиланган эди, 1993 йилда валюта муаммоларининг кучайиши билан боғлиқ ҳолда тебраниш доираси $\pm 15\%$ гача кенгайтирилди (“европа валюта илони”).

Интервенция ва валюта курслари механизми. Европа валюта тизимида интервенция, валюталар билан боғлиқ хисоб-китоблар ва тўлов балансларининг вақтинчалик тақчиллигини қоплаш учун мамлакатлар марказий банклариға кредитлар бериш орқали давлатлараро минтақавий валютани тартибга солиш амалга оширилади. Европа валюта тизимини тартибга солиш ва ЭКЮнинг эмиссияси 1994 йилгача Европа валюта хамкорлик фонди томонидан, 1994 йилдан эса, Европа валюта институти томонидан амалга оширилди.

1989 йилда Ж.Делор (Европа иттифоқи комиссияси раиси) томонидан ишлаб чиқилган иқтисодий ва валюта иттифоқини барпо этиш дастури Гарбий Европа интеграцияси ривожидаги кескин бурилиш босқичи бўлди.

“Делор режаси” доирасида қуйидаги мақсадлар кўзда тутилган эди:

– умумий бозорни ташкил этиш, бозор механизмини такомиллаштириш мақсадида рақобатни рағбатлантириш;

– қолоқ ҳудудларни таркибий жиҳатдан бирхиллаштириш;

– инфляцияни жиловлаш, нархлар даражаси ва иқтисодий ўсишни барқарорлаштириш, давлат бюджети камомадини чеклаш ҳамда ушбу камомадни қоплаш усулларини такомиллаштириш мақсадида бюджет-солиқ сиёсаларини мувофиқлаштириш;

- пул-кредит ва валюта сиёсатларини мувоғиқлаштириш учун муайян органни ташкил этиш;
- ягона валюта сиёсати, қатъий белгиланган валюта курслари ва жамоавий валюта - ЭКЮни жорий этиш.

1991 йилдан Европа валюта тизимида “Делор режаси” асосида валюта-иктисодий иттифоқни босқичма-босқич шакллантириши назарда тутувчи Маастрих шартномаси ишлаб чиқилди ва мазкур шартнома доирасида 1999 йил 1 январдан ягона европа валютасини жорий этишга мўлжалланган ислоҳотлар амалга оширилди.

Европа валюта тизимига кириш учун дастлабки қадамларни ташлашга Германия, Франция ва Бельгия тайёр бўлиб уларнинг имкониятлари юқори баҳоланди. Бирмунча паст салоҳият билан Австрия, Испания, Португалия, Италия, Финландия, Ирландия ўрин эгаллади, Швейцария ва Дания эса уларга эргашди. Валюта иттифоқига Буюк Британиянинг қўшилиши долзарб масала бўлди.

Валюта иттифоқини шакллантириш ва ягона валютани жорий этиш бўйича режа ишлаб чиқилди. Биринчи босқич 1998 йилдан Марказий банкни (Франкфурт-на-Майне) ташкил этишдан бошланди. Европа Марказий банкига қўйидаги функциялар бириктирилди:

- валюта операцияларини самарали ташкил этиш;
- евроҳудудга аъзо бўлган давлатларнинг маҳсус алмашинув ресурсларини сақлаш;
- тўлов ҳисоб-китоб тизими устидан назорат олиб бориш;
- евроҳудудда пул эмиссиясини ташкил қилиш.

Еврокенгаш “евро худуд”га кирувчи мамлакатларни аниқлади. Танлаш мезонлари сифатида қўйидагилар ўрнатилди:

- Инфляция суръати Европа Иттифоқининг учта нархлар даражаси энг барқарор мамлакатларнинг ўртacha инфляция даражасидан 1,5 фоиз пунктига ошмаслиги керак.
- Давлат бюджети тақчиллиги ЯИМнинг 3%дан ошмаслиги керак.
- Давлат қарзи ЯИМнинг 60%дан ошмаслиги лозим;
- Миллий валютанинг алмашинув курси икки йил мобайнида Европа валюта тизимида амалдаги ($\pm 15\%$) тебраниш чегарасидан чиқиб кетмаган бўлиши лозим.

Шу тарзда, “евро худуд”га 11 та мамлакат кирди - Австрия, Бельгия, Германия, Голландия, Испания, Ирландия, Италия, Люксембург, Португалия, Финляндия, Франция. Греция (мезонларга жавоб бермаганлиги туфайли), Дания (конституцион жиҳатдан номувоғиқлиги туфайли), Швеция ва Буюк Британия “евро худуд”га кирмади.

Иккинчи босқич 1999 йил 1 январдан бошланди. “Евро худуд”га кирган мамлакатлар миллий валюталарининг алмашинув курслари еврода нисбатан қаътий белгиланди, евро нақдсиз шаклда ЭКЮни бирга бир нисбатда алмаштириш асосида киритилди.

Учинчи босқич 2002 йил 1 январдан бошланди. Ягона намунада турли номинацияларда евро банкнот ва тангаларининг муомаласи амалга оширилди, улар аъзо-мамлакатларнинг миллий валюталари билан параллел муомалада бўлди ҳамда аста-секинлик билан миллий пул бирликларини алмаштириш содир бўлди.

Тўртинчи босқичда, 2002 йил 1 июлдан. Иштирокчи мамлакатларнинг миллий валюталари бутунлай ўзларининг пул функциясини йўқотди.

2.2-жадвал

“Евро” валютаси муомалада ишлатиладиган мамлакатлар

Мамлакат	Амалда бўлган валютаси	Ўтиш муддати	Алмашув курси
Еврохудуд			
Австрия	австрия шиллинги	1 январ 1999	13,7603 ATS
Бельгия	бельгия франки	1 январ 1999	40,3399 BEF
Германия	немис маркаси	1 январ 1999	1,95583 DEM
Ирландия	ирландия фунти	1 январ 1999	0,787564 IEP
Испания	испания песетаси	1 январ 1999	166,386 ESP
Италия	италия лираси ватикан лираси санмария лираси	1 январ 1999	1936,27 ITL
Люксембург	бельгия франки люксембург франки	1 январ 1999	40,3399 LUF
Голландия	голландия гульденги	1 январ 1999	2,20371 NLG
Португалия	португалия эскудоси	1 январ 1999	200,482 PTE
Финляндия	финляндия маркаси	1 январ 1999	5,94573 FIM
Франция	француз франки монак франки	1 январ 1999	6,55957 FRF
Греция	гречия драми	1 январ 2001	340,750 GRD
Словения	словения толари	1 январ 2007	239,640 SLT
Кипр	кипр фунти	1 январ 2008	0,585274 CYP
Мальта	мальта лираси	1 январ 2008	0,429300 MTL
Словакия	словакия кронаси	1 январ 2009	30,1260 SKK
Эстония	эстония кронаси	1 январ 2011	15,6466 EEK

Европа иттифоқининг аъзоси бўлмаган, лекин ЕМБ билан келишган холда еврони ишлатувчи мамлакатлар

Ватикан	италия лираси ватикан лираси санмария лираси	1 январ 1999	1936,27 VAL
Майотта	француз франки	1 январ 1999	6,55957 FRF
Монако	француз франки монак франки	1 январ 1999	6,55957 MCF
Сан-Марино	италия лираси ватикан лираси санмария лираси	1 январ 1999	1936,27 SML

Еврони норасмий тарзда ишлатувчи мамлакатлар ва ҳудудлар

Андорра	француз франки испания песетаси	1 январ 1999	6,55957 FRF 166,386 ESP
Косово	немис маркаси	1 январ 2002	1,95583 DEM

 Сен-Бартельми	француз франки	1 январ 1999	6,55957 FRF
 Сен-Мартен	француз франки	1 январ 1999	6,55957 FRF
 Черногория	немис маркаси	1 январ 2002	1,95583 DEM

Ягона валютадан фойдаланиш бир қатор ўзига хос хусусиятларига эга. Бир томондан евро рискларни алмашув курслари билан боғлиқ пасайтиради, бу эса давлатлараро инвестиция муносабатларини енгиллаштиради. Риск валюта ҳудудида амалга ошириладиган инвестиция чегарасида валюта курсларининг ўзгаришига, ҳаттоқи, экспортга ҳам таъсир кўрсатиб, юқори рискли ҳолатлар компаниялар ва хусусий сектор валюта рискларидан ҳимояланиш учун ишлаб чиқилган молиявий инструментардан фойдаланиш йўлларини қидиришга олиб келади. Ягона валютани муомалга киритилиши бир валютани бошқа бир валютага банк операцияларини амалга оширишдаги банк комиссия тўловларини олиб ташлади. Бундай операциялардан тежамкорлик минглаб операцияларни ҳисобга олганда сезиларсиз эди.

Евровалюта бозорини ажратиб турадиган хусусияти одатда банк битимларда ички бозорда қўлланиладиган валюта банклараро қўлланиладиган валютадан фарқланиши ҳисобланади. Шу билан бирга, бу қатъий белгиланмаган бўлиб, баъзи ҳалқаро банк фаолиятида ички валютадан фойдаланиш мумкин³³.

Назорат саволлари

1. Валюта тизимининг қандай турлари мавжуд?
2. Жаҳон валюта тизими қандай функцияларни бажаради?
3. Миллий ва жаҳон валюта тизимининг элементларини изоҳланг?
4. Жаҳон валюта тизимининг асосий мақсадлари нималардан иборат?
5. Жаҳон валюта тизими ривожланишига таъсир кўрсатган омилларни изоҳланг?
6. Олтин андозаси тизими қандай шаклларда юзага келди?
7. Париж валюта тизими қандай тамойилларга асосланган эди?
8. Генуя валюта тизимининг моҳиятини изоҳланг?
9. Бреттон-вудс валюта тизимига хос бўлган хусусиятлар нималардан иборат?
10. Ямайка валюта тизимининг асосий жиҳатларини изоҳланг?
11. Европа валюта тизимининг ривожланиш босқичларини айтинг?

Фойдаланилган адабиётлар

1. Мирзиёев Ш.М. Танқидий таҳлил, қатъий тартиб-интизом ва шахсий жавобгарлик – ҳар бир раҳбар фаолиятининг кундалик қоидаси бўлиши керак. Ўзбекистон Республикаси Вазирлар Маҳкамасининг 2016 йил якунлари ва 2017

³³ Michael Melvin and Stefan C. Norrbom. International money and finance. 8th edition. Elsevier Inc. 2013 P.101

йил истиқболларига бағишенгандын мажлисидағы Ўзбекистон Республикаси Президентининг нутқи. // Халқ сўзи газетаси. 2017 йил 16 январь, №11.

2. Мирзиёев Ш.М. Эркин ва фаровон, демократик ўзбекистон давлатини биргалиқда барпо этамиз. – Тошкент : Ўзбекистон, 2016. - 56 б.

3. Мирзиёев Ш.М. Конун устуворлиги ва инсон манфаатларини таъминлаш – юрт тараққиёти ва халқ фаровонлигининг гарови. – Тошкент: “Ўзбекистон”, 2017. – 48 б

4. Мирзиёев Ш.М. Буюк келажагимизни мард ва олижаноб халқимиз билан бирга қурамиз. – Тошкент: : “Ўзбекистон”, 2017. – 488 б.

5. International money and finance / by Michael Melvin and Stefan Norrbin. – 8th ed. 2013 Elsevier Inc. 316 pp.

6. Alesina, A., Barro, R.J., 2001. Currency Unions. Hoover Institution Press, Stanford.

7. Bordo, M.D., 1982. The Classical Gold Standard: Lessons from the Past. In: Connolly, M. B. (Ed.), Int. Monet. Syst.: Choices for the Future. Praeger, New York.

8. Dowd, K., Greenaway, D., 1993. Currency competition, network externalities and switching costs: towards an alternative view of optimum currency areas. Econ. J. September.

9. Edison, H.J., Melvin, M., 1990. The Determinants and Implications of the Choice of an Exchange Rate System. In: Haraf, W.S., Willett, T.D. (Eds.), Monet. Policy for a Volatile Glob. Econ.. The AEI Press, Washington, D.C.

10. Edwards, S., Magendzo, I., 2006. Strict dollarization and economic performance: an empirical investigation. J. of Money, Credit and Bank. 38 (1), 269-282.

11. Edwards, S., Yeyati, E.L., 2005. Flexible exchange rates as shock absorbers. Eur. Econ. Rev. 49 (8), 2079-2105.

12. Hartmann, P., Manna, M., Manzanares, A., 2001. The microstructure of the euro money market. J. Int. Money and Finance.

13. Hau, H., Killeen, W.P., Moore, M., 2002. The euro as an international currency: explaining puzzling first evidence from the foreign exchange markets. J. Int. Money and Finance.

14. Levin, J.H., 2002. A Guide to the Euro. Houghton Mifflin, Boston.

15. Masson, P.R., Taylor, M.P., 1993. Policy Issu. in the Oper. of Currency Unions. Cambridge University Press, Cambridge.

16. McKinnon, R.I., 1963. Optimum currency areas. Am. Econ. Rev. September.

17. Mundell, R.A., 1961. A theory of optimum currency areas. Am. Econ. Rev. vol. 51 (No. 4), 657-665.

Режа

- 3.1. Евробозорлар ва уларга хос хусусиятлар
- 3.2. Еврокредит бозори
- 3.3. Евровалютадаги қимматли қоғозлар бозори
- 3.4. Еврооблигациялар муомаласи

Таянч иборалар: Жаҳон ссуда капиталлар бозори, пул бозори, капитал бозори, евробозор евровалюта, евродоллар, евровалюта бозори, трансмиллий банк, еврокредит ЛИБОР, спрэд, ЛИБИД, стенд-бай ва ролловер шартларидағи еврокредитлар, евродепозитлар, жаҳон қимматли қоғозлар бозори, евроқимматли қоғозлар, чет эл облигациялари, еврооблигация, евроакция, евротижорат векселлари, евровексел, евровалюта депозит сертификатлари, евронота, ягона европа фонд бозори, евролист, Европа иттифоқи биржалари федерацияси, андеррайтер, синдикат банк, инвестицион банк, буқа ва айиқ таранилари, купон ставка.

3.1. Евробозорлар ва уларга хос хусусиятлар

Жаҳон ссуда капиталлар бозори иккита ўзаро бир-бири билан боғлиқ асосий секторга ажralади ва унинг таркибида евробозор етакчилик қиласи (1-расмга қаранг).

Биринчи сектор асосан йирик банклар ўртасидаги қисқа муддатли 1 қундан 1 йилгача бўлган депозит-кредит операцияларни қамраб олган **жаҳон пул бозори** хисобланади. Иктисолиёт тарихида пул бозори вексел бозори билан биргаликда Лондонда пайдо бўлганлигига гувоҳ бўлиш мумкин. Бугунги кунда замонавий пул бозори деганда банклар томонидан биринчи даражали қарздорларга бериладиган юқори ликвидли бланкали, талаб қилиб олингунча кредитлар бозори тушинилади.

Валюта бозори пуллар котировка бўладиган бозор. Пул товар ва хизматлар учун тўлов воситаси сифатида хизмат қиласи, ва валюта бозори халқаро тўловларни енгиллаштириш учун мавжуд. Халқаро тўловлар учун эҳтиёж бор бўлгани каби, шунингдек, халқаро кредит ёки депозит ва турли валюталарда қарзлар учун эҳтиёж бор. Халқаро депозит ва кредит бозор кўпинча *Евровалюта бозори* деб аталади, ва кредитлар ушбу омонатларини қабул қилувчи ва кредитлар берувчи банклар одатда *Евробанклар* дейилади.³⁴


Жаҳон ссуда капиталлари бозорининг иккинчи сектори капитал бозори хисобланади, уни иккита асосий сегментга ажратиш мумкин. Биринчиси ананавий ўрта ва узоқ муддатли хорижий кредитлар ва иккинчиси 1968 йилда шаклана бошлаган, 1 йилдан 15 йилгача ва ундан ортиқ муддатлардаги

³⁴ Michael Melvin and Stefan C. Norrbom. International money and finance. 8th edition. Elsevier Inc. 2013
P.101

кредитлар бозорини ўзида мужассамлаштирган еврокредит бозори хисобланади.

Халқаро ссуда капиталлари бозорида евробозор муҳим роль ўйнайди. Евробозорнинг ривожланиши ва жаҳон молиявий интеграцияси жаҳон иқтисодиёти тараққиёти учун ижобий таъсир кўрсатувчи элементлардан саналади. Жаҳон бўйлаб молиявий ресурсларни самарали қайта тақсимлаш имконини беради, ташқи тўловлар мувозанати бузилганда юзага келувчи муаммоларни бартараф этиш йўлларини ишлаб чиқади, иқтисодий агентларга рисклардан ҳимояланиш учун муҳим воситаларни тақдим этади. Умуман олганда ушбу бозор молия бозорида рақобатни кучайтириб, молия-кредит муассасаларининг кўрсатадиган хизматлари қийматини камайтиришига туртки беради.

Евробозорнинг ривожланиши жаҳон бўйича молиявий ресурсларга бўлган талаб ва таклиф нисбатини эркин таъминланишига шароит яратиб беради. Ушбу бозор корхона ва ташкилотларнинг молиявий ресурсларга бўлган эҳтиёжини бир мамлакат ичидаги, яъни жуда кам имкониялар мавжуд бўлган ва нисбатан қаттиқ тартибга солинадиган капитал бозоридан эмас, балки турли қийинчиликлар ёки турли мураккабликлардан анча ҳоли бўлган, эркин бозор иқтисодиёти тамойиллари амал қиласидиган бозор – евробозордан қондириши мумкин.



3.1-расм. Жаҳон ссуда капиталлари бозори

Евробозор – халқаро ва миллий молия бозорининг бир қисми бўлиб, унда кредитлар ва қарзлар бўйича операциялар евровалюталарда амалга оширилади. Евровалюталар бозори ўз ичига банклараро битимларни ва банкнинг мижози бўлмаган шахслар билан амалга ошириладиган операцияларни ҳам қамраб олади. Евровалюталар бозорининг асосий хусусияти ундаги фоиз ставкалар жаҳонда етакчи молиявий марказларнинг банклараро фоиз ставкалари асосида

шаклланган бўлади. Одатда бу Лондон банклараро фоиз ставкаси ҳисобланади. 1950 йиллар охирида евровалюта бозори шаклана бошлаган.

Евровалюта бу мамлакатдан ташқаридағи кредит муассасаларига қўйилган ва ушбу мамлакатни ҳуқуқни ва иқтисодиётни тартибга солувчи органлари назоратидан четда бўлган ихтиёрий шаклдаги пул бирликлари ҳисобланади. Евровалютадаги “Евро” сўзи жаҳондаги ихтиёрий эркин айрибошланадиган валуталарга нисбатан қўлланилади. Масалан, АҚШда япон иенаси “евроиена” ҳисобланади. Евровалютада, яъни мамлакат учун хорижий валютада бериладиган ҳалқаро банк кредитларининг қарийб 50%дан ортиқ кисми АҚШ долларида ажратилади.

Евровалюта бозорининг ўзига хос ҳусусияти шундаки одатда банк транзакциялари учун ишлатиладиган валюта банк жойлашган мамлакат валютасидан бошқа валютада бўлади. Лекин шунга қарамай ҳалқаро банк амалиётида мамлакат ички валютасидаги битимлар ҳам амалга оширилиши мумкин.³⁵

Дастлаб, евродоллар деганда АҚШдан ташқарида европа банкларига чет эллик фуқаролар томонидан қўйилган долларлар тушинилган. XIX асрнинг охирларигача, яъни европа банклари томонидан З ойлик векселлар депозитлар орқали тўлаш йўлга қўйилишига қадар АҚШдан ташқарида долларда қўйилган депозитлар амалиётда кўплаб учраган. Ҳозирги кундаги евродоллар бозорининг аввалги евродоллар бозоридан фарқли жиҳатлари қўйидагиларда намоён бўлади:

- ҳалқаро фоиз ставкаларининг мавжудлиги;
- бозор иштирокчилари сони ва операцияларининг қўплиги;
- АҚШдан ташқарида долларидағи депозитларнинг камайиши.

Дастлабки евродолларлар, 1950 йилларнинг охирида ҳалқаро банклараро вакиллик муносабатлари негизида пайдо бўлган. Агар АҚШ долларидаги депозит эгаси ўз депозитини Америка банкидан хорижий банкка ўтказса, амалиётда евродолларлар пайдо бўлган. АҚШ долларининг евродолларга айланиш ҳусусияти хорижий банкларга қўйилган АҚШ долларидаги депозитлардан АҚШдан бошқа барча мамлакатларда кредит ресурси сифатида фойдаланиш мумкинлиги билан белгиланади. 1960 йиллардан бошлаб евровалюта бозори ўз таркибига АҚШ долларидан ташқари жаҳон иқтисодиётида етакчи бўлган мамлакатларнинг валуталарини ҳам ола бошлади.

Евровалюта бозори қўйидаги омиллар асосида ривожланган:

- ташқи иқтисодий фаолиятда ҳалқаро валюта-кредит хизматларини кўрсатиш турларини оширишга бўлган эҳтиёж;
- 1950-1960 йилларда жаҳондаги етакчи валуталар эркин конвертациясининг амалиётга жорий этилиши;

³⁵ Michael Melvin and Stefan C. Norrbin. International money and finance. 8th edition. Elsevier Inc. 2013
P.101

– мамлакатлар миллий қонунчилигининг эркинлаштирилиши ҳисобига маҳаллий банклар ва фирмалар фойда олиш максадида ўз маблағларини хорижий банкларга жойлаштиришларини рағбатлантириш.

АҚШда 1957 йилда фоиз ставкаларнинг тушиши ҳисобига талаб қилиб олингунча ва 30 кунлик депозитлар бўйича фоизларни тўлашни тўхтатилиши натижасида, қўплаб инвесторлар ўзларининг АҚШ долларидаги маблағларини хорижий мамлакатлар банкларига жойлаштиришни афзал билишди. Бу эса, ўз навбатида евродолларнинг юзага келишига сабаб бўлди. 1981 йилда Нью-Йоркда эркин банк зонасини ташкил этилиши, яъни норезидентлар билан банк операциялари режими ёки тартиби евровалюта битимларини амалга ошириш тартиби билан қарийб бир хил бўлган режимнинг пайдо бўлиши ҳисобига евродоллар бозори таркиби АҚШ ҳам қўшилди. “Евровалюта” атамаси Осиё минтақасида фойдаланиладиган АҚШ долларлари (Осиё доллари), Араб мамлакатларида ишлатиладиган АҚШ долларлари (араб мамлакатлари доллари), нефть маҳсулотлари савдосида фойдаланиладиган АҚШ долларлари (нефть долларлари)га нисбатан ҳам қўлланилади.

Евробозор маълум бир давлат бозори мақомига эга эмас. Шунинг учун, мазкур бозордаги операциялар маълум бир давлатнинг солиқ ёки валютани тартибга солиш тизими остида амалга оширилмайди.

Жаҳон иқтисодиётида қўплаб молия-кредит ташкилотларини ўзида мужассамлаштирган бир қатор халқаро молиявий марказлар мавжуд бўлиб, улар етакчи саноатлашган мамлакатларда фаолият юритиб, такомиллашиб келмоқда. Айни пайтда бундай халқаро молиявий марказлар ривожланаётган мамлакатларда ҳам шаклланмоқда.

Хозирги кунда жаҳон евробозорининг асосини Нью-Йорк, Лондон, Цюрих, Франкфурт-на-Майн, Токио, Сингапур, Сянган шаҳарлари ташкил этмоқда. 1980 йилларда Багама ороллари, Панама, Бахрайн каби янги молиявий марказлар ҳам жаҳон иқтисодиётида шакллана бошлади.

Ушбу бозорланинг худудий ва миллий бозорлардан ажратиб турувчи ўзига хос хусусияти қўйидагиларда намоён бўлади:

- уларда халқаро ҳисоб-китоб бирликлари (хусусан СДР, евро, АҚШ доллари) ва эркин айрибошланадиган валюталарда йирик миқдордаги молиявий ресурслар айланмаси амалга оширилади. Евровалюта бозорида фойдаланиладиган АҚШ долларининг бозор савдо айланмасидаги улуши камайиш тенденциясига эга бўлса ҳам, амалга ошириладиган операцияларда у етакчилик қилиб келмоқда. Евробозордаги операцияларда евро, еврошвецария франки, еврофунт стерлинг ва бошқа етакчи валюталарнинг улуши кўпайиб бормоқда

- валюта-кредит операцияларининг универсаллашуви содир бўлади. Ушбу бозорда нафақат кредит, балки валюта ва турли кафолатлар билан бўйича операциялар сугурта хизматлари ҳамда қимматли қофозлар бозори билан узвий боғлиқ равишда амалга оширилади;

- уларда энг илфор ва замонавий алоқа ҳамда коммуникация воситаларидан фойдаланилади. Евробозордаги битимлар энг замонавий

технологиялар, интернет, телефон, телекоммуникациялар билан амалга оширилади ва мазкур битимларни асосий хужжат сифатида қайд этиш ҳам мумкин. Бу каби битимларни амалга оширишда кафолатни контрагент банкининг мақоми, бозордаги ўрни, обруси ёки томонларнинг халқаро рейтинг агентликлари томонидан берилган юқори рейтинг (AAA) кўрсаткичлари беради. Бугунги кундаги интернет-бэнкинг электрон технологияси мижозларга банкнинг масофаий хизмат кўрсатиш режимидағи маҳсус терминаллари ёрдамида ер шарининг исталган нуқтасида жойлашган мижоз билан турли битимларни тузиш имконини беради.

- кичик ва ўрта даражадаги қарз олувчилярнинг ушбу бозорда иштироки чекланган;

- кучли таркибий тузулмага эга (жахоннинг 500га энг йирик банклари ушбу бозордаги операциялар билан шуғулланади). Евробозорнинг институционал асосини қўплаб мамлакатларда ўзининг филиаллари билан турли молиявий операцияларни амалга оширувчи трансмиллий банклар (ТМБ) ташкил этади.

- евровалютадаги операцияларнинг миллий валютадаги операцияларга нисбатан даромадлигининг юқорилиги. Хусусан, турли давлатлар билан таққосланганда евродепозитлар бўйича фоиз ставкалар юқори, еврокредитлар бўйича фоиз ставкалар эса паст бўлади. Чунки, евродепозитлар бўйича маълум бир марказий банкда мажбурий захиралаш тизими амалга оширилмайди, депозит бўйича фоиз тўловларига даромад солиғи солинмайди.

Евробозордаги операцияларнинг бир қатор турларини ажратиб кўрсатиш мумкин. Хусусан:

- кредитларни тақдим этиш;
- қисқа муддатли битимлар;
- еврооблигацияларни чиқариш.

Евробозор давлатларнинг ташки дефицитларни молиялаштириш ва улардаги ортиқча капитал чиқиб кетиш жараёнига кўмак беради. Жаҳон иқтисодиётида учун ушбу бозорнинг афзаллиги молиявий ресурсларни самарали қўйта тақсимлашда сиёсий жиҳатдан бетараф эканидир.

3.2. Еврокредит бозори.

Еврокредитларнинг асосий қисмини халқаро банк синдикатлари тақдим этишади. Шунинг учун, еврокредитларни бериш механизмини синдикатлашган кредитлар мисолида ҳам кўриб чиқиш мақсадга мувофиқ.

Одатда катта ҳажмдаги кредитлар Евробанк синдикатлари орқали амалга оширилиб синдикат ягона асосий банк орқали бошқарилиб бошқа қўшилишни истаган ва кредитга ўз хиссасини қушишини хохлаган банклар кириши мумкин.³⁶

Евробозордаги кредит операциялари 1 млн. АҚШ долларидан бир неча юз млн. АҚШ доллари ҳажмида амалга оширилади. Шунингдек, бунда кредитлар

³⁶ Michael Melvin and Stefan C. Norrbom. International money and finance. 8th edition. Elsevier Inc. 2013
P.111

гаров билан таъминланмасдан ва фойдаланиш мақсади аниқ кўрсатилмаган ҳолда ҳам берилиши мумкин.

Еврокредит бозоридаги фоиз ставкаларни турли давлатларнинг фоиз ставкаларига нисбатан эркин шаклланиши евробозорга хос хусусиятлардан ҳисобланади. Халқаро фоиз ставкалар одатда кредит линияси бўйича кредитлаш лимити очилаётганда олинади. Евровалюта бозорида кредит фоиз ставкалари асосан ЛИБОР (LIBOR - қисқа муддатли (одатда 6 ойлик) евровалюталар (acosan АҚШ доллари) бўйича Лондон банклараро маблағлар таклифи ставкаси)га ўзгармас катталиқдаги фоиз ставкаси (спред (spread) - банк хизматлари учун устама)ни қўшиш орқали аниқланади. ЛИБОР қуйидаги ўнта валюталар учун кундалик равишда белгиланади: Британия фунт стерлинги (GBP), Канада доллары (CAD), Дания кронаси (DKK), Евро (EUR), АҚШ доллары (USD), Австралия доллары (AUD), Япония Иенаси (JPY), Янги Зеландия доллары (NZD), Швеция кронаси (SKR) ва Швейцария франки (CHF)³⁷.

Еврокредитлар бўйича спред даражаси одатда $\frac{3}{4}\%$ дан 3%гача бўлиб, унинг миқдори кредитга бўлган талаб ва таклифнинг ўзаро нисбатига, кредит муддатига, мижознинг кредит бўйича тўловга қобиллигига, кредит рискига боғлиқ. Умуман олганда, еврокредитлар бўйича фоиз ставка базавий (acosий (ЛИБОР)) ставкага спредни қўшиш орқали аниқланади.

Евробозордаги депозитларнинг фоиз ставкаси Лондон банклариаро қисқа муддатли депозитларнинг фоиз ставкаси LIBID (LIBID) орқали аниқланади.

Евробозордаги фоиз ставкалари миллий бозорлардаги фоиз ставкаларига нисбатан мустақил бўлишларига қарамасдан, улар билан ўзаро бир-бирига боғлиқ ҳолда шаклланади. Шунингдек, халқаро фоиз ставкалари ҳам миллий фоиз ставкаларига ўз таъсирини кўрсатиши мумкин, яъни улар ўзаро бир бирига акс таъсирга эга. Жаҳон ссуда капиталлари бозоридаги фоиз ставкалар миллий фоиз ставкаларни ўзаро бир-бири билан мувофиқлигини таъминлашга хизмат қиласди, яъни халқаро фоиз ставкаларининг тебраниш доираси бўйича миллий фоиз ставкалари ҳам ўзгариб боради. Евробозордаги фоиз ставкалар муддати, валюта тури ва бошқа жиҳатлар бўйича диверсификациялашган. 1960 йиллардан бошлаб жаҳон бозорида кредит ва депозитлар баҳосини аниқлашда бозор конъюнктурасига мос равишда ўзгарувчи сузувчи фоиз ставкалар асосий роль ўйнамокда.

Еврокредитларнинг шакллари. Еврокредитлар евровалютада одатда 10 ойдан 12 йилгача (уртacha 7 йилга) ваacosan 100 млн. АҚШ долларидан 500 млн. АҚШ доллары миқдорида берилади. Еврокредитлар бўйича фоиз ставкалари сузувчи бўлиб, доимо халқаро фоиз ставкалари (ЛИБОР, ПИБОР, ФИБОР) асосида кўриб чиқилади. Евробанклар еврокредитга хизмат кўрсатгани, иштирок этгани ва ушбу жараённи бошқаргани учун комиссон тўловлар олади ёки кредит фоизига банк ўз спредини кўшади. Еврокредитларни

³⁷ Michael Melvin and Stefan C. Norrbin. International money and finance. 8th edition. Elsevier Inc. 2013 P.104

олиш жуда қулай ва тез амалга оширилади ҳамда ушбу кредитларни узоқ муддат давомида сўндиришга имкон берилади. Евробанклар мижознинг тўлов ва кредитни қайтариш қобилиятини, кредит тарихини ўрганган ҳолда турли шаклдаги музокаралар натижасида ссуда шартлари тўғрисидаги ёзма шартнома асосида ўз мижозига еврокредитларни тақдим этишади. Фоиз ставканинг ўзгариши натижасида юзага келадиган заарларни олдини олиш мақсадида банклар қисқа муддатли еврокредитлар бозорида турли кўринишдаги молиявий операцияларни амалга оширадилар. Ўрта ва узоқ муддатли еврокредитлар одатда стенд-бай ва қайта янгиланиш (ролловер) шартлари асосида тақдим этилади.

Биринчи ҳолатда банк қарз олувчига шартномада келишилган суммани турли қисқа (3, 6, 9, 12 ойлик) муддатлар бўйича алоҳида-алоҳида тақдим этиш мажбуриятини олади. Шартномада белгиланган ҳар бир муддат бўйича кредит фоизи ҳам алоҳида-алоҳида, евровалюта бозоридаги асосий сузувчи фоиз ставкалар (масалан ЛИБОР)нинг ўзгаришини инобатга олган ҳолда кўриб чиқилари. Бу эса, евробанкларга ўрта ва узоқ муддатли кредитларни қисқа муддатли ресурслардан фойдаланган ҳолда тақдим этиш имкониятини яратади.

Иккинчи ҳолатда, ролловер еврокредитлар турли шартлар асосида берилиши мумкин. Хусусан:

1. Евробанк битим тузилгандан сўнг, инвестицион лойиҳани кредитлаш учун мўлжалланган барча суммани дарҳол бир марталик тўлов орқали ёки маълум бир муддатдан кейин бериши, шунингдек кредитни сўндириш тартиби ҳам бир марталик тўлов ҳисобига ёки қисман, алоҳида тўловлар режаси орқали амалга оширилиши мумкин.

2. Амалиётда кенг тарқалган ролловер кредит турларидан бири бу – кредитнинг маълум бир оралиқ муддати давомида мижознинг максимал олиши мумкин бўлган кредит микдорини назарда тутади. Бундай кредитни сўндириш тартиби бир марталик ёки қисман тўловлар орқали амалга оширилади.

3. Кредит шартномасида ссуда ҳажми ва унинг фоиз ставкасини кредитнинг умумий муддати давомида ҳар чорақда, яrim йилда ёки бир йилда бир марта ва х.к. оралиқ муддатларда қайта кўриб чиқиш тартиби ёки санаси белгилаб қўйилади.

4. Ролловер кредитнинг маҳсус турларидан бири бу – қарз олувчига келишилган маълум муддат давомида олдиндан белгиланган шартлар асосида зарур бўлганда евробанкдан кредит олиш хуқуқини беради.

Ролловер кредитларнинг шакли ва шартлари турлича бўлсада, улар учун ҳам баъзи бир элементлар мажбурий ҳисобланади. Хусусан, томонларнинг фаолият тавсифи, кредитнинг суммаси, мақсади ва тўлов валютаси, сўндириш муддати ва тартиби, қиймати ва кафолати ва бошқалар.

Евродепозитларни муддати 1 кундан 1 йилгача, баъзан 5 йилгача чўзилиши мумкин, одатда уларнинг муддати 6 ой бўлади³⁸. Мазкур бозорда


³⁸ Michael Melvin and Stefan C. Norrbin. International money and finance. 8th edition. Elsevier Inc. 2013
P.111

банклараро депозитларнинг ўртача суммаси 5-10 млн. АҚШ долларини, баъзан эса ундан бир неча марта катта микдорни ташкил этади.

3.3. Евровалютадаги қимматли қоғозлар бозори.

Жаҳон ссуда капиталлари бозори фаолияти қимматли қоғозлар эмиссияси ва олди-сотдиси амалга ошириладиган жаҳон фонд бозори билан узвий боғлиқ холда ривожланади. Ушбу боғлиқлик активлар секьюритизацияси (инглизча securities – қимматли қоғозлар), хусусан банк кредитлари билан таъминланган қимматли қоғозларни чиқариш жараёни билан, ҳосила молиявий воситалар янгича турларини амалиётда кўпайиши билан кучайиб бормоқда. Активлар сьюритизациясига асосланган қимматли қоғозлар банкдан қарздорнинг кредитни сўндириш учун тўлаган маблағлари ҳисобидан қопланади.

Жаҳонда қимматли қоғозларнинг бирламчи бозорида янги чиқарилган қимматли қоғозларнинг савдоси, яъни бунда эмитент ва инвестор ўртасида ўзаро олди-сотди операцияси амалга оширилади (2-расмга қаранг).



3.2-расм. Жаҳон қимматли қоғозлар бозори таркибий тузилиши

Иккиламчи бозорда аввал чиқарилган қимматли қоғозлар олдинги харидор ва янги инвестор ўртасида, яъни инвесторлар ўртасида савдо қилинади. Бугунги кунда ҳосила молиявий воситалар бозори ҳам жадал суръатлар билан ривожланиб бормоқда.

Евромолиявий бозорда номинали евровалюта, масалан АҚШ доллари, евро ёки Япония иенаси бўлган қимматли қоғозлар олди-сотди қилинади.

Ички бозорлар ҳақида гапирганда, коллектив инвестиция фондлари, облигациялар, ва акциялар билан боғлиқ бўлган халқаро инвестицион имкониятлар мавжуд бўлиб АҚШ энг катта бозор ҳисобланади³⁹.

Евроқимматли қоғозлар (euro-securities) бу эркин муомалада бўлувчи (transferable securities), синдикат андеррайтерлар, ёки турли мамлакатлардан бўлган икки иштирокчи орқали жойлаштириладиган, уларни бир ёки ундан ортиқ мамлакатларга сотиш режалаштирилган, факат молия-кредит

³⁹ Michael Melvin and Stefan C. Norrbom. International money and finance. 8th edition. Elsevier Inc. 2013 P.191

ташкilotлари орқали эга бўлиш мумкин бўлган қимматли қоғозлар ҳисобланади.

Бугунги кунда, жаҳон фонд бозорида қимматли қоғозларнинг йиллик эмиссияси ҳажми барча манбалар ҳисобидан талабгорларга берилган халқаро кредитлар ва молиявий маблағларнинг қарийб ярмини ташкил этади.

Халқаро қарз қимматли қоғозлар халқаро фонд бозорида капитални жалб этишнинг ва операцияларнинг асосини ташкил этади. Уларнинг таркибида халқаро облигациялар ва ноталарни, турли компаниялар (корпоратив), молиявий институтлар ва давлатларнинг халқаро қарз қимматли қоғозларини алоҳида ажратиб кўрсатиш мумкин.

Халқаро қарз қимматли қоғозларини фонд бозорларида муомалада бўлувчи асосий икки, яъни еврооблигация ва чет эл облигациялари шакллари мавжуд.

Чет эл облигацияларидан фойдаланиш амалиётга 500 йилдан бери мавжуд бўлса, еврооблигациялар пайдо бўлганига ҳозирда атиги 30 йил бўлди. Бугунги кунда чет облигацияларини асосан ривожланган мамлакатлар эмиссия қилишмоқда. Баъзи мамлакатлар томонидан эмиссия қилинган чет эл облигациялари ўзига хос ном билан аталади. Масалан, Швейцария облигациялари - Chocolate Bonds, Япония облигациялари - Samourai Bonds, АҚШ облигациялари - Jankee Bonds, Буюк Британия облигациялари – Bulldog ва ҳ.к.. жаҳон фонд бозорининг ушбу сегменти еврооблигацияларни кўпайиши ҳисобига қисқарип бормоқда.


Еврооблигация – хорижий инвесторлар орасида халқаро синдикат андеррайтерлари орқали жойлаштириладиган, эмитент ва хорижий инвесторлар учун чет эл валютасида чиқарилган қарз муносабатли қимматли қоғоз ҳисобланади. Еврооблигациялар жойлаштирилаётганда жаҳоннинг ҳеч қайси бир мамлакатида рўйхатга олинмайди. Еврооблигациялар асосан банк концорциумлари, синдикатлари ва халқаро ташкilotлар томонидан эмиссия қилинади.

Еврооблигацияларнинг тури сифатида “драгон” (инглизча “dragon bonds” атамасидан олинган) облигацияларини қайд этиш мумкин. Улар евродоллар облигациялар бўлиб, осиё бозорида жойлаштирилган (биринчи навбатда Японияда) ва маълум бир осиё биржасида (одатда Гонгконг ёки Сингапур биржаларида) листинга эга бўлган қимматли қоғоз ҳисобланади.

Еврооблигациялар ва чет эл облигациялари ўртасидаги ўхшашиблик уларни мамлакатлар ўртасида капитални қайта тақсимлаш воситаси бўлиб ҳисобланишида, шунингдек, уларни эмитент мамлакатлар миллий валютасидан фарқли бошқа валютада эмиссия қилинишида намоён бўлади.

Еврооблигациялар ва чет эл облигациялари ўртасидаги фарқ эса қўйидагилардан иборат:

Биринчидан, еврооблигациялар эркин конвертация қилинадиган валютада эмиссия қилинади. Чет эл облигацияси эса унинг эмитенти учун ихтиёрий хорижий валютада эмиссия қилинади, яъни бундай валюталар эркин конвертация қилинадиган валюта бўлмаслиги ҳам мумкин.



3.3-расм. Халқаро фонд бозорида еврооблигацияларнинг шаклланиш механизми

Иккинчидан, чет эл облигациялари жойлаштириладиган мамлакатда рўйхатга олинади, унинг номинал қиймати жойлаштириладиган мамлакат учун миллий валютада бўлади, у фақат жойлаштириладиган мамлакат фонд бозорида муомалада бўлади. Еврооблигациялар эса, маълум бир мамлакатга рўйхатга олинмасдан жойлаштирилади, бир вақтнинг ўзида бир неча мамлакатлар фонд бозорларида муомалада бўлиши мумкин, шунингдек, облигация номинали кўрсатилган миллий ёки халқаро валютанинг хусусияти эмитентининг миллий хусусиятлари мос келмаслиги лозим. Еврооблигацияларни дастлабки жойлаштириш тўғридан-тўғри эмитент жойлашган мамлакатнинг миллий фонд бозорларида амалга оширилмасдан, балки хорижий мамлакатлар миллий фонд бозорлагида амалга оширилади ва улар орқали эмитент жойлашган мамлакат миллий фонд бозорларига келиб тушиши ва муомаласи амалга оширилиши мумкин (3.3-расмга қаранг).

Миллий фонд бозори воситаси бўлган оддий облигациялар билан халқаро фонд бозорининг маҳсус воситаси бўлган еврооблигациялар ўртасидаги асосий фарқлар қуидагиларда намоён бўлади:

- халқаро андеррайтер консорциумлари ёки инвестицион банкларни ўз ичига оловчи оддий синдикатлар томонидан бир вақтнинг ўзида бир неча мамлакатларда еврооблигациялар эмиссияси амалга оширилади;
- синдикат томонидан кўрсатилган худудларда жойлаштирилган еврооблигациялар эмиссияси ҳеч қайси бир мамлакатдан рўйхатдан ўтмайди. Еврооблигациялар муомаласи маълум бир давлатнинг облигациялар муомаласини тартибга солишнинг иқтисодий-хуқуқий меъёрлари орқали ташкил этилмайди, балки еврооблигациялар асосан халқаро хуқуқий меъёрлар бўйича тартибга солинади;

- еврооблигациялар бир вақтнинг ўзида бир неча мамлакатларга ёки турли мамлакатлар фонд бозорларига жойлаштирилади. Хорижий инвесторлар ўзларининг маҳаллий биржаларидан еврооблигацияларни сотиб олишлари мумкин. Шунингдек, эмитент мамлакат инвесторлари бошқа мамлакатлар орқали ўз фонд бозорларига етиб келган еврооблигацияларга эгалик қилишади.

- оддий облигациялардан фарқли равишда еврооблигация номинали бўйича тўланадиган фоиздан “даромад манбаи сифатида” солик ундирилмайди. Ўзининг юқори даромадини солиқка тортилишидан олиб қочиб, уни сир сақлайдиган омонатчини Францияда “белгиялик дантист” деб ҳам аташади.

Еврооблигациялар бозори трансмиллий корпорацияларнинг ўрта ва узок муддатли инвестицияларини молиялаштиришнинг муҳим манбалардан ҳисобланади. Давлатлар одатда бюджет даромадларини қўпайтириш ва давлат қарзларини қайта молиялаштириш учун еврооблигациялардан фойдаланишади.

Еврооблигацияларнинг оддий конвертиранадиган шакли ҳам мавжуд бўлиб, маълум бир белгиланган муддатдан кейин, эмитент компания акцияларига уларни алмаштириш шарти билан чиқарилади. Бундай еврооблигациялар эгаси эмитент компания фаолиятининг фойдалилик даражаси ортади деган тахмин билан уларни сотиб олади. Чунки, одатда конвертация давригача еврооблигациялар бўйича фоиз тўловлари амалга оширилмайди.

Жаҳон евроакциялар бозори 1983 йилдан синдициялашган кредитлаш амалиёти билан бирга ривожлана бошлади, бироқ уларнинг эмиссияси еврооблигацияларга нисбатан жуда кам. Евроакцияларга конвертиранадиган еврооблигацияларнинг муомалага чиқарилиши жаҳон қимматли қофозлар бозорида мазкур турдаги сегментларни ўзаро интеграциясини кучайтиради.

Евротижорат векселлари - фоиз ставкаси евродоллар депозит сертификатлари бўйича олинган (одатда ўртacha 0,25%), 3-6 ойлик муддатга евровалютада расмийлаштирилган хужжатли векселлардир. **Еровекселлар** ўрта муддатли қарз муносабатини ифодаловчи қимматли қофозлар ҳисобланади.

Умуман олганда, евровекселлар бозори ҳажм жиҳатдан жуда кичик, 1981 йилдан бошлаб ривожланган. Еровекселлар 1984 йилдан эмиссия қилиб келинмоқда.

Евровалюта депозит сертификатлари – омонатчининг депозитини ва унга тегишли фоизларни олиш ҳуқуқини тасдиқловчи, евровалютада қўйилган пул маблағлари тўғрисида банкларнинг ёзма гувоҳномалари. Евробозорда бу каби сертификатлар амалиётда кенг қўлланилади. Бу каби депозит сертификатларининг муддати 30 кундан 3-5 йилгача бўлиши мумкин. Евробанклар номинали 25 минг АҚШ доллари ва ундан юқори бўлган депозит сертификатларини қимматли қофозларнинг иккиласми бозорида сотиш имкониятини тақдим этган ҳолда турли банклар ва хусусий корхона ёки ташкилотлар ўртасида жойлаштирадилар. Муомаладаги муддатли депозит сертификатлари, одатда брокерларга сотилади ёки инноссамент бўйича бошқа шахсга ўтказилади. Депозит сертификатлари евробанкларда омонатларни қўпайтирган ҳолда, уларнинг кредитлаш имконияти оширади ва евробозорни кенгайишини рағбатлантиради. Евровалютадаги депозит сертификатлари

бўйича фоиз ставкаси евродоллар депозитларига нисбатан паст бўлсада, уларни иккиламчи бозорда осон сотиш мумкин.

Евроноталар – сузувчи фоиз ставкадаги қисқа муддатли мажбуриятлар ҳисобланади. 1980 йилдан евроноталар билан операциялар амалга ошириб келинмоқда. Улар баъзан евробанк кафолати билан турли кредитлаш воситаларига ҳам алмаштирилиши мумкин.

Еврооблигациялар ва евроноталарни ўзаро бир биридан фарқ қиласди. Еврооблигациялар тақдим этувчига кўринишида, яъни номи ёзилмасдан чиқариладиган қимматли қоғоз ҳисобланади ва савдо тизимларининг депозитарийларида сақланади. Бундай номи ёзилмаган қимматли қоғозлар одатда ривожланаётган мамлакатларга жойлаштирилади. Еврооблигацияларни чиқарадиган эмитентларга қулайлик яратиш мақсадида уларнинг таъминоти учун захира шакллантирилмайди.

Евроноталар номи ёзилган қимматли қоғозлар ҳисобланади ва улар бозор иқтисодиёти ривожланган мамлакатларда эмиссия қилинади. Еврооблигациялардан фарқли равишда евроноталар таъминоти учун захира шакллантирилади.

Европа иттифоқида босқичма-босқич ягона **европа фонд бозори** шаклланган бўлиб, бунда Европа иттифоқида жорий этилган қуйидаги тамойиллар асосий роль ўйнаган:

- банк фаолиятини унификациялашга рухсат бериш;
- ўзаро ахборот алмашинишини ва тадбиркорлик фаолиятини эркинлаштириш;
- бозор иштирокчиларни мамлакатларга қарашлилиги бўйича назорат қилиш;
- биржалараро ахборот алмашишнинг ягона тизимини яратилиши.

Натижада, Европа иттифоқидаги ҳар қандай корхона ушбу худудда қимматли қоғозларни эркин сотиб олиш ёки сотиш, брокерлар эса мазкур худудда жойлашган биржаларда эркин фаолият юритиш имкониятига эга бўлдилар. Шунингдек, худуддаги фонд биржаларининг капиталлашув даражаси ошди ва қимматли қоғозлар бўйича биржадан ташқари савдоларда рақобат муҳити кучайди.

Европа иттифоқида фонд бозорларини унификациялашда 1990 йилдан худуддаги биринчи даражали компанияларнинг Европа иттифоқи мамлакатлари биржаларида котировка қилинган қимматли қоғозларининг баҳоларини ўзида акс эттирувчи Европа котировкалари - “Евролист”ни жорий этилиши ва Европа иттифоқи биржалари федерациясинининг ташкил топиши дастлабки асосий босқичлардан ҳисобланади.

Европа иттифоқида ягона молиявий муҳитни шакллантириш учун мамлакатлар молия бозорларидаги хусусан, миллий фонд бозорларига хос бўлган қуйидаги асосий фарқлар босқичма-босқич бартараф этиб борилди:

- биржа операцияларини миллий доирада тартибга солиш (қимматли қоғозларни биржа савдоларига қўйишга рухсат бериш, ахборотлар ошкор этишга бўлган талаблар ва х.к.);

- биржаларнинг операциялар ҳажми ва миллий иқтисодиётдаги роли;
- қимматли қоғозлар билан операцияларни амалга оширувчи институционал инвесторлар, яъни сугурта компаниялари, пенсия фондлари, инвестиция фондлари, банкларнинг фонд бозоридаги роли ва ўрни билан боғлиқ фарқлар.

Европа иттифоқида ягона фонд бозори таркиби шакллантирилган бўлиб, у ўз ичига акциялар, облигациялар, давлат қимматли қоғозлари ва ҳосила молиявий воситалар билан операцияларга ихтисослашган, ҳамкорликда янги ташкил этилган кўшма биржалар (Европа биржаси, Халқаро биржа, LIFFE ва бошқ.) ва қатор сегментларни олади.

Европада ташкил этилган ягона ссуда капиталлари ва қимматли қоғозлар бозорлари европа иқтисодий интеграциясини ташкил этишда асосий роль ўйнаган.

Хозирда жаҳон фонд бозорлари инфратузулмасида қуйидаги асосий ўзгаришлар содир бўлмоқда:

Биринчидан, савдоларга хорижликлар иштирок этиши учун уларга алоҳида савдо майдончалари ташкил этилмоқда. Хусусан, Лондон фонд биржасида юзлаб халқаро инвестиция институтлари, 500 дан ортиқ хорижий банклар савдо қилишмоқда, 60 дан ортиқ мамлакат халқаро компанияларининг акциялари биржа листинги рўйхатида туриб сотилмоқда.

1987йилдаги фонд бозоридаги катта йўқотишлиар даврида Ню-йорк фонд биржаси 600млн. Хажмга тенг акциялар билан савдо қилган лекин Гонг Конг, Сингапур, Италия, Франция, ва Германия бозорлари бу даражада ликвид эмас ⁴⁰ эди.

Иккинчидан, жаҳон қимматли қоғозлар бозорида банкларнинг роли бошқа молиявий воситачилар хисобига қисқараётган бўлсада, улар биржаларнинг иш вақтлари тугаб, ёпилганда савдолар узлуксизлигини таъминловчи ва аноним равишда қимматли қоғозлар котировкасини амалга оширувчи хусусий электрон брокерлик тизимларини ҳамда молиявий воситаларнинг янги турларини яратишмоқда.

3.4. Еврооблигациялар муомаласи.

Жаҳондаги халқаро қарз қимматли қоғозлари орасида еврооблигациялар асосий салмоқни (қарийб 60 фоизни) эгаллайди. (такқослаш учун келтирамиз: АҚШ халқаро қарз қимматли қоғозлари ўртача 22 фоизни, қолган 18 фоизни ривожланаётган мамлакатлар ва оффшор марказлар эгаллайди) Шунинг учун халқаро кредит муносабатларида ва қарз капиталини қимматли қоғозлар орқали жалб этиш масалаларида еврооблигациялар амалиётини ўрганиш муҳим аҳамиятга эга.

Еврооблигациялар (евроқимматли қоғозлар)нинг расмий тавсифи Европа Иттифоқи Директиваси томонидан 1989 йил 17 апрелда қабул қилинган

⁴⁰ Michael Melvin and Stefan C. Norrbom. International money and finance. 8th edition. Elsevier Inc. 2013 P.192

қимматли қоғозларни оммавий (очик) жойлаштириш эмиссияси проспектида кўрсатилган.⁴¹

Халқаро қарз қимматли қоғозлари сифатидаги облигацияларга “евро” сўзини қўшиб, алоҳида еврооблигация атамасини яралишига асосий сабаб, биринчидан, халқаро қарз қимматли қоғозлар савдосининг асосий қисми Европада жойлашганлиги, иккинчидан, уларнинг валюталар бўйича кесимида “Евро”да эмиссия қилинганлари асосий улушни ташкил этиши ҳисобланади⁴².

Еврооблигацияларнинг эмиссияси 1963 йилдан бошлаб чиқарилаётганлиги илмий адабиётларда кўрсатилган бўлсада, 1940-1960 йилларда ҳам шунга ўхшаш қарз мажбуриятлари Европа худудида муомаласи бўлган. Еврооблигацияларни пайдо бўлиши халқаро иқтисодий муносабатлар ривожланаётган шароитда европадаги трансмиллий компанияларни молиявий таъминлаш, хусусан 1950 йилларда PILIPS компаниясининг Нидерландияга номинали АҚШ долларида ифодаланган евроблигация кўринишидаги қарз мажбуриятларини киритиши билан боғлиқ. Ушбу ўн йилликда Еврооблигациялар молиявий таъминоти Европа банкларида йирик миқдорни ташкил этувчи АҚШ долларидаги депозитлар билан амалга оширилди.

1960 йилларда еврооблигациялар бозори унга ҳуқуқий мақом бериш билан боғлиқ муҳим муаммоларга дуч келди. Бунга сабаб еврооблигациялар бозори инфратузилмасининг такомиллашмаганлиги, сертификатларни расмийлаштириш билан боғлиқ қийинчиликлар оқибатида тўловларнинг кечикиши, булар билан боғлиқ ҳисоб-китоблар Нью-Йорк орқали амалга оширилиши, уларни ўзаро алмаштириш билан боғлиқ қийинчиликлар бўлди. Бу муаммолар евроқимматли қоғозлар бозорида инфратузилмавий ташкилотларни яратиш орқали бартараф этилди.

1963 йилда АҚШ томонидан капитални четга чиқишини камайтириш мақсадида фоизларни тенглаштирувчи маҳсус солик(Interest Equalization Tax)⁴³нинг жорий этилиши оқибатида кредитларнинг қийматини 1 фоиз пунктга кўтарилиши чет эл инвесторларини америка бозоридаги операцияларини қисқаришига олиб келди. Ушбу ҳолат инвесторларни еврооблигациялар чиқариш эвазига молиявий капиталга бўлган эҳтиёжларини қондиришларига сабаб бўлди.

1970 йиллардан бошлаб еврооблигациялар бозори жадал суръатлар билан ривожланди, бунга ушбу даврда пайдо бўлган евроДолларлар муомаласи ҳам катта туртки берди. 1968 йилда J.P. Morgan Guaranty Trust Америка банки еврооблигациялар савдоси бўйича Euroclear клиринг марказини ташкил этди ва 1970 йилда эса унинг асосий рақобатчиси Европа банки томонидан Люксембургда CEDEL (ҳозирги CLEARSTREAM) пайдо бўлди. Ҳозирда ҳар иккаласи орқали еврооблигациялар ҳисоби бўйича депозит-клиринг операциялари амалга оширилади.

⁴¹ Council Directive 89/298/EEC

⁴² Bank for International Settlements: Annual Report. BIS Quarterly Review: International Banking and Financial Market Developments.

⁴³ Ушбу солик 1967 йилда 1,5 фоиз пунктга оширилган ва 1974 йилда бекор қилинган.

1969 йилда еврооблигацияларнинг иккиласи бозоридаги ташкилий техник муаммоларни бартараф этиш мақсадида еврооблигациялар бозорининг йирик операторлари (18 мамлакатдан 350 та молиявий ташкилот) ўз-ўзини тартибга солувчи ташкилот – халқаро облигациялар бўйича дилерлар ассоциацияси(Association of International Bond Dealers)⁴⁴ни ташкил этишди.

1980 йилларда бўлган қарздорлик инқирозлари оқибатида кредитларни қимматли қофозларга айлантириш (қарзларни секьюритизациялаш) ҳалқаро қарз қимматли қофозлар бозорини янада ривожланишига туртки бўлди. Инқироз натижасида молия бозорида кузатилган салбий ҳолатлар ҳалқаро корпорациялар фаолиятини кредитлар орқали молиялаштиришдан кўра облигациялар эмиссияси орқали молиялаштириш афзаллигини кўрсатди. 1990 йиллар ўрталарида еврооблигациялар ҳалқаро бозордан жалб этилувчи ссуда капиталларининг 50-80 фоизини ташкил қилди.

Еврооблигациялар асосан йирик трансмиллий корпорациялар, ҳалқаро ташкилотлар ва ҳукумат органлари томонидан эмиссия қилинади. Ҳукумат ёки маҳаллий органлар томонидан чиқарилган еврооблигацияларга давлат кафолати талаб этилади.

Ривожланган мамлакатларда европримматли қофозларининг асосий қисми хусусий корхоналар томонидан жойлаштирилган.

Ривожанаётган мамлакатларда еврооблигациялар эмиссияси учун мамлакатнинг суверен кредит рейтинги муҳим аҳамият касб этади. Одатда еврооблигациялар бозорига чикувчи эмитентлар ҳалқаро рейтинг агентликлари томонидан аниқланган юқори рейтинг кўрсаткичларига эга бўлишади. Эмитентларнинг юқори рейтингги жалб этиладиган қарз маблағларини арzonлаштириш, яъни паст фоиз ставкаларини ўрнатиш имконини яратади. Эмитент еврооблигациялар бозорига чиқиши учун юқори бўлмаса ҳам ҳалқаро рейтинг агентликлари⁴⁵нинг маълум бир рейтингига эга бўлиши зарур.

Еврооблигациялар бозорининг профессионал иштирокчилари сифатида қимматли қофоз операциялари бўйича ихтисослашган асосий йирик банклар ва компаниялар савдо майдонига чиқишиади. Еврооблигациялар инвестицион банклар томонидан жойлаштирилиб, уларни асосий харидорлари институционал инвесторлар, яъни суғурта компаниялари, пенсия фондлари, инвестиция компаниялари ва фондлари ҳисобланади.

Еврооблигацияларнинг асосий афзалликлари эмитентларнинг ишончлилиги, соликлардан қочиш имкониятининг мавжудлиги, еврооблигация эгасининг номини ошкор этилмаслигидир. Бундан ташқари савдоларнинг катта қисми биржадан ташқари бозорда телефон ёки компьютерлар орқали амалга оширилади. Фоизлар йилда бир марта тўланади. Бундай облигацияларнинг асосий қисми таъминланмаган ҳисобланади. Миллий тартибга солиш органлари томонидан уларга нисбатан чекловлар мавжуд эмас. Еврооблигациялар

⁴⁴ 1991 йилда ушбу ассоциация Халқаро фонд бозори иштирокчилари ассоциацияси(International Securities Markets Association – ISMA)га, 2005 йилда эса Халқаро капитал бозори иштирокчилари ассоциацияси (International Capital Market Association – ICMA)га айлантирилди.

⁴⁵ Халқаро рейтинг агентликларига Standart & Poors Corporation, Moody's Investors Service, Fitch ва бошқаларни киритиш мумкин

европадаги иккита фонд биржаси яъни Лондон ва Люксембург фонд биржалари листинггига киради.

Еврооблигацияларни чиқариш шакллари турли туман бўлиб, сузуб юрувчи ва қатъий белгиланган ставкада, “ноль” купонли, бошқа облигацияларга конвертацияланадиган, икки турли валютада деноминацияланган (облигация номинали маълум бир валютада, унинг фоиз тўловлари эса бошқа валютада амалга оширилади) ва бошқа кўринишларда чиқарилиши мумкин.

Еврооблигацияларни сўндириш муддати эмитент қарзнинг асосий суммасини қайтаришга мажбур бўлгандан бошлаб ҳисобланади. Узок муддатли мажбурият одатда 10 йилдан ортиқ бўлган муддатда сўндирилишини англатади. Ўрта муддатли мажбурият эса 1 йилдан 10 йилгача бўлдан даврий оралиқни эгаллайди. Қисқа муддатли мажбурият 1 йилдан кам бўлмаган муддатга чиқарилган облигацияларга намоён бўлади.

Еврооблигациялар ягона сўндириш санасига, ёки турли сўндириш санаси билан чиқарилади. Сўндириш фонди билан облигацияларни чиқаришда эмитент вақти-вақти билан доимий равишда облигацияларни маълум бир қисмини бозор курси бўйича уларни қайтариб сотиб олиш йўли билан (мустакил равишда ёки маҳсус агент орқали) ёки (агар облигация курси номиналидан юқори бўлса) эмиссия проспектида кўрсатилган сўндириш жадвалидан келиб чиқиб, номинали бўйича даврий равишда сўндиради. Сўндириш йилда икки марта ихтиёрий танлов усули орқали амалга оширилади. Голладиялик эмитентлар орқали амалга ошириладиган эмиссияларда облигацияларни сўндириш инвесторлар томонидан эгалланган облигациялар миқдорига пропорционал равишда амалга оширилади. Кўплаб еврооблигациялар тақдим этувчига шаклида чиқарилганлиги учун уларнинг эгаларини ҳисоби юритилмайди ва уларни сўндириш тўғрисидаги эълон молиявий матбуотда олдиндан берилиши лозим.

Агар биз бир неча йиллар орқага қайтадиган бўлсак кўпгина мамлакатларнинг фонд бозорларини сегментлашганига гувоҳ бўлишимиз мумкин. Сегментлашган бозор бу – ташқи инвестор ички бозордаги акцияларни ва маҳаллий инвесторлар эса ташқи бозордаги акцияларни сотиб олишлари таъқиқланганини англатади⁴⁶.

Еврооблигациялар муомаласининг асосий қисмини 2 йилдан 40 йилгача бўлган еврооблигациялар ташкил этади. Уларнинг орасида жуда қисқа муддатли, муомаласи 6 ойни ташкил этувчи еврооблигацияларни ҳам уратиш мумкин.

Еврооблигациялар бўйича **фоизларни тўлаш** анча мураккаб тартибда амалга оширилади. Иккита валютада деноминацияланган облигацияларнинг асосий қарз суммаси бир валютада ифодаланади, фоизларни тўлаш эса, бошқа валютада амалга оширилади. Дастрраб фоизлар белгиланган валютада ҳисобланиб, кейин инвестор талабига кўра бошқа валютага бозордаги курс

⁴⁶ Michael Melvin and Stefan C. Norrbom. International money and finance. 8th edition. Elsevier Inc. 2013 P.194

бўйича алмаштирган ҳолда фоизлар тўлаб берилиши мумкин. Баъзи ҳолларда инвестор фоиз тўлови ўрнига бошқа янги облигацияни олиши ҳам мумкин. Лекин бундай облигациялар инвесторлар томонидан қўп талаб этилмайди.

Еврооблигацияларнинг асосий қисми фиксиранган фоиз ставкали оддий облигациялар ҳисобланади, уларнинг тўртдан бир қисми эмитент билан муддатидан олдин сўндиришга келишилган облигациялардир. Еврооблигацияларнинг асосий қисми номинали бўйича, ёки кичик мукофот, ёхуд номиналига нисбатан дисконт (чегирма) билан чиқарилади. “Ноль” купонли облигациялар бундан мустасно.

Еврооблигацияларни сўндириш номинали бўйича амалга оширилади. Икки валютада деноминация қилинган облигацияларни сўндириш номиналидан фарқли равишда бошқа валютада амалга оширилиши мумкин. тўлов муддати келганда “heaven and hell bonds” шароитида келишилган курс ва “спот” курс ўртасидаги фарққа боғлиқ равишда сўндирилади. Назарий жиҳатдан қараганда, сўндириш суммаси 2 баробарга ортиши ёки “ноль” қийматга эга бўлиши мумкин. Сўндириш қиймати маълум бир индексга боғлаб қўйилади. Масалан “bull-bear issue” ҳолатида сўндириш қиймати акциялар курсига боғлиқ бўлади. Агар облигациялар икки транш⁴⁷да чиқарилса “буқа транши” (bull tranche) ҳолатида сўндириш суммаси индекснинг кўтарилиши билан ортиб боради, “айик транши” (bear tranche) ҳолатида эса индекснинг пасайиши билан кўпаяди. Облигациялар қийматининг индексацияси маълум бир товар индексига нисбатан ёки маҳсулот нархига нисбатан амалга оширилиши мумкин. Лекин бундай ҳолат амалиётда кам учрайди. Облигациялар муддати тугаганда сўндириш фонди ҳисобига, ёки фонд томонидан уларни қайтариб сотиб олиш орқали ягона сумма билан сўндирилади. Сўндириш фондидан фойдаланган ҳолда қарз муддати тугагунча ҳар йили облигацияларни маълум бир қисмини сўндириш эмитент зиммасида туради. Қайтариб сотиб олиш фондидан фойланилганда облигацияларнинг бозордаги нархи номиналидан паст бўлса, эмитент келишилган миқдордаги облигацияларни бозордан қайтариб сотиб олишга мажбур. Сўндириш фонди одатда облигациялар эмиссиясидан сўнг бир неча йилдан кейин фаолият юрита бошлайди, қайтариб сотиб олиш фонди эса 3-6 ойдан кейин ўз фаолиятини юритади.

Муддатидан аввал сўндирилиши мўлжалланган еврооблигациялар. Кўплаб узоқ муддатли облигациялар эмитент томонидан муддатидан аввал (маълум бир имтиёзли даврий оралиқда) сўндирилиши мумкин. Хусусий корпорациялар ўз облигациялари номиналига қўшимча равишда маълум бир миқдордаги мукофотни қўшган ҳолда қайтариб сотиб олишни мўлжаллайдилар, давлат облигациялари эса номинали бўйича қайтариб сотиб олинади.

Қайтариб сотиб олиш хуқуқи – буни опционларга ўхшаш хусусияти бўлиб, эмитент бундай хуқуққа эга ҳисобланади. Бундай опционда бошқа

⁴⁷ Транш (французча “tranche” сўзидан олинган бўлиб, қисм, бўлак деган маъноларни англатади) – дастлабки чиқариш санасига мос келмайдиган, муомала муддати даврида ихтиёрий санада чиқарилиши мумкин бўлган ва умумий эмиссия ҳажмига кирувчи кимматли қофозлар эмиссиясининг маъмум бир қисми. Халқаро ёки келажакда бозор коньюктурасининг яхшиланиши ҳисобига, ёхуд турли мамлакатлар ссуда бозорига қарзларни жойлаштириш учун чиқариладиган қарз облигацияларининг серияси ёки қисми.

облигацияларга нисбатан ўз муддати давомида юқори даромадли ва нисбатан арzon нахда сотилувчи, муддатидан олдин сўндирилиши мўлжалланган облигациянинг аниқ нархи бўлади. Агар бозордаги фоиз ставкалар пасайса, эмитент облигацияларни қайтариб сотиб олишга ҳаракат қиласи ва эмитент ўз мажбуриятларини кичик фоиз ставкаларда қайта молиялаштириш инкониятига эга бўлади. Муддатидан аввал облигацияларни сўндириш шарти уларни қийматини аниқлашни қийинлаштиради.

Еврооблигацияларнинг купон ставкаси. Облигацияларнинг купон тўловларини ҳисоблашнинг бир неча стандартлари мавжуд. Еврооблигациялар бозорида ва америка корпоратив облигациялар бозорида ой кунлари 30 кун, йил кунлари 360 кун деб ҳисоблаш қабул қилинган. Ойнинг 31 санаси 30 санага алмаштирилади. Шунинг учун турли саналардаги кунлар сони қуидаги формула орқали ҳисобланади.

$$KC = (2 \text{ йил} - 1 \text{ йил}) * 360 + (2 \text{ ой} - 1 \text{ ой}) * 30 + (2 \text{ кун} - 1 \text{ кун})$$

Асосий фоиз ставкаси даражасини аниқлашда мўлжал қилиб одатда LIBOR олинади. Лекин бу ҳар доим эмас, масалан 1954 йилда биринчи марта 250 млн. АҚШ доллари миқдоридаги еврооблигацияларни АҚШ ғазначилик мажбуриятлари фоизи + 35 базис пункт миқдорида сузувчи купон ставкаси даражасида белгилаб жойлаштирган. Биринчи уч ойда унинг ставкаси LIBOR ставкасидан 0,3 фоизга паст бўлган.

Еврооблигацияларни эмиссия қилиш тартиби. Еврооблигацияларни жойлаштириш учун эмитент бир қатор тайёрлов тадбирлари ўтказиши лозим. Облигацияларни чиқаришда тайёргарликнинг умумий даври (евроноталар чиқаришда) бир неча ҳафтадан (тўлиқ дастур бўйича тақдим этувчига (номи ёзилмаган) еврооблигацияларни чиқаришда) бир неча ойгacha чўзилиши мумкин. Бутун муомала даври бўйича еврооблигацияларни чиқариш лойиҳасини молиялаштиришнинг умумий харажатлари барча воситачилар комиссион харажатларини қўшиб ҳисоблаганда қарийб ярим миллион АҚШ доллари сарф этилади.

Эмиссия қилиш жараёнига тайёргарлик бир-хил тадбирлардан иборат бўлмайди, балки комплекс дастур режали хусусиятга эга бўлиши ва барча тадбирларни ўзаро боғлаб туриши лозим. Бундай ёндашув тайёргарлик харажатларини қисқартиради ва ташкил этиш жараёнини узлуксизлигини таъминлайди.

Асосий тайёргарлик тадбирларига қуидагилар киради:

- **халқаро стандартлар бўйича аудит ўтказиш.** Одатда бундай ишга “ката олтилиқ”дан биттаси маслаҳатчи қилиб жалб этилади. Ғарб мамлакатларидан таниқли эксперталарни мазкур жараётга жалб этилади.

- **хужжатларни тайёрлашга маслаҳатчи қилиб юридик компания жалб этилади.** Компания мутахассислари қонунчилик бўйича таъсис хужжатларини тўғрилигини текширадилар, эмиссия проспектини тайёрлашади, еврооблигациялар муомалада бўлувчи биржалар, облигациялар бўйича тўлов агенти, инвестицион банк, аудиторлар билан шартномалар тузадилар, мамлакатларнинг потенциал инвесторларига эмиссия проектининг мослигини

текширадилар. Шунингдек, ҳуқуқшунос облигациялар мумкамини танлашга ёрдам бериши мумкин.

- **еврооблигацияларни жойлаштиришнинг етакчи менежери сифатида инвестицион банкни жалб этиш.** Одатда унинг ўзи облигациялар бўйича тўлов агенти бўлади. Унинг комиссиянинг харажатлари суммаси эмиссия натижаларини тарқатиш усулига боғлиқ. Комиссиянинг харажатлар инвесторларни мукофотлаш натижасига кўра, андеррайтинг хизмати ҳажми ва сифатига кўра, эмиссия ҳажмига нисбатан фоизда ҳисобланиши мумкин. Инвестицион банкни танлаб олиш меъзонларига нафақат миқдор кўрсаткичлари, балки банкинг сифат кўрсаткичлари ҳам ҳисобга олинади:

- у европада таникли номга эга бўлиши лозим. Айнан шунинг учун маҳаллий банк эмас, балки хорижий банк танланади;
- жойлаштириш бўйича катта тажрибага эга бўлиши лозим. Бу эса еврооблигацияларни сотиш харажатларини ҳам камайтириши мумкин.
- эмитент мамлакатида ўз офисига эга бўлиши, соликқа тортиш масалаларини осон ҳал қилиши учун ўша жойнинг юридик шахси ҳисобланиши лозим.

- **халқаро рейтинг агентлиги томонидан баҳолангандан бўлиши лозим.** Агар қарз алоҳида бир мамлакатга жойлаштириладиган бўлса, маҳаллий рейтинг агентликлари хизматларидан фойдаланишининг ўзи етарли бўлади;
- **эмиссияни рўйхатга олиш.** Агар эмитент банк бўлса, эмиссия проспектини рўйхатга олиш мамлакатларнинг молия вазирликларида ёки марказий банкларида амалга оширилади;
- **ахборотларни ошкор этиш дастури бўлиши лозим;**

Мустақил жойлаштириш. Инвестицион банкларга юридик хужжатларни, эмиссия проспектини, курслар ва эмитент фаолиятининг сифатини кўрсатувчи мустақил жойлаштириш тўғрисидаги маълумотлар юборилиб, банк еврооблигацияларни чиқарувчи эмитентга фақат тўлов агенти вазифасини бажариб беради холос, уларни евробозорда жойлаштиришга кўмаклашмайди.

Назорат саволлари

1. Жаҳон ссуда капиталлар бозори таркибий тузилиши ҳақида нималарни биласиз?
2. Евробозор ривожланиши жаҳон иқтисодиёти учун қандай аҳамиятга эга?
3. Евровалюта нима ва у қандай пайдо бўлади?
4. Ҳозирги кундаги евродоллар бозори аввалги евродоллар бозоридан нималари билан фарқ қиласиди?
5. Евровалюта бозори қандай омиллар таъсирида ривожланган?
6. Евробозорининг асосини ташкил этаётган шаҳарларни биласизми?. Евробозорнинг худудий ва миллий бозорлардан ажратиб турувчи ўзига хос хусусиятларини айтиб беринг?

7. Евробозорда амалга ошириладиган операцияларнинг қандай турларини биласиз?

8. Еврокредит бозорига хос хусусиятларни, хусусан, еврокредитларнинг шакллари, муддати, таъминоти, фоиз ставкаси, мақсади, сўндириш тартибини айтиб беринг?

9. Евродержитлар тўғрисида нима биласиз?

10. Евроқимматли қофозларнинг қандай турларини биласиз, уларга изоҳ беринг?

11. Еврооблигация ва чет эл облигациялари ўртасидаги ўхшашлик ва фарқларни айтиб беринг

12. Оддий облигациялар билан еврооблигациялар ўртасида қандай фарқлар мавжуд?

13. Еврооблигациялар ва евроноталарни ўзаро бир биридан фарқини айтиб беринг?

14. Ягона европа фонд бозори шаклланишида асосий роль ўйнаган қандай тамойилларни биласиз?

15. Европа иттифоқида фонд бозорларини унификациялаш қандай бошланди?

16. Европа иттифоқида ягона молиявий муҳитни шакллантириш қандай амалга оширилди?

17. Ҳозирда жаҳон фонд бозорлари инфратузулмасида қандай асосий ўзгаришлар содир бўлмоқда?

18. Еврооблигациялар муомаласининг ривожланиши тарихи тўғрисида гапириб беринг?

19. Еврооблигациялар эмитентлари кимлар, уларга хос хусусиятлар ва кўйиладиган талаблар ҳақида нима биласиз?

20. Еврооблигацияларни чиқариш шакллари, уларнинг муддати, фоизи, купон ставкаси тўғрисида нималарни биласиз?

Фойдаланилган адабиётлар

1. Мирзиёев Ш.М. Танқидий таҳлил, қатъий тартиб-интизом ва шахсий жавобгарлик – ҳар бир раҳбар фаолиятининг кундалик қоидаси бўлиши керак. Ўзбекистон Республикаси Вазирлар Маҳкамасининг 2016 йил якунлари ва 2017 йил истиқболларига бағишлиган мажлисидаги Ўзбекистон Республикаси Президентининг нутқи. // Халқ сўзи газетаси. 2017 йил 16 январь, №11.

2. Мирзиёев Ш.М. Эркин ва фаровон, демократик ўзбекистон давлатини биргалиқда барпо этамиз. – Тошкент : Ўзбекистон, 2016. - 56 б.

3. Мирзиёев Ш.М. Қонун устуворлиги ва инсон манфаатларини таъминлаш – юрт тараққиёти ва халқ фаровонлигининг гарови. – Тошкент: “Ўзбекистон”, 2017. – 48 б

4. Мирзиёев Ш.М. Буюк қелажагимизни мард ва олижаноб халқимиз билан бирга қурамиз. – Тошкент: : “Ўзбекистон”, 2017. – 488 б.

5. International money and finance / by Michael Melvin and Stefan Norrbom. – 8th ed. 2013 Elsevier Inc. 316 pp.

6. Apergis, N., 1997. Domestic and eurocurrency yields: any exchange rate link? evidence from a VAR model. *J. Policy. Model.* 19 (10), 41-49.
7. Bremnes, H., Gjerde, O., Saettem, F., 1997. A multivariate cointegration analysis of inter- est rates in the eurocurrency market. *J. Int. Money and Financ.* vol. 16 (5), 767-778.
8. Snider, C. and T. Youle, Does the LIBOR reflect the banks' borrowing costs? working paper, University of Minnesota, April 2, 2010.
9. Hsieh, N.C.T., Lin, A., Swanson, P.E., 1999. Global money market interrelationships. *Int. Rev. Econ. Financ.* 8, 71-85.
10. Key, S.J., 1983. International banking facilities. *Fed. Rev. Bull.* October, 565-576. MacKenzie, D., 2008. What's in a number? The importance of LIBOR. *Real-world Econ. Rev.*(47), 237-242.

4-мавзу: Халқаро қарз ва кредит

Режа

- 4.1. Халқаро кредитнинг иқтисодий аҳамияти ва тамойиллари
- 4.2. Халқаро кредитнинг асосий шакллари.
- 4.3. Халқаро кредит операцияларида факторинг ва форфейтинг.
- 4.4. Ташқи иқтисодий фаолиятни узоқ муддатли молиялаштириш шакллари.
- 4.5. Инвестиция лойиҳаларни узоқ муддатли халқаро кредитлаш.
- 4.6. Халқаро кредитнинг валюта-молиявий ва тўлов шартлари.

Таянч иборалар: *Халқаро кредит, халқаро кредит тамойиллари, функциялари ва шакллари, кредит дискриминацияси, фирманинг (тижорат) кредити, векселли кредит, очик ҳисобварақлар бўйича бериладиган кредит, банк кредитлари, экспорт кредити, истеъмол кредит, молиявий кредит, акцептли-рамбурсли кредит, факторинг, форфейтинг, ташқи иқтисодий фаолиятни узоқ муддатли молиялаштириши, инвестиция лойиҳаларини молиялаштириши, кредитни секьюритизациялаши, халқаро кредитнинг валюта-молиявий ва тўлов шартлари, халқаро кредитнинг тўлов валютаси, суммаси, муддати, баҳоси ва таъминоти.*

4.1. ХАЛҚАРО КРЕДИТНИНГ ИҚТИСОДИЙ АҲАМИЯТИ ВА ТАМОЙИЛЛАРИ

Халқаро кредит – бу товар ва валюта кўринишидаги маблағларни қайтариб беришлилик, муддатлилик, фоиз тўлашшлилик шартлари асосида бериш билан боғлиқ бўлган халқаро иқтисодий муносабатлардаги ссуда капитали харакатидир.

Халқаро кредит муносабатларининг **субъектлари** сифатида тижорат банклари, марказий банклар, давлат органлари, йирик корхоналар, миңтақавий ва халқаро молия-кредит ташкилотлари қатнашади.

Кредит пакетини ишлаб чиқишида жараёнининг бир қисми ХВФ миссияси томонидан мамлакатга ташрифни ўз ичига олади. Миссия ўз ичига мамлакатнинг иқтисодий муаммоларни сабабларини иқтисодчилар томонидан ўрганиб тавсиялар берилади⁴⁸.

Халқаро кредитни юзага келишига сабаб бўлиб, ишлаб чиқаришнинг миллий доирадан чиқиши, хўжалик алоқалари байналминаллашув жараёнининг тезлашиши, халқаро капиталларнинг марказлашуви ҳамда ишлаб чиқаришнинг ихтисослашуви ва кооперациялашуви ҳисобланади.

⁴⁸ Michael Melvin and Stefan C. Norrbin. International money and finance. 8th edition. Elsevier Inc. 2013 P. 214

Халқаро кредит капитал ишлаб чиқаришнинг дастлабки босқичларида вужудга келган ва капитални жамғаришнинг асосий усулларидан бири бўлган.

Халқаро кредитнинг асосий **манбалари** бўлиб корхоналарнинг бўш турган пул маблағлари, банк ва кредит ташкилотларига жалб қилинадиган давлат ва хусусий секторнинг пул жамғармалари ҳисобланади.

Халқаро кредит тамойиллари. Халқаро кредит муносабатларини ташкил қилиш қўйидаги тамойилларга асосланади:

1. Қайтариб беришлилик: агар олинган маблағлар қайтарилилмаса, пул капиталини қайтариб бермаслик шакли намоён бўлади, яъни молиялаштириш юзага келади;

2. Муддатлилик, яъни кредит шартномасида кўрсатилган муддатда кредитни қайтарилишини таъминлаш;

3. Таъминланганлик, яъни олинган кредитни тўлашни кафолатланганлиги;

4. Мақсадлилик, яъни ссудани аниқ обьектларга йўналтиришни кўзлаш ва уни биринчи навбатда кредитор давлатнинг экспортини рағбатлантириш учун қўллаш;

5. Фоиз тўлашлилик.

Халқаро кредитнинг тамойиллари унинг бозор иқтисодиёти қонунлари билан алоқаларини таъминлайди, бозор субъектлари ва давлатнинг жорий ҳамда стратегик вазифаларига эришиши учун ишлатилади.

Халқаро кредитнинг функциялари. Халқаро кредит халқаро иқтисодий алоқаларда ссуда капиталлари ҳаракатини ўзига хос хусусиятини намоён этиб, қўйидаги функцияларни бажаради:

1. Кенгайтирилган такрор ишлаб чиқаришни талабларини қондириш учун ссуда капиталларини мамлакатлар ўртасида қайта тақсимлаш.

2. Ҳақиқий пулларни кредит пулларга алмаштириш, нақдсиз тўловларни ривожлантириш ва тезлаштириш ҳамда нақд валюта айланмасини халқаро кредит операциялари билан алмаштириш орқали халқаро ҳисоб-китоблар муомаласидаги сарф-харажатларни иқтисод қилиш.

3. Капиталнинг жамланиши ва марказлашишини тезлаштириш.

Халқаро кредитнинг функцияларининг аҳамияти катта ва у миллий ва жаҳон хўжалиги ривожланишига қараб ўзгариб туради. Ҳозирги шароитда халқаро кредит иқтисодиётни тартибга солиш функциясини бажармоқда ва ўзи ҳам тартибга солиниш обьекти бўлиб ҳисобланмоқда.

Халқаро кредит мамлакатларнинг истеъмол маҳсулотлар бозорлари, капитал инвестиция жараёнлари, хом-ашё манбалари, илмий-техник тараққиёт соҳаларида рақобатни яратувчи восита ҳисобланади. Корхоналар ушбу кредитдан хом-ашё манбаларини сотиб олиш, маҳсулот сотиш ҳажмини ва капитал инвестиция жараёнларини кенгайтириш мақсадларида фаол фойдаланадилар. Жаҳон ссуда капиталлари бозорида пул муомаласи ва кредит, валюта тизими, тўлов баланслари ҳамда миллий ва жаҳон иқтисодиётларининг бекарорлигини кучайтирадиган “қайнок” пуллар хам ҳаракатда бўлади.

Етакчи мамлакатлар ўз ўрнини янада мустаҳкамлаш учун банклар, хукуматлар, халқаро ва регионал валюта-кредит ва молия ташкилотлари орқали

вақти-вақти билан уларга мос келмаган сиёсат юритаётган давлатларга нисбатан кредит дискриминациясини ва кредит блокадасини қўллашади.

Кредит дискриминацияси - бу кредит олишда, ундан фойдаланишда ёки халқаро кредитни тўлашда маълум бир қарз олувчиларга иқтисодий ва сиёсий босимни юзага келтирувчи оғир ва мураккаб шартларнинг қўйилишидир.

Кредит дискриминациясининг асосий методлари бўлиб, кредит бўйича чеклашлар, фоиз ставкасини, комиссион йигимларни ошириш, кутилмагандан кредитдан фойдаланишни тўхтатиш ёки кредит суммасини камайтириш ҳамда иқтисодий ва сиёсий характердаги чора-тадбирларни қўллаш ҳисобланади.

Бозор иқтисодиёти шароитида халқаро кредитдан фойдаланишда унинг иккιёклама роли намоён бўлади, бир томондан у мамлакатларнинг ўзаро фойдали алоқаларини ривожлантирса, бошқа томондан - рақобат кураши воситаси бўлиб хизмат қиласди.

4.2. Халқаро кредитнинг асосий шакллари.

Ишлаб чиқаришнинг ва айирбошлишнинг байналминаллашуви, жаҳон хўжалиги алоқаларини янги шаклларини вужудга келиши халқаро кредит шаклларини хилма-хиллигини ривожланишига объектив асос бўлиб хизмат қиласди.

Кўп жиҳатдан, халқаро кредит ички кредитга ўхшайди. Кредит берувчилар унинг қайтарилимаслик хавфини ва ундан келадиган даромаднинг йўқолиш хавфини ички ёки халқаро миқёсда бўлишидан қатъий назар ўйлаб чиқиб қайгурадилар.⁴⁹

Халқаро кредит шаклларини бир неча турга бўлиб гуруҳлаш мумкин:

1. Манбалари бўйича ташқи савдони ички, ташқи (чет) ва аралаш кредитлаш ва молиялаштириш фарқланади. Улар ўзаро боғлиқ бўлиб, товар ҳаракатининг экспортёрдан импортёргача бўлган барча босқичларига хизмат кўрсатади. Товар сотув жараёнига қанчалик яқин бўлса, одатда халқаро кредитнинг шартлари ҳам қарз олувчига шунчалик қулай бўлади;

2. Қарз валютасига кўра қарздор-мамлакат ёки кредитор-мамлакат валютасида, учинчи мамлакат валютасида, СДР ва халқаро ҳисоб-китоб валюталарида тақдим этиладиган халқаро кредитлар фарқланади;

3. Мудатларига кўра қисқа муддатли – 1 йилгача, айрим ҳолатларда 18 ойгача (ўта қисқа муддатли – 3 ойгача, бир суткалик ва бир ҳафталик), ўрта муддатли – 1 йилдан 5 йилгача, узоқ муддатли – 5 йилдан узоқ муддатларга бериладиган халқаро кредит турлари фарқланади. Баъзи мамлакатларда 7 йилгача муддатга берилган кредитлар ўрта муддатли, 7 йилдан ортиқ муддатга берилган кредитлар эса узоқ муддатли бўлиб ҳисобланади. Қисқа муддатли кредит одатда тадбиркорларни айланма капитал билан таъминлайди ва носавдо ҳарактеридаги, сугурта ҳамда спекулятив операцияларга хизмат кўрсатган ҳолда ташқи савдо ва халқаро тўловларда қўлланилади. Узоқ муддатли халқаро кредит одатда асосий ишлаб чиқариш воситаларига инвестиция қилиш учун мўлжалланган бўлиб, машиналар ва бутловчи жиҳозлар экспортининг 85 фоизи

⁴⁹ Michael Melvin and Stefan C. Norrbin. International money and finance. 8th edition. Elsevier Inc. 2013 P. 201

ҳажмига ҳамда ташқи иқтисодий муносабатларнинг янги шакллари (йирик кўламдаги лойиҳалар, илмий текшириш ишлари, янги техникани жорий этилиши)га хизмат қўрсатади. Агарда қисқа муддатли кредитнинг муддати узайтирилса, унда у ўрта муддатли, айрим ҳолатларда эса узоқ муддатли кредитга айланади. Қисқа муддатли кредитларнинг ўрта ва узоқ муддатли кредитларга айланиш жараёнида одатда давлат кафил сифатида фаол иштирок этади;

4. Таъминланганлик тамойилига кўра халқаро кредитлар таъминланган ва бланкали кредитларга фарқланади. Кредитнинг таъминоти бўлиб одатда товарлар, товарга эгалик хуқуқини берувчи ва бошқа тижорат хужжатлари, қимматли қофозлар, векселлар, кўчмас мулк ҳамда қимматликлар хизмат қиласи. Кредит олиш учун товар гарови З шаклда амалга оширилади: қатъий гаров (товарларнинг маълум бир массаси банк фойдасига гаров қилинади); муомаладаги товар гарови (маълум бир суммадаги, тегишли ассортиментдаги товарнинг қолдиғи ҳисобга олинади); қайта ишловдаги товар гарови (мазкур маҳсулотларни банкка гаровга берган ҳолда гаровга олинган товардан маҳсулотлар ишлаб чиқариш мумкин).

Бланкали кредит қарздорнинг қарзини маълум бир муддатда сўндириш мажбурияти бўйича берилади. Одатда бундай кредит хужжати бўлиб қарз олувчининг ягона имзосига эга бўлган соло-вексель хизмат қиласи. Бланкали кредитнинг турлари бўлиб асосан контокоррент (банкнинг мижоз билан барча операцияларини ҳисобга олувчи ягона ҳисобвароқ) ва овердрафт (мижоз ҳисобидаги ортиқча қолдик маблағлар кредити) кредитлар ҳисобланади.

5. Тақдим этилиши бўйича халқаро кредитлар қарз олувчи ихтиёри билан унинг ҳисобварафига ўтказиладиган молиявий (нақд кўринишдаги) кредитлар, импортёр ёки банк томонидан акцептли тратта шаклидаги акцептли кредитлар, депозит сертификатлари, облигацияли қарзлар, консорциал ёки синдикатлашган кредитлар ва бошқа шу кабиларга фарқланади.

6. Кредитни қарздорга ким тақдим этишига қараб халқаро кредитлар - фирмалар, банклар, айрим ҳолатларда воситачилар (брокерлар) томонидан тақдим этиладиган хусусий кредитларга; хукумат кредитларига; хусусий ташкилотлар ва давлат иштирок этувчи аралаш кредитларга; халқаро, худудий валюта-кредит ва молиявий ташкилотларнинг давлатлараро кредитларига бўлинади.

7. Ташқи иқтисодий битимнинг қарз маблағлари ҳисобидан қопланиши бўйича халқаро кредитлар қуидагиларга бўлинади:

- тижорат кредити (асосан ташқи савдо ва хизматлар билан боғлиқ кредитлар);
- молиявий кредит (исталган бошқа мақсадларда фойдаланиладиган, шу жумладан, капитал қуийлмалар, инвестицион объектларни куриш, қимматбаҳо қофозларни сотиб олиш, ташқи қарзни тўлаш, валюта интервенцияси мақсадларидаги кредитлар);
- “оралиқ” кредитлар (капиталлар, товар ва хизматларнинг чиқиб кетишининг аралаш шаклларига хизмат қилишга мўлжалланган).

8. Халқаро кредитни кўриниши бўйича 2 та асосий шаклга бўлиб кўрсатиш мумкин:

1. Халқаро банк кредити;
2. Халқаро тижорат кредити.

Халқаро банк кредити асосан валюта (пул) кўринишида бўлиб, импортёрлар томонидан аванс тўловлари шаклида ҳам тақдим этилиши мумкин. Айрим ҳолатларда валюта кредити жиҳозлар етказиб бериш бўйича тижорат битимининг шартларидан бири ҳисобланади. Халқаро тижорат кредити эса, одатда товар кўринишига эга бўлиб, асосан экспортёрлардан импортёрларга тақдим этилади.

Фирманинг (тижорат) кредити - одатда экспорт қилувчи мамлакатнинг бир фирмаси бошқа мамлакатнинг импорт қилувчига тўловни кечикириш шаклидаги ссуда беришига тушунилади. Ташки савдода тижорат кредити товарли операцияларга bogliq ҳисоб-китобларда кенг қўлланилади. Тижорат кредитининг муддати (одатда 2-7 йил) турлича бўлади ва жаҳон бозори конъюнктураси шартларига, товарлар турларига ва бошқа бир қатор омилларга боғлиқдир. Машина ва асбоб-ускуналар (технология, жиҳозлар)-нинг экспорти кенгайиши халқаро кредит муддати узайишига олиб келади. Тижорат кредити одатда, вексел ёки очиқ ҳисобварақлар бўйича бериладиган кредитлар орқали расмийлаштирилади.

Векселли кредитда экспорт қилувчи товарни сотиш ҳақида битим тузиб, ўтказма вексел (сарф-харажатлар)ни импорт қилувчига жўнатади, импорт қилувчи тижорат хужжатларини олиб акцептлайди, яъни унда кўрсатилган муддатда тўловни амалга оширишга беради.

Очиқ ҳисобварақлар бўйича бериладиган кредит. Бу кредит экспорт қилувчи ва импорт қилувчи ўртасидаги келишувга асосланади. Экспорт қилувчи жўнатилган ҳар бир товарлар қийматини импорт қилувчининг ҳисобига қарз сифатида қайд қилиб боради. Импорт қилувчи шартномада кўрсатилган вақтда кредит суммасини тўлаб боради. Очиқ ҳисобварақлар бўйича бериладиган кредитлар фақатгина доимий алоқада бўлган фирмалар ўртасидагина амалга оширилиши мумкин.

Банк кредити — экспорт ва импортни кредитлашда ссуда шаклида намоён бўлади ва у товарлар, товар хужжатлари, векселларни, ҳамда сарф-харажатни гаровга олган ҳолда берилади. Баъзан, банклар ўзлари билан чамбарчас алоқада бўлган йирик экспорт қилувчи фирмаларга бланкли кредит, яъни расмий таъминланмаган кредитлар беришади.

Хусусий секторлардаги ишлатилаётган доллар қиймати билан белгиланган депозитлар ва халқаро кредитлар унинг банкклардаги резерв валюта ролига эга эканлигидан далолат беради.⁵⁰

Халқаро савдода банк кредитлари тижорат кредитларига нисбатан устунликка эга. Улар кредит олувчини олган маблағларидан товарлар сотиб олишга мустақил фойдаланиш имкониятини туғдирадилар, мол етказувчи

⁵⁰ Michael Melvin and Stefan C. Norrbom. International money and finance. 8th edition. Elsevier Inc. 2013 P. 38

фирмадан кредит сўрашдан озод этадилар ҳамда охирги товарларга ҳисобкитобларни банк кредитидан фойдаланиб тўлайдилар. Хусусий банклар кўпинча давлат маблағларини ва унинг кафолатини олган ҳолда экспорт кредитларини 10-15 йилга бозор ставкасидан пастроқ ставкада берадилар. Лекин, банклар қоида бўйича, кредитдан ўз мамлакатлари ҳудудидагина фойдаланишни чегаралаб, унинг интилишини маълум мақсадли қилиб қўядилар, масалан, фақат ўзларини қизиқтирган фирманинг товарларини сотиб олишга йўналтирадилар. Шу орқали банк кредити фирма кредити хусусиятларини ўзида мужассам этади. Банк кредитини банклар, банкир уйлари ва бошқа кредит муассасалари берадилар.

Ташки иқтисодий операцияларни кредитлаш операцияларини мувофиқлаштирувчиси учун, йирик кредит ресурсларини жамлаш учун ва банк ҳавф-хатарини бир маромда тақсимлаш учун банклар консорциумлар, синдикатлар, банк фондларини ташкил қиласадилар. Банклар экспорт ва молия кредитларини берадилар.

Экспорт кредити — экспорт қилувчи банкининг импорт қилувчи банкига етказиб берилган машина, асбоб-ускуна ва бошқа инвестиция қилинган товарларни кредитлашга айтилади. Банк кредитлари пул куринишида берилади ва «боғлиқ»лик тусига эга, чунки кредит олувчи ссудадан фақатгина кредитор мамлакат товарларини сотиб олишигагина берилади. Ўтган асрнинг 60-йилларидан бошлаб, экспортни кредитлашнинг шакли сифатида истеъмол кредити (5-8 ва ундан ортиқроқ йил муддатга) юзага келди.

Истеъмол кредити. Истеъмол кредитининг ўзига хос хусусияти бўлиб, экспорт қилувчи банкининг тўғридан-тўғри миллий экспорт қилувчини кредитламасдан, балки чет эллик харидорни, яъни импорт қилувчи мамлакат фирмаси ва унинг банкини кредитлаш ҳисобланади. Шу орқали импорт қилувчи керакли товарларни етказган мол етказиб берувчилар тўловни харидорга ёки банкка қарз сифатида қайд қиласади. Одатда, бундай кредитлар маълум бир фирманинг товарлари ва хизматларидан фойдаланишда қўлланилади. Бундай кредитлаш шартномасида экспорт қилувчи иштирок этмайди, бу эса, ўз навбатида, кредитнинг баҳосини ошириш имкониятини йўқотади. Банк кредитининг харидорга бўлган нархи, қоида бўйича ссуда капиталлари бозоридаги қарз маблағлари нархидан анча паст бўлади, бу ўз навбатида, уларнинг рақобатбардошлигини оширади.

Молиявий кредит ҳар қандай бозорларда ва имтиёзли шарт-шароитлар асосида товарларни сотиб олиш имкониятини беради. Молиявий кредит кўп ҳолатларда товар етказиб берилиши билан тўғридан-тўғри боғлиқ эмас ва асосан ташки қарзни сўндириш, валюта курсини қўллаб-куватлаш, авуарлар (ҳисобвараклар)ни хорижий валютада тўлатиш учун мўлжаллангандир.

Экспортни кредитлашнинг шаклларининг бошқа бир тури **акцептли-рамбурсли кредит** ҳисобланади. Ушбу кредит экспортёр векселларининг учинчи давлат банки томонидан акцептланиши ҳамда импортёр томонидан вексель суммасини акцептант-банкга ўтказилиши (рамбурсланиши)нинг боғлиқликда амалга ошишига асосланган.

4.3. Халқаро кредит операцияларида факторинг ва форфейтинг.

Факторинг (“factoring” инглизча “factor” – воситачи сўзини англатади) – ихтинослашган молиявий компания томонидан маҳсулотни сотувчининг сотиб олувиға бўлган пул талабларини сотиб олиш шаклидаги кредитdir. Халқаро факторинг – экспортёрнинг импортёрга тўланмаган маблағлари бўйича тўлов талабномасини факторинг компанияси (одатда банк) томонидан сотиб олиш орқали экспортни кредитлаш шакли ҳисобланади. Факторинг фомпанияларининг ривожланиши 1960 йиллардан бошланган бўлиб, тўловларни кечикиши, амалга ошмаслиги ҳамда экспортёrlарни кредитларга бўлган талабларини ортиб бориши бунга сабаб бўлган.

Факторинг кредитлари учун фоиз одатда факторинг компанияларини фойдасини таъминлаш учун расмий ҳисоб ставкасидан 2-4 фоиз юқори бўлади. Нисбатан қиммат бўлишига қарамасдан экспортёrlар факторинг операциясини ўтказишдан манфаатдор бўлишади. Яъни **факторинг операциялари экспортёrlарга куйидаги афзалликларни тақдим этади:**

- муддати 120 кун бўлган факторинг кредитлари орқали валютавий тушумлар шаклида асосий суммани муддатидан олдин олиш имконияти;

- импортёrlарнинг қарзларини инкассация қилишдан озод этиш ва инкассация муддатини ўртacha 15-20 фоиз қисқариши;

- факторинг компанияси импортёр билан ҳисоб-китоб операцияларига малакали хизмат кўрсатиши ҳисобига бухгалтерия, бошқарув ва бошқа харажатларни қисқариши

- импортёр томонидан тўлов муддатини ўтказиб юбориш ёки кечиктириш ҳисобига шубҳали дебиторлик қарздорликни пайдо бўлишидаги рискларни бартараф этиш. Факторинг компания тўланмаган ҳисоб-фактураларни сотиб олиш орқали ундаги барча рискларни ўз зиммасига олади. Шунинг учун у импортёрнинг тўлов қобилияти нуқтаи-назаридан ўзи эгаллайдиган тўлов талабномаларини дикқат билан текширади. Алоҳида импортёrlар қарзлари бўйича лимитларни ўрнатади;

- факторинг компаниясининг турли-хил яъни юридик, ахборот-тарғибот, маслаҳат ва бошқа хизматларидан фойдаланиш имкониятини мавжудлиги.

Факторинг хизмат кўрсатиш тўғрисидаги шартноманинг мавжудлиги банкдан кредит олишни енгиллаштирган ҳолда экспортёрнинг кредит қобилиятини оширади. Бу эса ўз навбатида экспортёри ишлаб чиқариш фаолиятини такомиллаштириш учун шароитни яратиб беради ва унинг фойдасини оширади. Хусусий секторга бериладиган кредитлар каби суверен давлатларга бериладиган кредитлар, қарз берувчи тарафдан қараганда рискларни бошқариш билан боғлиқ⁵¹.

Ўзбекистон Республикаси Марказий банки Бошқаруви томонидан 2000 йил 15 июнда 476-сон билан тасдиқланган **“Ўзбекистон Республикаси худудида тижорат банклари томонидан факторинг операцияларини амалга**

⁵¹ Michael Melvin and Stefan C. Norrbom. International money and finance. 8th edition. Elsevier Inc. 2013 P. 214

ошириш тартиби тўғрисида"ги Низом (Ўзбекистон Республикаси Адлия вазирлиги томонидан 2000 йил 3 августда 953-сон билан давлат рўйхатидан ўтказилган) мамлакатимизда факторинг операцияларини амалга ошириш учун асосий меъёрий ҳужжат ҳисобланади.

Ушбу ҳужжатга кўра факторинг – бу хўжалик-юритувчи субъектлартаъминотчилар (мижоз)ни банк (акцептланган (мижоз розилиги асосидаги) тўловларни олиш ҳуқуқига эга бўлган молиявий агент, яъни мижоз контрагенти учун тўловчи) томонидан етказиб берилган товарлар, бажарилган ишлар ва кўрсатилган хизматларга берилган тўлов талабномаларини регресс (муомала) ҳуқуқисиз молиялаштирилиши билан боғлиқ банк хизмат турларидан биридир.

Мамлакатимизда тўловчи молиявий агент (банк) томонидан кўрсатилган факторинг хизматлари бўйича пуллик талабномаларни мижоз томонидан ижро этиш муддати 90 кундан ортиқ бўлишига йўл қўйилмайди. Факторинг операцияси бўйича мижоз томонидан муддатида тўланмаган тўловларни ёки мажбуриятларни қонуний асосда тугатиш чораларини кўришлари лозим.

Хорижий валютада талаб қилиб олингунча депозит ҳисобварағига эга бўлган ташкилотлар, корхоналарга ўзларининг ваколатли банклари экспорт операциялари бўйича факторинг операциялари хизматини кўрсатиши мумкин.

Форфейтинг (инглизча “*forfeiting*”, французча “*a forfait*” деган сўзлардан олинган бўлиб, бутунлай, тўлалигича, умумий, ялпи сумма деган маъноларни англатади) бир марталик тўлиқ тўлов эвазига тўловчига маълум бир ҳуқуқлар тақдим этилишини билдириб, форфет компания ёки банк томонидан векселларни ҳамда бошқа қарз мажбуриятларини тўлиқ муддатга, олдиндан белгиланган шартлар асосида сотиб олиниши ҳисобланади. Форфейтинг халқаро савдо ва хизматлар кўрсатиш соҳасида маҳсулотлар ва хизматлар бўйича келажакда олиниши лозим бўлган тушумлар ўрнига маблағларни ўша куннинг ўзида олиш имкониятини яратганлиги учун ҳам кенг қўлланилади.

Экспорт форфейтинги бу чет эллик импортёрдан экспортёрнинг тўлов талабномаларини форфейтор томонидан сотиб олиш шаклидаги кредит ҳисобланади. Форфейтор ўзи тўланган суммани ўрнини қоплаш учун экспортёрдан импортёр жўнатган тўлов қимматли қоғозини регресс (муомала) ҳуқуқисиз тўлиқ муддатга сотиб олади. “Регресс ҳуқуқисиз” тушунчasi барча рисклар ва жавобгарлик қарздор зиммасига олинишини билдиради.

Экспортни кредитлаш шакли сифатида **форфейтинг қуидаги хусусиятларга эга:**

- амалда маълум тўлов талабномаларини сотиб олиш. Форфейтинг шартнома қийматининг 100 фоизигача кредитлашни ўз ичига олиши мумкин (бунда божхона харажатлари ҳисобга олинмайди);

- йирик суммадаги (250 минг АҚШ долларидан ортиқ) ва узоқ муддатли битимларда (6 ойдан 10 йилгacha бўлган битимларда) фойдаланилади. Бунда экспортёр розилиги талаб этилади;

- импортёр қарзлари биринчи тоифали банклар томонидан авалланган (кафолатланган) векселлар шаклида расмийлаштирилган бўлиши керак, бу

шарт уларни қайта ҳисобга олиб бориш учун зарурдир. Векселларни узатиш индоссамент орқали расмийлаштирилади;

- юқори қиймат. Векселлар ҳисоби маълум бир давлатнинг ёки ЛИБОР ставка орқали амалга оширилади, шунингдек қаъий ставкадан ҳам фойдаланиш мумкин. Дисконт ҳажми ($LIBOR + \%$ (валюта шартномаларида ўртача 7-12,5% йиллик ставка бўлади)) форфейтор ўзига қабул қилган рисқ, вексел муддати ва валютага боғлиқ; ;

- факторингга хос бўлган барча рисклар (тўловни, ўтказмаларни амалга ошмаслиги, валютавий ва бошқалар) мавжуд бўлиб, шунингдек, унга узоқ муддатли қарз талабномаларига эга бўлиш билан боғлиқ бўлган рисклар ҳам кўшилади;

- форфетингдаги рисклар ҳисобига векселлар ва бошқа қарз мажбуриятлари бўйича тўловларни ўтказиш усуслари муҳим аҳамият касб этади. Одатда шунинг учун ушбу операцияга катнашувчи банклар ўзаро корреспондентлик тармоқларидан фойдаланишади;

- форфейting лизингдан оддий хужжатларни расмийлаштириш билан фарқ қилиб, кейинчалик тасдиқлаш ҳисобига одатда телефон орқали амалга оширилади;

- форфейtingдан давлат ва маҳаллий тизимда фойдаланиш мумкин, шунингдек, экспорт кафолат остида молиялаштирилади.

Евробанклар орқали чиқарилаётган кредитларнинг ҳажмини ўлчаш учун биз бозорнинг умумий ҳажми – банкларро фаолиятни барча депозитлар ёки барча кредитлардан айришишимиз лозим.⁵²

Форфейting экспорт кредити сифатида экспортиёрга бир қатор афзалликларни тақдим этади, яъни экспортдан тушумларни муддатидан аввал олиш, дебиторлик қарзлари қисман йўқотиш ҳисобига корхона балансини яхшилаш, қарз талабномаларни ва унга хос рискларни самарали бошқариш.

Форфейting қуидаги камчиликларга эга:

- сотиб олевучи (импортёр ёки қарздор) қарз воситаларини ҳақиқийлигини таъминлаш бўйича жавобгар ҳисобланади. У оддий векселлар ёки тратталар, кафолатлар ва аваллар бўйича, шунингдек, ҳалқаро битимларда форфейting амалга оширилса валютавий қонунчиликдан тўла хабардор бўлиши керак;


- банк ўз хизматлари учун кредитлаш операцияларига нисбатан кўпроқ фоиз тўловларини ундиради ва вексел ва бошқа кредит хужжатларини иккиламчи қимматли қофозлар бозорида сотиши мумкин;

- гаров таъминотчини излашда қийинчиликлар вужудга келиши мумкин (кредит хужжати каби, форфейторни қаноатлантирувчи гаров таъминотчини топиш);

- бошқа турдаги кредитларга нисбатан фоиз ставкалари юқори бўлади, бироқ қарздор сугурта харажатларини амалга оширмайди ва бу баъзан ўзини оқлади.

⁵² Michael Melvin and Stefan C. Norrbom. International money and finance. 8th edition. Elsevier Inc. 2013 P. 108

Форфейтингни амалга ошириш тартиби қуидаги операциялар кетма-кетлигидан иборат бўлади (1-расмга қаранг).



1-расм. Форфейтинг операцияси амалга ошириш тартиби

1. Экспортёр ва импортёр тўлов муддатини кўрсатган ҳолда ўзаро битим, ёки шартнома тузади.
2. Экспортёр операция шартларни аниқловчи форфет-компанияга ариза билан мурожаат қилади. Агар экспортёр у билан аввалдан маслаҳатлашган бўлса, у шартнома қийматига вексел ҳисоби бўйича харажатларни қўшиш имкониятига эга бўлади.
3. Импортёр тижорат векселини ёзиб беради ва уни ўз мамлакатининг банкида аваллайди, яъни кафолатлайди.
4. Импортёр ўз мамлакатининг банкида индоссация⁵³ланган яъни банк томонидан тўловни амалга ошириш хуқуки берилган векселни экспортёрга жўнатади.
5. Экспортёр векселни индоссациялайди ва уни бирламчи бозорда регресс (муомала) хуқуқини инкор этган ҳолда форфет-банкга сотади.
- 5а. Экспортёр чет эл валютасидаги тушумни форфет-банкдан олади.
6. Форфейтинг банки векселни индоссациялайди ва уни иккиламчи бозорда қайта сотади.
7. Форфет-компания (ёки векселни охирги эгаси) импортёрга векселни тўлаш учун тақдим этади.
- 7а. Импортер эса ўз банки орқали тақдим этилган векселни белгиланган муддатда тўлаб беради.

Форфейтингни қўллаш соҳаси ривожланиб бормоқда, дастлаб биринчи тоифали экспорт операцияларида ва чет элдаги қурилиш корхоналарида,

⁵³ Индоссация (немисча “Indossament”, французча “endossement”, лотинча “in” + “dorsum” оркасида, ортида деган маъноларни англатади) – қимматли қоғоз, вексел, чек, коносамент ва бошқаларга бўлган хуқуқни бошқа шахсларга ўтганлигини тасдиқловчи ўтказма имзо. Имзо хужжат юридик кучга эга бўлиши учун керак. Молиявий хужжатнинг орка томонига ўтказма ёзувини қўиши.

кейинчалик асбоб-ускуна, хом-ашё ва кенг қамровли истеъмол товарлари экспортида тарақкий этмокда. Форфейтинг тижорат кредитини банк кредитига айланишининг ўзига хос бир қўриниши ҳисобланади. Бундай усулда ташки савдони кредитлаш Англия ва Германияда кенг тарқалган. Оддий форфейтинг битимида иштирокчи томонлар сотувчи, солиб оловчи ва банк-кредитор бўлишади.

Форфейтинг операциялари ривожланиши билан “а форфе” бозори шаклланди. Бирламчи бозорда форфеторлар вексел шаклидаги импортёрларга бўлган тўлов талабномаларини сотиб олиб экспортни кредитлайдилар. Иккиласми бозорда векселларнинг белгиланган муддати давомида қайта-қайта ҳисобга олиш амалга оширилади. Форфейтор комиссион фойдаси одатда 1-1,5%ни ташкил этади. Форфейтор импортёрдан банк кафолатини тақдим этишни талаб қиласиди, ёки ўзи қўшимча тўлов эвазига риски зиммасига олиши мумкин. Форфейторлар қарийб барча турдаги валюта рискларидан экспортёрни химоялади.

Форфейтинг ва факторингни ўзаро ўхшаш ва фарқли томонлари (жадвалга қаранг). Факторингда молия институти (фактор) экспортёр билан келишган ҳолда экспорт битимини амалга ошириш билан боғлиқ молиявий мажбуриятини ўз зиммасига олади. Яъни хорижий сотиб оловчидан тушадиган тўловларни ундириш асосида экспортёрнинг асосий фаолиятини юритишини қўллаб-қувватлади. *Факторинга нисбатан форфейтинг бир қатор афзалликларга эга.*

- факторинг қисқа муддатли молиялаштиришда фойдаланилади;
- факторинг форфейтингдан кўра қимматроқ ҳисобланади;
- факторинг операциясидан фарқли равишда форфейтингда банк тўлиқ муддат билан жами суммани вексел қўринишида барча тижорат рисклари билан бирга ва регресс хуқуқисиз ўз зиммасига олади. Бу эса экспортёр учун қўпроқ фойдали ҳисобланади.

Форфейтинг ҳам факторинг каби дебиторлик қарзларини сотиш операцияси ҳисобланади. Шундай бўлсада улар орасида бир қатор фарқлар мавжуд.

Факторинг операциялари дебиторлик қарзларини ўз вақтида сўндиrolmaslik ва уларни кредитлаш манбаларининг чекланганлиги оқибатида доимий молиявий қийинчиликларга дучор бўлувчи кичик ва ўрта бизнес корханалари учун самарали бўлади.

Жадвал

Факторинг ва форфейтинг хусусиятларини таққослаш

Факторинг	Форфейтинг
Операция обьекти - асосан ҳисоб-варақа ҳисобланади (счет-фактура)	Операция обьекти - асосан(оддий ёки ўтказма) вексел ҳисобланади.
Кисқа муддатли кредитлаш (90 кундан 180 кунгача).	Ўрта муддатли кредитлаш (180 кундан 10 йилгача).
Фактор имкониятига қараб кредит суммаси чекланади.	Синдикациялаш имкониятига қараб кредит суммаси анча йирик бўлиши мумкин.
Фактор қарзнинг 70-90 фоизи миқдорида кредиторнинг айланма капиталини	Дисконт суммасини чегирган ҳолда форфейтер қарзнинг жами суммасини тўлаб

аванслайди. Қолган 10-30 фоизи сотиб олувчи томонидан маҳсулотлар бўйича комиссион ва фоиз харажатлари чиқарилган ҳолда қарзни қоплаб бўлгандан сўнг кредитор ҳисобига келиб тушади.	беради.
Фактор кредиторга бўлган регресс хукуқини ўзи билан қолдириши ёки бундай хукуқдан воз кечиши мумкин, лекин бундай ҳолатда маҳсулотлар экспортида сиёсий ва валюта рискларига экспортёр дучор бўлади.	Форфейтор маҳсулотлар экспортида валюта ва сиёсий рисклар билан бирга бошқа барча тўловларни амалга ошмаслиги билан боғлиқ рискларни ўз зиммасига олади.
Операция кредитор (мижоз)га суғурта, юридик, сотиш, реклама, ахборот-тарғибот, бухгалтерия ва бошқа хизмат кўрсатиш турлари билан бойитилиши мумкин.	Кўшимча хизмат кўрсатиш мўлжалланмайди.
Факторга факторинг активларини қайта сотиш имконияти мавжуд эмас.	Иккиласми бозорда форфейтор томонидан форфейтинг активларини қайта сотиш мумкин.
Учинчи шахс кафолати талааб этилмайди.	Учинчи шахс кафолати ёки авал талааб этилади.
Мавжуд пул талабномалари ёки пул талабномаларидан чегирмалар шартномада аниқ кўрсатилган ҳолда, келажакда пайдо бўладиган талабномалар орқали кредитланади.	Маблағларни жамлаш мақсадида ва савдо билан чекланмайдиган бошқа мақсадларни амалга ошириш учун чиқарилган молиявий векселдан чегирма орқали кредитланади.

Бу усул бундай корхоналарга кўшимча элементлари, яъни бухгалтерия, ахборот-тарғибот, реклама, сотиш, юридик, суғурта ва бошқа хизматларни тақдим этиши билан ҳам маъқул ҳисобланиб, уларни ишлаб чиқариш фаолиятини рағбатлантиради ва иш ҳақи харажатларини қисқартириш имконини беради.

4.4. Ташқи иқтисодий фаолиятни узоқ муддатли молиялаштириш шакллари.

Йирик кредит муассасалари узоқ муддатли халқаро кредитларни назарий жиҳатдан 40 йилгача, амалда эса 10-15 йил муддатга тақдим этадилар.

Компенсацион битимлар бўйича кредитлар. Банклар товар қийматига тенг бўлган, ўзаро етказиб беришга асосланган компенсацион битимлар бўйича узоқ ва қисқа муддатли кредитларни тақдим этадилар. Корхонани барпо этиш ва қайта тиклаш, табиий ресурсларни ўзлаштириш учун машина ва асбоб-ускуналарни 8-15 йил муддатга кредитга олгани ҳолда қарз олувчи уни мазкур кредит асосида курилган ва қурилаётган корхоналар маҳсулотлари ҳисобига сўндирилишини таъминлайди. Компенсацион битимларни ўзига хос хусусиятлари уларнинг кенг кўламли, узоқ муддатли эканлиги ҳамда экспорт-импорт битимларини ўзаро боғлиқлиги билан ажралиб туради. Компенсацион битимлар бўйича кредитлар ва импортёр сотиб олинадиган машина ва асбоб-ускуналар учун тўлов ҳамда тегишли харажатларни қоплаш учун товарларни қайта экспорт қилишдан тушум ҳисобига ўзаро боғлиқ бўлишади. Компенсацион битимларни амалга оширишда одатда фирма(тижорат) кредитларига нисбатан узоқ муддатли консорциал ёки синдикат кредитлар кенг

кўлланилади. Бундай кредитларни банк консорциумлари ёки синдикатлари тақдим этадилар. Амалиётда мазкур ҳолатнинг юзага келишига асосий сабаб биринчидан, миллий қонунчиликларда банклар учун бир қарз олувчига ажратиладиган кредит лимитини ўрнатилиши бўлса, иккинчидан банклар кредитларни тақдим этишда риск даражасини чеклашга ҳаракат қилиши ҳисобланади.

Бюджет маблағлари ҳисобдан ажратиладиган узоқ муддатли ҳалқаро кредитлар. Бюджет маблағлари ҳисобидан ажратиладиган узоқ муддатли (муддатлари 10-15 йил ва ундан ортиқ) ҳалқаро кредитларнинг қуидаги шакллари фарқланади:

1) хукуматларнинг икки тарафлама кредитлари. Давлатлараро узоқ муддатли кредит биринчи жаҳон уруши даврида кенг кўламда шаклланди ва урушдан кейинги йилларда янада ривожланди. Иккинчи жаҳон урушидан кейин дастлаб АҚШ, сўнгра бошқа дунёнинг етакчи давлатлари ўзларининг ташқи иқтисодий манфаатлар учун хукуматлараро кредитлардан кенг фойдаланишди;

2) ҳалқаро ва худудий валюта-кредит ҳамда молиявий ташкилотларнинг кредитлари;

3) ёрдам кўрсатиш бўйича имтиёзли шартлар асосида берилган кредитлар, техник ёрдам, беминнат хайрия маблағлари, субсидиялар.

Айрим ҳолатларда **ҳалқаро кредитнинг аралаш тури** қўлланилади. Масалан, экспортни кредитлашнинг одатдаги шакллари имтиёзли шартлар асосида яъни унга ёрдам кўрсатиш орқали амалга оширилиши мумкин. Ҳалқаро кредитнинг янги шаклларидан бири бўлиб бир нечта кредит муассасалари томонидан йирик лойиҳаларни **қўшма молиялаштириш** ҳисобланади. Ҳалқаро молия институтлари қўшма молиялаштиришнинг ташаббускорлари бўлиб, мазкур операцияга улар одатда хусусий тижорат банкларини ҳам жалб этадилар ва лойиҳанинг энг фойдали қисмини имтиёзли асосда (фоиз ставкаси бозор ставкасидан паст) кредитлайдилар.

Қўшма молиялаштиришнинг қуидаги 2 шакли қўлланилади:

- *параллель молиялаштириши*, бунда турли кредиторларнинг ўзаро келишуви асосида белгиланган квота(улуш, ҳисса) доирасида лойиҳа таркибий қисмларга ажратилиб кредитланади;

- *биргаликда молиялаштириши*, бунда барча кредиторлар лойиҳани амалга оширилиши мобайнида ўз ссудаларни тақдим этадилар. Кредиторлардан бири (менежер-банк) лойиҳанинг тайёрланиши ва амалга оширилишини мувофиқлаштиради ҳамда назорат қиласи.

Қўшма молиялаштириш орқали қарз олувчи имтиёзли кредитларни жалб этиш имкониятига эга бўлади. Шунингдек, кредиторлар ҳам мазкур молиялаштириш шаклида имтиёзларга эга бўлишади, яъни бундай кредитлаш кредиторга ссудани қарздор томонидан ўз вақтида сўндирилишининг қўшимча кафолатини беради.

Ҳалқаро синдикатлашган ёки консорциум кредитлари - турли мамлакатлар банклари томонидан йирик лойиҳани амалга ошириш учун бир

ташкилотга ажратиган қарз маблағлари ҳисобланади. Халқаро кредитнинг бу шакли бир қатор ўзига хос хусусиятлар билан ажралиб туради:

- бундай кредитни тақдим этиш учун банкларни бирлашуви маълум бир муддатга консорциум ёки синдикатни тузиш тўғрисидаги шартномани расмийлаштириш орқали амалга оширилади;

- мақсад йирик кредитни тақдим этиш учун халқаро ресурсларни жалб этиш ва бир қатор банк-кредиторлар орасида банк рискларини тақсимлаш ҳисобланади;

- синдикат ёки консорциум аъзоси бўлган йирик банклардан бири менежер функциясини бажаради, яъни қарздор ва банк-кредиторлар билан ўзаро музокара олиб боради, кредитнинг молиявий-валютавий шартларини аниқлайди, рискларни ва уларни камайтириш имкониятларини баҳолайди. Бундай кредитни ташкиллаштиргани учун банк-менежер фоиз ва комиссион даромадлардан ташқари қўшимча мукофотга ҳам эга бўлади;

- қимматли қофозларни чиқариш орқали халқаро қарзларни тақдим этишда оддий синдикатлашган ёки консорциум кредитлар андеррайтинг билан бирга амалга оширилади, яъни белгиланган нарх бўйича банклар (маълум бир улуш бўйича мажбуриятлар олувчи синдикат ёки консорциумнинг аъзолари) орасида уларни жойлаштиришни кафолатлайди;

- синдикатлашган ёки консорциум кредитларнинг бирламчи ва иккиламчи бозорлари амал қиласди. Жаҳон амалиётида ушбу турдаги кредитларни суғурталашда иккилаамчи бозорда сотиш имконияти бўлган ликвидли активлардан (тратта, қимматли қофозлар) фойдаланилади.

Бундай кредитнинг турларидан бири улушли кредит ҳисобланади, яъни банк-кредиторлар банк консорциуми ёки синдикатини тузмасдан ўз улушларини бошқа банкларга сотишлари мумкин. Баъзан хусусий банклар синдикати Халқаро валюта фонди (ХВФ) ёки Халқаро тараққиёт ва тикланиш банки (ХТТБ) кредитларини олган қарздор мамлакатларга ўзларининг халқаро кредитларини тақдим этишади. Давлатлароро ва хусусий банклар орасида бундай тақсимотдан асосий мақсад – ўз иқтисодий ва сиёсий манфаатларидан келиб чиқсан ҳолда жаҳон ссуда капиталлар бозорида қарздорларни тартибга солиш ҳисобланади. Шунинг учун ҳам халқаро молиявий ташкилотларнинг мамлакатларга ажратган кредитлари нафақат микдор жиҳатдан, балки стратегик ривожланиш хусусиятлари билан ҳам муҳим рол ўйнайди.

Агарда менежмент ташқи менежерларни валюта билан билан боғлиқ ва халқаро молиялаштириш масалаларида жалб қилишни хохласа, у ҳолда асосий компаниянинг маҳаллий валютаси тўғри танлов бўлади.⁵⁴

⁵⁴ Michael Melvin and Stefan C. Norrbom. International money and finance. 8th edition. Elsevier Inc. 2013 P. 108

4.5. Инвестиция лойиҳаларни узоқ муддатли халқаро кредитлаш.

Халқаро узоқ муддатли кредитлашнинг замонавий шакли лойиҳаларни молиялаштириш ҳисобланади. “Лойиҳаларни молиялаштириш” атамасида инвестицион лойиҳаларни кредитлаш ҳақида сўз боради.

Лойиҳаларни молиялаштиришда банк томонидан баҳолаш объекти қуидагилар бўлади:

- инвестицион лойиҳа;
- лойиҳа кредитини таъминлаш (ложиҳа компаниясининг активи, гаров ва кафолати).

Лойиҳаларни молиялаштиришни ташкил этувчи банк инвестицион циклнинг ўзаро боғлиқ бўлган қуидаги олтита босқичини ажратиб кўрсатади:

1. қўйилмалар объектини излаш;
2. лойиҳа риски ва рентабеллигини баҳолаш;
3. кредитлаш тизимини ишлаб чиқиш;
4. лойиҳани молиялаштириш иштирокчилари билан шартномаларни тузиш;
5. кредитларни тўлиқ сўндирилгунча ишлаб чиқариш, тижорат ва молиявий дастурларни бажарилиши устидан назорат;
6. лойиҳанинг молиявий натижаларини баҳолаш ва уларни мўлжалланган кўрсаткичлар билан таққослаш.

Йирик банкларнинг “Лойиҳаларни молиялаштириш” бўлими ходимлари таркибига муҳандислар ҳам фаолият юритади. Лойиҳанинг техник-иктисодий таъминотини баҳолаш ва уни амалга ошириш варианtlарини ҳисоб-китоб қилиш учун банк мижозлардан комиссия таркибига мустақил эксперtlарни жалб этади.

Лойиҳаларни молиялаштириш тамойиллари. Жаҳон амалиётида лойиҳаларни молиялаштириш бўйича умумий тан олинган асосий тамойиллар сифатида қуидагиларни қайд этиш мумкин:

Биринчидан, одатда уч хил вариант бўйича қиёсий таҳлил амалга оширилади: лойиҳа таъминотчиси, банкнинг пессимитик сценарийи, мустақил эксперtlар томонидан тайёрланган асосий вариант.

Иккинчидан, кредит одатда тасдиқланган лойиҳани амалга ошириш учун лойиҳа компанияси томонидан тақдим этилади. Шунингдек, лойиҳа компаниясининг балансида олинган кредит акс эттирилади.

Учинчидан, лойиҳаларни молиялаштиришда банк дастлабки эътиборини рискларни баҳолаш, харажатларни (сметани) қисқартириш, кредитлаш манбалари, лойиҳанинг молиявий ва иқтисодий самарадорлигини аниқлаш мақсадида инвестицион лойиҳани таҳлил қилишга қаратади.

Тўртинчидан, умум тан олинган тамойиллардан бири мижознинг маъсулияти чекланганлиги ҳисобланади. Бу тамойилнинг моҳияти шундаки, банк фақат жорий лойиҳани амалга оширишдан олинган даромадлар ҳисобига кредитни қоплашни талаб қилиши мумкин.

Бешинчидан, кредитни сўндиришни қўшимча таъминоти бўлиб, лойиҳанинг қуидаги гаров таъминотчилари ҳисобланиши мумкин.

- тўлов кафолати – кафолатли ҳолат юзага келганда банкка маълум бир суммани муқаррар ўтказилиши бўйича мажбурият;
- лойиҳани тугатиш кафолати лойиҳани амалга оширишни рад этмаган ҳолда ҳомий(таъминотчи)лар мажбуриятини ҳам ўз ичига олади;
- лойиҳани амалга ошириш билан шуғулланувчи барча фирмаларнинг гаров таъминотлари. Банк гаров таъминот шартлари тўғрисида ҳомий ва фирма ўртасидаги шартномани сўраши мумкин;
- лойиҳани амалга оширувчи фирма ёки ҳомий-таъминотчининг маълум бир суммадаги банк кредиторга қўйган депозити қўшимча гаров таъминот бўлиши мумкин.

Олтинчидан, кредитланадиган обьектдан фойдаланилаётганда пайдо бўлган рискни банк ўз зиммасига олади. Кредитни тўлиқ сўндириш муддатигача бўлган даврда тижорат рискидан ўзини суғурталаган ҳолда банк фирмаларни истеъмол маҳсулотлари билан шартномалар тузишини талаб қиласи. Банк юқори рискни юқори маржа орқали қоплайди.

Еттингчидан, лойиҳаларни молиялаштириш бўйича молиявий монтаж операцияларида кредит линияларининг мос қисмлари (траншлари) доирасида фоиз ставкалар билан бир қаторда кредитларни тақдим этишнинг турли шартшароитлари кўриб чиқилади. Лойиҳаларни амалга оширишда хусусий ва қарз маблағларининг ўзаро нисбати тармоқларга боғлиқ равишда турлича (одатда 20:80, 30:70; меҳмонхона бизнесида 40:60 эса нисбатда) бўлади.

Саккизинчидан, кредитлаш обьектини баҳолашда банк асосий қарзга ва кредит фоизига кутилаётган (харажатлар ҳисобдан чиқарилган) соф тушумлар нисбатини таҳлил қиласи. Ушбу таъминлаш коэффиценти одатда 1,3 дан, баъзан тармоқ хусусияти (масалан химия-нефт тармоғида 2 дан) ва риск даражасига қараб 1,8 дан кам бўлмаслиги лозим.

Тўққизинчидан, кредитни сўндириш босқичма-босқич, кетма-кет амалга оширилади. Унинг графиги лойиҳанинг фойдаланиш даврига боғлиқ бўлади.

Лойиҳаларни молиялаштиришдаги рискларни пасайтиришнинг ананавий усулларидан (масалан, уларни суғурталашдан) ташқари инвестицион лойиҳани амалга оширувчи иштирокчилар орасида уларни қайта тақсимлаш усули фойдаланилади. Турли рисклардан кўрилган заарларнинг бир қисми ёки тўлиқ суммаси давлат ёки давлат мулки иштирок этган экспорт кредитларини суғурталаш бўйича агентликлар, шунингдек Жаҳон банки таркибидаги Инвестицияларни кафолатловчи қўп томонлама агентлик (ИККА) каби халқаро ташкилотлар томонидан қоплаб берилиши мумкин.

Венчурли молиялаштириш. У юқори рискли лойиҳаларни молиялашириш учун маҳсус тузилган венчурли бизнес фондидан амалга оширилади. Бундай лойиҳалар янги маҳсулотлар ва технологияларни ишлаб чиқаришга мўлжалланган бўлиб, бу эса, ўз навбатида венчурли молиялаштириш тижорат (бозор) ва илмий-техник хусусият касб этувчи рискларга дучор бўлиши мумкинлиги билдиради.

Давлат лойиҳаларни молиялаштиришни рағбатлантириш учун лойиҳа маҳсулотларига (масалан электр энергияга) эгалик қилиш бўйича узок

муддатли шартномаларга бевосита ёки билвосита кафолатлар беріб құллаб-күвватлади, хұжалик фаолиятини амалга ошириш ҳуқуқи бўйича лойиҳа компаниясига концессияларни тақдим этди. ***Концессион шартномалар асосида лойиҳаларни молиялаштириши*** рискларни айниқса, сиёсий рискни камайтиради, битим иштирокчилариға умумий кафолатларни тақдим этади.

Лойиҳаларни молиялаштириш шаклидаги халқаро операцияларнинг географик тақсимоти хорижий инвестициялар бўйича мамлакат қонунчилигига, қарз олувчи мамлакатидаги инвестицион муҳитга ва лойиҳадаги рисклар суғуртасига боғлик. Жаҳонда лойиҳаларни молиялаштириш шаклида инвестицияларни жалб этишда ривожланаётган мамлакатлар етакчилик қиласи.

Риск даражаси юқори бўлган лойиҳаларни молиялаштиришида кредитор ўзининг асосий эътиборини лойиҳани амалга ошириш назоратига қаратади. Бу вазифани кредиторнинг ўзи ёки алоҳида таклиф этилган мұхандис (инжиниринг) компания (loyiҳa кузатувчisi) амалга оширади.

Лойиҳани амалга ошириш юзасидан назорат харажатлари инвестицион лойиҳа умумий ҳажмининг қарийб 5 фоизини ёки ундан ҳам кўпроқ қисмини ташкил этиши мумкин.

Халқаро молиявий ташкилотлар ва минтақавий ривожланиш банклари (ХТТБ, ХМК, ЕТТБ ва бошқалар) ҳам лойиҳаларни молиялаштириш билан шуғулланадилар. Халқаро косорциум (синдикат) банклари томонидан ролловер асосида бериладиган еврокредитлар лойиҳаларни молиялаштириш манбаси ҳисобланади⁵⁵. Халқаро синдикатлашган кредитларнинг қарийб 1/5 қисми лойиҳаларни молиялаштиришга тўғри келади.

Лойиҳаларни молиялаштиришида албатта ***йирик банк иштирок этиши*** лозим. Юқори мавқе, инвестицион лойиҳалар экспертизаси бўйича тажрибали мутахассисларга ва етарлича кредит маблағларига эга бўлган биринчи даражали тижорат банкларига лойиҳаларни кредитлаш бўйича аризалар кўп берилади. Инвестицион лойиҳани баҳолашда, кредит шартномасини ишлаб чиқишида ва кредитни беришда ташкилотчи-банк комиссион фойдага (мукофотга) эга бўлади.

1980-1990 йиллар оралиғида банк-ташкилотчининг қарздорга бўлган талабларини бошқа, яъни ***кредитни секьюритизациялаш*** усули (берилган кредит таъминоти асосида қимматли қофозларни чиқариш) орқали инвесторлар орасида жойлаштириш йўли амалиётда кенг кўлланилди. Инвестицион банклар ёрдамида траст-компаниялар инвесторлар орасида қимматли қофозларни жойлаштиради. Қарздордан қарзни сўндириш учун тушган маблағлар қимматли қофозларни қайта сотиб олиш фондига ўтказилади. Инвесторлар муддати тугаган қимматли қофозларни сўндириш учун топширадилар. Секьюритизацияни амалга ошириш бўйича назоратни траст-компания юритади.

⁵⁵ Ўрта ва узоқ муддатли ролловер кредитлар LIBOR ставкаси ўзгаришини ҳисобга олган ҳолда маълум бир даврий оралиқлар (1,3,6,12 ойлик) бўйича тақдим этилади. Банк-кредитор кредитнинг тўлиқ муддати давомида ёки лойиҳани амалга оширишнинг асосий босқичларида қатъий белгиланган маржа ёки мукофотни олади. Объектни инвестиациялаш босқичида юқори, фойдаланишга топширилгандан кейинги даврда эса кичик маржа ўрнатилган бўлиши мумкин.

Инвестицион лойиҳаларни амалга ошириш учун қимматли қофозлар эмиссияси орқали саноат корхоналарига маблағларни жалб этишда **инвестицион банклар** асосий роль ўйнайди. Инвестицион банк эмитент компания раҳбарияти билан биргаликда жалб этилиши лозим бўлган маблағлар суммасини, қимматли қофоз турини ва эмиссия тартибини, уларни жойлаштириш муддати ва усусларини аниқлайди. Эмитент компания ва инвестицион банк ўзаро андеррайтинг шартномаси (underwriting agreement)ни тузади. Натижада, инвестицион банк эмитентдан қимматли қофозларни сотиб олади ва бозордаги дилер ёки қимматли қофозларни жойлаштирувчи агент сифатида уларни инвесторларга сотади.

Банклар ўз актив портфелларини ликвид капитал билан таъминлашлари керак. Активларнинг рисклилик даражасига қараб кўпроқ капитални ушлаб туриш талаб қилинади. Банкнинг молиявий танглиқдан сақлаш мақсадида Хақаро ҳисоб китоблар банки (BIS) банкларнинг капитализация даражаси бўйича халқаро қоидаларни белгилайди⁵⁶.

Ривожланаётган мамлакатларда лойиҳаларни молиялаштириш одатда давлат билан тузиладиган концессия шартномаларига асосланади.

Лойиҳаларни молиялаштириш бўйича молиявий маслаҳат берииш банк фаолиятининг янги шаклига айланди. Маслаҳатчи банклар қуйидаги хизматларни кўрсатишиди:

- инвестицион лойиҳаларни баҳолаш, танлаш ва қидириш;
- лойиҳанинг техник-иқтисодий ҳужжатларини тайёрлаш;
- лойиҳани молиялаштириш тартибини ишлаб чиқиш, банк, фонд ва бошқа институтлар билан лойиҳаларни молиялаштиришга иштироки юзасидан дастлабки музокараларни олиб бориш;
- лойиҳа бўйича ҳужжатлар пакетини тайёрлаш (товар ва хизматларни сотиши бўйича дастлабки келишув ҳам хисобга олинади);
- консорциум (синдикат)ни тузиш тўғрисидаги шартнома, кредит шартномаси ва бошқалар бўйича музокаралар ўтказишга ва уларни имзолатишга ёрдам бериш;

Лойиҳаларни молиялаштириш амалиёти мамлакатимизда ривожланиб бормоқда. Ўзбекистонда лойиҳаларни молиялаштиришнинг алоҳида элементлари асосан халқаро молия институтлари ва минтақавий банклар (ХТТБ, ОТБ, ИТБ ва бошқалар) операцияларида намоён бўлади. Лойиҳаларни молиялаштириш фаолияти билан шуғулланувчи Республикализнинг йирик тижорат банкларида мазкур фаолият билан шуғулланувчи бўлим ва бошқармалар ташкил этилган, лойиҳаларни таҳлил қилиш бўйича мутахассисларнинг малакалари доимий равишда ошириб борилади, инвестицион лойиҳалар портфели, шу жумладан молиявий воситачи сифатида халқаро молиявий институтлар операцияларига иштирок этган ҳолда шакллантирилган. Банклар узоқ муддатли кредитларни беришда дастлаб ўз ўтиборларини юқори ликвидли гаров таъминотига қаратишади. Шунингдек,

⁵⁶ Michael Melvin and Stefan C. Norrbom. International money and finance. 8th edition. Elsevier Inc. 2013 P. 213

улар молиялаштиришга тақдим этилаётган лойиҳани илгор хориж тажрибалари орқали ҳар томонлама чуқур экспертизадан ўтказадилар.

4.6. Халқаро кредитнинг валюта-молиявий ва тўлов шартлари.

Кредит ва тўлов валютаси, кредит суммаси, муддати, фойдаланиш ҳамда сўндирилиш шартлари, қиймати, таъминот тури, хавф-хатарларини суғурталаш усуллари халқаро кредитнинг шартларида кўриб чиқилади.

Кредит ва тўлов валютаси. Халқаро кредит муносабатларида кредит берилаётган валюта катта аҳамиятга эга бўлиб, бу ҳолат инфляция ва валютанинг барқарорлик даражасига узвий боғлиқ.

Кредит валютасини белгилашда қўйидаги омиллар эътиборга олинади:

- валюта барқарорлиги;
- фоиз ставкасининг даражаси;
- халқаро ҳисоб-китоблар шакллари;
- инфляциянинг даражаси;
- валютанинг курси ва унинг динамикаси.

Кредит берилаётган валюта ва тўлов валютаси бир-биридан фарқ қилиши мумкин. Халқаро кредитларда миллий валюта (қарз олувчининг ёки берувчининг миллий валютаси), эркин айирбошланадиган валюта (АҚШ доллари, Япония йенаси, Буюк Британия фунт стерлинги, евро ва ҳ.к.) ва халқаро пул бирликларидан (СДР) фойдаланилади.

Тўлов валютаси кредит валютаси билан бир турда бўлмаслиги мумкин. Масалан, кредитор валютасида тақдим этилган “юмшок” қарзлар қарз олувчининг миллий валютасида ёки ушбу мамлакатнинг анъанавий экспорт товарлари билан сўндирилади.

Кредитнинг суммаси (лимити) қарз олувчига товар ёки пул шаклида тақдим этилган ссуда капиталининг бир қисмидир. Фирма кредитининг суммаси тижорат шартномасида қатъий белгиланади. Банк кредитининг суммаси (кредит линияси) кредит битими ёки (одатда қисқа муддатли кредит операциясида) турли алоқа воситалари орқали белгиланади. Шартлари бўйича ўзаро фарқланувчи бир ёки бир нечта транш (улуш)лар кўринишида ҳам халқаро кредитдар тақдим этилиши мумкин. Халқаро амалиётда экспорт қилинаётган машина ва асбоб-ускуналар қийматининг одатда, қарийб 85 фоизи кредит орқали қопланади. Қолган қисми эса импортёрнинг экспортёрга берган кафолати, бўнак ёки нақд тўловлар орқали амалга оширилади.

Халқаро кредитнинг муддати бир қанча омиллар таъсирида белгиланади. Уларга кредитнинг мақсади, кредитларга бўлган талаб ва таклифнинг ўзаро нисбати, битимнинг қиймати, миллий қонунчилик, кредитлаш амалиёти, давлатлараро келишув ва бошка омиллар киради.

Кредит муддати жаҳон бозорида рақобат курашининг мухим воситаси ҳисобланади. Кредитнинг самарадорлигини аниқлаш мақсадида тўлиқ ва ўрта муддатлар фарқланади. Тўлиқ муддат кредитдан фойдаланиш бошланишидан у тўлиқ сўндирилгунгача бўлган даврий оралиқни ўз ичига олади. Тўлиқ муддат(T_m) таркиби кредитдан фойдаланиш даври(Φ_d)дан, кредитнинг қоплаш


муддатини кейинга қолдиришни назарда тутувчи имтиёзли давр(I_d)дан ҳамда асосий ва фоиз бўйича қарзни қоплаш даври(K_d)дан ташкил топади ва у куйидагича аниқланади:

$$T_m = \Phi_d + I_d + K_d$$

Банк кредитидан фарқли равишда фирма кредитидан фойдаланиш даври товарларни шартнома бўйича етказиб бериш муддати билан мос келади.

Имтиёзли давр давлат томонидан кафолатланадиган узоқ муддатли халқаро банклараро кредитларда, консорциал(синдикат) еврокредитларда, машиналар, жиҳозлар, саноат комплексларини йирик партиялар билан (гурухларда) сотишда, инвестиция лойиҳаларини хорижда амалга оширилишида кенг қўлланилади. Бунда имтиёзли давр маҳсулот етказиб берилганидан ёки инвестицион лойиҳа қурилиши амалга оширилганидан кейинги бир неча йилларни қамраб олади.

Кредит баҳоси. Кредит баҳосининг келишилган (шартномавий) ва яширин элементлари фарқланади (2-расмга қаранг).



4.2-расм. Кредит баҳосининг элементлари

Келишилган яъни шартномалар билан асосланган кредит баҳоси харажатлари асосий ва қўшимча элементларга бўлинади. Кредит баҳосининг асосий элементларига қарздор томонидан кредиторга бевосита тўланадиган суммалар, яъни фоиз тўловлари, гаровни расмийлаштириш лилан боғлиқ шунингдек, комиссиян ва қаржатлар киради. Қўшимча элементлар қарз олувчи томонидан учинчи шахсларга (масалан, кафолат учун) тўланадиган суммаларни ўз ичига олади.

Халқаро молиявий фаолият махаллий транзакциялардан фарқли ўлароқ рсклар билан боғлиқ ҳисобланади. Миллий гаров таъминотини олиб қўйиш

имконияти бўлмаганлиги туфайли халқаро суд органлари ҳам мавжуд эмас, чунки гаров таъминотини ўзи кўрсатилмаган.⁵⁷

Асосий фоизга устама равища (кредитнинг суммаси ва муддатига қўра) маҳсус ва якка тартибда (кредитнинг суммаси ва муддатидан қатъий назар) банкнинг воситачилик ҳақи ундирилади. Ўрта ва узоқ муддатли кредитлар бўйича эса ссудани тақдим этиш мажбурияти ҳамда маблағлар заҳираси (одатда 0,2–0,75%) учун воситачилик ҳақлари ундирилади. Банк консорциуми ёки синдикати томонидан кредит операцияларини амалга ошириша қарз оловчи менежер-банкка бошқарув хизматлари учун (кредит суммасининг 0,5%гача) якка тартибдаги воситачилик ҳақини, телефон алоқаси хизматини ҳамда кўшма молиялаштиришга иштироклари учун бошқа банкларга (0,2-0,5%) ҳам белгиланган меъёрда ҳақ тўлайди. Воситачилик ҳақларининг қуйидаги турлари фарқланади:

- музокаралар учун воситачилик ҳақи (negotiation fee);
- бошқарув учун воситачилик ҳақи (management fee);
- иштирок учун воситачилик ҳақи (participation fee);
- агентлик учун воситачилик ҳақи (agency fee);
- зарур бўлган маблағлар (маблағларни заҳираланганини учун кредитор мукофоти)ни қарз оловчи ихтиёрига тақдим этиш мажбурияти (яъни маблағлар заҳираси) учун воситачилик ҳақи. Кредит шартномасини тузиш санасидан бошлаб, кредит суммасидан тўлиқ фойдаланилгунча тўланади (commitement fee).

Халқаро кредит мамлакатлар ички кредитидан фарқли равища ривожланиб, халқаро кредитнинг “баҳоси” етакчи кредитор давлатлар, биринчи навбатда АҚШ, Япония, Германиянинг фоиз ставкаларига асосланади. Бироқ суда фоизига таъсир кўрсатувчи омиллар турли-туманлиги сабабли миллий ставкалар даражалари орасида фарқ пайдо бўлади.

Қисқа муддата рўй берадиган катта миқдордаги капитал оқими инвестиция оловчи мамлакат валютасининг қадрини ошишига олиб келади.⁵⁸

XX асрнинг 70-йилларида қатъий белгиланган фоиз ставкалари билан бир қаторда бозордаги пулга бўлган талаб ва таклифга мувофиқ ўзгариб турувчи эркин сузувчи фоиз ставкалар пайдо бўлди. Эркин сузувчи фоиз ставка асосида тақдим этиладиган кредит муддатининг бир қисми (одатда 3-6 ой) мобайнида фоиз ставкаси қатъий, ўзгармас қилиб белгиланса, мазкур давр *фоиз даври* деб юритилади.

Фоиз ставка даражасини белгиловчи асосий омиллар таркибига қуйидагиларни киритиш мумкин:

- қарз оловчи мамлакатидаги валюта-молиявий, иқтисодий ва сиёсий ҳолат;
- рискларнинг хусусиятлари;

⁵⁷ Michael Melvin and Stefan C. Norrbom. International money and finance. 8th edition. Elsevier Inc. 2013 P. 216

⁵⁸ Michael Melvin and Stefan C. Norrbom. International money and finance. 8th edition. Elsevier Inc. 2013 P. 204

- кредит манбалари;
- кредит баҳосини тартибга солиш тўғрисидаги халқаро келишувлар;
- фоиз ставкасининг тури (сузувчи, қатъий белгиланган, аралаш);
- рақобатдош бўлган таклифларнинг мавжудлиги;
- кредитнинг муддати;
- инфляция суръати;
- кредитнинг тижорат операциялари билан боғлиқ ёки боғлиқ эмаслиги;
- жаҳон ва миллий ссуда капиталлари бозорларининг ҳолати;
- қарз олувчи ва кредиторнинг тижорат мавқеи ва молиявий ҳолати;
- кредит таъминотининг сифати;
- кредит бўйича суғурта қопламаси (кафолат)нинг мавжудлиги;
- кредитдан келишилган муддатда фойдаланиш бўйича қарз олувчининг қатъий мажбуриятларини мавжудлиги;
- тижорат битимиға нисбатан кредит шартномасиинг тузилиш вақти;
- шартноманинг суммаси;
- кредит ва тўлов валютаси;
- валюта курсининг динамикаси ва бошқалар.

Ҳақиқий (real) фоиз ставкаси. Маълум бир даврдаги номинал фоиз ставкасидан инфляция суръати ҳисобдан чиқарилса, ёки айириб ташланса ҳақиқий (реал) фоиз ставкаси пайдо бўлади. Агарда пулларнинг қадрсизланиш даражаси номинал ставка ҳажмидан юқори бўлса, унда ҳақиқий (реал) фоиз ставкаси манфий ифодага эга бўлади. Миллий фоиз ставкалар даражаларининг тенглашиши нафақат мамлакатлар ўртасидаги қисқа муддатли капиталлар харакати оқибатида, балки валюта курслари динамикасига боғлиқ ҳолда ҳам юзага келади.

Амалиётда еврокредитлар бўйича халқаро фоиз ставкалари фойдаланилади. Одатда Лондондаги ЛИБОР омонатлар фоиз ставкасидан 1/8 пунктга юқори ва якуний қарз олувчига тақдим этиладиган кредит фоиз ставкасидан 1/2 пунктга паст бўлади. Жаҳоннинг бошқа молиявий марказларида ҳам ЛИБОРга ўхшаш фоиз ставкалари кўлланилади, яъни Токиода – ТИБОР, Франкфурт-Майнада – ФИБОР, Парижда – ПИБОР, Ўзбекистонда – ЎЗИБОР ва бошқалар.

Кредит баҳосининг яширин элементларига кредит олиш ва ундан фойдаланиш билан боғлиқ кредит битимида қайд этилмаган харажатлар киради. Кредит баҳосининг айрим элементларини (аҳамияти катта бўлса ҳам) пул билан ўлчашнинг иложи йўқ. Масалан, уларга хорижий фирма ёки қарз олувчи мамлакат устидан назоратни ўрнатиш билан боғлиқ харажатлар киритиш мумкин.

Халқаро кредитнинг муҳим тамойилларидан бири бўлиб унинг **таъминоти** ҳисобланади. Халқаро кредит таъминотнинг асосий турларига қўйидагилар киради:

- мақсадли жамғарма ҳисобвароқларнинг очилиши;
- активлар гарови;

-шарнома бўйича ҳуқуқларни кредит бўйича кафолатчи-учинчи шахс ваколатига ўтказиш шартлари ва бошқалар.

Халқаро кредитларнинг таъминот турларини иккига ажратиш мумкин, яъни молиявий-товар таъминот ва юридик (ҳуқуқий) таъминот. **Халқаро кредитларнинг молиявий-товар таъминоти** қўйидагиларда ўз аксини топади:

- қарз олувчи таъсисчиси (юқори ташкилоти)нинг кредит тўлови бўйича кафолат бериши;

- мижознинг товар-моддий қимматликлари, ҳисобвароғидаги маблағлари ва бошқа активлари (шу жумладан банк кредити орқали тўлаб эгалик қилинган активлар) гарови;

- мижозга тақдим этилган кредитни сотувчининг банки томонидан 100 фоиз қайта молиялаштириш;

- қарз олувчининг миллий валюта ҳисобрақамини блокировка қилиш ва ундаги маблағларни хорижий валютага сотиш орқали тушган маблағлардан кредитни сўндиришга фойдаланиш хукуқини банкка тақдим этиш. Шунингдек, банк томонидан мижозга берилган кафолатни таъминлаш ва тўловларни амалга ошириш учун мижоз ўз банкига ҳисобвароғини блокировка қилиш хукуқини тақдим этиши. Бу эса таъсисчиларнинг валюта тушумларида экспортдан олинган даромадларни камайтириш орқали кўрсатилади;

- ҳукумат ёки унинг ваколатли органини тўлов бўйича кафолати;

Кредитнинг юридик таъминоти эса кўйидагиларда намоён бўлади:

- ҳуқуқшуноснинг хулосаси;

- кредитор-банк қарздорни мажбурий сұғурталатиши;

- экспорт ва импорт лицензиялари (квоталари), кредитни жалб (тақдим) этишга лицензия, хорижда ҳисобварақ очишга лицензия;

- “хатти-ҳаракатларга тегишли хулқ-атвор”, сиёсий хатарлар ва бошқаларни қоплаш кафолати;

- қарз олувчини мажбурий тўловлардан вақтинчалик (кредитни сўндириш бошлангунча) озод этиш (валюта тушумларининг бир қисмини ўзида сақлаб қолиш), солиқ ва бошқа имтиёзлар бериш.

Шундай қилиб, халқаро кредитнинг валюта-молиявий шартлари иқтисодиёт, жаҳон ва миллий ссуда капиталлари бозорларининг ҳолатига бевосита боғлиқдир.

Назорат саволлари

1. Халқаро кредит нима?
2. Халқаро кредитнинг қандай тамойилларини биласиз?
3. Халқаро кредит иқтисодиётда қандай функцияларни бажаради?
4. Кредит дискриминацияси деганда нимани тушунасиз?
5. Халқаро кредитнинг қандай шаклларини биласиз, улар тўғрисида алохида-алохида гапириб беринг?
6. Халқаро кредитларнинг факторинг ва форфейтинг шаклларини амалга ошириш механизмини, уларнинг бир-биридан фарқли жиҳатларини айтиб беринг?

7. Ташқи иқтисодий фаолиятни узок муддатли молиялаштиришнинг қандай усулларини биласиз?
8. Инвестиция лойиҳаларини молиялаштириш қандай тамойиллар асосида амалга оширилади?
9. Лизинг нима ва унинг қандай шакллари мавжуд?
10. Халқаро кредитнинг қандай валюта-молиявий шартлари бор?

Фойдаланилган адабиётлар

1. Мирзиёев Ш.М. Танқидий таҳлил, қатъий тартиб-интизом ва шахсий жавобгарлик – ҳар бир раҳбар фаолиятининг кундалик қоидаси бўлиши керак. Ўзбекистон Республикаси Вазирлар Маҳкамасининг 2016 йил якунлари ва 2017 йил истиқболларига бағишлиланган мажлисидаги Ўзбекистон Республикаси Президентининг нутқи. // Халқ сўзи газетаси. 2017 йил 16 январь, №11.
2. Мирзиёев Ш.М. Эркин ва фаровон, демократик ўзбекистон давлатини биргаликда барпо этамиз. – Тошкент : Ўзбекистон, 2016. - 56 б.
3. Мирзиёев Ш.М. Қонун устуворлиги ва инсон манфаатларини таъминлаш – юрт тараққиёти ва халқ фаровонлигининг гарови. – Тошкент: “Ўзбекистон”, 2017. – 48 б
4. Мирзиёев Ш.М. Буюк қелажагимизни мард ва олижаноб халқимиз билан бирга қурамиз. – Тошкент: : “Ўзбекистон”, 2017. – 488 б.
5. International money and finance / by Michael Melvin and Stefan Norrbin. – 8th ed. 2013 Elsevier Inc. 316 pp.
6. Bird, G., Hussain, M., Joyce, J.P., 2004. Many Happy Returns? Recidivism and the IMF. J. Int. Money Finance.
7. BlackRock Investment Institute, “Introducing the BlackRock Sovereign Risk Index: A More Comprehensive View of Credit Quality,” June 2011.
8. Bullard, J., Neely, C.J., Wheelock, D.C., 2009. Systemic Risk and the Financial Crisis: A Primer. Fed. Reserve Bank of St. Louis Rev. September/October, 403-418, Part 1.
9. Brealey, R.A., Kaplanis, E., 2004. The Impact of IMF Programs on Asset Values. J. Int. Money Financ.
10. DiMartino, D., Duca, J.V., 2007. The Rise and Fall of Subprime Mortgages. Fed. Reserve Bank of Dallas Econ. Lett. 2 (11).

IV. АМАЛИЙ МАШҒУЛОТ МАТЕРИАЛЛАРИ

1-амалий машғулот: Халқаро валюта бозори

СЕМИНАР-АМАЛИЙ МАШҒУЛОТИ УЧУН РЕЖА-ТОПШИРИҚ

❖ Мұхокама учун саволлар

1. Халқаро валюта бозори савдоси ва географияси.
2. Валюта курслари ва унга таъсир этувчи омиллар.
3. Қисқа муддатли валюта курсларининг ўзгариши.
4. Узок муддатли валюта курсларининг ўзгариши.
5. Халқаро савдо билан боғлиқ валюта курси индекслари.

Ишдан мақсад: ўтилган “Халқаро валюта бозори” мавзуси бўйича тингловчиларнинг билимини мустаҳкамлаш ва баҳолашдан иборат.

Масаланинг қўйилиши: Амалий машғулотда тингловчилар билими режадаги саволларни мұхокама қилиш орқали мавзуни ўзлаштириш даражасига қараб баҳоланади. Шунингдек, машғулот давомида қуидаги саволга хар бир тингловчининг жавоби олинади.

Ишни бажариш учун намуна

Тарқатма савол:

Валюта курси ўзгаришини бошқа иқтисодий жараёнларга қандай таъсир кўрсатишини аниқланг.

Иқтисодий жараёнлар		Мамлакатга хорижий инвестициялар оқими	Мамлакат экспорт ҳажми	Мамлакат импорт ҳажми
Валюта курси	ошди пасайди			
Иқтисодий жараёнлар	Чет эл валютасидаги кредит	Давлат валюта заҳираси ҳажми	Хорижий валютадаги жамғарма ҳажми	
Валюта курси	ошди пасайди			

Гурӯхларга бўлинниб ишлаш:

Форекс валюта савдоси тизимининг SWOT таҳлили тингловчиларни гурӯхларга бўлган ҳолда амалга оширилади.

S	Форекс валюта савдоси тизимининг кучли томонлари	Дастурларнинг истеъмолчилар талабидан келиб чиқиб ишлаб чиқилгандиги ва фойдаланувчилар сонининг кўплиги...
---	--	---

W	Форекс валюта савдоси тизимининг кучсиз томонлари	Мамлакатлардаги айрим банклари ва кредит ташкилотларининг тизимга қўшилмаганлиги, тизимни юқори тезликдаги интернет орқали самарали ишлаши...
O	Форекс валюта савдоси тизимининг имкониятлари (ички)	Кичик сумма билан катта ҳажмли валюта операциялари амалга ошириш мумкин, фойда ва заарларни автоматик тарзда ҳисоблаб кўрсатиб бориши ...
T	Тўсиқлар (ташқи)	Форекс бозоридаги рискнинг юқорилги ҳисобига чекловларнинг кўплиги...

Назорат саволлари

1. Валюта курсининг моҳиятини ва унинг турларини айтиб беринг?
2. Валюта курсининг қайдай котировкаларини биласиз?
3. Валюталарнинг харид қобилияти паритети нимани англатади?
4. Валюта курсига қандай асосий омиллар таъсир этади.
5. Валюталарнинг конвертация нима ва уқандай шаклларда амалга оширилади. Валюта курсларини прогнозлаш (башоратлаш)нинг қандай йўлларини биласиз?
6. Валюта бозори нима ва унинг функционал ва институционал нуқтаи назардан қандай турларга ажратиш мумкин.
7. Мамлакатимизда миллий валютанинг чет эл валютасига нисбатан курси қандай белгиланади?
8. Валюта курси режими нима ва унинг хвф томонидан қайд этилган қандай турлари бор?
9. Валюта сиёсати нима, унинг қандай турлари ва шакллари бор?
10. Мамлакат валюта сиёсатини олиб бориш бўйича қандай иқтисодий назарияларни биласиз?

Фойдаланилган адабиётлар

1. Ўзбекистон Республикасининг “Валютани тартибга солиш тўғрисида”ги (11.12.2003 й.) Қонуни.
2. Ўзбекистон Республикасининг “Банклар ва банк фаолияти тўғрисида”ги (25.04.1996 й.) Қонуни.
3. Ўзбекистон Республикасининг “Ўзбекистон Республикасининг Марказий банки тўғрисида”ги (21.12.1995 й.) тўғрисидаги Қонуни.
4. Ўзбекистон Республикаси Президентининг 2013 йил 30 январда ПҚ-1914-сонли “Жисмоний шахсларга хорижий валютани сотиш тартибини янада либераллаштириш чора-тадбирлари тўғрисида”ги Қарори.
5. International money and finance / by Michael Melvin and Stefan Norrbom. – 8th ed. 2013 Elsevier Inc. 316 pp.
6. Bank for International Settlements, Triennial Central Bank Survey; Report on Global Foreign Exchange Market Activity in 2013, Basel, September, 2013.
7. Berger, D.W., Chaboud, A.P., Chernenko, S.V., Howorka, E., Wright, J., 2008. Order flow and exchange rate dynamics in electronic brokerage system data. J. Int. Econ. 75 (1), 93-109.

СЕМИНАР-АМАЛИЙ МАШҒУЛОТИ УЧУН РЕЖА-ТОПШИРИҚ

❖ Мұхқама учун саволлар

1. Хорижий валюта операцияларининг мазмуні.
2. Жорий валюта операциялари.
3. Капитал ҳаракати билан боғлиқ валюта операциялари.
4. Ўзбекистонда валюта операцияларини ривожлантириш.

Ишдан мақсад: ўтилган “Халқаро валюта бозори” мавзуси бўйича тингловчиларнинг билимини мустаҳкамлаш ва баҳолашдан иборат.

Масаланинг қўйилиши: Амалий машғулотда тингловчилар билими режадаги саволларни мұхқама қилиш орқали мавзуни ўзлаштириш даражасига қараб баҳоланади. Шунингдек, машғулот давомида қўйидаги саволга хар бир тингловчининг жавоби олинади.

Ишни бажариш учун намуна

Тарқатма савол:

Жаҳондаги форвард ва фьючерс валюта бозорининг хусусиятларини қўйидаги жадвал шакли асосида қиёсий таҳлил қилинг.

Таққослаш меъзони	Фьючерс валюта бозори	Форвард валюта бозори
Иштирокчилар		
....		

Гурухларга бўлинниб ишлаш:

Тингловчилар гурухларга бўлинниб «Хулосалаш» (Резюме, Веер) методи бўйича форекс савдо платформалари тўғрисида ўз хулосаларини берадилар.

Форекс савдо платформалари							
Libertex		MetaTrader4™		StartFX		Rumus	
Афзал-лиги	Камчи-лиги	Афзал-лиги	Камчи-лиги	Афзал-лиги	Камчи-лиги	Афзал-лиги	Камчи-лиги
Хулоса:							

Назорат саволлари

1. Спот операцияси қандай амалга оширилади?
2. Валюта позициясига лимитнинг ва валютавий чеклашларнинг яна қандай турларини биласиз?
3. Арбитраж операцияларининг моҳиятини айтиб беринг?
4. Муддатли битимлар билан боғлиқ қандай операцияларни биласиз?

5. Ўзбекистонда валюта операцияларини қандай тартибда амалга оширилади?
6. Жорий халқаро операциялар, шунингдек савдо билан боғлиқ бўлмаган пул жўнатмалари турларини айтиб беринг?
7. Капитал ҳаракати билан боғлиқ валюта операциялари амалга ошириш тартибини айтиб беринг?
8. Ўзбекистон Республикаси марказий банки валютани тартибга солиш доирасида қандай вазифаларни бажаради?
9. Чет эл валютасида операцияларни амалга ошириш учун лицензияга эга бўлган ваколатли банклар қандай валюта операцияларини амалга ошириши мумкин?
10. Ўзбекистон Республикаси ҳудудида чет эл валютасини сотиб олиш ва сотиши тартиби қайдай амалга оширилади?
11. Мамлакатимиз ҳудудида қандай ҳисоб-китоблар ва тўловлар чет эл валютасида амалга оширилиши мумкин?
12. Ўзбекистон Республикасида валютани назорат қилувчи органларни айтиб беринг?
13. Республика валюта биржаси тўғрисида нималарни биласиз?

Фойдаланилган адабиётлар

1. Ўзбекистон Республикасининг “Валютани тартибга солиш тўғрисида”ги (11.12.2003 й.) Конуни.
2. Ўзбекистон Республикасининг “Банклар ва банк фаолияти тўғрисида”ги (25.04.1996 й.) Конуни.
3. Ўзбекистон Республикасининг “Ўзбекистон Республикасининг Марказий банки тўғрисида”ги (21.12.1995 й.) тўғрисидаги Конуни.
4. Ўзбекистон Республикаси Президентининг 2013 йил 30 январда ПҚ-1914-сонли “Жисмоний шахсларга хорижий валютани сотиши тартибини янада либераллаштириш чора-тадбирлари тўғрисида”ги Қарори.
5. The Foreign Exchange Market in the United States, Federal Reserve Bank of New York, <http://www.newyorkfed.org/education/addpub/usfxm/>
6. Leeson, Nick, 2011. www.nickleeson.com.
7. Lyons, R.K., 1995. Tests of microstructural hypotheses in the foreign exchange market. J. Financ. Econ. 39, 321-351.

СЕМИНАР-АМАЛИЙ МАШҒУЛОТИ УЧУН РЕЖА-ТОПШИРИҚ

❖ Мұхокама учун саволлар

1. Миллий ва жаҳон валюта тизими.
2. Жаҳон валюта тизимининг ривожланиш босқичлари.
3. Ҳозирги жаҳон валюта тизими хусусиятлари ва муаммолари

Ишдан мақсад: ўтилган “Жаҳон валюта тизими” мавзуси бўйича тингловчиларнинг билимини мустаҳкамлаш ва баҳолашдан иборат.

Масаланинг қўйилиши: Амалий машғулотда тингловчилар билими режадаги саволларни мұхокама қилиш орқали мавзуни ўзлаштириш даражасига қараб баҳоланади. “ФСМУ” методи асосида амалий машғулот давом эттирилади.

Ишни бажариш учун намуна

“ФСМУ” методи асосида амалий машғулот давом эттирилади. “ФСМУ” усулни қўллаш учун қўйидаги фикрлар тингловчилар эътиборига етказилади. Тингловчилар гуруҳларга бўлинниб ўз жавобларини берадилар.

1. Фикр: “АҚШ доллари - халқаро валюталардан бири”.
2. Фикр: “АҚШ доллари олтин билан таъминланган”
3. Фикр: “Триффен парадокси”
4. Фикр: “Валюталар девальвацияси кураши даром этмоқда”
5. Фикр: “Жаҳон валюта тизими инқирозларига 1 ва 2 Жаҳон урушларлари сабабчи”

Топшириқ: Мазкур фикрларга нисбатан муносабатингизни ФСМУ орқали таҳлил қилинг.

Назорат саволлари

1. Валюта тизимининг қандай турлари мавжуд?
2. Жаҳон валюта тизими қандай функцияларни бажаради?
3. Миллий ва жаҳон валюта тизимининг элементларини изоҳланг?
4. Жаҳон валюта тизимининг асосий мақсадлари нималардан иборат?
5. Жаҳон валюта тизими ривожланишига таъсир кўрсатган омилларни изоҳланг?
6. Олтин андозаси тизими қандай шаклларда юзага келди?
7. Париж валюта тизими қандай тамойилларга асосланган эди?
8. Генуя валюта тизимининг моҳиятини изоҳланг?
9. Бреттон-вудс валюта тизимига хос бўлган хусусиятлар нималардан иборат?
10. Ямайка валюта тизимининг асосий жиҳатларини изоҳланг?

Фойдаланилган адабиётлар

1. International money and finance / by Michael Melvin and Stefan Norrbin. – 8th ed. 2013 Elsevier Inc. 316 pp.
2. Alesina, A., Barro, R.J., 2001. Currency Unions. Hoover Institution Press, Stanford.
3. Bordo, M.D., 1982. The Classical Gold Standard: Lessons from the Past. In: Connolly, M. B. (Ed.), Int. Monet. Syst.: Choices for the Future. Praeger, New York.
4. Dowd, K., Greenaway, D., 1993. Currency competition, network externalities and switching costs: towards an alternative view of optimum currency areas. Econ. J. September.
5. Edison, H.J., Melvin, M., 1990. The Determinants and Implications of the Choice of an Exchange Rate System. In: Haraf, W.S., Willett, T.D. (Eds.), Monet. Policy for a Volatile Glob. Econ.. The AEI Press, Washington, D.C.
6. Edwards, S., Magendzo, I., 2006. Strict dollarization and economic performance: an empirical investigation. J. of Money, Credit and Bank. 38 (1), 269-282.
7. Edwards, S., Yeyati, E.L., 2005. Flexible exchange rates as shock absorbers. Eur. Econ. Rev. 49 (8), 2079-2105.
8. Hartmann, P., Manna, M., Manzanares, A., 2001. The microstructure of the euro money market. J. Int. Money and Finance.

4-амалий машғулот: Жаҳон валюта тизими

СЕМИНАР-АМАЛИЙ МАШҒУЛОТИ УЧУН РЕЖА-ТОПШИРИҚ

❖ Мұхокама учун саволлар

1. Европа валюта тизими.
2. Европа валюта тизимининг ривожланиши босқичлари.
3. Халқаро молия муносабатларида олтиннинг тутган ўрни.

Ишдан мақсад: ўтилган “Жаҳон валюта тизими” мавзуси бўйича тингловчиларнинг билимини мустаҳкамлаш ва баҳолашдан иборат.

Масаланинг қўйилиши: Амалий машғулотда тингловчилар билими режадаги саволларни мұхокама қилиш орқали мавзуни ўзлаштириш даражасига қараб баҳоланади. Венн Диаграммаси методи асосида амалий машғулот давом эттирилади.

Ишни бажариш учун намуна

Венн Диаграммаси усулини қўллаш учун қўйидаги диаграмма тингловчилар эътиборига етказилади. Тингловчилар гурухларга бўлинib ўз жавобларини берадилар.

Милий, Европа ва жаҳон валюта тизимлари бўйича Венн Диаграммаси



Назорат саволлари

1. Европа валюта тизимининг ривожланиш босқичларини айтинг?
2. Еврозонадаги замонавий молиявий инқирозлар ва уларни бартараф этиш борасидаги иқтисодий ислоҳотлар.

3. Олтин андозаси тизими қандай шаклларда юзага келди ва унинг аҳамияти ҳозирда қандай?
4. Таъминланмаган ҳалқаро захира валюталар ва долларлашув муаммоси?
5. Мамлакатнинг хақаро молиявий тўловга қобиллигини ҳал этиш масалалари тўғрисида нималарни биласиз?

Фойдаланилган адабиётлар

1. Мирзиёев Ш.М. Танқидий таҳлил, қатъий тартиб-интизом ва шахсий жавобгарлик – ҳар бир раҳбар фаолиятининг кундалик қоидаси бўлиши керак. Ўзбекистон Республикаси Вазирлар Маҳкамасининг 2016 йил якунлари ва 2017 йил истиқболларига бағишлиланган мажлисидаги Ўзбекистон Республикаси Президентининг нутқи. // Халқ сўзи газетаси. 2017 йил 16 январь, №11.
2. Мирзиёев Ш.М. Эркин ва фаровон, демократик ўзбекистон давлатини биргаликда барпо этамиз. – Тошкент : Ўзбекистон, 2016. - 56 б.
3. Мирзиёев Ш.М. Қонун устуворлиги ва инсон манфаатларини таъминлаш – юрт тараққиёти ва халқ фаровонлигининг гарови. – Тошкент: “Ўзбекистон”, 2017. – 48 б
4. Мирзиёев Ш.М. Буюк келажагимизни мард ва олижаноб ҳалқимиз билан бирга қурамиз. – Тошкент: : “Ўзбекистон”, 2017. – 488 б.
5. International money and finance / by Michael Melvin and Stefan Norrbin. – 8th ed. 2013 Elsevier Inc. 316 pp.
6. Hau, H., Killeen, W.P., Moore, M., 2002. The euro as an international currency: explaining puzzling first evidence from the foreign exchange markets. J. Int. Money and Finance.
7. Levin, J.H., 2002. A Guide to the Euro. Houghton Mifflin, Boston.
8. Masson, P.R., Taylor, M.P., 1993. Policy Issu. in the Oper. of Currency Unions. Cambridge University Press, Cambridge.
9. McKinnon, R.I., 1963. Optimum currency areas. Am. Econ. Rev. September.
10. Mundell, R.A., 1961. A theory of optimum currency areas. Am. Econ. Rev. vol. 51 (No. 4), 657-665.
11. Pollard, P., 2001. The creation of the euro and the role of the dollar in international markets. Fed. Rev. of St. Louis Rev. vol. 83 (No. 5), 17-36.
12. Savvides, A., 1990. Real exchange rate variability and the choice of exchange rate regime by developing countries. J. Int. Money and Finance.

СЕМИНАР-АМАЛИЙ МАШҒУЛОТИ УЧУН РЕЖА-ТОПШИРИҚ

❖ Мұхқама учун саволлар

1. Евровалюталар бозори.
2. Еврокредит бозори.
3. Евровалютадаги қимматли қоғозлар бозори
4. Еврооблигациялар.

Ишдан мақсад: ўтилган “Евромолия бозори” мавзуси бүйича тингловчиларнинг билимини мустаҳкамлаш ва баҳолашдан иборат.

Масаланинг қўйилиши: Амалий машғулотда тингловчилар билими режадаги саволларни мұхқама қилиш орқали мавзуни ўзлаштириш даражасига қараб баҳоланади. Тушунчалар таҳлили методи асосида амалий машғулот давом эттирилади.

Ишни бажариш учун намуна

Тушунчалар таҳлили усулни қўллаш учун қўйидаги тушунчалар жадвали тингловчилар эътиборига етказилади. Тингловчилар гурухларга бўлинib ўз жавобларини берадилар.

“Евромолия бозори” мавзусидаги таянч тушунчалар таҳлили”

Тушунчалар	Сизнингча бу тушунча қандай маънони англатади?	Қўшимча маълумот
жаҳон ссуда капиталлар бозори		
пул бозори		
капитал бозори		
евровалюта		
евродоллар		
еврокредит		
ЛИБОР		
стенд-бай еврокредит		
ролловер еврокредит		
чет эл облигациялари		
еврооблигация		
евроакция		
евротижорат векселлари		
евронота		

ягона европа фонд бозори		
андеррайтер		
синдикат банк		
инвестицион банк		

Изоҳ: Иккинчи устунчага қатнашчилар томонидан фикр билдирилади.

Назорат саволлари

1. Евробозор ривожланишининг жаҳон иқтисодиёти учун аҳамияти?
2. Евровалюта нима ва у қандай пайдо бўлади?
3. Ҳозирги кундаги евродоллар бозори аввалги евродоллар бозоридан нималари билан фарқ қиласи?
4. Евровалюта бозори қандай омиллар таъсирида ривожланган?
5. Евробозорнинг худудий ва миллий бозорлардан ажратиб турувчи ўзига хос хусусиятларини айтиб беринг?
6. Еврокредит бозорига хос хусусиятларни айтиб беринг?
7. Евродепозитлар тўғрисида нима биласиз?
8. Евроқимматли қоғозларнинг қандай турларини биласиз?
9. Ягона европа фонд бозори шаклланишида асосий роль ўйнаган қандай тамойилларни биласиз?
10. Ҳозирда жаҳон фонд бозорлари инфратузулмасида қандай асосий ўзгаришлар содир бўлмоқда?
11. Еврооблигациялар муомаласининг ривожланиши тарихи тўғрисида гапириб беринг?
12. Еврооблигациялар эмитентлари кимлар, уларга хос хусусиятлар ва кўйиладиган талаблар ҳақида нима биласиз?

Фойдаланилган адабиётлар

1. International money and finance / by Michael Melvin and Stefan Norrbin. – 8th ed. 2013 Elsevier Inc. 316 pp.
2. Apergis, N., 1997. Domestic and eurocurrency yields: any exchange rate link? evidence from a VAR model. J. Policy. Model. 19 (10), 41-49.
3. Bremnes, H., Gjerde, O., Saettem, F., 1997. A multivariate cointegration analysis of interest rates in the eurocurrency market. J. Int. Money and Financ. vol. 16 (5), 767-778.
4. Snider, C. and T. Youle, Does the LIBOR reflect the banks' borrowing costs? working paper, University of Minnesota, April 2, 2010.
5. Hsieh, N.C.T., Lin, A., Swanson, P.E., 1999. Global money market interrelationships. Int. Rev. Econ. Financ. 8, 71-85.
6. Key, S.J., 1983. International banking facilities. Fed. Rev. Bull. October, 565-576. MacKenzie, D., 2008. What's in a number? The importance of LIBOR. Real-world Econ. Rev.(47), 237-242.

СЕМИНАР-АМАЛИЙ МАШҒУЛОТИ УЧУН РЕЖА-ТОПШИРИҚ

❖ Мұхокама учун саволлар

1. Халқаро кредит ва унинг тамойиллари.
2. Халқаро кредит турлари.
3. Халқаро кредиттинг валюта-молиявий ва түлов шартлари.
4. Халқаро молия ташкилотлари билан ҳамкорлик.

Ишдан мақсад: ўтилган “Халқаро қарз ва кредит” мавзуси бўйича тингловчиларнинг билимини мустаҳкамлаш ва баҳолашдан иборат.

Масаланинг қўйилиши: Амалий машғулотда тингловчилар билими режадаги саволларни мұхокама қилиш орқали мавзуни ўзлаштириш даражасига қараб баҳоланади. “Блиц-ўйин” методи методи асосида амалий машғулот давом эттирилади.

Ишни бажариш учун намуна

“Блиц-ўйин” усулини қўллаш учун қўйидаги тушунчалар кетма-кетлиги тингловчилар эътиборига етказилади. Тингловчилар ўzlари якка ҳолда ва гурухларга бўлинib ўз жавобларини берадилар.

Халқаро амалиётда қўлланиладиган рисклилик даражаси кредитор учун энг кўп бўлган халқаро кредит шаклларини кетма-кет

жойлаштиринг. Бунда энг кўпи 1, навбатдагиси 2 ва х.к.

Ўзингизни текшириб кўринг!

Ҳаракатлар мазмуни	Якка баҳо	Якка хато	Тўғри жавоб	Гурух баҳоси	Гурух хатоси
фирманинг (тижорат) кредити					
векселли кредит					
очик ҳисобварақлар бўйича бериладиган кредит					
экспорт кредити					
истеъмол кредити					
молиявий кредит					
акцептли-рамбурсли кредит					
факторинг					
форфейтинг					
ташқи иқтисодий фаолиятни узоқ муддатли молиялаштириш					
кредитни секьюритизациялаш					

Шунингдек, тингловчиларни фаоллаштириш мақсадида мавзунинг қуидаги тушунчаларни мазмунини ёритиш учун кластер усулидан фойдаланилади.

- ✓ халқаро кредит тамойиллари
- ✓ халқаро кредит функциялари
- ✓ кредит дискриминацияси
- ✓ банк кредитлари
- ✓ ташқи иқтисодий фаолиятни узоқ муддатли молиялаштириш
- ✓ инвестиция лойиҳаларини молиялаштириш
- ✓ халқаро кредитнинг валюта-молиявий ва тўлов шартлари.

Назорат саволлари

1. Халқаро кредит нима?
2. Халқаро кредитнинг қандай тамойилларини биласиз?
3. Халқаро кредит иқтисодиётда қандай функцияларни бажаради?
4. Кредит дискриминацияси деганда нимани тушунасиз?
5. Халқаро кредитнинг қандай шаклларини биласиз, улар тўғрисида алоҳида-алоҳида гапириб беринг?
6. Халқаро кредитларнинг факторинг ва форфейting шаклларини амалга ошириш механизмини, уларнинг бир-биридан фарқли жиҳатларини айтиб беринг?
7. Ташқи иқтисодий фаолиятни узоқ муддатли молиялаштиришнинг қандай усулларини биласиз?
8. Инвестиция лойиҳаларини молиялаштириш қандай тамойиллар асосида амалга оширилади?
9. Халқаро кредитнинг қандай валюта-молиявий шартлари бор?

Фойдаланилган адабиётлар

1. International money and finance / by Michael Melvin and Stefan Norrbin. – 8th ed. 2013 Elsevier Inc. 316 pp.
2. Bird, G., Hussain, M., Joyce, J.P., 2004. Many Happy Returns? Recidivism and the IMF. J. Int. Money Finance.
3. BlackRock Investment Institute, “Introducing the BlackRock Sovereign Risk Index: A More Comprehensive View of Credit Quality,” June 2011.
4. Bullard, J., Neely, C.J., Wheelock, D.C., 2009. Systemic Risk and the Financial Crisis: A Primer. Fed. Reserve Bank of St. Louis Rev. September/October, 403-418, Part 1.
5. Brealey, R.A., Kaplanis, E., 2004. The Impact of IMF Programs on Asset Values. J. Int. Money Financ.
6. Schadler, S., A. Bennett, M. Carkovic, L. Dicks-Mireaux, M. Mecagni, J.H.J. Morsink, and M.A. Savastano, IMF Conditionality: Experience under Stand-By and Extended Arrangements, International Monetary Fund Occasional Paper 128, September 1995.

СЕМИНАР-АМАЛИЙ МАШҒУЛОТИ УЧУН РЕЖА-ТОПШИРИҚ

❖ Мұхокама учун саволлар

1. Халқаро капитал ҳаракати.
2. Халқаро ссуда капиталининг ҳаракат қилиш шакллари.
3. Ўзбекистонда чет эл инвесторларига бериладиган имтиёзлар.
4. Чет эл капиталини қимматли қоғозлар бозори орқали жалб этиш муаммоси.

Ишдан мақсад: ўтилган “Халқаро қарз ва кредит” мавзуси бўйича тингловчиларнинг билимини мустаҳкамлаш ва баҳолашдан иборат.

Масаланинг қўйилиши: Амалий машғулотда тингловчилар билими режадаги саволларни мұхокама қилиш орқали мавзуни ўзлаштириш даражасига қараб баҳоланади. Венн Диаграммаси методи асосида амалий машғулот давом эттирилади.

Ишни бажариш учун намуна

Венн Диаграммаси усулини қўллаш учун қўйидаги диаграмма тингловчилар эътиборига етказилади. Тингловчилар гурухларга бўлинib ўз жавобларини берадилар.

Милий, Европа ва жаҳон валюта тизимлари бўйича Венн Диаграммаси



Шунингдек, тингловчиларни фаоллаштириш мақсадида мавзунинг қўйидаги тушунчаларни мазмунини ёритиш учун кластер усулидан фойдаланилади.

- ✓ Ўзбекистонда чет эл инвесторларига бериладиган имтиёзлар
- ✓ Чет эл капиталини қимматли қоғозлар бозори орқали жалб этиш муаммолари ва уларни бартараф этишга қаратилган чоралар.

Назорат саволлари

1. Халқаро капитал ҳаракатининг қандай шаклларини биласиз?
2. Халқаро хусусий ва расмий капитал қандай шакллари миллий иқтисодиёт учун афзаллиги юқори?
3. Тўғридан-тўғри инвестициялар ҳаракатининг замонавий тенденциялари тўғрисида гапириб беринг?
4. Халқаро ссуда капиталининг ҳаракат қилиш шакллари қандай?
5. Ўзбекистонда чет эл инвесторларига бериладиган имтиёзлар тўғрисида айтиб беринг?.
6. Мамлакатимизда чет эл капиталини қимматли қоғозлар бозори орқали жалб этиш муаммоси?
7. Депозитар тилхатлар билан боғлиқ асосий замонавий тенденцияларни айтинг?

Фойдаланилган адабиётлар

1. Мирзиёев Ш.М. Танқидий таҳдил, қатъий тартиб-интизом ва шахсий жавобгарлик – ҳар бир раҳбар фаолиятининг кундалик қоидаси бўлиши керак. Ўзбекистон Республикаси Вазирлар Маҳкамасининг 2016 йил якунлари ва 2017 йил истиқболларига бағишланган мажлисидаги Ўзбекистон Республикаси Президентининг нутқи. // Халқ сўзи газетаси. 2017 йил 16 январь, №11.
2. Мирзиёев Ш.М. Эркин ва фаровон, демократик ўзбекистон давлатини биргалиқда барпо этамиз. – Тошкент : Ўзбекистон, 2016. - 56 б.
3. Мирзиёев Ш.М. Қонун устуворлиги ва инсон манфаатларини таъминлаш – юрт тараққиёти ва халқ фаровонлигининг гарови. – Тошкент: “Ўзбекистон”, 2017. – 48 б
4. Мирзиёев Ш.М. Буюк келажагимизни мард ва олижаноб халқимиз билан бирга қурамиз. – Тошкент: : “Ўзбекистон”, 2017. – 488 б.
5. International money and finance / by Michael Melvin and Stefan Norrbin. – 8th ed. 2013 Elsevier Inc. 316 pp.
6. BlackRock Investment Institute, “Introducing the BlackRock Sovereign Risk Index: A More Comprehensive View of Credit Quality,” June 2011.
7. Bullard, J., Neely, C.J., Wheelock, D.C., 2009. Systemic Risk and the Financial Crisis: A Primer. Fed. Reserve Bank of St. Louis Rev. September/October, 403-418, Part 1.
8. DiMartino, D., Duca, J.V., 2007. The Rise and Fall of Subprime Mortgages. Fed. Reserve Bank of Dallas Econ. Lett. 2 (11).

V. КЕЙСЛАР БАНКИ

Кейс №1. АҚШдаги “T&S” компанияси бир йилдан кейин тўлаш ва етказиб бериш шарти билан 500000 GBP миқдоридаги маҳсулотларни сотиб олиш учун Англиядаги бир фирмага буюртма берди. Жорий даврда валюта курси 1 GBP = 1.7 USD. “T&S” компаниясининг молиявий менежери фунт стерлинг курси ошишини (яъни, доллар қадри тушишини) прогноз қилмоқда. Шунинг учун “T&S” компанияси 1 йил муддатлик, ижро баҳоси 1 GBP = 1.8 USD бўлган 5000 та колл опционни 100 GBPдан (1 та опцион баҳоси) сотиб олди. Бир опционнинг бозор қиймати (опцион бозорда сотилаётганда контрагент (қарши томонга) тўланадиган премияси (мукофоти)) 10 долл.га тенг. Спот курс йил охирига қуйидаги ҳолатлардан қайси бирига тўғри келганда сотиб олинган опционлар компанияни ҳимоя қила олади. 1-ҳолат 1,7; 2-ҳолат 1,8; 3-ҳолат 1,9; 4-ҳолат 2,0.

Ечими: 1 ва 2 ҳолатлар бўйича 50000 АҚШ доллари миқдорида компания зарар кўради ва опцион амалга оширилмайди, 3 ва 4 ҳолатлар бўйича опцион амалга оширилади, натижада фойда миқдори мос равишда 0 ва 50000 АҚШ долларига тенг бўлади.

Кейс №2. Ўзбекистон валюта бозорида АҚШ долларига бўлган талаб ва таклиф функциялари: Dt/б=5500-3P; St/ф=2P-4500; бунда P – бир долларга нисбатан сўмнинг курси. Бозордаги мувозанат курсни аниқланг. Шунингдек, спекулятив ўйинлар натижасида АҚШ долларига бўлган талаб функцияси ординаталар ўқи (нарх, валюта курси ўқи) бўйича 2 бирликка ошса, хорижий инвестицияларни кириб келиши натижасида таклиф функцияси абсцисса ўқи (валюта миқдори) бўйича 50 бирликка ошса, Марказий банк экспортдан олинган валюта тушумларини давлатга мажбурий сотиш меъёрини (миқдорини) ошириш натижасида таклиф функцияси абсцисса ўқи бўйича 3 бирликка қисқарса АҚШ долларининг бозордаги янги мувозанат курсини аниқланг?

Ечими: дастлабки курс 1 USD = 2000 UZS бўлса, 3 хил турдаги омиллар таъсиридан кейин курс 1 USD = 1992 UZS бўлади

Кейс №3. Банкларда АҚШ долларида қўйиладиган депозитларнинг ўртача фоиз ставкаси йиллик 4% бўлсин, АҚШ долларида бериладиган кредитларнинг ўртача фоиз ставкаси йиллик 8% бўлса, бу кўрсаткичлар ўзбек сўмида қўйиладиган депозитлар бўйича ўртача йиллик фоиз ставкаси 15%, бериладиган кредитлар бўйича ўртача йиллик фоиз ставкаси 20%ни ташкил этса, бугунги кундаги курс 1\$ = 1300 – 1350 сўм бўлса, 1 йилдан сўнг валюта операцияларини амалга оширувчи мижозга банк валюталарни қандай харид қилиш ва сотиш курсларини таклиф эта олади (банк депозит ва кредит фоиз ставкалари асосида хисоблансин)?

Ечими: Берилган: 1\$ = 1300 – 1350 сўм,

	АҚШ доллари	Сўм
--	-------------	-----

Депозит фоиз ставкаси	4%	15%
Кредит фоиз ставкаси	8%	20%

1. Ҳолат. Агар мижоз 1000\$ни банк дан сотиб олмоқчи бўлсин. Банк таклиф этувчи курсни ҳисоблаймиз. Унга тенг маблағни банк депозитига сақлаши керак яъни 1 йилдан кейин $1040\$ (1000\$ * 1.04)$ га ошади. Мижоз эса $1000\$ * 1350$ сўмдан олганда 1 350 000 тенг маблағни ишлаб чиқаришга жалб этиши мумкин ва уни камида 20%га ошириши мумкин, яъни $1 350 000 * 1.2 = 1 620 000$ га ошириш имконияти бор. Банк ўз фойдасига ишлаганлиги боис қўйидаги курсни таклиф этади: $1040\$ = 1 620 000$, $1\$ = 1557.6923$; Демак, 1 йилдан кейин 1\$ни сотиш курси $1\$ = 1557.6923$;

2. Ҳолат. Агар мижоз 1000\$ ни банкка сотмоқчи бўлсин. Банк бир йилдан кейин мижоздан 1\$ни неча сўмдан сотиб олишини ҳисоблаймиз. Банк 1000\$га тенг миқдордаги маблағни депозитга сақлаб туради, чунки у ўз фойдасига ишлайди, яъни $1000 * 1300 = 1 300 000$ сўмни 15%лик депозитга сақласа $1 300 000 * 1.15 = 1 495 000$ сўмга ошади. Мижоз эса 1000\$ни $1000\$ * 1.08 = 1080\$$ га ошириши мумкин. Демак бир йилдан кейин банк сотиб оладиган курс: $1080\$ = 1 495 000$ сўм бундан $1\$ = 1384.25926$ сўм, яъни бир йилдан кейинги банкнинг харид курси $1\$ = 1384.25926$ сўм.

Жавоби: 1\$ бир йилдан сўнг харид курси 1384.25926 – сотиш курси 1557.6923 сўм.

Кейс №4. Ўзбекистон иқтисодиётидаги номинал ва реал самарали валюта курсларини ҳисобланг.

Валютавий жуфтликлар	Валюта курслари	
	2008й (боши)	2009й (боши)
UZS/USD	1300	1400
UZS/RUR	40	50
UZS/EUR	1900	2000
UZS/JPY	120	130
UZS/KZT	10	20
UZS/GBP	2500	2700

Ўзбекистоннинг чет мамлакатлар билан ташқи савдо айланмаси ва мамлакатлардаги истеъмол нархлар индекси

Мамлакатлар	Истеъмол нархлар индекси		Ташқи савдо 2008 й (млн.\$да)
	2008й (боши)	2009й (боши)	
АҚШ	1.04	1.03	199
Россия	1.12	1.13	4041
Европа	1.03	1.03	3386
Япония	1.01	1.02	71
Қозогистон	1.19	1.12	1195
Буюк Британия	1.02	1.05	157
Ўзбекистон	1.12	1.11	-

(Ж: Номинал самарали айирбошлиш курси: 1,267128; реал самарали айирбошлиш курси: 1,266894)

Кейс №5. Тижорат банки 1 августда қуидаги курсларни эълон қилди. Валюталар эълон қилинган курслар буйича банклар томонидан харид қилинади ва сотилади.

	Нархлар	£	€	\$	¥	тенге	сўм
1£	Харид қилиш	x	3.40€				
	Сотиш	x	3.45€				
1€	Харид қилиш	x	x	1.01\$			
	Сотиш	x	x	1.02\$			
1\$	Харид қилиш	x	x	x			1225 сўм
	Сотиш	x	x	x			1230 сўм
1¥	Харид қилиш	x	x	x	x	35 тенге	
	Сотиш	x	x	x	x	36 тенге	
1тенге	Харид қилиш	x	x	x	x	x	10 сўм
	Сотиш	x	x	x	x	x	12 сўм

6 та валютанинг ҳар бири бўйича кросс курсларни аниқланг:

1£ қанча доллар, сўм, иена ва тенге?

1€ қанча сўм, иена ва тенге?

1\$ қанча иена ва тенге

1¥ қанча сўм?

Ечими:

	Нархлар	£	€	\$	¥	тенге	сўм
1£	Харид қилиш	x	3.40	3.434	9.7375	350.55	4206.65
	Сотиш	x	3.45	3.519	12.37	432.837	4328.37
1€	Харид қилиш	x	x	1.01	3.5846	125.46	1237.25
	Сотиш	x	x	1.02	2.8640	103.1042	1254.6
1\$	Харид қилиш	x	x	x	2.8356	102.08	1225
	Сотиш	x	x	x	3.5143	123	1230
1¥	Харид қилиш	x	x	x	x	35	350
	Сотиш	x	x	x	x	36	432
1 KZT	Харид қилиш	x	x	x	x	x	10
	Сотиш	x	x	x	x	x	12

Кейс №7. Истеъмол саватидаги уч хил маҳсулот мълумотлари асосида ўзбек сўмининг харид қобилияти паритети бўйича АҚШ долларига нисбатан курсини аниқланг?

Мамлакат	Маҳсулот					
	Бир бирлик баҳоси			Миқдори		
	A	B	C	A	B	C
Ўзбекистон	500	1000	10 000	100	20	10
АҚШ	0,1	1,0	2,0	100	20	10

Ечими: 3400 АҚШ доллари

МУСТАҚИЛ ИШЛАШ УЧУН КЕЙСЛАР

Кейс №М1. "Отобай" компанияси

Сизнинг мижозингиз – "Отобай" компанияси АҚШ даги харидорга 120 та автомобильни етказиб бериш бўйича шартнома тузди. Мол етказиб беришнинг шартлари қўйидагича:

Нарх: 24725 АҚШ доллари бир автомобиль учун, CIF – Нью-Йорк.

Етказиб бериши: уч марта ҳар ой бир хил партияда январь/февраль/март 2003

Махсус шартлар:

Тўлиқ юкланмаган автомобиллар учун жарималар, айнан ўша ойдаги юклаш керак бўлган автомобилларга тегишли:

Биринчи ой - ҳар бир юкланмаган автомобиль учун 750 АҚШ доллари;

Иккинчи ой - ҳар бир юкланмаган автомобиль учун 500 АҚШ доллари.

Барча тўлиқсиз жўнатишлар кейинги ойдаги жўнатманинг ҳажмини ошириш билан қопланиши керак.

Тўлов:

Биринчи жўнатмада шартнома умумий қийматининг (яъни 120 та автомобиль) 20%и;

Биринчи жўнатмадан кейин бир ой ўтгач шартнома умумий қийматининг 30% и;

Биринчи жўнатмадан кейин уч ой ўтгандан сўнг шартнома умумий қийматининг 50%и (жарималарга тегишли бўлган барча тўзатишлар охирги 50% ичидан ҳисобланиши керак).

Сизнинг мижозларингиз 4 январда атиги 36 та автомобиль миқдоридаги биринчи жўнатмани амалга ошириб, ўша вақтда мавжуд бўлган валюта рискини форвард шартномаларини тўзиш орқали қоплашга қарор қиласадилар, бунда улар кейинги жўнатмаларни тўлиқ амалга ошириш тахминига асосланадилар. Иккинчи ойда компания бор-йўғи 30 та автомобильни жўната олади, бироқ охирги даврда у 54 та автомобильни жўнатиб, шартномани бажаради.

Қўйида курсларнинг котировкаларидан келиб чиқиб, барча комиссиян тўловларни ҳисобга олмаган ҳолда компаниянинг фунт стерлингдаги умумий пул киримини ҳисобланг:

<i>2005 йил 4 январ</i>	<i>2005 йил 4 апрел</i>
Спот курс 1,9295 – 1,9365 АҚШ доллари	1,9400 – 1,9410 АҚШ доллари
Бир ойлик форвард курс 0,72 – 0,62 цент мукофот миқдори	0,63 – 0,53 цент мукофот миқдори
Уч ойлик форвард курс 1,47 – 1,37 цент мукофот миқдори	1,22 – 1,12 цент мукофот миқдори

Кейс №М2. "Джон Браун ва Ко" компанияси

"Джон Браун ва Ко" компанияси ҳозирги кунгacha эҳтиёт қисмларни Буюк Британиядан сотиб оларди, бироқ яқинда германиялик мол етказиб берувчи билан эҳтиёт қисмларни немис маркасида сотиб олиш тўғрисида битим тузди. Компаниянинг эҳтиёт қисмларга бўлган одатдаги эҳтиёжи бир календар ой

учун 500 бирликни ташкил қиласи. Битимнинг мазмуни шундан иборатки, мол етказиб берувчи маҳсулот чиқаришни кетма-кет икки баробарига ошириб, кейинги ойда тайёр маҳсулотни жўнатиш асосида ишлаб чиқариш бошлагандан уч ой ўтгач мазкур даражага эришади. Ҳар бир бирлик маҳсулотнинг баҳоси 247,50 немис маркасини ташкил қиласи. Ҳар бир партия маҳсулот учун тўлов заводдан маҳсулот жўнатилганидан сўнг 6 кун ўтгач амалга оширилади.

А) Мазкур шарт-шароитларда форвард шартномасининг моҳиятини аниқланг ва қисқача тушунтириб беринг.

Б) Шартнома имзоланди ва бирданига, январ ойи бошиданоқ эҳтиёт қисмларни ишлаб чиқариш бошлаб юборилди. Товарларни жўнатиш 2004 йил 20 январда, 16 февралда, ва 23 марта амалга оширилди. қуйидаги курслар асосида агар форвард шартномалар мазкур битимнинг бошида тўзилганида "Джон Браун ва Ко" компаниясининг харажатларида юзага келиши мумкин бўлган фарқларни ҳисобланг.

	<i>Спот курс</i>	<i>Бир ойлик форвард курс</i>	<i>Икки ойлик форвард курс</i>	<i>Уч ойлик форвард курс</i>
2 январ	3,73 1/2 - 3,74 1/2	3 3/8 – 2 3/8 пфенниг мукофот миқдори	6 1/8 – 5 1/8 пфенниг мукофот миқдори	9 – 8 пфенниг мукофот миқдори
26 январ	3,72 3/4 - 3,73 3/4	3 1/8 – 2 1/8 пфенниг мукофот миқдори	6 1/4 - 5 1/4 пфенниг мукофот миқдори	9 1/4 - 8 1/4 пфенниг мукофот миқдори
22 феврал	3,70 3/4 - 3,71 3/4	3 1/4 - 2 1/4 пфенниг мукофот миқдори	6 1/2 - 5 1/2 пфенниг мукофот миқдори	9 5/8 - 8 5/8 пфенниг мукофот миқдори
29 март	3,69 – 3,70	3 1/2 - 2 1/2 пфенниг мукофот миқдори	6 3/8 – 5 3/8 пфенниг мукофот миқдори	9 1/8 – 8 1/8 пфенниг мукофот миқдори

Кейс №М3. "Хелд энд санз" компанияси

"Хелд энд санз" компанияси Лондонда металлопрокат омборхонасининг эгаси ҳисобланади, ва унинг ҳисобидан овердрафт асосида фойдаланилди. Шу вақтгacha улар ўз заҳираларини Буюк Британияда тўлдириб боришарди, бироқ ҳозир улар маҳсус чўян етказиб берувчи хорижий корхоналарни изламоқдалар. қуйидаги котировкалар олинган:

<i>Мамлакат</i>	<i>1 тоннанинг баҳоси</i>	<i>Тўлов шартлари</i>
А) Бельгия	11030 Бельгия франки FOB Антверпен	Очиқ ҳисоб: товар жўнатилганидан бир ойдан сўнг ҳисоб-китоб қилинади
Б) Испания	26500 испан песетаси CFR Лондон	Товар жўнатилганидан икки ойдан сўнг тўлов учун тақдим қилинган тратта (инкассо учун тўлов харидор ҳисобидан)
В) Франция	1697 Франция франки CIF Лондон	Чакириб олинмайдиган ҳужжатли аккредитив, тўлов товар жўнатилганидан уч ойдан сўнг амалга оширилади.

Қўйида келтирилган қўшимча ахборот асосида ҳисоб-китоб орқали а), б), в) котировкаларда сизнинг мижозингиз учун энг арzon бўладиган 100 тонна чўяннинг қийматини аниқланг.

Ихтиёрий Фарбий-Европа портидан
ташиш учун тўлов 5 ф.ст. 1 тоннасига
Суғурта (CFR қиймати ёки бошқа эквивалент 1% и фунт стерлингда
қийматнинг 100%ига бажарилиши керак).

Тўланиши шарт:

Инкассо учун тўлов (иккала банк учун сумма бўйича) 1/4 %

Хужжатли аккредитив учун тўлов (акцепт

учун комиссион тўловларни ҳисобга олган ҳолда) 3/4 %

Овердрафт бўйича фоизлар (бир ой йилнинг 1/2 қисми деб ҳисобланиши
мумкин) 15% йиллик

Бошқа барча тўловларни ҳисобга олманг.

Фараз қилайлик, сизнинг мижозларингиз товар жўнатиш вақтида юзага
келадиган барча валюта рискларини қўйида келтирилган курсларга мос
равишда қоплайдилар, ва ихтиёрий котировкага тегишли бўлган барча тўловлар
ва йифимлар ўша куннинг ўзида амалга оширилади (дебетланади).

	<i>Спот курс</i>	<i>Бир ойлик форвард курс</i>	<i>Икки ойлик форвард курс</i>	<i>Уч ойлик форвард курс</i>
Бельгия	64,00 – 64,10	15 – 5 сантим мукофот миқдори	26 – 16 сантим мукофот миқдори	38 – 28 сантим мукофот миқдори
Испания	145,45 – 145,55	100 – 150 сентаво дисконт миқдори	220 – 290 сентаво дисконт миқдори	335 – 435 сентаво дисконт миқдори
Франция	9,32 – 9,33	2 – 1 сантим мукофот миқдори	3 – 2 сантим мукофот миқдори	4 – 3 сантим мукофот миқдори

Кейс №М4. “Трискат ва Соун” компанияси

Сизнинг банкингизнинг мижози «Трискат ва Соун» компанияси Африкада
ва Узоқ Шарқда ёғоч сотиб олиб, уни континентал Европа ва Буюк
Британиядаги импортёрларга сотиш билан шуғулланади.

Банк компания номидан жамғарилмайдиган тикланадиган ҳужжатли
аккредитив очади, бунда ҳар ойда қиймати тахминан 20000 АҚШ доллари
бўладиган ҳар ойлик жўнатмаларни ҳисобга олинади. қисман тарздаги
жўнатмалар тақиқланган. 1 м³ ёғочнинг нархи 12,50 АҚШ доллардан иборат,
етказиш шартлари – CIF ихтиёрий Европа порти.

Келтирилган саналарда ёғоч партиялари қўйидаги тарзда қайта сотилган:

12 июн – Голландияга 1500 м³, 1 куб метрнинг баҳоси 28,00 гульден.

16 июл – Италияга 1650 м³, 1 куб метрнинг баҳоси 1200 лира.

16 август – Францияга 1450 м³, 1 куб метрнинг баҳоси 65,00 Франция
франки.

Якуний харидорларнинг тўловлари кўрсатилган санадан бир ой ўтгач
тўловни амалга ошириш Билан берилган ўтқазма векселларга қарши
бажарилган.

Сизнинг мижозларингиз мазкур битимни валюта ҳисобида АҚШ долларидаги овердрафт орқали молиялаштиришга ва бошқа валюталарга тегишли бўлган валюта рискларини қоплашни амалга оширишга қарор қилдилар.

Ҳар бир ҳолатда ҳар бир товар жўнатмасидан сўнг 10 кундан кейин аккредитив остидаги тўлов амалга оширилди ва АҚШ долларидаги ҳисобга дебетланди. Яқуний юк қабул қилувчиларга чиқарилган ўринбосар ҳисобфактуналар ва зарур тратталар инкассо асосида жўнатма ҳужжатлар билан бирга юборилган эди. Улар ўз вақтида тўланди.

Вазифа:

Куйидаги қўшимча ахборот асосида мижозларингизнинг фунт стерлингдаги соғ фойдасини ҳисобланг.

Хужжатли аккредитив ва инкассо учун тўлов 62,50 фунт стерлингни ташкил қилди ва барча битимлар якунлангандан кейин дебетланди.

Овердрафтга нисбатан АҚШ долларида ундириладиган ўртача фоиз ставкаси йиллик 16% ни ташкил қилди (1 йилда 360 кун эканлигидан келиб чиқиб).

<i>Фунт стерлинг</i>	<i>Спот курс</i>	<i>Бир ойлик форвард курс</i>
24 июн, Голландия	4,43 1/4 - 4,44 1/4	2 1/2 - 1 1/2 цент мукофот миқдори
28 июл, Италия	1866 1/2 - 1867 1/2	1 1/4 лира мукофот – 3/4 лира дисконт миқдори
22 август, Франция	9,43 - 9,44	4 1/4 - 3 1/4 сантим мукофот
22 сентябр, АҚШ	2,2870 – 2,2880	0,65 – 0,55 цент мукофот

<i>Доллар</i>	<i>Спот курс</i>	<i>Бир ойлик форвард курс</i>
24 июн, Голландия	1,9425 – 1,9435	0,53 – 0,43 цент мукофот миқдори
28 июл, Италия	816,20 – 816,50	1 3/4 - 2 1/4 лира дисконт миқдори
22 август, Франция	4,1260 – 4,1280	0,60 – 0,50 сантим мукофот
22 сентябр, Буюк Британия	2,2870 – 2,2880	0,65 – 0,55 цент мукофот

Изоҳ: Ҳам валюта, ҳам фоизлар учун ҳисоб-китоблар натижасида ҳосил бўладиган ихтиёрий АҚШ долларининг улушлари ҳисобга олинмайди.

Кейс №M5. “Ноксиэз Дистрибуторс” компанияси

Май ойи бошида сиздан япон банк-корреспонденти номидан берилган чақирилмайдиган аккредитивни тасдиқлаш сўралди. Куйида қисқача шартлар берилган:

Фойдасига: «Ассошиэйтед Ноксиэз Дистрибуторс» компанияси, Лондон.

Ҳисобига: «Ниппон Ориэнтел Трейдерс» компанияси, Йокогама.

Амал қилиш мuddати: 15 ноябр 2004 йил Лондонда.

Сумма: тахминан 43 млн япон иенаси.

Кўлланилади: тахминан 1000 метр тонна химикатларга нисбатан, улар икки марта деярли бир хил миқдорда етказиб берилиши керак: биринчиси –

июлнинг биринчи ярми давомида ва иккинчиси – август ойининг биринчи ярми давомида.

Нархи: 43000 иена 1 метрик тонна учун, CIF Йокогама, жўнатиш Британия портидан.

Тўловлар қўйидаги амалга оширилиши керак: тўлик ва тўғри тўлдирилган хужжатлар тақдим қилингандан сўнг дастлабки фактура қийматининг 95%и тўланади, қолган 5%и якуний оғирлик ва кимёвий тахлилни кўрсатувчи махсус оғирлик ва таҳлил сертификатларига эга бўлган якуний ҳисоб-фактура тақдим қилингандан сўнг тўланади.

25 майда бенефициар ташқи валюта бозорида дебетор қарздорликни форвард шартномаси асосида қўйидаги тарзда қоплашни сиздан сўради:

1) 500 метрик тонна ҳажмидаги ҳар бир жўнатманинг қийматидан келиб чиқиб тезда форвард шартномаларини тузиш;

2) хужжатлар тақдим қилингандан сўнг форвард шартномалари ва ҳақиқий кўрсатилган суммалар ўртасидаги барча фарқларни қоплаш;

3) октябрда талаб қилинадиган қолдиқقا бўлган форвард қоплашни ҳисобга олманг.

Тўлик хужжатлар қўйидаги саналарда тақдим қилинди:

15 июлда 490 метрик тоннага teng бўлган жўнатмани акс эттирувчи хужжатлар

10 августда 526,316 метрик тоннага teng бўлган жўнатмани акс эттирувчи хужжатлар

31 октябр 43550 иена миқдоридаги келишилган рақамларни талаб қилувчи якуний ҳисоб-фактура.

Вазифа:

Кўйидаги алмашув курсларидан фойдаланган ҳолда, сизнинг мижозингиз тақдим қилинган саналарда мос равища оладиган пул миқдорини ҳисобланг, фунт стерлингда.

254 май	Спот курс	430,50	434,50
	Бир ойлик форвард курс	2,50 мукофот	2,00 мукофот
	Икки ойлик форвард курс	3,90 мукофот	3,10 мукофот
	Уч ойлик форвард курс	6,75 мукофот	6,25 мукофот
	Олти ойлик форвард курс	12,40 мукофот	11,65 мукофот
15 июл	Спот курс	429,00	433,50
10 август	Спот курс	433,50	438,00
31 октябр	Спот курс	432,00	434,40

Изоҳ:

1. Тахмин қилинадики, товарни жўнатиш ва хужжатларни тақдим қилиш бир кунда амалга оширилади.

2. Аккредитив учун тўловни ҳисобга олманг, чунки у харидорнинг ҳисобига ўтади.

3. Барча рақамларни 100 иенгача яхлитланг.

VI. МУСТАҚИЛ ТАЪЛИМ МАВЗУЛАРИ

1. Мустақил таълим соатларни ташкил этишнинг шакли ва мазмуни

Мустақил таълим тегишли ўқув модули, хусусан “Халқаро банк иши ва молия” ўқув курси бўйича ишлаб чиқилган топшириқлар асосида ташкил этилади ва унинг натижасида тингловчилар битирув ишини тайёрлайди.

Битирув иши талаблари доирасида ҳар бир тингловчи ўзи дарс бераётган фани бўйича электрон ўқув модулларининг тақдимотини тайёрлайди.

Электрон ўқув модулларининг тақдимоти қуйидаги таркибий қисмлардан иборат бўлади:

кейслар банки;

мавзулар бўйича тақдимотлар;

бошқа материаллар (фанни ўзлаштиришга ёрдам берувчи қўшимча материаллар: электрон таълим ресурслари, маъруза матни, глоссарий, тест, кроссворд ва бошк.)

Электрон ўқув модулларини тайёрлашда қуйидагиларга алоҳида эътибор берилади:

- тавсия қилингандек адабиётларни ўрганиш ва таҳлил этиш;

- соҳа тараққиётининг устивор йўналишлари ва вазифаларини ёритиш;

- мутахассислик фанларидағи инновациялардан ҳамда илғор хорижий тажрибалардан фойдаланиш.

Шунингдек, мустақил таълим жараёнида тингловчи касбий фаолияти натижаларини ва талабалар учун яратилган ўқув-методик ресурсларини “Электрон потрфолио” тизимиға киритиб бориши лозим.

2. Мустақил таълим мавзулари

1. Халқаро валюта бозори

2. Жаҳон валюта тизими

3. Евромолия бозори

4. Халқаро қарз ва кредит

Юқоридаги мавзулар доирасида бажарилиши лозим бўлган айрим мустақил таълим топшириқлари

1-мавзуга доир мустақил таълим топшириқлари

1. Валюта бозорини техник таҳлил қилиш усуллари, тамойиллари ва шартларини ўрганинг ва ундан валюта курсларини прогнозлашда фойдаланиш имкониятларига баҳо беринг.

2. Валюта курсларини прогнозлашда фойдаланилайдиган халқаро паритет нисбатларини (хусусан, валюталарнинг харид қобилияти паритети, фоиз ставкалари паритети, Фишернинг халқаро самараси (валюта курси билан боғлик), муддатли валюта курси паритетини) тизимлаштиринг ва уларнинг хусусиятларини ўзаро солиштиринг.

3. Манделл - Флеминг модели асосида валюталарнинг қатъий белгиланган ва сузиш режимлари шароитида иқтисодиётни мувофиқлаштириш,

оптимал валюта зоналарини шакллантириш шартларини график тасвирда чукур иқтисодий таҳлил қилинг ва назариянинг амалий жиҳатларини баҳоланг.

3-мавзуга доир мустақил таълим топшириқлари

1. Халқаро ҳисоб-китоб банки маълумотлари асосида халқаро молия бозоридаги операцияларни сегментлар асосида таҳлил қилиб, қанча қисми Европа иттифоқига, ривожланган давлатларга, халқаро ташкилотларга, валюталар кесими бўйича европа, АҚШ долларига тўғри келишини аниқланг.

2. Евробозор инфратузилмасини ўзида акс эттирувчи асосий тушунчалар бўйича кластер тузинг.

3. Евробозорнинг жаҳон иқтисодиётига салбий таъсири билан боғлиқ муаммоларни аниқланг ва уларни бартараф этишга қаратилган иқтисодий ислоҳотларнинг асосий йўналишларини тизимлаштиринг.

4. Евробозорнинг молиявий инновацион фаолиятни рағбатлантирувчи асосий омилларни аниқланг ва уларни бир тизимга келтиринг.

5. Ўзбекистоннинг евробозорга интеграцияси, уни кучайтириш натижасида миллий бозорда юзага келадиган ташқи таҳдидлар ва ижобий ўзгаришларни далиллар келтирган ҳолда баҳоланг.

4-мавзуга доир мустақил таълим топшириқлари

1. Халқаро қарздорлик муаммосини тартибга солувчи ташкилотлар бўйича кластер тузинг ва уларнинг фаолиятига доир қисқача (кўпи билан 1 вароқлик, йиллик фаолият натижаларини ҳам кўрсатган ҳолда) маълумотномани тарқатма материал кўринишида тайёрланг.

2. Халқаро кредит муносабатларини давлат ва бозор механизми орқали тартибга солиш амалдаги ҳолатини ва уларнинг ўзаро нисбати қандай бўлиши кераклиги тўғрисида мутахассислар фикрини олдиндан белгиланган шаклдаги сўровнома орқали ўрганинг

3. Ривожланаётган мамлакатларни халқаро кредитлаш ва молиявий ресурслар билан таъминлаш ҳолатини ўрганинг ва унинг миллий иқтисодиётда ҳавфсизлик даражаси бўйича кўрсаткичларини тизимлаштиринг ҳамда бу тўғрисида мутахассислар фикрини олдиндан белгиланган шаклдаги сўровнома орқали таҳлил қилинг

4. “World investment Report” (UNCTAD (БМТнинг савдо ва ривожланиш бўйича конференцияси)нинг ҳисботи) асосида жаҳонда тўғридан-тўғри хорижий инвестициялар ҳаракати тўғрисидаги маълумотларни таҳлил қилиб, замонавий тенденцияларга баҳо беринг.

5. Мамлакатимизда чет эл инвестицияларини тартибга солишнинг қонуний-хуқуқий меъёrlари ва уларга берилган турли имтиёзлар билан “Мамлакатимизда хорижий инвестицияларни жалб этиш шарт-шаротилари” номли балиқ склетини тузинг.

VII. ГЛОССАРИЙ

Термин	Ўзбек тилидаги шарҳи	Инглиз тилидаги шарҳи
Арбитражчилар	Бир вақтнинг ўзида турли бозорларда, турли нархлар асосида молиявий ресурсни сотиб олиш ва сотиш орқали фойда кўрадиган жаҳон молия бозори иштирокчилари.	A person or institution engaging in arbitration.
Аутрайт форвард битими	Келгуси сана учун маълум бир ҳисобланган курс бўйича валюталарни олди-сотди битими.	Outright forward contract - An agreement to exchange currencies at an agreed exchange rate at a future date.
Бевосита котировка	Миллий валюта бирликларида ифодаланган хорижий валюта бирлигининг нархи.	US dollar equivalent - The quotation of the price of a currency in terms of its value in US dollars.
Бреттон-Вудс валюта тизими	1944 йилда Бреттон-Вудс конференциясида мамлакатлар томонидан янги валюта тизимини барпо этиш тўғрисидаги битим асосида ташкил топган. Бреттон-Вудс тизими савдо ҳисобкитоблари ва пул муносабатларини ташкил этишининг халқаро тизимидир.	Articles of Agreement (Bretton Woods) - The principles signed at the Bretton Woods conference which helped define the Bretton Woods system.
Векселли кредит	Экспортёр товарни сотиш хақида битим тузиб, ўтказма вексел (тратта)ни импортёрга жўнатади, импортёр тижорат хужжатларини олиб акцептлайди, яъни унда кўрсатилган муддатда тўловни амалга оширишга розилик беради.	Acceptance draft Check or draft for which documents such as the bill of lading are delivered upon acceptance of the draft by the payee's bank.
Девальвация	Бу миллий валюта курсининг чет эл валюта курсига нисбатан расман қонуний асосда пасайтирилиши.	Devaluation - a decline in the foreign exchange value of a currency on fixed exchange rates. It occurs when the parity rate is set at a lower level.
Демпинг	Савдо сиёсатининг молиявий методи бўлиб, товарни ташки бозорга мамлакатда мавжуд нормал баҳога қараганда паст баҳоларда экспортга чиқариш.	Dumping - selling goods or services abroad at a lower price than at home. Done to attract customers away from local producers.
Дериивативлар	Бирон-бир молиявий дастакнинг ҳосилавий шакли ҳисобланади.	Derivative - a financial asset such as a futures or options contract, the value of which is derived from the claim it makes against some underlying asset, such as a foreign currency. derivatives markets - Markets in which assets whose values derive

		from underlying securities are traded. Examples are options and future markets.
Евро худуди	Европа Иттифоқига аъзо, ягона валюта евро муомалада бўлган мамлакатлар худуди.	The European Union has adopted a common currency; the euro.
Европача опцион	Фақатгина белгиланган санада ижро этилиши мумкин бўлган опцион тури.	European options Options contracts that can be exercised only on the maturity date of the option and not before this date.
Кросс-курс	Бир мамлакатнинг валютасини иккинчи бир мамлакат валютасига нисбатан USD орқали ифодаланадиган нисбати. Кросс-Курс халқаро миқёсда кенг қўлланилади. Уни асосан йирик компаниялар ва корпорациялар қўллайди. Бу валюта курсини аниқлашнинг реал йўли хисобланади.	Cross (exchange) rate - an exchange rate between two currencies, neither of which is the US dollar.
Либор	«Лондон банклараро депозитлар бозорида таклиф (сотувчи)нинг ставкаси» тушунчасининг қисқартмаси (аббревиатураси), Лондоннинг етакчи банклари ҳар куни тенг даражадаги банклар учун ўз валютавий кредит ставкаларини маълум қиласидилар.	London Interbank Offer Rate (LIBOR) - Interest rate charged on interbank loans in London. The average of rates charged by large, London banks on a given currency is often used as the basis for adjusting interest rates on floating-rate loans.
Маастрихт шартномаси	1992 йилда Маастрихт шахрида Европа Иттифоқини тузишнинг асосини ташкил этувчи шартнома.	Maastricht Agreement - an agreement between European Union countries, signed in Maastricht, Holland, to work towards common economic, social, and political policies, including achievement of a common currency.
Очиқ счёtlар бўйича бериладиган кредит	Экспортёр жўнатилган ҳар бир товарлар қийматини импортёрнинг ҳисобига қарз сифатида қайд қилиб боради. Импортёр шартномада кўрсатилган вактда кредит суммасини тўлаб боради. Очик счёtlар бўйича бериладиган кредитлар фақатгина доимий алоқада бўлган фирмалар ўргасидагина амалга оширилиши мумкин.	Open account (sales) - the basis of sales where the amount due is added to the buyer's account, and the balance owed is settled periodically. A payment method used when the seller trusts the buyer's credit.
Опцион	Харидор муайян суммадаги валютани сотиб олиш ёки сотиш хукуқини олади, сотувчи харидорнинг истагига кўра валютани етказиб бериши ёки	Currency option - a contract which gives the buyer the opportunity, but not the obligation, to buy or sell at a pre-agreed price, the strike price or

	сотиб олиши шарт.	exercise price.
Портфель инвестициялар	Капитални хорижий корхоналар қимматли қофозларига (корхона устав капиталининг 10% дан кам қисмини) киритиш шаклида олиб чиқиб кетиш бўлиб, инвесторларга улар фаолиятини бевосита назорат қилиш имконини бермайди.	Portfolio investment - Investment in bonds, and in equities where the investor's holding is too small to provide effective control.
Ревальвация	Бу миллий валюта курсининг чет эл валюта курсига нисбатан ошириш. Ревальвация асосан импортни рағбатлантириш ва миллий бозорни ўша мамлакат товарлари билан тўлдириш мақсадида қўлланилади.	Revaluation - An increase in the foreign exchange value of a currency on fixed exchange rates. It occurs when the parity rate is set at a higher level.
Спот операцияси	Бир валютани спот операцияси бўйича сотиб олиш ва форвард шарти бўйича сотишига ёки форвард шарти бўйича сотиб олиш ва спот шарти бўйича сотишга айтилади.	Swap (currency) - a sale/purchase of a currency combined with an offsetting purchase/sale for a later time, or borrowing and lending in the same currency. The initial purchase/sale might be a spot transaction, with the offsetting sale/purchase being a forward transaction. This is a spot-forward swap. However there are also forward-forward swaps involving offsetting purchases and sales where all transactions occur in the future.
СДР	Махсус қарздорлик ҳукуқи. ХВФ томонидан эмиссия қилинувчи халқаро ҳисоб бирлиги.	Special Drawing Rights (SDRs) - Reserves at, and created by, the International Monetary Fund (IMF) and allocated by making ledger entries in countries' accounts at the IMF. Used for meeting imbalances in the balance of payments and assisting developing nations.
Смитсон битими	1971 йилда Бреттон —Вудстизимига аъзо мамлакатлар Вашиштондаги Смитсон институтида ўз валюталарининг алмаштириш курслари ва тебраниш чегараларини белгилаб қўйдилар.	Smithsonian Agreement - Agreement of International Monetary Fund members reached in December 1971 to raise the US dollar price of gold and to create a wider band within which exchange rates could float before central bank intervention.
Спот операциялари	Валюта битими тузилгандан сўнг, валюталар икки иш кунида келиб тушадиган операциялар.	Spot exchange rate - The exchange rate between two currencies where the exchange is to occur “immediately,” meaning usually the next business day or after 2 business days.

		Spot foreign exchange market - The market in which currencies are traded and where delivery is “immediate,” meaning usually the next business day or after 2 business days.
Тескари (биливосита) котировка	Хорижий валюта бирликларида ифодаланган миллий валюта бирлигининг нархи.	European terms. The quotation of exchange rates as the amount of foreign currency per US dollar.
Трансмиллий банк	Жаҳон ссуда капитали ва молия-кредит хизматлари бозорида фаол қатнашиш имконини берувчи капиталга эга йирик банклар тушунилади.	Transnational alliance - Separately owned corporations from different countries working in cooperation for such purposes as research and development or marketing. Same transnational banks
Тўғридан-тўғри хорижий инвестициялар (ТТХИ)	Хорижий капиталнинг узок муддатли киритилиши бўлиб, инвестор ташкил қилаётган фирма акциялари ёки акционер капиталига тўла эга бўлиш ёки камида 10 фоизи хўжалик фаолиятининг таъсирчан назорат қилинишини таъминлайди.	Foreign direct investment (FDI)- Investment in a foreign country in which the investor has a measure of control of the investment, usually taken as holding 10 percent or more of voting shares of a public company.
Форекс	Халқаро валюта савдосининг фаол иштирокчилари бўлган банклар томонидан профессионал стандартларни ва валюта бозоридаги муомала меъёrlарини белгилаб қўйиш мақсадида асос солинган ташкилот.	foreign exchange market (forex) - The market in which foreign currencies are traded.
Халқаро Валюта Фонди	Аъзо давлатлар ўртасида валюта-кредит муносабатларини тартиба солиш ва уларга тўлов балансининг камомади билан боғлиқ валютавий қийинчиликлар пайтида чет эл валютасида қисқа ва ўрта муддатли кредитлар бериш йўли билан молиявий ёрдам кўрсатиш учун мўлжалланган хукуматлараро ташкилотдир.	International Monetary Fund (IMF) - Membership organization of over 180 countries, originally established as part of the Bretton Woods system in 1944. The IMF holds foreign exchange reserves of members, makes loans, provides assistance and advice, and serves as a forum for discussion of important international financial issues.
Халқаро тикланиши ва таракқиёт банки (ХТТБ)	Хукуматлараро кредит-молия ташкилоти бўлиб, унинг асосий вазифалари аъзо мамлакатлар иқтисодий ривожланишини рағбатлантириш, халқаро савдони ривожлантиришга ёрдам бериш ва тўлов балансларини қўллаб-куватлашдан иборат.	World Bank - also known as the International Bank for Reconstruction and Development, the World Bank assists developing nations by granting loans and providing economic advice. Origin dates back to the early 1940s.
Халқаро ривожланиши	Жаҳон банки гурӯхига кирувчи халқаро ташкилот бўлиб, у 1960	International Development Agency (IDA) - an organization

<i>ассоциацияси (XPA)</i>	йилда ташкил этилган. Унинг мақсади иқтисодий ривожланишни рағбатлантириш, самарадорликни ошириш ва шунинг асосида, суст ривожланган аъзо мамлакатларда аҳоли турмуш тарзини ошириш, шунингдек, анаънавий кредитларга нисбатан оғир бўлмаган қулай шартларда молиявий кўмак бериш ҳисобланади.	(affiliated with the World Bank) that provides very long-term loans at a zero interest rate to poor countries.
<i>Экспорт (импорт) квотаси</i>	Маълум товарларни ишлаб чиқариш ва экспортга етказиб беришнинг белгилаб қўйилган ҳажми; импорт квотаси эса ҳар йили хорижий мамлакатдан келадиган маҳсулотлар ҳажмини миқдор жиҳатидан чеклаб қўйиш.	Import (export) quota - a limit on the quantity of a good that can be imported (exported).

VIII. АДАБИЁТЛАР РҮЙХАТИ

I. Меъёрий-хукуқий хужжатлар

1. Ўзбекистон Республикасининг Конституцияси. – Т.: Ўзбекистон, 2014.
2. Ўзбекистон Республикаси Президентининг 2017 йил 7 февралдаги ПФ-4947-сонли “Ўзбекистон Республикасини янада ривожлантириш бўйича харакатлар стратегияси тўғрисида”ги фармони
3. Ўзбекистон Республикаси Президентининг 2017 йил 20 апрелдаги “Олий таълим тизимини янада ривожлантириш чора-тадбирлари тўғрисида”ги 2909-сонли Қарори. “Халқ сўзи” газетаси, 2017 йил 21 апрель.
4. Ўзбекистон Республикасининг “Валютани тартибга солиш тўғрисида”ги Қонуни (11.12.2003 й.).
5. Ўзбекистон Республикасининг “Банклар ва банк фаолияти тўғрисида”ги Қонуни (25.04.1996 й.).
6. Ўзбекистон Республикасининг “Ўзбекистон Республикасининг Марказий банки тўғрисида”ги тўғрисидаги Қонуни (21.12.1995 й.)
7. Мирзиёев Ш.М. Таңқидий таҳлил, қатъий тартиб-интизом ва шахсий жавобгарлик – ҳар бир раҳбар фаолиятининг кундалик қоидаси бўлиши керак. Ўзбекистон Республикаси Вазирлар Маҳкамасининг 2016 йил якунлари ва 2017 йил истиқболларига бағишланган мажлисидаги Ўзбекистон Республикаси Президентининг нутқи. // Халқ сўзи газетаси. 2017 йил 16 январь, №11.
8. Мирзиёев Ш.М. Эркин ва фаровон, демократик ўзбекистон давлатини биргалиқда барпо этамиз. – Тошкент: Ўзбекистон, 2016. - 56 б.
9. Мирзиёев Ш.М. Қонун устуворлиги ва инсон манфаатларини таъминлаш – юрт тараққиёти ва халқ фаровонлигининг гарови. – Тошкент: “Ўзбекистон”, 2017. – 48 б
10. Мирзиёев Ш.М. Буюк келажагимизни мард ва олижаноб халқимиз билан бирга қурамиз. – Тошкент: : “Ўзбекистон”, 2017. – 488 б.
11. Халқаро молия муносабатлари. Проф. Н.Х.Жумаев таҳрири остида. -Т.: Ўзбекистон Файласуфлари миллий жамияти нашриёти, 2014. – 432 бет.
12. Бобоқулов Т., Абдуллаев У. Халқаро валюта кредит муносабатлари. Дарслик. Т.: “Сано- Стандарт” 2014. - 232 бет.
2. Ray Bert Westerfield. Banking principles and practice. –UK: Nabu Press. 2014
3. Indian Institute Of Banking and Finance. International Banking Operations. - UK: Macmillan Publisher, 2007.
4. Jorge Ivan Canales-Kriljenko. Foreign Exchange Market Organization in Selected Developing and Transition Economies: Evidence from a Survey / IMF Working Paper. - International Monetary Fund, 2004. –P. 5-22
5. International money and finance / by Michael Melvin and Stefan Norrbin. – 8th ed. 2013 Elsevier Inc. 316 pp.
6. Bank for International Settlements, Triennial Central Bank Survey; Report on Global Foreign Exchange Market Activity in 2013, Basel, September, 2013.

7. The Foreign Exchange Market in the United States, Federal Reserve Bank of New York, <http://www.newyorkfed.org/education/addpub/usfxm/>
8. Leeson, Nick, 2011. www.nickleeson.com.
9. International money and finance / by Michael Melvin and Stefan Norrbin. – 8th ed. 2013 Elsevier Inc. 316 pp. P. 101-114
10. Snider, C. and T. Youle, Does the LIBOR reflect the banks' borrowing costs? working paper, University of Minnesota, April 2, 2010.

Интернет ресурслари

1. www.gov.uz – Ўзбекистон Республикаси Давлат ҳокимияти портали.
2. www.edu.uz – Ўзбекистон Республикаси Олий ва ўрта маҳсус таълим вазирлиги:
3. www.beri.com. (Business Environment Risk Intelligence)
4. www.cer.uz (Центр экономических исследований)
5. www.ebrd.com (The European Bank for Reconstruction and Development)
6. www.ecb.int (The European Central Bank)
7. www.forexite.com (Безопасный Форекс / Forexite)
8. www.gold.org (The World Gold Council)
9. www.imf.org (International Monetary Fund)